








Aug. 3087







Aug. 3087.

2001-2002



J N F V L A  
C R A C O V I E N S I S  
G E M M I S S V I S  
D I S T I N C T A

S E V

A N T I S T I T V M C R A C O V I E N S I V M  
Ab ipsis Cathedræ propriæ, & Christianæ in Polonia  
Fidei initijs deductorum

E L O G I A  
H I S T O R I C O - P O L I T I C A  
&  
P A N E G Y R E S L Y R I C A E

*In quibus potior Annalium Polonicorum epitome, Episcoporum  
in Ecclesiam & Patriam merita, varijs in negotijs functio-  
nes, Legationes, in Senatu & alibi res gestæ præcipue  
COMPENDIOSE EXHIBENTVR.*

A d C h r i s t i a n o P o l i t i c a m e r u d i t i o n e m

*Magni Int omnibus directis, Candidi Potestati  
pro Conuatu Cracoviensi Augustinian.*

A V T H O R E

P. B E N E D I C T O à S. I O S E P H  
S C H O L A R V M P I A R V M

Anno Dñi 1686.

V A R S A V I Æ, T y p i s C o l l e g i j S C H O L A R V M P I A R V M.



D. M.



I.

Iam CULMÆ CRACIQ; MITRAM, iam FASCIA Regni  
GEMMAM, & honoratos possidet ista gradus.

Nec tamen impletur vittati circulus orbis,  
Sed meritum nexum præmia plura manent.

Nempe MALACHOVII nata hæc est FASCIA fortis,  
Primo vt tunc vacuum repleat illa suum.

Quæ LIGAT & SOLVIT veniet cum summa potestas,  
Aut RUBER hic saltem quando GALERUS erit.

II.

FASCIA barbaricos in Ausis hæc strinxerat hostes,  
In Te Præsuleas nata ligare MITRAS.

Et quia Purpureum Tibi texunt fusa GALERUM,  
Huic Tua, sat comptum, VITTA, ligamen erit.





CELSISSIMO PRINCIPI  
*ILLVSTRISS: & REVERENDISSIMO DOMINO*  
**D. JOANNI**  
**MAŁACHOWSKI,**  
**EPISCOPO CRACOVIENSI**  
**DVCI SEVERIÆ**  
*PATRONO COLENDISSIMO.*

**I**NFVLAM Cracouiensem  
Tibi offero PRINCEPS CELSISIME.  
Præfidentioris quidem audaciæ est, eam Tibi  
pro donario ferre, quàm DEI, & Apostolicæ Sedis  
gratiâ, Regnantis iudicio, meritis Tuis iam habes:  
sed adhuc gaudebit illa Illustrissimis tanti PRINCIPIS  
prensari manibus, postquam literario elaborata cultu  
Tibi porrigitur. Pridem ego in Tui venerationem con-  
spiravi, cujus honori quoties Religiosa nostra pro-  
pensio



penſſo litare debuit, felicitas hæc fuit mea; quia My-  
ſtes adhibebar. Et erat animus in primo ſtatim ad Ca-  
thedram ingreſſu Tuo debitum id homagium reddere,  
ſed Theologica ſtudia, & aliò per Maiorum imperia  
distractus conatus, ac materiæ ipſius granditas ſubita-  
neum non patiebantur ſcriptorem. Modò cum à ſub-  
ſecutis horis aliquantum temporis impetrare potui, li-  
bens appoſui manum lucubrationi, quàm Tibi PRIN-  
CEPS CELSISSIME dedico. Poſt impenſum Regibus  
calamum ab Alberto INES, Reginalibus Maieſtati-  
bus à VESPASIANO KOCHOWSKI, etiam ego me-  
um ad Cracouienses ANTISTITES conuerti, oſtenſu-  
rus illa mihi in MALACHOVIANAM Cathedram ſtu-  
dia & reuerentiam, quia quantum alij thronis & Re-  
gum Sceptris impenderunt laboris, tantum ego Tuæ  
INFVLÆ & Pontificio Pedit. Accedet proinde aliquid  
ad MALACHOVIANAM Famam, quòd ipſa nominis  
Tui magnitudine excitas ingenia, & maieſtate propria  
efficis, quia ſerimur in literas, non tantum cum viu-  
is, ſed poſthumæ etiam gloriæ Tuæ æternum vectigales.  
Accedet & ad ampliffimum de Cracouiæ ANTISTITI-  
BUS meritum, quia propter Te poſſimè eruuntur è  
ſepulchris: & ne inter ſolos manes obſcuri maneat,  
in gratiam Tui cum ſua INFVLA illuſtrantur. Nec  
enim ſufficit in Pontificia Purpura fuiſſe quondam  
Illuſtriſſimos, ſi poſteris in notitiam non veniunt.

Facile



Facile ab ipsis exeduntur cineribus, dum per scriben-  
tium paginas eos non constat vixisse. Elingua satis  
marmora, quæ bustis extinctorum imponuntur; elo-  
quentior orator calamus, qui tacentibus etiam sæculis  
vocalius perorat, & è medijs quoq; tenebris in lucem  
profert. Hinc quod fuerint olim ANTISTITES, meri-  
tis suis & PRINCIPVM gratiæ debebunt: quod fuisse  
scientur, Tibi. Ego si aliqua pars accessi, totum MA-  
LACHOVII est. Humanitatis Tuæ erit PRINCEPS  
CELSISSIME, & in obligatum perpetuò seruum gra-  
tiæ, si operam hanc beneuolus accipies. Grati-  
tudinis nostræ exsolatio est, cùm nemo non videat, mini-  
mam, Tuam tamen SCHOLARVM PIARVM Religi-  
onem Illustrissimo Tuo semper obligatam nomini,  
quam vt semel in pectoris Tui domicilium admisisti,  
ita nunquam dimittes. Ego verò vt omnes Scholæ  
Pias Polonas, ita me ex illis minimum Tibi deuouco.

CELSITUDINIS TUÆ

*Deuinctissimus Cultor*

BENEDICTVS à S. IOSEPH  
SCHOLARVM PIARVM




d Lectorem

Æ F A T I O.

**S**CIO idem mihi, quod scribentibus omnibus Fatum, CENSERI. Eiusmodi aliorum animaduersio in magna paruaq; ingenia se extendit. Sed abiecti animi est, ob vnicum in similibus metum in publicum non prodire. Habent & beneuoli Lectores suum humanitatis tribunal. Ego in rebus meis vt non omnia placitura spero, ita nec omnia displicitura. In conuiuiis si per partes singula fercula non probantur, vniuersa & iunctim tamen posita suam gratiam & gustum habent: ita & hic si non vbiq; probi saporis vigor est, alicubi tamen erit. Operis rationem quod attinet. Antistitibus Cracouiensibus Elogia & Panegyres Lyricas scripsi. Non me latet Elogia rigidius à multis accipi, ab illis præferrim, apud quos elogium esse desinit, si non assiduus acuminibus & velitantis ingenii lalibus constat. At nôris Tu bone Lector Elogia me scribere Historico-Politica. Historiæ veritas & necessitas frequentius Laconisantem non pariebantur: ideo ethicis & politicis sensibus indulsi, quod aduerterè maturioribus iudiciis magis id sapere, & fastidiri à Magnis Viris eiusmodi scriptionem, cum qua ad mythologiâ continuò recurrendū: & vbi ita obscure volans quandoq; ludit ingenium, vt ab inferis etiam Oedipus euocari debeat, qui arcana illa mētis interpretetur & explicet. In Panegyribus Lyricis scio me Poëticam illam maiestatem non assecutum. Facilis esse malui, quàm sublimè volans. Et in hoc meruerimne aliquam commendationē, intelligentium relinquo arbitrio. Si in aliquibus encomiasten non egi, non illico me superstites, Familiæ Satyricum iudicent. Noui ego meam in sacras Purpuras, noui in nobiles Domos reuerentiam; quod alicubi, historiam saluando, blandiri non potui, scenæ suæ debent, quàm viuentes egere. Scripsi enim, vt virtutes dictabant vel vitia. Bene magnus quidam Politicus: *Historia theatrum est, vbi quam in tempus gessere personam Viri principes, perpetuò sustinent. ibi sua cuiq; virtus rependitur, sua item labe.* Pluribus non moror, si DEVS dederit vltimam vitam, animus non deerit amplius limandi. Modo quidquid est, velut tesseram habe amice Lector, & vale.





## Facultas

# A. R. P. GENERALIS.

ALEXIUS à Conceptione B. M. V. Clerici Regul: Pauperum MATRIS  
DEI SCHOLARUM PIARUM PRÆPOSITVS GENERALIS.

**C**VM Librum, cui titulus, INFVLA CRA-  
COVIENSIS GEMMIS SVIS distincta, à P. Be-  
nedicto à S. IOSEPH nostræ Religionis Sacerdote,  
duo ex Nostriis, quibus commissum fuit, recognoue-  
rint, atque approbauerint: vt typis mandetur; si ijs,  
ad quos spectat, ita videbitur, facultatem in Domino  
concedimus. In quorum fidem datum Romæ in ædi-  
bus nostris Scholarum Piarum apud S. Pantaleonem  
Die 28 Augusti Anno Dñi 1686.

ALEXIVS à Conceptione Præp: Generalis.

Ioannes Angelus à S. PHILIPPO Secretarius.





# APPROBATIO Ordinaria

**I**NFVLA hæc ILLVSTRISSIMORVM EPI-  
SCOPORVM Cracouiensium à me ap-  
probatur, & vt imprimi possit omnē  
facultatem authoritate ordinaria  
do Varfauia die triges. Septembris.  
Anno Dni 1686.

NICOLAVSSWIECICKI  
Abbas Tremesnaensis, Decanus Posnaniensis  
Scholasticus & Vicarius Generalis Varfauensis.



# PROCHORVS ITALVS



**N**on Regum tantum, quæ seruantur, Coronæ  
 Illustrem faciunt Cracouiam;  
 Tam Nobilem Metropolim quod conspicuam reddat,  
 Pontificia quoq; habet INFVLTA.  
 Ornandis ijs nisi assueta,  
 Quorum virtus omni encomio maior,  
 In nonnullis Serenissimo etiam natali inclytus sanguis,  
 Vt non immerito Antistites dicantur,  
 Quod non sanctitate tantum Officij, sed & Maiestate Nominis  
 Antestant Maximis.  
*Et hoc non vulgaris felicitatis est ascendisse supra Summos.*  
 At primus è tantis Nominibus PROCHORVS,  
 Qui Italus natione  
 Sub MIECISLAO à quærenda per gladium fama denominato,



Et GENTILITIAM, & Christi maximè attulit CRV GEM;

Accessuram facilè ad laureas heroico Nomini,

vbi CONSTANTINO didicit esse triumphalis.

Neq; in leues copias tam palmare eductum labarum,

sed in DEOS gentiles.

Ruendum fuerat Poloniae, si hi ulterius stetissent.

*Illis enim nisi Imperijs promissa stabilitas*

*Quibus pro basi est DEVS.*

*Ambiguum est quidquid humano fulcro nititur.*

*Hoc solidum, quidquid Divino.*

*Sterilescunt nimirum Regna,*

*Vbi veri Numina non est cultus.*

Fecit igitur misericordiam coelum, quia de alto prospexit:

Fecit gratiam Roma in IOANNE XIII.

Quia Aegidium Cardinalem, EPISCOPVM Tusculanum submisit,

Qui vt Gnesæ Vilibaldum Gallum

Catenatum nimirum è Gallijs Herculem,

Ita Gracoviae praefecit PROCHORVM,

Alios non habentem manipulos, nisi CRVCEM;

Et hanc, in quam vecordia Idola agerentur.

Deferebant suum Iouem Aquilæ,

Postquam PROCHORVS cum Romanis accessit,

Qui majori non imminuit tonitru, quam vbi verbo intonuit,

Tonanti similior, quam Giganti.

Vno eloquio ciebat pugnam,

Et hoc veluti Perichlis fulmine, attonita est omnis superstitio,

Poloniq; qui primò cultores, mox ultores,

Vituarios pro Aris suis accenderunt focos:

Non aliud adolentes thymiana, nisi incendiory fatales fumos:

Vt nunquam melius gelidus incaluerit Septentrio,

Quam



Quàm à tantis æstuantium delubrorum ignibus.  
Stupente magnificentiam Sarmaticam in holocaustis Orbe;  
Quòd numina etiam immolaret Numini.  
Vidit tunc edocta rectius sapere Polona gentilitas,  
Quàm nullæ sibi à Dijs suis suppetiæ,  
Quos armis validis aggredi non oportuerat;  
Tinnulum æs vix est pulsatum,  
Et statim ipso æris sonitu exanimabantur.  
Pænituitq; fanatica fana extortæ à nobis reuerentiæ,  
Quia Niniuitarum more, operuere se cinere,  
Dum exusta in cinerem debebant solui.  
Vnde Polonia superstitioni quondam tributaria,  
CHRISTO tandem vectigalis sub PROCHORO;  
Qui dum falsis Numinibus vltiorem stragem parat,  
In ipsis hostium manubijs triumphalem efflat animam,  
Anno triumphantis in Cruce DEI DCCCCLXXXVI.  
Suæ verò in Cracouiensi Cathedra sanctioris Gigantomachix  
Anno XX.

## PROCHORO ITALO

### ODE I.

ET *Martiali quòd sine gloria  
Nomen futuris tradere sæculis  
Possit Miecislau; relatis  
Admonuit Prochorus triumphis.  
Dum non robusto milite bellicum  
Pauit furorem; non in abeneâ  
Ferri procellâ, vel volanti  
Mulcibero, pluiasq; plumbi*



Spargente flammæ spem posuit, CRVCIS  
 Sed pulchra nactus signa, per æmulas  
     Egit triumphalis Deorum  
     Assiduò domitor phalanges:  
 Et in Poloni nobile Principis  
 Vrsit trophæum. Vana voracibus  
     Idola cum flammis ière,  
     Inq; suis simulacra multùm  
 Arsère templis; Principe vindices  
 Ferente tædæ, & PROCHORO suis  
     Instante copijs. Superbo  
     Quasq; Lelum Polelumq; fastu  
 Extorsit aras à malè credulis  
 Nuper Polonis; Vistula frigidis  
     Hus sorbet undus, & scelestis  
     Naufragium parat ultro sacræ.  
 Nec iam cruentus iungere prælijs  
 Audet ministram Iupiter alitem;  
     Aut Mars paludatus rapaces  
     Ferre lupos, olidumq; Bacchus  
 Monstrare caprum. Subsidiarijs  
 Non ipse notus viribus Hercules  
     Assumit audacem Leonem;  
     Quando Gigas melior timendis  
 Infestat armis, & trepido satis  
 Insistit hosti. Thessalus impigram  
     Non Pelion, vel Ossa dextram  
     Frondiferis lapidosa saxis  
 Implet, sed imis è penetralibus  
 Educta virtus, & sibi conscia



*Vbiq; mens, quod Christianæ  
Solut amor fidei decoras  
Tractare pugnas suaserit; & graue  
In sæda ferrum mittere turpium  
Delubra Numinum. Polono  
Quæ ut medijs malè culta sylvæ;  
Evulsa sylvæ sic medijs bene:  
Et deuoranti tradita pabulum  
Insigne Vulcano. Comato  
Suppetias neq; visa Phæbo  
Adferre Cynthus: non Rhodope suum  
Tutata Martem: non Venerem Paphus,  
Natalis aut Delos Dianam:  
Non Phrygias Berecynthus inter  
Illustris urbes auxiliaribus  
Matri Deorum venerat ausibus,  
Samosq; Iunoni: vel ipsa  
Vsq; Samo melior Quirinis  
Carthago bellis incluta: non Ioui  
Manus trisulci bacula fulminis  
Vel Creta succurrit: stupendo  
Vna Deos sepeliuit omnes  
Ruina casu. Læta perennibus  
At Fama filii nomen in ultimos  
Extendit annales: futuris  
At PROCHORVM manifestat annis  
Vocalis echo, tanta quod horridi  
Portenta Ditis tam facili manu  
Prostrauit, & victor venustos  
Quod Lechiæ peperit triumphos.*





# PROCVLPHVVS ITALVVS



ACTIS in Prochori Crucem fanaticis Dijs,  
Secundas vindicias meditatur Proculphus.  
Vt si aliquæ supersint reliquæ hostium,  
Ad COLUMNAM alliget, & flagellis cædat.  
Seu quod nutantem adhuc, aut non ita firmam  
Polonorum fidem inuenerit; succollatrice basi sustentat.  
*Diu enim laborandum est, antequam virtutem solides;  
Vitia quocunq; posueris loco, statim radicibus adherent.*  
Nec solus ad nos venit palmaris hic aduena:  
Nouit, quàm auxiliaris Camilla Militanti Ecclesiæ eruditio:  
Ideo præter literatos homines libros secum duxit  
Non sensurus viarum molestias,  
Dum suauißimum iter facerent Musæ comites.  
Et patuit earum in Nos amor,  
Quando ad Sarmaticas etiã nives non inhorruerunt tenellulæ Virgines:  
Ratæ



Ratæ nunquàm se delicatiùs habendas,quàm apud Polonos.

- Nouo hinc ad posteros Proculphi elogio ,

Quòd inter tot armorum strepitus

Omnem Poloniæ totius ætatem exercentes,

Ille in eiusdem secretum literas ausus intromittere.

*Aliàs non vbiuis secum conueniunt Mars & Pallas:*

*Parnassi confinia non amat Hæmus.*

*Difficile est bellacibus Regnis assuescere calamo,*

*Vbi natalis genius gladium melius persuasit.*

*Frustrà Apollinis cythara audicur,*

*Postquam Gradiui tubæ sonuere.*

Fecit tamen Proculphus :

Et cum Cathedrâ illustribus, quos secum adduxit, ornasset Viris;

Iuuentutem Polonam literis & pietate imbuendam accepit.

Nouus nimirum Apelles rasam adhuc tabulam ,

In quâ optimam vitæ ideam depingeret ,

Bene sciēs primæ vitæ initia verissimè præcludere secuturæ ætati:

Metallum est ingenium humanum ;

Scalpro & instructio alterius malleo domari, ac in laminas duci potest.

A naturis nostris, vt ab arboribus fructus dulciores vix sperandi,

Nisi per insitiones & continuos labores syluestrem naturam corrigant.

Adeoque mirum dictu,

Quantum sub sanctiore Chirone teneri proficiebant Achilles,

Leonis nullius medullis pasti ,

Nisi illius, qui cum esset Leo de tribu Iuda,

In Agnum primò, in salutarem deinde transiuit panem.

Cohorruerant statim in aris suis Poloniæ portenta ,

Postquam armaturam leuiorem Proculphus in campum eduxit:

Nec nuces illa agitauit sed triumphos,

Quandoquidem pumila corpora gigantes animæ informabant,

Personantibus toties in Deorum perniciem classicis,

Quoties ad Missæ sacrificium puerilis innocentia decantasset.

Ita Episcopalis Proculphi curia seminarium erat,

Vnde



Vnde fœcunda Ecclesiæ messis pullulauit :  
Seu noua Gigantum Patria ; vbi tam valida manebat  
Dimouendis è cœlo Sarmatico Dijs adolefcebant.  
Quo pij Pontificis ad fœculorum memoriam nomine ?  
Indicet Orbis ;

Quando pari cum Deo felicitate  
Suam ex ore infantium & lactentium perfecit laudem.  
Sed ne parùm laborâsse PROCVLPHVM existimes ,  
Integro decennio superstitionis oppugnauit Trojam :  
Non passurus terminalem in vincendo columnam,  
Nisi fata palmarem conatum præuertissent  
Anno succolati per DEVM hominem mundi DCCCCXCVI.  
Suæ in Cracouiensi Cathedra Sedis X.  
Qui ne Ecclesiam Cracouiensem pupillam relinqueret  
Libros omnes eidem inscripsit.  
Non iâ calamo sed voluminibus integris, affectum testatus in Spôsam.

## PROCVLPHO ITALO

### O D E II.

*A*ttrita tantùm Pergama Tænari ;  
Excisa nondùm. Feruet in ultimas  
Proculphus hostium ruinas ,  
Et Lechicis meditatur unum  
Fanis sepulchrum. Castra nec horrido  
Implet Gigantum corpore, turbidis  
Alasue Titanum cateruis ,  
Non validi statione Rhaci  
Non vi Tiphæi, non tumidi Mimæ :  
Imbellis infans ductor atrocium  
Hic pœne bellorum est, modestis  
Quem pietas animosa ielis,

*Lati-*



Latina ferri quem valido tegit  
 • Thorace Pallas: Fœdere linteris  
 Et iuncta virtus, quas PROCVLPHYVS  
 Egregiâ sociauit arte.  
 Horret superbus prælia Cerberus,  
 Auernus horret turpis, & in fuga  
 Spem ponit infami: tenella  
 Quando videt legionis ipsis  
 Pastas triumphus crescere copias,  
 Et arma scribi, classica concini  
 Ab ære campano, supremam  
 Perniciem paritura toti  
 Omnino Diti, Pronolat alite  
 Passu iuuentus; nec puerilibus  
 Assueta iam bullis; virili  
 Sed meritas agitare palmas  
 Edocta nisu promit idoneus  
 In arma vires: & per inanium  
 Portenta Numinum vagando  
 Magnificos generat triumphos,  
 Necesse non est nempe tricornis  
 Pugnare magnâ Gerionis manu;  
 Cum corpore in paruo gigantes  
 Egregiè latitare mentes  
 Possunt, & ingens pumilionibus  
 Inesse semper spiritus artubus;  
 Cum parua non obstat statura,  
 Quin validus equitet manipulis:  
 Et innocentis dextra puertiae  
 Fatalis Orco est, & pumilus puer



Ferale telum; magna virtus  
Si teneros animauit annos.

*At Roma tantum, dum leuibus uidet  
Orbem PROCVLPHO accrescere copiis,  
Gauisa proclamat. Mearum  
Grande decus columenq; rerum*

PROCVLPHE: Romæ delictum tuæ  
Iam viue felix. Vixi & ego meis  
Lactata palmis Roma, vixi  
Nexilibus redimita sertis.

Cum Mars profanus quæreret arduam  
Per arma famam. Sed quid? inhospitis  
Leges Britannis, & tumentis  
Imposui mea fræna Nilo.

Seresq; tantum, vel Babylon suo  
Absumpta luxa, vel Scythico gelu  
Euxinus horrens, aut Araxes  
Barbaricus tumefactus armis

Sensere Romam, & perdomiti suum  
Flexere collum. Sarmata jam meos  
Audiuit, haud sensit, fragores,  
Isq; fuit, cui Roma soli

Minus timebar. Tu melioribus  
Donate fatis cum populo Deos

PROCVLPHE vincis: sanctiori

Tu melior noua regna Romæ

Camille subdis. Viue perennibus

Addende fatis; Fama volucris

Libranda pennis sub supernos

Magna vehet tua facta caelos.

LAM.



# LAMBERTVS ITALVS



Non diu in Canonicorum Collegio laboratum est,  
Statim ad Cracouiensem Cathedram electus LAMBERTVS;  
Non aliunde quàm à virtute & literis nactus suffragium.

*Imperat conclauibus literata virtus*

*Et electoris cuiusvis voti, non tam suadet, quàm urget.*

Potitus INEVLA, Diocesis commodis seruiuit.

*Veri enim Pontifices non aliena, sed sua putant damna, si alius desunt;*

*Ideo in summo positi, ut cum Sole omnibus seruiant.*

Iactantiæ hostis,

Quòd nosset tantum se vituperij accersere,

Quantum proprijs adderet laudibus:

Suique laudatorem nihil differe à sui vituperone.

*Gloriabunda garrulitas, etiamsi veritatem de se dixerit, mentiri putatur:*

*Satyram audit, cum existimat Panegyrim.*

Interea temporis MIECISLAVS dignos Polonia animos cōcepit,



Vt regiam sibi & posteris Coronam peteret.

*Illâ tunc maxime dignis, cū non acephalus, Ecclesiâ caput agnoscere  
Non defuerant alij, qui his procurandis Româ mitti potuissêt,*

sed nullus tunc præ L A M B E R T O visus,

Cuius ore melius eloquentia loqueretur.

Igitur ad Syluestrum hujus Nominis II. Legatus

Vota Majestatis Polonæ explicuit,

Facili ad postulata prius initijs summo Pontifice

Sed cum ab Hungariæ Principe S. S T E P H A N O Astrius Episcopus,

Aut potius, (vt annales Hungarici habent,) Angelus

In simili venisset causa, data HUNGARO Corona

Nullâ Oratoris L A M B E R T I culpâ,

*Cum non in humana manu sit, quod cælum arbitratui suo reliquit.*

*Initia in nostra potestate; de euentu Fortuna iudicat.*

*Nimis rigidi aliquando homines sumus,*

*Quia felicem in omnibus successum statim exigimus,*

*Expectatione Fortuna paranda, non imperio,*

*Vt enim Solis fauorem nubes & nebula impediunt,*

*Ita summorum benevolentiam variæ quandoq; causæ.*

Cessit tamen L A M B E R T V S non tam Astrio, quàm Angelo,

Qui cū cœlestis Lēgatus esset,

Minimè mirum, quod majorem actiuitatem ostenderit,

Cujus esse, est operari.

Nimis quoq; prope regale à nobis petebatur paludamentum,

Cum hiantia adhuc vulnera barbarè pugnantiam inter se Polonorum

Obligaturam tēniam pati non potuissent.

Malus erat tingendæ Purpuræ murex, mutua domi cædes.

Tam pusilla adhuc Polonorum credebatur Fides,

Vt incapax Coronæ videretur.

Dari non poterat Serenissima F A S C I A,

Nisi pleniori in Ecclesiam Romanam relaxaretur nexui.

Sperare nihilominus, non desperare, L A M B E R T V S iussus,

In



In Poloniam redijt ;

MIECISLAO cò magis Christianis operibus intento ,

Quòd coelestem expectaret Coronam ,

Cùm terrestrem negavit Roma ,

Cujus acquirendæ amissa fiducia melioris in cœlis fuit illiciū.

At non ita diu spes LAMBERTVM tenuit ,

Vt coronatum non videret Regem.

Ad visitanda Diui ADALBERTI lipsana

OTHON III. Imperator in Poloniam venerat,

Qui ingrediēs, dum strato honoris causā, per septē milliaria pāno

A BOLESLAO CHROBRIO excipitur ,

Ne tanta humanitas careret præmio,

CHROBRIVM nouo Regis titulo oriat ,

Imponente solenniter Diadema GAUDENTIO ,

Et LAMBERTO ministrante , non sine mixtis gaudio lachrymis,

Quòd Insulatus Senecio oculis posset spectare ,

Quæ expectare quondam iussus fuerat.

*Longum alias omne momentum sperantibus*

*Plerumq; fit, quia naufraga vita in sepulchrum transmittit,*

*Quod lætabunda spes promiserat.*

*Ita succiditur aliquando expectationis surculus,*

*ut in nouum successus germen amplius non sobolescat.*

OTHONE demū in Patriā, BOLESLAO in Martiū campū digressis,

LAMBERTVS Cracouiam reuertitur

Nihil desiderans,

Nisi vt coronato in cœlis MIECISLAO coniuueret,

Cui in terris procurare diadema non potuit.

Annuit DEVS, & vt videret

Splendidiorem præ Romana coelestem MIECISLAI Coronam

B3

LAM-



LAMBERTVM ad se euocauit, anno Regis Regum M. XIV.  
LAMBERTI in Cracouiensi Sede XVIII.

## LAMBERTO ITALO ODE III.

*J*Bis Poloni Mercurius Iouis,  
*Ad Vaticanas nobilis INFULAS*  
*Legatus ibis, Regiumque*

*Sarmaticis diadema terris*  
LAMBERTE posces. Sic dominae Tibi  
Mandata MITRÆ, pulchra domestici  
Sic iussa præscribunt Senatûs,  
Sic reliqui rata vota vulgi;

Sic illa magno prædita spiritu  
Persuadet oris suada tui; cui  
Vix ulla par dari inter ipsas  
Pontificum poterat Tiaras.

Auditis? ut quâ fertur in Italas

LAMBERTVS Alpes; hâc properis statim  
Secuta Faustitas quadrigis  
Difficiles minuit labores.

Auditis? ut se pulchra satellitem

Fortuna seruam iungit, & aspera  
Sentire non iubet molestæ

Monstra via, placidisq; circum

Decora cingit vela Fauonis:

Et jam repansis obuia brachiis



It septicollis Romæ, gaudens  
 Iam Tyberis fluidis salutat  
 Sufflauius undis. Iam Lechicis datur  
 Corona terris; Pannone proprias  
 Agente cum partes, & ipso  
 Indubie monitore cælo  
 Corona soli tradita Pannoni,  
 Dilata Lecbo Sarmaticis fuit  
 Sceptrumq; quod terris paratum,  
 Hungaricas decoravit oras.  
 Vexasse Nos sic visa ferocior  
 Fortuna primo: sed tenera breui  
 Dignata complexu, Polonis  
 Ultrò tulit diadema regnis.  
 Ut pulsa nobis barbaries prior,  
 Ut visa major Christiadum fides,  
 Vtq; hospitalior Polonus  
 In CHROBRIO scijt esse mundus;  
 Sic & Coronæ, sic diademata  
 Venere nobis. Improba Sarmatis  
 Quouiq; regnavit libido,  
 Instabiles eousq; vultus  
 Fortuna fouit. Quatenus integra  
 Vel Regna discant, egregiâ nisi  
 Virtute Fortunam parari.  
 Si modicas tenet illa vires;  
 Et ista languet. Barbaricus thronus  
 Se semper olim sustulit ausibus:  
 Iam pulchra si est virtus, paratam  
 In medio tenet orbe sedem.



# POPPO ITALVS



**E**X Italia in Poloniam à PROCYLPHO adductus,  
Natales illos intulit,  
Qui ad Pontificiam postea non erubescerent Purpuram.  
Quanquam major illi à virtute claritas,  
Non ignaro  
*Malè è solis natalibus reuerentiam deberi:*  
*Et destructi sæculi esse,*  
*Si quis sanguinem solùm, aut Familiã, non item virtutem iactat.*  
Euectus in Episcopalem Cathedram  
Ad normam Prædecessorum suorum vitam & mores instituit.  
*Multus palmarium non est,*  
*Alterius adiutorio ad rectum contendere:*  
*Quasi illam solam pulcherrimam virtutem habeant;* Ad



*Ad quam sibi met viam fecerint :*

Sed satis bene agitur cum homine ,

Si alieno beneficio saluari potest.

*Malè nimirum, quia naturæ sponte nascuntur vitia ;*

*Virtutes etiam pari facilitate censentur :*

*Virtus difficilis intellectu pædagogum desiderat,*

*Vitia & sine Magistro discuntur.*

*Agre & pedetentim , & adhuc baiulante altero*

*Ad honestum formatur gressus ;*

*Ad inhonesta non curritur , sed volatur.*

Vis, apertius dicam ?

Cænosus lacus est, natura nostra ;

Nemo per se valet, vt hinc emergat :

Oportet manum aliquis porrigat, aliquis educat.

*Non dat natura virtutem ;*

*Ars artium maxima , bonum fieri.*

*Vt in literarum, ita in virtutum studiis, nemo suo diues est :*

*Dat ager fructum , sed semina accipit.*

Bene POPPO

Antecessorum suorum facta pro quibusdam summulis habuit,

Ex quibus, ad quæ teneretur , reuocaret sibi in memoriam,

Inscripta tumulis Elogia

Non mortuis loqui ratus, sed sibi & viuus.

Proprio igitur ne deesset muneri,

Dicæcesim singulis annis obibat.

Cum Sole multum habet INEVLA.

*Turpè illi ; si terris dest ; turpè huic ; si subiecto gregi.*

*Pontificij 'Pedi labor , est otium populi.*

*Non dormit securè Regnum, nisi Princeps excubet ;*

*Non quiescit Dicæcesis, nisi Antistes vigilias agat,*

C

In



In procuradis ad Ecclesias gubernandas Ministris diligentissimus;

Et quibus suffragium daret

Non propinquitas, vel nationis respectus, sed virtus.

Mendacio capitalis hostis,

*Mentiri; Seruilitus & Plebeis relinquens ingenys.*

Ex continua librorum lectione doctissimus,

Quos non in spectaculum, sed profectum comparauerat.

Quod non ignoraret multorum dementiam,

Quibus plerumq; libri

Non studiorum sunt instrumenta, sed ornamenta conclauium.

Quibus nihil solennius

Quam inter voluminum millia oscitari:

Vbi codices culminant, non tractant: congerunt non conterunt.

Et quos alij tantum spectent, ipsi nunquam euoluant.

Et verò debemus Antistitis huius felicitati,

Quòd daturas lilia Benedicti spinas sub illo viderint Poloni.

Sanctissimum Nursinatis Spinolæ Ordinem

In Monte Caluo primò; Seecehouiæ deinde,

Fundauit BOLESŁAVS Chrobrius.

Secuti Principem Proceres,

Dum Seecehus Palatinus Cracouiensis

Ad Seecehouiensem foundationem liberaliter addidit.

Nimirum:

*Rex velit honesta; nemo non eadem volet.*

*Præeunte Sole*

*Ponè statim suus sequitur Hesperus.*

*Quales in Republica Principes, tales reliqui Cives.*

*Rectè facere Princeps Cives suos faciendo docet.*

Vitæ denum finem iniit bonus PONTIFEX Anno Dñi MXXIII.

Cum rexisset Ecclesiam, præter aliquot septimanas, annis. VIII.

POP.



# POPPONI ITALO

## O D E IV.

**N**on una quamvis laurea nobilem  
POPPONEM adornet; magnificos ferat  
Non una quantumvis triumphos;  
Una tamen reliquis omissis

Dicenda Vati. Discite Præsules,  
Rursusq; dicam; discite Præsules;  
Quis POPPO Pastor. quando nullam  
Ad requiem facilis, diesq;

Noctesq; somni nescius omnibus  
Exegit horis: Et proprio gregi  
Intentus, implevit, quod ipse  
Pontificum cupiebat Ordo.

Illustrioris quælibet INEVLA  
Est solis instar. quò propius suos  
Admouit hic terris iugales;  
Hoc vegetat meliore motu.

Et Luna binis roscida cornibus  
Esto Planetis inferius suum  
Deducat axem; tam nec altè  
Noctiuagos agitare currus

Possit; robusti quò Tegeaticus  
Nepos Atlantis Mercurius; pigris  
Luctata quò Venus phaselis,  
Vel chypeo melior ferusq;

162 Mars



Mars asper armis; æmulus aut Iouis  
 Saturnus ingens; sed tamen ultimis  
 Vicinior quia illa terris;  
 Munificæ documenta nobis  
 Surt plura Lunæ. Flumina lubrico  
 Hinc nota cursu; hinc, qui virides niger  
 Descendit in campos Galeus,  
 Fertilibus benefactor aruis:  
 Hinc ille septem nobilis ostijs  
 Egyptiorum Nilus, & Adria,  
 Ararû Celiicusû Scaldû,  
 Et famulus comitatus undis  
 Isterq; Rhenuq; & bibit India  
 Quem fusca, Ganges: & Tagus aureo  
 Padusû diuites metallo,  
 Siue fluunt resfluuntû; Lunæ  
 Debent mouenti. Quod mare turgidis  
 Pulsatur Euris: regnat in excitis  
 Vertigo quod vadis frequenter;  
 Quod tremulo reuoluta fluctu  
 Nunc unda feruens surgit, & ætæra  
 Fragore pulsat: nunc grauioribus,  
 Soluta mitescit procellis;  
 Luna suo est operata cursu.  
 Quæ plena fulgens fluctibus omum tenet  
 In auge pontum; cornua mox suo  
 Minora si reddit recessu,  
 Et tumidi minor unda ponti est.  
 Præsens herili, & Ibrax oculo suum  
 Si equum saginat; bellua præpeti



Exultat incessu, & superbos  
    Novit ouans glomerare gressus:  
Feroxq; mandens fræna fluentibus  
Humecta spumis it quadrupes; citis  
    Ac versus hâc, et hâc habenis;  
    Iam tenues generosus auras,  
Iam calce terram percutit, & gradu  
Sonante gyrans supposito solo  
    Audacter insultat. Frementis  
    Cui querulæ crepuere conchæ  
Vix signa belli Martia; classicum  
Cui præliaris vix sonuit tuba;  
    Attollit binnitum, & per acres  
    Ire parat violentus hostes.  
Iste iste demum, si Domini vigil  
Pupilla desit; nec caput erigit,  
    Projecta nec sustollit ora,  
    Verberibus stimulisq; quamvis  
Sessoris ætus: Fessa jacet iuba,  
Et fessa ceruix: pectus anhelitu  
    Raucescit à crebro, & prioris  
    Vnam animi nisi monstrat umbram.  
Eheu? Poloni, cætera distuli  
Docere Vates. discite Præsules,  
    Quæ & quanta sit vestri tenenda  
    Cura gregis, geriturq; quanto id  
Munus lacerto! Porpo adamantinus  
Insculpta portat nomina sæculis,  
    Quod egit omnes, quas requirit  
    Pontificum sacra MITRA partes

GOMPO



# GOMPOITALVS



ET hic è PROCVLPHI disciplina  
Pietate & Musis succolantibus ad INEVLIAM erigitur.  
Inueniri adhuc poterat illa temporum felicitas,  
Vt Isocrates suum haberet Theopompum,  
Suum Theopompus Isocratem,  
Qualis erat cum GOMPONE PROCVLPHVVS:  
Cujus ille non auditor tantum, sed & vitæ repræsentator  
Laudabili in hac disciplina utroque,  
Quod breuiori & efficaciore itinere per exempla  
Non verò longo illo per præcepta  
PROCVLPHVVS manuduceret, GOMPO iret.  
*Mutæ aliàs præsidentium voces,  
Si vocales non sunt præcipientium actiones.*

Augu.

AUGUSTINUS

• Plus ex moribus, quàm ex verbis AMBROSII traxit.

MARTINUM Turonensem

Magnum Virum non Schola Hilarij, sed contubernium fecit.

Erudierat pulcherrimè Iuuentutem Polonam PROCVLPVS,

Resumpsit nobile opus GOMPO;

Non quòd prior illa extingueretur institutio,

Sed quòd ne extingueretur, prospicere voluit.

Et Agricola

Integris adhuc alijs plures arbores ferit,

Quas in demortuarum locum sufficiat.

Vt in indiuiduis perennent species,

Alia alijs continuatâ serie necesse succedant.

Mirumque dictu

Quantæ hinc militanti Ecclesiæ promebantur copiae.

In parvis admodum pueris Hercules OETÆI spectari potuerant:

Hi in Clericos postea attolli,

Xisto suo non indigni formabantur LAURENTII.

Adhuc tamen Poloniæ tellus ita corrupta fuerat,

Vt noua Monstra crearet, maximè Pythonum.

Ijs extirpandis natus GOMPO,

vel inde Apolline maior,

Quòd ille nisi vnum Pythonem, plures hic Pythones, perdiderit.

Malè namq; diuinatorij spiritus, in carne humana haberent locum,

Qui statuis quoque ligneis cedere cogebantur.

Christiani si fuerant Poloni

Frustra aliunde peterent Oracula; nisi à CHRISTO.

Qui vix natus, & statim Delphis Phoebum tacere iussit;

Quid ubi adultior jam; & à cuius natali,

Vltra mille annos numerabat illud sæculum.

Pudere debuerat garrulos vates, loqui aliquid, aut potius mentiri

Ad conspectum Diuinæ veritatis.

Vt non ex omni ligno, ita non ex omni damoniaco homine,

Mercurius esse potuit.

His



His & pluribus alijs sui muneris insistebat G O M P O;  
Et ecce feralis Nuncius INFVLATVM Marsyam in lachrymas eliquat,  
Serenissimus Sol in occatu

B O L E S L A V S scilicet C H R O B R I V S solo & folio mortuus.

*Principum mortes parata Rebuspublicis funera,*

*Horum tempestas, illarum naufragium:*

*In his solis misera aut felicia Regna,*

*Non potest obduci Cælum, nisi terra languorem subeat;*

*Non possunt Principes, nisi & Subditi:*

*Vt & Sole languente, caligant cuncta.*

Ingemuit G O M P O ad tantam throni viduitatem.

Nec enim Mars in B O L E S L A O solum extinctus, sed & pietas:

Cui si cum E P I S C O P O loqui contigit,

Non prius sedit, quam E P I S C O P U S sedisset:

Laureatum etiam verticem indignum Coronâ ratus,

Qui I N F V L A S venerari nesciret.

Nec hinc derogatum quidquam Regiæ reuerentiæ,

Taliter coram Pontificibus suis cadere, erat erigi:

Non deturpato quidquam C O N S T A N T I N O,

Si coram Piscatore flexit genua Imperator.

*Superba satis humilitas, Rex humilus:*

*Qui Serenissimus cum sit Sol,*

*In nube modestiæ melius apparet.*

At non sapuit G O M P O N I vita amplius,

Postquam suas & Poloniæ delitias optimum Principem amisit,

Ideo æternam anhelauit & obtinuit

Anno C H R I S T I nati M. XXXII. sui Episcopatus IX.

## G O M P O N I I T A L O

### O D E V.

P R O b ! quale monstrum, quoducè utero dedit

Inuita tellus: Sanguinolentior

Pythou, voraturoq; latè

Ventre premens spatiosa longæ

*Ipsa*

*Ipsa ipsa terra iugera. Quem recens  
Vix Pyrrha vidit; tortile pallida  
Pauescit ad monstri volumen,  
Deucalionq; nouo timore  
Percussus haeret. Serpit in obuias  
Formido gentes, & pauor omnium  
Per tecta decurrit domorum:  
Fræ tremulo pecus omne mutum,  
Mussant iuuentæ pectore, nec suis  
Iam pastor agnis, sed metuens sibi  
Recedit in syluas. parentes  
Inde suis trepidant puellis,  
Ne virulento gutture spumeam  
Humana piscant corpora belluam;  
Propinquus aut sitim obligetur  
Indomitam releuare sanguis.  
In tam ferocem bella tamen mouet  
Pythonem Apollo: & quo capreis nisi  
Damisq; ceruisq; insequendis  
Vsus erat; iaculatur arcu  
In vasta monstri corpora. Squameo  
Luctatur ingens vipera tergo;  
Sed pænè iam exhaustâ pharetrâ  
Mille grauem perimit sagittis  
Pythona Phæbus. Gaudet ab horrido.  
Soluta partu terra, per effluas  
Plaususq; diuagatus orbes  
Solicitas iubet ire curas  
Metumq; poni: Tum profugus sua  
Armenta pastor visit, & herbido*



*Securus in campo vagatur*  
*Dumiuagis modulans capellis;*  
*Sed heu! Polonis monstra iterum noua*  
*Inuenta terris. Monstra iterum noua*  
*Nouusq; Python heu! nec unus,*  
*In Lechicis numerata campis,*  
*Sed plura Pythonum agmina: conscio*  
*Vt quisquis augur dæmone spiritus*  
*Futura dicit; hic Medusa*  
*Hic valida mihi major Hydræ est,*  
*Omnino Python. Quidquid ab ilice*  
*Cauâ futuri præscia balbutit*  
*Cornix, vel insanè reuifis*  
*Bos loquitur iugulatus extis;*  
*Immane monstrum est, & Lybico mihi*  
*Pythone maius. Iam nihil Africa,*  
*Natura nil de te dolebo;*  
*Sarmaticis eadem reperta*  
*Sunt monstra terris. Heu! quis in impias*  
*Pugnator Hydras? heu! quis in improbas*  
*Phœbus triumphalis lacertas?*  
*Fulmineum quis in ista mitter*  
*Portenta telum? credite posteri,*  
*GOMPHO, vel ipso major Apolline*  
*Vltrice Pythones sagittâ*  
*Persequitur, trepidosq; vanis*  
*Expellit aris. In Lechiæ nouus*  
*Hic monstra Apollo est; alter in improbas*  
*Hic Hercules Hydras: in ipsas*  
*Perseus hic iterum Medusas.*

# RACHELINVS ITALVS



**A**Rcanum illud euoluet RACHELINVS,  
Conducibilisne sit subditis populis  
Sub malo Principe viuere, vel sub nullo:  
In eam temporum tempestatem deuenit,  
Vt vtrumq; probaret Polonia, vtrumq; improbare.  
MIECISLAVS optinii Principis BOLES LAI pessimus Filius,  
Regni gubernacula tenuit;  
Æternum erubescere Purpurâ,  
Quod tam inutile lignum induerit.  
Perpetuum enim & Scep tris opprobrium est,  
Vbi in immeritas manus venerunt.  
Pudet trabeam, si imparem operit Candidatum.  
BOLES LAI tamen culpâ hæc omnia acciderunt,



Qui melior Rex, quàm Parens  
Vſitato Heroibus more, vt noxas pariant,  
Degenerem Filium genuit.

Faciliori veniâ ſi ſaltem Regno non deſtinâſſet.

*Nam æquiore animo fertur*

*Princeps parum feliciter genitus, quàm malè impoſit.*

Dignus nihilominùs imperio viſus MIECISLAVS,

Niſi quod expectatione tantùm magnus, non euentu

Rixâ in thori ſociam acceptâ infernali Furix nupſit,

Prifciano jam tunc inſpectum ſibi colaphum ſentiente,

Quod contra Grammaticæ leges,

Hæc Vir eſſet, hic Mulier.

Indoluit RACHELINVS, quòd non in Auguſtum inciderit.

Cujus à nutu licet Liuiæ pendentis, tolerâda nihilominùs erât imperia:

Et ſæpe in abrogationem Principis intentus;

Sæpe bonum Imperatorem voto expetendum,

Qualenicunq; tamen tolerandum ratus,

Felicitatem Poloniæ expectauit.

Donec infantiâ correptus MIECISLAVS Parcarum imperio ceſſit,

Parcis nunquam non ſimilis:

*Ignauus enim & otio deditus Princeps*

*Parcas quodammodo imitatur,*

*Dum populorum ſuorum fata ducit ex colo.*

A morte MIECISLAI impari adhuc Coronæ CASIMIRO,

RIXAM regnare juſſerunt Poloni,

Alteram arbitrati Vandam;

At nimium illa nominis ſui memor

RIXAM non Vandam egit.

Superbiſſima Fæmina, & quibus imperauit, Polonos exoſa,

Theutonibus ſuis nimium addictior,

Sub

Sub alieno Polo nata, Cæli sui vitia tulit.

In seipsâ ostendens

*Quàm difficile aduentitiam Maiestatem*

*Et moribus propriis, & legibus viuere alienis.*

Labores Polonis, laborum præmia extraneis relinquens

Aquilas nostras non leuiter offendit,

Quòd non sibi nidificarent.

*Et tamen nullum grauius Maiestatum in subditos crimen,*

*Quàm simul cum obsequio abolita obsequij memoria.*

*Iuuari vult virtus,*

*Aqua præmia si tollas, quid speres?*

*Et Deum monentem inuitantemq. nemo sequetur,*

*Si promissa cælo dona sustulerit.*

Puduit libertatis suæ Poloniam,

Quæ tantoperè seruiret.

Nec enim in Semiramidè incidimus, vel aliquam Penthesileam

Sed in Theutonicam Medeam:

Quæ optimè de se meritos Polonos pessimè vltura,

Superbo & maximis etiam thronis nunquam decoro

Despectu castigauit.

*Generosis animis multum pænæ est ex Imperantium fastidio.*

*Insolens nauseantis Maiestatis facies*

*Nimum quantum exulcerat populum.*

At diutiùs sibi insultari non passa libertas Lechica,

Obsequium denegauit fastuosæ Mulieri,

Quæ imperandi gloriâ vti nesciret,

Patuitq; pereunte obsequio nihil imperium scire.

In sinu Polonorum

Dum securè quiescere non potest regnatix Fæmina,



Quàm audacter prius tumida, tam abiectè postea timida  
Expilato Regio fisco in Saxoniam secessit.  
Feliciſſima videbatur dies prima poſt tyrannicæ Dnæ abitum:  
Sed enim nouum illud patuit, quod fortaſſe Orbis non ſuppoſuit.

*Tolerabiliora mali Principis*

*Imò peſſimæ quoq; Fæminæ imperia, quàm nullius,*  
Pulcherrima Virgo, Polonorum Libertas, nuptui elocata,  
A marito Licentiæ nomen traxit.

Vt ferè fit;

*Nimiùm in libertatem ſuam peccanti populo*

*Sæpius libertatis umbra illudit.*

*Frequenter, qui ab vno regi nolunt, affliguntur à plurimis.*

RIXÆ & CASIMIRI diſceſſu ſcleribus patuit Regnum,

Ventumquè eò;

Vt virtutem raram pateremur aut nullam:

Mutuis cædibus miſcebantur omnia,

Non hoſpes ab hoſpite tutus, non Ciuis à Ciue:

Captiuus cum Virginibus abducebatur pudor:

Et inter cognatas acies pulcherrima illa videbatur conſanguinitas,

Quæ ab effuſo ſanguine affinitatem duceret.

*Vnde vix aliud viſum eſt glifcentis diſcordiæ remedium,*

*Quàm ſi vnus alteruè maxime prompti ſubuerterentur.*

Sed Potentiorū metu, neceſſarium facinus peragi non potuerat;

Peſſimo omnino exemplo,

*Vbi generis ſplendor atq; opes ex ſceleſtiſſimo innocentem faciunt:*

*Vbi diuitiæ iudiciorum ſunt momenta.*

RACHELINVS ingemuit non leuiter

Quòd & ſibi cum alijs Epiſcopis tutos eſſe non liceret:

In nullos magis debacchante tunc licentiâ,

Quàm in Sacrorum Miniſtros & templa.

Sed

70  
Sed monuit tandem hostis, in quo statu essent Poloni  
IAROSLAI Russiæ, PRÆDISLAI Bohemiæ Principum  
Hostilibus copijs excitî,

Sine Rege

Non acéphalos tantùm se senserunt, sed & mancos:

Debilibus omnino aut potiùs nullis manibus

Aduersus tantam imminentium bellorum molem:

Igitur vnica languentis iam Reipublicæ salus visa

Ab vno regi.

Sed à quo? comitium libertas habuit

CASIMIRVS timebatur suæ iniuriæ vindex;

Inter vicinos Principes nullus tunc visus,

Qui Sarmatico Orbi sufficeret.

Aut si quis Atlas erat, sub suo laborabat Cælo;

Domi, è Proceribus nullum eligi placuit:

Pro Poloniæ æqualitatis genio,

Quæ aliunde accersere ad Coronam maluit,

Quàm domi natam, esto Coronæ subinde parè, coronare indolè,

Peruicèrè, qui pro CASIMIRO fuerant.

Missi Legati, qui eum ab exilio ad thronum euocarent.

Innatâ hâc rebus humanis vicissitudine,

*Vt breue nimis spatium interfit.*

*Inter privati laciniam & eiudem imperaturi purpuram.*

Inuenta Mater in Saxonia nihil de prioribus odijs remittens.

Filius in Gallijs degens

Festinantibus eodem Legatis, repertus quidem

Sed cucullo iam quàm Purpuræ assuetior,

Per Religiosa vota ei se inuoluerat nodo

Quem Romanus nisi ALEXANDER soluere posset:

Is erat BENEDICTVS IX.

Suppli-



Supplicatum à Nostriſ Apoftolicæ Sedi.

Et indulſit quidem Roma,

Sed nos perpetui cenſus damnauit;

Vt iam tunc liquere potuerit, quàm carò conſtet bonus Princeps.

At non dolumus hanc impenſam

Non neſcij

*Nullum celi præſtabilius munus, quàm rectum Principem.*

*Fenerari pro regnaturis non pœnitet, ſi ij ſunt, qui dignè regnēt.*

Aduenientem CASIMIRVM lætus excepit RACHELINVS;

Et STEPHANO loci Metropolitano

Gneſnæ in Poloniæ REGEM vngenti libens inferuiuit,

Iam tunc dimitti ex hac vita non abnuens,

Cùm meliorem Patriæ ſtatum vidiffet.

Pontifex per omnia magnus,

Et à quo rigidiore apud ſe & Clerum ſuum Caſtitatis exactore

Puer Cupido non ſemel virgas accepit.

Calcûli doloribus conſumptus, ita tamen,

Vt alium ſed diſparem calculum cum Eccleſia iniret,

Supelleſtili ſuâ omni Sacris locis addictâ

Anno reſtitutæ hominibus ſalutis M.XLVI.

Episcopatus ſui XIV.

## RACHELINO ITALO

### ODE VI.

*VT illa mittam; ſub ſtupido Lechus*

*Quæ paſſus Orbis Principe; quæ malè*

*Regente RIXA pertuliſti*

*In Cracia RACHELINE Sede;*

*Ciuile*

Ciuile bellum, tum viduum sine  
Regnante Sceptrum, regnaq; sordido  
Vexata fato, & hinc receptas,  
Inde datas memorabo cædes.  
Quis Nos Poloni, quis furor improba  
In arma cogit? quæ miseræ subit  
Cupido pugnae! per Parentum  
Barbarico quia more colla  
Fratrumq; nostris pergimus ensibus;  
Insanientes sacrilego quia  
Per templa discursamus ausu,  
Et pariter violenta sacris  
Instat minister dextra. Per æmulos  
Posset Borussos cumq; domestica  
Bellona grassari, vel arcta  
Fœdisfrago dare fræna Russi.  
Et non inultas mittere perfidi  
Cristas IAROSLAI, aut Lechico throno  
Negata nequiter tributa  
In positu numerare collis;  
Raptasq; nuper non sine Patriæ  
Nostræ pudendâ clade colonias  
Pigro MIECISLAO, ad priora  
Sarmatiæ reuocare iura;  
Domi feroces prælia ducimus,  
Et à vetustis degeneres nimis  
Ausu Nepotes, bella nullas  
Aggredimur paritura palmas  
Nullasq; lauros. Quando minantibus  
Cognata signis signa ferocior

E

Educit



*Educit in Campum Graduum;  
Ac aquilis aquilas propinquus  
Miscet propinquas turpiter. Et tamen  
Pudet Mucronis, sanguine mergitur  
Quicumq; Civili: cruento*

*Arma placent madidata tabo;  
Quod fluxit hosti, non quod ab incola  
Cervice manat. Sunt steriles, domi  
Quaecunq; laureæ feruntur;*

*Egregias inimica ad extra  
Dat gleba palmas. Degener est, suæ  
Materna quisquis viscera Patriæ  
Rimatur impius. peregre*

*Cum pugili volitare ferro  
Res plena pulchræ laudis, & optimi  
Fallenda nunquam nuncia nominis.  
Sic ni laborâris; decoram*

*Non poteris retinere famam.  
Prob? ut dolentem non mediocriter  
Tam fæda turbant crimina Præsulem;  
Dum spectat, ut virtus Polonus  
Sic tenere celebrata nuper*

*Vbiq; tectis, exul in ultimam  
Damnata Thulen transmigret, & vago  
Errore decurrens mapales  
Hospitio petat æsq; caulas.*

*Prob! quæ doloris machina, dum videt  
Ut iactâ collo vincla tenelluli  
Instant pudoris, ac ut illa  
Virginitas gemit in tenaci*

*Captiva*

Captiua loro. Nec sacra cum suis  
Secura Mystis templa; sed in fuga  
Spei omnis ad syluas cœgit  
Immeritum remeare Clerum;  
Vt iam timendum non leuiter foret,  
Ne Sarmatarum sic pereuntium  
Prior recurreret, suamq;  
Barbaries renouare scenam  
Antiqua vellet non sine pristina  
Rubore Famæ. Sed melioribus  
O digne fatis pone luctum  
Pone graues RACHELINE curas,  
Iam cessat Euris, iam violentior  
Claudit proteruos Æolus Africos,  
Gaudeiq; Neptunus Polonam  
Pacificè fluitare Cymbam.  
Iam tetra nubes transijt, asperis  
Acerba nimbis. Nubila lurido  
Abuecta iam curru paternas  
Præpropere petiere Sedes,  
Aërque sudus discutit horridas  
Audacter umbras, fusaq; tetricæ  
Post arma noctis Sol refulget  
Sarmatico CASIMIRVS Orbi;  
Et tu beatam non prius oppetes  
Mortem; quàm in aurum secula ferreo  
Recusa cernes e metallo,  
Inq; nouas RACHELINE gemmas.



# AARON GALLVS.



Post Capitolinos Anseres  
Cracouiensis Ecclesiæ custodiam accepit GALLVS.  
Id est post Italos hætenus Antistites  
Ortus ex Gallia successit AARON.  
In nube modestiæ splendorem hic suum occulere voluerat,  
Iuratus CHRISTO pauper in Diui BENEDICTI ascesi:  
*Sed neq. virtus humana prorsus felicitati renunciat,  
Quasi natura exors.*  
*Nouit illa etiam e cucullo enti ad Purpuram,*  
*Et Religioso peplo obuoluta personata quodammodo est,*  
*Vbi egit Scenam*  
*Personam comicam deponit. & faciem suam ostendit.*  
CASIMIRO ex Monacho Poloniarum Regi

Post

Post fufas MASLAI copias, & Regnis redditam pacem  
 Augusta mens fubijt,  
 Vt Religiofam Diui BENEDICTI cubaret Familiam,  
 Cui in Gallijs fuauiffimè conuixit.  
*Nunquam fcilicet pietas e memoria excidit,  
 Quoties bonam indolem inuenit.*  
 Raro à pulchra hac femita defleat, quisquis verè egregium.  
 Vifum eft affentiri votis Polonæ Maieftatis,  
 Deducuntur Cluniaco duodecem in Poloniam,  
 Inter quos AARON, fummo CASIMIRI gaudio,  
 Quòd familiarioris fibi quondam Viri notā haberet fanctitatē.  
 Viderit ille, quisquis exofam dixit virtutem.  
*Amatores fuos habet virtus,  
 Et cum pulcherrima fit Virgo, etiam procos.*  
*Animorum eft magnes,  
 Et veftigales affectus exigit, quoties intuentium corda occupat.*  
 Tinecium deducta pia Colonia, cui in Abbatem AARON,  
 Pulchro fanctimonix fupra alios testimonio:  
*Argumentum enim optimi eft, reliquis præponi.*  
*Alias vix conuenit cuiquam imperium,  
 Qui non fit melior ijs, quibus imperat.*  
 Vt DEVS perfectiones omnes in fe habet;  
*Ita pulchrum, fi & Superior.*  
*Lux & regula eft quiniis Præpofitus,  
 Ad cuius normam fubditi mores fuos exigunt.*  
 Abbas verò factus quid egerit, nihil ego,  
 Plures fui Ordinis Homeros habet hic Achilles;  
 Satis, fi dixero quia dignus vifus eft Pontificio pedo  
 Nullā tunc nouitate ex BENEDICTINO Ordine affumi ad INFLAM



Vnde ad Coronam quoq; accipi posse ostendit CASIMIRVS.

At vt nihil defuisset AARONIS Nomini,

Ad BENEDICTVM IX. in Germania tunc degentem

Mittitur Legatus.

Non quidē à DEO, à prima tamē post DEVM in terris Polonis Maiestate  
Fortunatius sæculum nactus,

Quod Pharaones alloquendos non habuerit.

Ibi Coloniae per Cardinales consecratus,

Christianus IASON in illam Colchidem nauigans,

Pro aureo vellere Archiepiscopale pallium retulit.

Redux deinde in Patriam, exactisq; in Cathedra annis XI.

Legationem aliam in Cælum orditur

Anno diuinæ in terras legationis M. LIX.

## AARONIGALLO

### ODE VII.

*VT* *ut* *quietæ* *nube* *modestæ*

*Tectus* *latebis*; *solus* *in* *abditis*

*Vt* *ut* *teneberis* *cauernis*;

*Nota* *minus* *tacitoq;* *claudi*

*Optabit* *antro* *gloria* *nescijs*

*Addicta* *nimbus*; *non* *tamen* *indolem*

*Celabis* *ignotus*, *nec* *ultra*

*Clausam* *AARON* *patiēre* *portam*

*Ad* *pulchra* *magni* *nominis* *atria*

*Vt* *rarus* *hospes*, *sic* *vbi* *nobiles*

*Est* *indoles* *adepta* *virtus*;

*Antra* *fugit*, *vacuisq;* *non* *vult*

Hærerē

Hære teſtis ſquallida publicâ  
 Sed laude creſcens à popularibus  
     Gaudet celebrari theatris,  
     Magnifico graditurq; ſemper  
 Libens cothurno. Nefcit & aſperum  
 Torquere vultum pulcher Honor; ſua  
     Sed dona confert, ſorte dignam  
     Dum reperit meliore mentem;  
 Paratus hoſtis; dum male conſciæ eſt  
 Preſanda dextræ tænia, cui pudor  
     Æternus & labes probroſa  
     Immeritas operire frontes.  
 Imò ipſa pallet purpura, dum imparem  
 Fert candidatum. Turpiter vnico  
     Si byſſus eſt dorſo, nec vlla  
     Gemma animo genioq; candet.  
*Eris paludati ò AARON nouus*  
*Honoris hæres. Magna monaſtico*  
     *Fortuna non obſtat cucullo;*  
     *In tenebris etiam latentem*  
*Episcopalis purpura verticem*  
*Proſert & ornat. Præſuleam geres*  
     *O magne Pontifex Tiaram,*  
     *Quam Lechicæ CASIMIRVS oræ*  
*Rex ipſe donat: quam tibi diuitis*  
*Addicta Craci mænia, quam Poli*  
     *Iurata decreuit voluntas,*  
     *Quam faciles ſtatuerè Diui.*

LAM.



# LAMBERTVS ZVLA



Diù felicitas hæc libertatem Polonam latuit;  
Potuisse & inter Nos inueniri apta INFVLÆ capita.  
Donec in LAMBERTO ZVLA beatitudinem nostram æstimare didicimus.

Primo è Polonis,

Qui Pontificium Cracouiæ Scipionē ferri posse ostendit ferēdo.  
Quorsum enim aduentitiæ tantum ornarentur indoles?

Neglectis domesticis:

Quasi ea nobis Subiectorum sterilitas,

Vt nisi à peregrinis accersiuissēmus,

Domi non fuerint suffectura Pontificatui ingenia.

*Pulchrius semper ad fastigia educatur indoles domi,*

*Quam ut aliunde accommodetur.*

*Torvis oculis aspicitur prensata adscititiâ manu felicitas,*

*Vbi domestica virtus par esse potest.*

Maxi-

Maximè verò tunc temporis,  
Quando extraneus ambitus suam potissimè egit scenam.  
Aliundè venientibus continuò  
Qui Episcopatus nostros prensarent.  
Et zelus quidem propagandæ in Polonia fidei credi voluerat,  
Interim pietatis laruam induta ambitio.  
*Communi hoc vitiorum pallio,  
Ut cum superbia sit in causa,  
Virtutis tamen prætendatur studium.*  
Arrisit peregrino ambitui Episcopalis apud Polonos INFULA,  
Quæ simul cum Pontificia senatoriam daret purpuram,  
Rarâ hâc alibi; Infulatis felicitate  
Ut Regni Senatum introeant;  
Cum tamen tanta in Ordinem Sacrum Sarmatarum reuerentia,  
Ut ab ipsis susceptæ Fidei initijs, primas eidem dederit,  
Et vel Serenissimas Masouix Ducum MITRAS,  
In occupandis ad publica Regni Comitia locis submiserit.  
Sapuit proinde felicitas hæc Aduenis,  
Quam exclusis Indigenis ultra vnum sæculum delibabant.  
Sed congregatis vndequaque volucris  
Excussa tam nobilis offa,  
Ostensumq; & Polonorum non ita deplumatas Aquilas,  
Ut in sublime euolare non possent.  
Postquàm biennium Cracouiensis vacauit Cathedra,  
Polonus tandem electus, serò quidem;  
Sed nimirum ZYLA erat.  
Qui tantus vel ante cunas Hercules,  
Ut creando illi protractæ noctes non sufficerent,  
Nisi anni etiam geminarentur.



*Sicq; non unus sensit ortus, sensit occasus,*

L A M B E R T V M et *Herculem nasci.*

Satis fertilis adhuc ætas illa fuerat

Quæ tam magnum nomen dare posset.

*Integri aliàs Sæculi partus est, bonus P O N T I F E X.*

Electus in A R C H I E P I S C O P V M

Archiepiscopale pallium petere neglexit.

*Incertum,*

Siue superbiâ animi, quæ supplicare nollet,

Siue modestiâ, quæ amittere maluit, quàm admittere.

Atque hinc subtraxit se à Cracouia Metropolitanus Honor.

*Eiusdem nempe naturæ ille est, cuius & ferox bellua:*

*Non amplius cicuratur, ubi semel irritaueris.*

Accessit contubernio ZVLÆ S T A N I S L A V S S Z C Z E P A N O V I V S.

Tantumq; hoc doctore profecit,

Quantum S T A N I S L A I postea declarauit Sanctitas.

Et hoc erat ad ingentem L A M B E R T I famam,

Discipulum tantum non ab alio formari Magistro.

Addit ad gloriam ubiq; CHIRONI suus Achilles.

Quousque tamen Episcopatum tenuit,

Canonicis Cracouiæ fascibus neminem potiri passus

Qui non fuisset Nobilis,

Tum quòd maximis T O P O R I O R V M natalibus Illustris

Viliorem sanguinem secum non ferret;

Tum quòd abundè docere voluerit

Sanctiora esse diuinitatis sacraria,

Quàm ut plebeis tractentur manibus.

Debetur Regali Sacerdotio sua nobilitas,

Numinisq; arcana indignè committuntur animis vulgaribus,

*Indiget*

Indiget natiuis facibus aræ dignitas,  
Expostulat ceras, quibus ardeat;  
Nullam aliâs Maiestatem habitura nisi ab imaginibus.  
Vixit tamen LAMBERTVS, vt Episcopum decuit,  
Superstitionis hostis, grauitè eam occidit,  
Vt de tam zeloso TOPORIO dicere potueris:  
*In securi & ascia deiecit eam.*

Pius, prudens, & cuius tota vita virtus appellari debuit.  
Mortuus tandem anno mundi reparati M. L. XXI.  
Sedis suæ, X.

## LAMBERTO ZVLÆ O D E VIII.

*Quousq; demùm nostra nisi exteris  
Abblandietur purpura mentibus;  
Pedumq; vernarum pudore  
Hospitibus nisi velitabit  
Illustre dextris; INEVLA confluos  
Quousq; cinget Gracia vertices;  
Pulchrosq; Præsulum decores  
Colla ferent peregrina tantùm;  
Et cùm paternus sapius INEVLÆ  
Nidus capaces porrigat indoles;  
Domiq; non desint; benigno  
Quos gremio tulit in Mitratas  
Natiua Sedes terra; per aduenas  
Extraneorum diuidimus manus:  
Spreioq; natali Vauclo  
In peregre Cathedram petitos*



Episcopalem ponimus inſeſſij  
Longum lacertos. Sequana GALlico  
Quos tam maritatus Garumnae,  
Quam Rhodanus rapidus citatus  
Intinxit undis: vel Tiberis ſuis  
Quos fouit vlnis Auſonius; pſij  
Exactor aut Rhenus pudoris.  
In rigido madefecit amne:  
Ac ſi Polonus non itidem daret  
Honore dignos Viſtula, qui pari  
Virtute cum externis valerent,  
Præſuleas agitare partes.  
Pudet vaganti quærere calculo  
Extra educatos Pontifices, domi  
Habere cum poſſis. Coronam  
Indigenis retinemus ipſo  
Ab uſq; Piaſto regiam; & externa  
Beata fronti ſeruiat INEVLA?  
Vt quicq; non noſter gubernat,  
Vix aliquo caret ille motu  
Plebis tumultu. Sat regimen bonum  
Natura paruas inter apes dedit:  
Externa non tamen ceraſte,  
Adueniens ibi gaudet amplo  
Aut veſpa Sceptro. dulcia deuorans  
Non mella fucus, non ſpecies api  
Diuerſa mellitæ; ſed illa  
Quam ſimilis dedit eſſe prudens

Natura

*Natura formæ præsidet impigræ  
 Regina genti. Non aquilam vagus  
     Regit coronatam palumbes,  
     Non olidæ dominantur apris  
 Vrsisq; capræ: cum timidis nihil  
 Coruo columbis: grus sequitur gruem,  
     Passerq; passerem, palustris  
     Anseribus sociatur anser.  
 Et nos Poloni propria Nominis  
 Si cura tangit; pulchra domestica  
     Donemus Indoli theatra,  
     Omnipatens videatq; mundus.  
 Et hic sacrato Pontificum quia  
 Mens apta fasci est: Præsuleis quia  
     Par semper indoles Tiaris  
     In Lechico reperitur orbe.  
 Ego ista dixi non sine debito  
 Feruore Vates. intrat alacribus  
     Conclauæ cum vectus quadrigis  
     Pulcher Honor, studijsq; nullum  
 Locum relinquens, sollicitus diu  
 Diuersa tandem vota coordinat,  
     Propensus in LVLAM Polonum:  
     Prompta statim cui se Ministræ  
 Fideliozem porrigit INEVLA:  
 Pedumq; gaudens in meritam manum  
     Venisse, prensari inquilinâ  
     Dulce sibi putat esse dextrâ.*



# STANISLAVS SZCZEPANOWSKI.



**B** Inâ purpurâ Illustris SZCZEPANOVIVS,  
Pontificiâ, & Martyrij:

Quamnam splendidiùs habuerit? dubium.

In Pontificatu facere nihil potuit, quod Orbi non innotesceret,

In Martyrio, quod non ostenderet pugilem.

Patritijs & Equestribus in Polonia exceptus cunabulis,

Vt sanguine, ita virtute præstare voluit;

Quæ quia illustrior cum literis;

Ideo Gedani primas velitationes,

Parisijs eruditionis seria absoluit.

Illinc redux LAMBERTO ZVLÆ accessit,

Sub quo Canonicis potitus fascibus,

Episcopatui statim præludit factus diuini Verbi præco.

Alter

I.  
Alter sed Sanctior Pericles;

Cuius tamen fulminibus suæ non defuerant gratiæ.

Non ardere tantum, sed & lucere doctus,

Non seruit solum sed & locutus DEVM.

Ab obitu LAMBERTI ad Insulam vocatus, ita Insulan suscepit

Vt cum CHRYSOSTOMO Pastorem se non mercenarium promitteret.

Ne MARTINIS Turonensibus, vel NICOLAIS Myrensis esset minor,

Fecit, quod MARTINI vel NICOLAI fecere.

Sibi absuit, ex quo alijs adfuit:

*Pontificij enim pedi eadem ratio est, quæ throni;*

*Sibi esse desinit, ex quo alius præesse incepit.*

Porro Poloniæ fasces tenebat BOLESLAUS,

Qui ex ingenti factorum magnitudine Audacis fortitus nomē,

Bellorum rudimenta victorias habuit.

BOHEMIAM, SILESIAM, HUNGARIAM, VKRAINAM,

Triumphali emensus pede

PRINCEPS:

S,  
Sub quo Mars etiam tyronem egit; Stipendariam Fortuna.

Sed enim ad Kijouia dū hybernat; Polonus Annibal emarcuit

Et qui palmaribus adoreis militare ornauit sagum,

et,  
Togam, quam pace coronare debuerat, vitiis dehonestauit.

Insolentis victoriæ genio;

*Quæ in Superbiam elata, pulchrū triumphū quē vincendo fecit,*

*Insolenscendo corrumpit;*

*Nescia sibi imponere frenū, ubi felicitatis petulentiā stimulat.*

Ita Vkrainæ, Russiæ Victor sui vincendi immemor BOLESLAUS

Annibalem quidem egit, sed qualem inuenit Capua;

ALEXANDRVM; sed qualem deprehenderunt Bactra:

ANTONIVM vel IVLIVM;

Sed qualem Ægypti, & Cleopatræ lenocinia reddiderunt.

Miscor



Mifero Herculi ingentia alibi monstra domanti  
In memoriam non venit *fusum* :

Et quòd *laureato etiam Duci*

*Timenda sit belli alea, in vitiorum pugna.*

Vnde ab hostium collis, ad muliebrem colum ;

A missilibus telis, ad telam ;

Ab ignibus armorum, ad amorum tædas transfuga ;

In omnem abiit licentiam ,

Pessimo in subditos exemplo ;

*Cùm ea est conditio Principum, ut quidquid faciant, præcipere videantur*

*luit post BOLESŁAVM Polonia :*

*Nec enim aliò excurrere nòrunt subditi,*

*Nisi quò dirigunt Maiestatis vestigia.*

STANISŁAVS autem indoluit ad tantum nefas ,

Et audacter scrutatus nebulas, quas Augustus contraxit Titan ,

Monet, obsecrat ; faniora arripiat consilia

Neq; malis suis factis populo noceat,

Cui exemplo magis quàm peccato officit :

Nouerit se publicum in terris Solem.

*A Sole in subiecto hoc orbe lux aut tenebræ :*

*A Principe apud subditos, prava pleraq; , aut recta.*

*Imperatoris vita vitæ populorum est index :*

*Quæ in indice continentur ;*

*In libro contineri non dubitandum.*

*Regnantium facta subiectis faciendi sunt regulæ :*

*Quæ ubi mala fuerint,*

*Peccantium subiectorum culpa omnis, penes regnantes.*

*Pessimus deniq; morbus in homine, qui à capite procedit,*

*In Republica, qui à Rege.*

Monuit taliter STANISŁAVS :

*Sed*

*Sed lapsum semel in peccandi consuetudinem, non facile à peccatis reuocet.*

*Zephyrus ad hæc pæne pergitur,  
Cum ad honestum testudinem agere placeat.*

*Vita hominis virtuti quidem vasalla;  
Vitijs tamen libentiùs homagium præstat.*

*Magnitudinem suam peccandi licentiâ mensus Rex  
Non libidini, non furori modum posuit.*

*Ergo non proficientibus verbis descensum ad anathema:  
At infrenuit statim ad fulmen hoc Regnator Enceladus:*

*Nec enim lucem tantum, sed & ignem habet purpura,  
Vrit potenter vix tangitur.*

*Et cum aliunde ansam inuenire non potuisset  
Innocentissimo Præsuli rapta PETRI bona per summâ calumniâ obijcit*

*Adeò rarum hoc fortunæ beneficium,  
Vt virtutem impune loqui liceat.*

*Delicti in Maiestatem arguitur,*

*Si quis eius non blanditur erroribus.*

*Ledere videtur, & si medicum agit,*

*Quisquis emendare satagit peccantem Thronum.*

*Sic mala sunt dominantium vulnera,*

*Vt citrà dolorem tangi non sustineant.*

*Quæ sita Consanguineorum PETRI testimonia,*

*Sed fides his in seruilem timorem submissa:*

*Quod metuerent offendere Principem.*

*Quasi non potior sit veritas, quàm Regum gratia:*

*Et innocentix non plùs debeat, quàm Maiestati.*

*Cælo proinde peti suppetix debuerant.*

*Vocata de terra veritas, vbi PETRVS de tumulo:*

*Stupentibus tamen ad rei prodigium omnibus, nihil motus BOLESŁAVS*

*Pro Pastoralibus monitis reddidit cædem,*

G

Ad



Ad sacram aram occiso crudeliter STANISLAO.  
 Infame satis ferrum quod taliter maduit,  
 Nisi infamior adhuc & facti enormitas:  
 Dum furenti Principi non satis est extitisse parricidam;  
 Ni simul & sacrilegus fieret:  
 Nec stetit hic impietas:  
*Non potest tam facile recipi ratio*  
*Vbi animum occupauit furor*  
*Scelestus omnis, simul ac rabiei indulst, statim & induruit.*  
 Exsangue Sancti Pontificis corpus in frustra diuidi  
 Ac campis disijci jubet BOLESLAUS.  
 Verùm & hic militem CHRISTI non destituunt Aquilæ.  
 E quatuor mundi partibus conuolant volucrum Reginæ  
 Acturæ excubias ad Sancti Martyris membra  
 Diceres venerabundas Aues alis suis vmbraculum fecisse,  
 Ne Cælo vel mundo enormis pateret laniena.  
 Vel quia Polonæ Aquilæ soboles fuit STANISLAUS,  
 Ideo plures sui funeris habere voluit spectatrices Aquilas  
 Annus autem fuit Domini M. LXXIX.  
 Quo STANISLAUS gladijs impiorum occubuit.

## STANISLAO SZCZEPANOVIO O D E IX.

*Q*uò Te tyrannus, quò furor impijs  
 Instructus armis in rabidas agit  
 Dolende BOESLAE cædes?  
 Quò furijs agitata senas

Mens

Mens tractat iras & mucroq; in exteris  
 Nuper decorâ non sine laureâ  
     Grassatus aruis, in Polonæ  
     Tecta ruis violente ferro  
 Natiua Gentis & quò pia barbaro  
 In templa nisu sacrilegè gradi,  
     Vel in STANISLAI mitratum  
     Dextra ferox parat ille collum?  
 Ut vana semper palma; domesticis  
 Quæcunq; tantum crescit in areis,  
     Ut arma sordent; subditorum  
     Quæ fluido maduere tabo;  
 Sic nulla laurus pulchrior; hosticis  
 Quàm nata campis. Turpe quod abditur  
     In Ciue ferrum; præstat ensis,  
     Qui tumidum iugulauit hostem.  
 Suscepta laudo prælia pro altero;  
 Pugnare pro te cum haud habeas opus:  
     Nam nulla pulchrior corona,  
     Ut propriam retinere gentem.  
 Et ille pulcher Mars, domitum tibi  
 Qui dat Tibiscum: supplicibus Belæ  
     Dum motus exulis petitus,  
     Pannonicis inopina victor  
 Opponis armis signa. Bohemico  
 Et ille rursus Mars tibi nobilis  
     Tabo VRATISLAVO Polona  
     Suppetias ubi ferre virtus



Tuum putauit. Kijouienſium  
 Et illa latis laurea te decet  
     Inſerta campuſ: & POLOSCI  
     Excidium, famuloq; junctus  
 Ille ille manceps Sala Boriftheni  
 Albiſq; cum Oſſa magnificos tibi  
     Nectunt triumphos. Arma jam iſtis  
     Si qua placent aliena campuſ;  
 Pudet Graduum tam miſeris noua  
 Inire ſignis bella: nec aureas  
     Bellona gratanter coronas  
     Spectat atrox, quoties Lechæa  
 Haſ format incus. Ipli alibi placent  
 Et riui & atri, ſanguinis aluci:  
     Hic gutta fædat innocentis  
     Profluuiſ patefacta Ciuiſ.  
 Quò parricidæ, quò raperis miſer  
 Furore dextræ? quò? decorum immemor  
     Ruſ BOLESLAE, & furenti  
     Igne micæ, velut iſta ſe vo  
 Diſſas veneno? Quàm meliùs fui  
 Victrix triumphat Purpura; laureis  
     Quàm digna Majeſtas trecentis,  
     Si ipſa ſibi dominando pulchrum  
 De ſe triumphum ducit, & efferæ  
 Captiua reddit regna licentiæ.  
     Quàm Sceptra longæuùm perennant  
     Incolumis ſtudioſa Myſta.

Sed

*Sed heu! furenti fabula dicitur  
 Ignava monstro. Marmarico furit  
 Leone sæuior Tyrannus,  
 Præcipiti magis ardet curso.  
 Ter arma jussu ferre; ter irritis  
 Offensus armis militis, exprobat  
 Imbelle pectus. Ipse crudo,  
 Ipse miser violentus ense  
 In templa frendens irruit, & p̃  
 Vittata scindit tempora Præsulis,  
 De Rege carnifex. Secutus  
 Prosequitur mala cæpta miles:  
 Hicq; ora stricco findit acinace,  
 Hic immodesto verberare nil reos  
 Detruncat artus: ille pectus,  
 Innocuam ferit iste dextram.  
 Sic ira Regum; sic quoties furor  
 Fas ultra & æquum sæuijt impotens:  
 Magistra criminum est Corona,  
 Discipulus populus. Scholaq;  
 In hac furoris rarus Isocrates,  
 Qui promptiorem non Theopompum amet,  
 Et Ephorum damnet: capaci  
 In vitis nimium scelesto.*





# L A M B E R T V S



DIScant deniq; Mortales;  
 Quod scelerum fabri sibi ipsis mulctam cudant.  
*Nulli impunitum scelus, ne quidem Principibus:*  
*Vindicta uni loco non adstringitur;*  
*Quò scelestus fugit, eòdem & illa sequitur.*  
 Negatur culpæ latibulum, ubi vestigat vindex Nemesis.  
 A Romana arce fulminatus BOLESLAVS Audax,  
 Delicium olim subditorum, jam omnium odijs mactatur:  
 Pro solenni vitiosorum more,  
 Vt à quolibet vitio suas catastas habeant;  
 Parato semper tortore malâ conscientiâ,  
 Et quâ nullus unquàm ingeniosior ad tormenta licitor.  
 Hanc igitur carnificem euasurus

In

In Pannoniam profugit :

Quasi scelera non potuissent in eo loco vindicari,

In quo poterant fieri.

Ibi incertum, quo fato è viuis abijt

Seu immiſſa ſibi violèter morte ſcleribus proprijs pœnas dedit,

(*Suos enim quodlibet vitium Martyres habet*)

Seu in venatione finiuit vitam.

Impius Actæon in prædam cedens canibus,

Quos barbarè nimis STANISLAI corpore pascere voluerat.

Carinthia tamèn melior pro BOLESŁAO fama,

Quasi turpiſſimam vitæ Scenam pulcherrimo epilogo clauſerit:

Dum acturæ pœnitentiæ Purpuræ ſuperinduit cucullum:

*Adeo male opinantur*

*Qui magnos viros inter mortua ſemina virtutum,*

*In ſola vitia naſci putant.*

Noluit hanc victimam manibus ſuis STANISLAVS

Quam DEO maluit litatam.

Sanctitatem ſuam miraculis ſi probare voluit,

Maximùm illud erat

BOLESŁAVS correctior :

*Prodigium namq. eſt emendata in melius peſſimi hominis vita.*

Major erat Polonorum cura Sancto Martyri

E cœlo noſtram calamitatem contemplanti,

Dum Romano anathemate tam diu teneremur

Vaticano Ioue GREGORIO VII.

STANISLAI cædem in nobis grauiter vindicante.

Quadriennium igitur fulminatricem cùm pateremur manum,

LAMBERTVS, Canonicus Cracouienſis, miſſus,

Qui Tonantem illum redderet nobis mitiorem.

Et



Et patuit tunc  
Quod etiam Romæ Iubilea subinde sint & gratiæ,  
Non semper anathemata :

Porta Sancta non Othomanica.  
Nam damnatæ interdicto Lechiæ plenaria indulgētia concessa.  
Vnica hæc, sed propitia in Gentis Polonæ legatum vindicta,  
Quod erubescere iussus Pontificali purpurâ.  
Reducem LAMBERTVM Patria læta excepit,

Iuditha verò  
Dum VLADISLAVM Hermanum.  
Posthumam potius famam quam prolem relicturum videt,

Egregij Principis conjux pijsima,  
Non jam pro Betulia sed pro Filio sollicita  
Assiduò cælos placat, pulchrâ faciant se prole Parentem.  
Optima Fæmina, Mater Patriæ dici erubuit

Quæ regnaturum non dedisset Filium :  
Minùs in acceptis referens Fortunæ,  
Licet orbem Polonum teneret, si simul & orbitatem.

Et erat quidem Hermano Filius Zbigneus.  
Verùm is non aliunde notus, nisi quia nothus.  
Serenissimam IVNONEM non leuiter offendit,  
Quod marito Ioui, suæ non deessent Alcmenæ.

Pati potuit vtcunq; thori sui injuriam,  
Si in Herculem incidisset.

Sed is quouis vertumno leuior  
Liberrimæ Sarmatarum Genti regnaturus non videbatur,

Qui ex Serua natus esset.  
Româ solâ in throno SERVIVM ferente,  
Sed tunc, cùm libertatem necdum degustasset.

Punge-

Pungebat optimam Dominam & proprius dolor.

Obscurabatur enim regnatricis serenitas

Per illas illegitimi ortus Eclipses,

Informis satis imago visa,

Quæ non à Maternæ nobilitatis, sed spurij ignis fumo

Diceretur fumosa.

Atq; diu his curis anxia

Quod societate thori diuturnâ habere non potuit,

L A M B E R T I consilio obtinuit.

Qui cælitibus & maximè Diuo Ægidio supplicandum suadens

Regnatrici Fæminæ appromisit fore propitium,

Cujus opem vel ipsæ bestię experirentur.

Non defuit fidei Iuditha, vt nec auxilio Æ G I D I V S.

Ad corpus Sancti Abbatis

In Narbonensem Prouinciam missis Legatis

Triduanâ supplicantium ibidem Monachorum facundiâ

Fætunda redditur nostra Princeps:

Ægidio ceruâ suâ celerius ad opem decurrente.

Non sine admiratione,

Quòd ad supplicum voces humana viscera haberet S. Confessor

Qui famelicus olim feræ pascebatur vberibus.

Ita obstericante Ægidio natus Iudithæ K R I V O V S T V S,

Vel ideò maximus futurus Heroum,

Quòd nascituro, pro muliebri Lucina, Vir est adhibitus.

At breui puerperio suo immortalia Iudith

Vnum nisi peperit, quia Leonem.

Desperante alium partum naturâ,

Vbi tantum prodigium edidisset semel.

Decennio prægnat & elephas,

Sed tamen non alium parit, nisi elephantem.

H

Satis



Satis tamen se vixisse credidit felix Mater,  
Postquam superstitem Filium reliquit.  
Quæ optimis LAMBERTI consilijs habitura gratias  
Cracouiensi Ecclesiæ muliebrem suum mundum consecrauit.  
Sacerdotum in eadem Basilica Collegio Cropesem Comitatu.  
Aliquantum tantæ Principi superstes LAMBERTVS,  
Postquã S. STANISLAI lipsana in Basilicã Cathedralẽ translata  
Meliori donauit tumulo,

Ipse itidem mortalium cumulo accingitur  
Anno inter mortales nati DEL M. C. I.  
Cum sedisset annis VIII.

## LAMBERTO ODE X.

ET quis iacentem sustulit anchoram?  
Legitq; classis fragmina naufragæ  
Te præter? O LAMBERTE! nostrum  
Delicium, melior tuorum  
Apollo Vatum. Non ego Lechici  
Addicta dicam pectora Principis:  
Tuoq; non ego Iudithæ  
Vota canam satiata suaso.  
Illa, illa dicam, quæ violentius  
Pressere nostram fata Liburnicam,  
A morte STANISLAI ut ipsos  
Intrepidus Palinurus ibas  
Aduersus Euros: non satis integris  
Vt torua scandens æquora linteis,  
Non naufragaturus pauentem  
Visus eras recreare puppim.  
Nil est Quirites, nil placido mari  
Curam natantium sumere Classium:

Hic

Hic quisq; sufficit sereno  
 Ipsa ferunt vbi vela cælo:  
 At turbulentis dum fremuit mare  
 Motum procellis; prora petit Virum  
 Navis laborantis peritum,  
 Æquorei veteremq; clavi.  
 Et cum citato sævus inhorruit  
 Fragore nimbus, turboq; carulas  
 Commouit inquietus undas  
 Fluctifonus agitatus Austrum,  
 Coruq; vasto gurgite noxias  
 Ostendit iras, sæuaq; nauticis  
 Minata tempestas carinis  
 De medijs Nabathæa promit  
 Portenta lucis; imperiosius  
 Vel cum malignis septus ab Africis  
 Procedit Aolus, grauemq;  
 Fert hyemem comitata canis  
 Arctos pruinis: aut ubi turgida  
 Immane frendent Acroceraunia;  
 Illic gubernator periclu,  
 Sollicitè repetendus illic  
 Rector carinis. Intonuit satis  
 Procella nostræ trux onerariæ,  
 Sentiret cut. puppi, suæq;  
 Adgemeret Cracus ipse Vandæ:  
 Tu, naufraganti tu melior datus  
 Tutela Classi; tu trepidantibus  
 LAMBERTE Nauclerus carinis,  
 Tu in dubia Palinurum aura,



SVO & ORBIS VNIVERSI  
MAGISTRO  
CHRISTO DOMINO  
Pro prima Antistitum Crac: Decade  
Eucharisticum.

**N**Am cūi prima decas; ni Tibi mancipem  
Se tradat famulam: cūi mea barbitos  
Se subdat Domino; ni Tibi se & suum  
Supplex CHRISTE det entheum.

Stagnantem volucris non ego Pegasi  
Optavi fluuium; non Aganippidum  
Musarumq; choros, Tu docilem mihi  
Traxisti potius manum.

Quod preno calamus, quod patiens premi  
Scribentem referat pagina dexteram,  
Tu me posse facis, Tu mihi Cymbio  
Plus largiris Apolline.

In Te sola mihi spes, quod abeneum  
Reddes ingenium mollius, & dabis  
Ex se difficilem Musam alio meam  
Efferuescere spiritu.

Me verò occiduas siue reliquerit  
Sol, donet nitidum siue oriens diem  
Et voio & precibus sollicitus Tuam  
Implorabo potentiam.



# BALDVINVS GALLVS.



AD CESLA VM deflexerat Cracouiensis INFVLÆ felicitas ;  
Sed quia sine Vaticanis auspicijs ,  
Ideò malo omine diuertisse visa .  
GVALLO siquidem Pontificius Legatus  
Pro Apostolica jurisdictione acrior Orator.  
Vt vt Polonorum Aquilæ in sublimè semper euolent,  
In Ecclesiasticis tamen honoribus  
Romanarum nisi Aquilarum adminiculo eluctari possunt.  
Acephalus omnino est honor,  
Quisquis inconsulto summo capite sumitur.  
Violenta & non per portam in dignitatum domos irruptio ,  
Si sine clau PETRI.  
Nisi Piscatoris annulus apponat sigillum ,



Principis etiam collatio vim suam & robur non habet.

Petra Romana pro angulari sit lapide,

Si INFVLAS in solido stare volumus.

Dissoluuntur statim honorarij Ecclesiæ fasces,

Nisi ille liget, penes quem ligandi atq; soluendi potestas.

Mater Orthodoxorum si est Ecclesia,

Meliùs cum benedictione materna spirituales fasces præsentur.

Adorari hoc Numen debet,

Quod vicariam post DEVM in terris habet potestatem.

Hactenus pro Roma GVALLO.

CESLAVS interim Apostolicæ jurisdictioni non refragaturus,

INFVLAM etiam è capite præ reuerentia deposuit.

Imposita hæc BALDVINO

Qui ab omni ambitu alienus

Quò longior à fastu erat, eò fastigijs visus propior.

Cracouiensi Ecclesiæ

Pro dote virtutes intulit, cum dote honorem.

*Honorat enim, non honoratur;*

*Quoties culmina capeffit emerita virtus.*

Vir per omnia magnus,

Et cujus natalem Galliam nunquam puduit,

Poloniam Pontificis nunquam pænuit.

Ecclesiæ suæ prouentus omnes in pauperes distribuit,

Optimè sciens,

*Pontificibus tam largum patrimonium ideò datum,*

*ut quâ venâ affluit, hæc in pauperes effluat.*

*Male nimis;*

*Si ex Spiritualibus bonis, quæ tenent, solus Episcopus est benè.*

*Dispensari vult ex his Ecclesia,*

*Quæ apud eos in deposito habet.*

*Percepta*

*Percepta credit; sed de expensis rationem initura.  
Episcopalis prouentus Oceanus est; multos necesse irriget.*

*Vectigalium omnium fructus*

*Potiori ex parte ad pauperum fiscum pertinet.*

*Aliàs innodat conscientiam Pontifex,*

*Si Christi & Ecclesiae pecuniā lasciuit, tanquam suā.*

*Tam multis tamē beneficis BALDVINVS, Cathedræ suæ extitit iniurius,*

*Quod nonnisi annis quinq; præfuisset,*

*Præsenti in meliorem vitam mutatâ*

*Anno Dñi. M. C. VIII.*

*Dignus cælo, quod viuens nunquam homines deseruit.*

## BALDVINO GALLO.

### O D E XI.

*Q*uis te remoti gloria Sequana  
*Huc misit æther? Parrasio dedit*

*Quæuè Vrsa de cælo? Polonas*

*Vt teneas nouus hospes oras*

*MITRAMq; Craci: Pontificum sacris*

*O! digne semper BALDVINE Purpuris*

*O! digne quem & nostræ dicatis*

*Sarmatiæ quoq; vota Templis*

*Sequantur Ultro. Non calamus opus*

*Leuiuè cannâ, sed lituo & tubis,*

*Graviq; concharum fragore,*

*Munificæ tua si quis optat*

*Decora dextræ dicere: Fertili*

*Tu sæpè Nilo fertilior, fluens*

*Non ostijs septem, nec vno*

*Arua semel madidans in anno,*

*Sed*



*Sed mille semper defluus alueis:  
Sed mille riuus prodigus, ut tuas  
Accessit ad ripas egenus,  
Largifluum petijtq; portum.  
Iam uerò quantum dedecus Insulae  
Illiberalis Praesul; in conicum  
Si largus est seipsum, nec aras  
Aut inopes didicit beato  
Donare censu: si sibi uel suis  
Aperta tantum dirigit ostia  
Et clausa templis: sanguiniq;  
Si proprii nisi cura regnat,  
Vel aucta multis turba nepotibus;  
Et pauper exul dapsilibus procul  
Arcetur à mensis, & ipsa  
Templa gemunt misere feraci  
Exuta fructu. Non ego, non mea  
Thalia plorat; sed grauior suas  
BERNARDVS hic promit querelas,  
Qui supero similis Tonanti  
Non uerba mittit, sed rigidus satis  
Instructa nimbis fulmina, dum queri  
Non cessat, ut Christi honorum  
Tam misere teneatur usus:  
Superba postquam nonnisi prandia  
Et nota priscæ uix Marcotidi,  
Primaq; uix probata Romæ  
Continuis habeantur boris:*

*Ostrumq;*

Ostrumq; cunctis splendeat angulis,  
Divesq; latu parietibus Tyrus,  
Et multa de argenio supellex  
Niliacum superans tumorem;  
Et templa & ara sæpius interim  
Neglecta sordent; & sacra ad ultimam  
Damnantur interim ruinam  
Obsita pulueribus vetustis.  
Quin quàm frequenter nuba relinquitur  
Vel ipsa Sponsa; ut sæpius hispida  
Incedat ac inculta, tristi  
Ut toties miseranda vultu.  
Iam verò custos Sponsæ hilares dies  
Et læta ducit seculæ; mollibus  
Iam verò hic incubat tapetis  
Cum ipsa graui premitur grabato,  
Hæc questus olim temporibus sui  
BERNARDVS æui Gallia Præsulum  
Non vidit olim mæsta vitam  
Et doluit similes quorsq;  
Spectauit ausus. Tu melioribus  
Instructe pridem BALDVINE moribus  
Assurge felix, & columnam  
In medio tibi fige cælo.  
Et pone molem, quam violæ integra  
Quam prata cingant, quam teneræ rosæ  
Laurusq; vernantesq; palmæ  
Et virides decorent cupressi.



# MAVRVS GALLVS.



**A**thlantem hunc dicerem, quia MAVRVM  
 Nisi natalis Gallia Herculem potius ostenderet.  
 Sed & hic succollando polo sufficit.  
 Natione GALLVS, Romæ à teneris educatus;  
 Tempestiuè orbem circumire cæpit,  
 Vt non tam Euristheo, quàm nato ad maxima quæq; stimulo  
 Labores assignante, monstra domaret.  
 Equibus primū illud portentū ruditas, ab hoc Hercule vincitur,  
 In Scripturis Diuinis apprimè erudito.  
 Profuerunt hæ exuuiæ palmari Alcidae,  
 Quia dignus habitus,  
 Qui Pontificium apud Nos Cracouiæ cælum, sustentaret.  
 Eâ tunc Poloniæ necessitate,  
 Vt nisi Athlantes vel Hercules Cathedris substitueret, actum egisset.  
 Optimum

Optimum Principem VLADISLAVM Hermanum  
Nacti, fueramus Poloni:

Quia tamen bonis stirpibus agnascuntur stolones,  
Tam nobilem boni regnantis imaginem  
Saus sanguis maculauit.

Non quidem ille, quem Diui ÆGIDII precibus Iuditha debuit,  
Sed is, qui ex pellice genitus

Legitimam Hermani conjugem, nouercam fecit.

Et fuit id, quod olim ab Hercule timuit I V N O ,

Quia spurius VLADISLAI Zbigneus Sceptra præripuit Patri,

Nec in astra lentâ venit, vt B A C C H V S, viâ,

Sed iter ruinâ quæsiuit.

Nimia tamen Patris indulgentia

Dum plûs æquo illegitimæ proli concedit,

Se languori & morti, B O L E S L A V M KRIVOVSTVM legitimum Filium

Mille postea difficultatibus inuoluit:

Zbigneo non aliam offensam ad B O L E S L A V M habente,

Nisi quod B O L E S L A I felicitatem

Et subditorum in eum amorem pati non posset.

*Insta mortalibus natura,*

*Aliorum felicitatem ægris oculis introspicere.*

*Vix illa processerit, inuidiam statim comitem habet.*

*Inuidus quippe carnificem sentit alterius fortunam;*

*Si propitiam viderit:*

*Pyriticæ omnino adinstar indolis,*

*Quæ leuibis cymbis parcat, onerariis infestissima.*

Laborabat M A V R V S cum alijs E P I S C O P I S

Vt discors fratrum par componeret,

*Sed arduum est Fratres componere, nisi diuidas:*

Seruiffet inconstanti genio, nisi ita sæuiffet B O L E S L A V S.



E uoto igitur Cuium in exilium pulsus Zbigneus  
Majores exule animos concepit :  
Fratris oblitus qui contra Parentem quoq; fuerat impius,  
Scelerata vipera in Matrem sæuit,  
Concitato in Poloniam HENRICO Cæsare hujus Nominis V.  
Et egit Scenani vt Henrici ambitio, ita Polona virtus,  
Nisi quod læta hæc nobis, HENRICO tragica,  
Altiore cothurno, quo superbè gradi voluerat,  
Roscium suum eludente.

Nimirum,  
*Sæpius & Cygni triumphant de Aquilis, laceffiti :  
Et Leones subinde sanguine abstinant,  
Non quòd prostrasse tantum contenti, sed quia non potuerunt.  
Non ita magnis iurata felicitas,  
Vt eis minor quoq; non minetur.  
Frequentius in suo sanguine mergitur  
Qui alienum fundere sperauerat.*

BOHEMVS Ductor occisus,  
Germanorum copiarum canibus in pabulum data  
SKARBEEK Polonus Alemanico Portenæ timendus Scæuola,  
HENRICVS diminutis viribus tenuior  
Vinci meruit, qui nolebat nisi superbè vincere,  
Militaria Classica epithalamium BOLES LAO cecinere,  
Marte & Bellonâ jam Paranympis,  
Qui nuper bellorum ductores fuerant.  
Egit grates exercituum DEO Polonia, sed maximè MAVRVS;  
Qui non imbellior ad aras Orator,  
Quàm BOLES LAVS ad focos bellator,  
Abundè se ad victoriam contulisse ostendit,  
Dum victoriarum datorem DEVM placauit.

Æquæ

Æquè enim in palmarem gloriam laborant,  
Tàm qui hostem armatus frangit,  
Quàm qui inermis, solis nisi munitus precibus,  
DEVM pro victoria flectit.

V. Eiaculatoriæ ad DEVM si fundantur Orationes,  
Acutiùs sagittis vulnus hosti infligunt.

Moyſis compositæ in bello palmæ triumphales metunt palmas  
Addensatos barbarorum cuneos, melius oris gladius frangit,  
Quàm dextræ infertus mucro.

Et sanctior quispiam Pericles si linguæ fulmina iaciat,  
Laureatos etiam vertices deturbat.  
Sulphuratis fæta tonitruis nubila facile pellit orationis incensû.

Sed enim tantillâ quiete dum gaudet MAVRVS,  
Nouus iterum turbo oritur,

Zbigneus fastuosus nimium ex exilio hospes.  
Debuerat statim febris hæc imminutione sanguinis curari;

Sed mitius pharmacum placuit BOLESŁAO

Non aliud exigenti supplicium,  
Nisi vt Zbigneum videret supplicem.

Et assumpserat is supplicis personam,  
At non diuturnus in hac Scena actor.

Donatus enim Patriâ exul,  
Vbi modeste Poloniam intrare debuerat,  
cum tubis atq; tympanis

Prælato more Principum stricto gladio ingressus,  
MAVRI & aliorum Episcoporum intercessionem

Ac KRIVOVSŦI patientiam irritauit.

Adeò in magnus etiam fastus habet, quia odium creat.

Principum morbus superbiæ tumor,  
Quem subditi quoq; tanquam venenosum ferre non possunt.  
Ferrum



Ferrum igitur in turbulentum hominem decernitur,  
 MAURO siue ob timorem Majestatis facinus dissimulante,  
 Siue dignam pœnam inquieti capitis judicante,  
 Haud quieturi aliàs, nisi tali exitu:  
 Et facile exarsuri in incendia, nisi tempestiuè opprimeretur in fomite.  
 Nec diu istis superstes MAVRVS  
 Dum Basilicam Cracouienseni dedicat,  
 Dum supellectilem sacram recenset,  
 Et in omnibus boni Pastoris partes agit.  
 Moritur Anno Dñi. M.CXIII. postquam Episcopum egisset annis IX.

## MAURO GALLO.

### ODE XII.

*Quæ scena? vel quæ non truculentiùs  
 Est acta MAURO & visa tragedia?  
 Dum natus e scorto pudendâ  
 In Lechiæ populos laborans  
 Zbigneus irâ, jam immeriti Patris  
 Iam fratris hostis, jam Patriæ suæ  
 Tyrannus ingens, impotenti  
 Plus nimio tribuit furori.  
 Sic est Quirites, sic quoties throni à  
 Thoris aberrant: vel Domini Ioues  
 Taurum repræsentando ponè  
 Sidonias reboant Iuuenças;  
 Ledaëq; clausæ vel Danaës probum  
 Tentent amorem: pulchraq; fetidam  
 Calisto in ursam desitura  
 Egregijs magis æstimatur*

Formosa

Formosa damis: dum Semele suo  
Superba congressu, in medijs probat  
Proci potestatem iacentis  
Fulminibus, teneramq; gaudet  
Electra dextræ jungere dexteram:  
Vel Maia magni non mediocrius  
Probrum Parentis, prona pellex  
Illicitos flagrat inter æstus:  
Nil quod probrosam, nil ab adulteris  
Quod turpe non sit dedecus ignibus,  
Sic orta dum proles frequenter  
Legitimis inimica Natis  
Famam Parentum dedecorat: suo  
Dum vel timendus nascitur Hercules  
Ioui, vel Orion comato  
Numinibus metuendus igne,  
Orbiq; pellex nota Helena, & pyra  
Parata Troia, quâ Priami domus  
Parisq; flagrârunt, & in qua  
Panc Phrygum proci arsit orbis:  
Vel turbulenta Perseus indole  
Iræq; semper mancipium suæ:  
Potator aut Bacchus, nigrosq;  
Ipse bibo prior inter Indos,  
Furumq; princeps Mercurius. Sed heu!  
Iungendus istis, quem Lechico dedit  
Puella scortatrix Tonanti,  
Ille sui opprobrium Parentis

Zbignius



Zhigneus effrons, qui vacuo volens  
 Regnare mundo, regia passibus  
     In astra non lentus venire,  
     Sed rapido voluit volatu  
 Arces paternas eripiens, nouo  
 Et rapta iungens mania robori  
     Datâq; non semel rebellis  
     Progenies venit: suâq;  
 Patri superstes, rursus in optimum  
 Fratrem scelestus consilijs agens  
     Illam redordiensq; telam  
     Quam Lechicus nisi voluit ensis.  
 Gemit, dolendum! MAVRVS, ab aspero  
 Dum mota spectat fulmina Theutone,  
     Motore Zhigneo procellas  
     Dum Lechicus videt ire campis:  
 Gemit, dolendum! MAVRVS, & ultimam  
 Iam poscit horam, dum miser aspicit  
     Vt Marte Germano superbus  
     Spe nimium esuriente nostrum  
 Henricus orbem deuorat, & suæ  
 Confusus æquò plus Alemaniae,  
     Stipendiarijsq; multum  
     Albicola tumidus Bobemi  
 Turmis Polonus despicit alites;  
 Feroxq; Genti subdita libera  
     Tributa præscribit, petitam  
     Si cupiat retinere pacem.

At

At Fata rebus non ita perditè  
 Offensa nostris, ut vigilis preces  
 Et vota MAVRI, Lechiciq;  
 Egregium specimen laboris;  
 Et plena Martus pectora, regium  
 Portantus ostrum, cassideq; auream  
 Velantis æratâ coronam  
 Haud tegerent, validisq; promptas  
 Non adiuuarent auxilijs manus.  
 Nam nunc superbus; mox toties suos  
 Dum spectat Henricus cadentes,  
 Ac aciem satis esse nullam  
 Qua non auaris in miseram ruant  
 Prædam Molossis. millia proprij  
 Prostrata militis; tumentis  
 Iam capitis minor expetitam, &  
 A se negatam, mitior appetit  
 Vltro ipse pacem: bella gerentium  
 Ductorq; signorum Gradivus.  
 Fit positus Paranympheus armis.  
 Tum concha letum Sarmaticos sonat  
 Io! per agros; crudaq; durius  
 Bellona quo nuper flagrauit;  
 Lætus in hoc fouet igne tædam  
 Hymen jugalem. Sed Lechia videt,  
 Dum cuncta MAVRVS prospera, non prius  
 Tumbam sepulchralem subintrat,  
 Quàm reliquis canat ista Lechis.



*Virtute Miles, non numero tuas  
 Metire vires, tunc numerat bene  
 Si quando computator ensis  
 Non numerat, sed atrox potentes  
 Infligit ictus. Robora computat  
 Polona quisquis, non iidem aestimat,  
 Errat; frequentius securus  
 Frondifluam secat una syluam.  
 Compacta pugnant corpora fortius,  
 Minora quamuis, imò in agentibus  
 Vis vota non in solis agente est,  
 Et patiens redagit: chalybsq;  
 Si quando candens calfacit algidam  
 Immissus undam; protinus algidam  
 Et ipse frigescit per undam.  
 Et glacies licet aestuantem  
 Accepta dextram infrigidet; illico  
 Et hanc tepentem frigida dat manus,  
 Et gutta quæ extinguit calorem  
 In calidum ipsa redit vaporem.*



# GAUDENTIVS SIVE RADOSSVS.



HVC gaudia & plausus;  
*Formosa vetus premit omina nomen GAUDENTIJ:*  
vel ideo, quod Polonus iterum  
Pontificiam Cracouiæ reassumpserit INEVLAM.  
Duo Galli hætenus illam tenuere  
Quasi bonus odor virtutum apud nos quoq; non fuisset,  
Nisi à Galliarum traheretur lilys.  
Sed ostendit RADOSSVS  
Quòd & nobis non desunt eiusmodi Hortensij,  
Gentilitiam ROSAM pro Lilijs substituens.  
Non exuberantis quidem doctrinæ,  
Sed sufficit si pro Pallade virtutem habuit.  
Puritatis studiosissimus  
Musas coluit, esto, non doctas, Virgines tamen.



Eruditam satis Mineruam ratus, dum pudicam;  
Nobili hinc & doctrinæ suæ argumento.  
*Nam pellere vitia animi, & ad cognitionem sui venire,*  
*Hoc verè sapientis est.*  
*Frustra scimus omnia, si Virtus non discitur.*  
*Ad ruditatem mens redit,*  
*Quæ literis tantum, non item probitati studet.*  
*Doctus vel sine literis Benedictus,*  
*Postquam parum doctus esse maluit, quam parum Sanctus.*  
*Procliuior tamen in choleram,*  
*Sed nimirum ignis vitium erat.*  
*Vniuersi naturam destruit,*  
*Qui has elementis reliquias in homine non sustinet.*  
*Ignes quosdam nobis impetus natura dedit,*  
*Quos sentire, vt nihil humanitati aduersarium*  
*Ita diu illis non assentiri, heroicum.*  
*Quemadmodum in hoc pugilatu non semel victor GAVDENTIVS.*  
*Infelicitatis tamen aliquid habuisse visus,*  
*Quod sub suum Episcopatum & Cathedralis Ecclesia*  
*Et Cracouia ipsa penitus tota conflagrauit.*  
*Fortuitonè? nescitum:*  
*Magis creditum, quod subornato clam à Bohemis incendio,*  
*Capitalibus tunc in nos hostibus.*  
*Qui fuerintne nocentes vel non? minus impedit:*  
*In iniquas nobis illo tempore animas*  
*Iuste tali suspitione laboratum.*  
*Communi hic per hostilitatem viuendum panâ*  
*Vt non fuorum modo facinorum*  
*Sed & interdum alienorum infamiâ laborent.*

Sed

Sed incendio conflagrauit Ecclesia, vt illustriùs assurgeret:

Ignem passâ vt à flammis reluceret,

Redux siquidem à Martialibus tubis KRIVOVS TVS

Auream lyram insonuit;

Et statim Serenissimus Amphion lapides euocauit

Qui in muros ascenderent.

Sic ex incendiarijs flammis triumphales ignes nati,

Penes quos Augusta BOLESŁAŁ liberalitas eluxit

Qui vel idè reparatis templis in cælos munificus esse voluit,

Vt haberet DEVM Inquilinum

Quem per prælia habuit armorum socium.

Nec contentus muros tantùm excitasse egregius Princeps,  
Supellectilè quoq; dedit veste pretiosa auro argentoq; nobilè

Papiliones diceres commilitoni DEO.

Et mirum adèò bellis occupatum BOLESŁAŁVM

Sanctiori huic liberalitati intendisse;

Nisi quod ad palmarem gloriam conferre credidit,

Et manubijs hostium datam superis portionem.

*Victori animo eadem semper est triumphi ratio,*

*Et hostem à se reddere victum, & se DEO deuinctum.*

*Non amat nisi spolia illi appendere,*

*Quem scit victoriarum Dominum.*

*Huic contrahere palmam.*

*Non palmarium putat, nec è triumphali mente.*

Ad tam illustria verò fumantis Cracouiæ rudera

Accensa & GAUDENTIJ liberalitas.

Nam ad veterem numerum

Viginti adhuc Canonicis per KRIVOVS TVM adjectis

PONTIFEX decimas attribuit.



Purpuratus CHRISTI Miles  
 Pulcherrimum militaris mulctæ arbitratus genus;  
 Si suo, quem in cælis coleret, Imperatori potuit decimari.  
 In eo tamē KRIVOVSTI vel maximē erga GAUDENTIUM apparuit reuerētia  
 Quod Regiæ collationis suæ beneficia  
 Arbitratui ejus reliquerit distribuenda.  
 Nec Nummus apud hoc Numen  
 Vota sua nuncupantium valere voluit,  
 Aut affinis sanguinis placere hostia;  
 Sed cui virtus dedit suffragium, is apud GAUDENTIUM dignus  
 Quem Ecclesiasticæ Fortunæ Sacerdotio  
 Melior, & extra Euphormionis Satyram, Doronius initiaret.  
 Quos dum ita initiat,  
 BOLESLAO in hostes digresso, & paulò post fatis concedente  
 GAUDENTIVS quoq; obiens Polonos luctu implet  
 Anno partus Virginei CLO. C XLI.  
 Concessis gaudijs per annos XXV. quibus Ecclesiæ præfuit.

## GAUDENTIO

### O D E XIII.

*AB*siste luctus. Nil querulo iuvat  
 Dolore mergi. Gaudia Lechicis  
 Festiua nam campis RADOSSVS  
 Spargit ouans, grauibusq; nimbis  
 Horas tumentes pellit: ab exteris  
 Hucusq; pressum dum manibus pedum  
 Rursum reassumit Polonus,  
 Præsuleis aliisq; non fert

Gaude-

Gaudere Mitris; Indigenas nisi  
Lucina cunas cui famulans dedit;  
Et nota Vistulae propago  
Sarmaticis cumulauit aruis.  
Abstiste luctus. Nuper ab ignibus  
Quicunq; Cracum depopulantibus  
Audes redordiri, probroso  
Quando Lechus inimicus Albis  
Furore plenus non valido sua  
Probauit in Nos Marte odia; hosticis  
Non arma tractauit cateruis  
Tum grauius metuendus hastis:  
Caruo minacis nam satis horridus  
Vmbone scuti sed placuit fero  
Pro Marte Vulcanus fluento,  
Qui Siculo rapiens edacem  
A folle flammam cuncticremum excitat  
Fumosus ignem fomite torridas  
Spargitq; nutrito fauillas:  
Vnde Craci eximius scelestus  
Admota tectis tæda volatili  
Passu deerret: Flammaq; turbida  
Proserpit excitata ventis  
Per domuum tabulata quæq;  
Miser RADOSSVS quem querulus videt,  
Quæ & quanta crescunt damna Cracouia,  
Quis ignis in templis & urbe,  
Vsq; ferâ stimulatus irâ

Iam



*Iam tecta Diuum, jam Phydias vorat  
Vulcanus artes: jam graue baiulis*

*Incendium mittit columnis,*

*Iamq; sacras populatur aras.*

*Sed serpit ignis; clarius emicet*

*Vt liberalis laus KRIVOVSTIJ,*

*E Marte qui Amphion coronato*

*E Lechico Ioue qui canorus*

*Orpheus sonoram vix tetigit lyram,*

*Chordasq; dextra munificentius*

*Vix mouit aureas; & ecce*

*Largisonis animata sistris*

*Et sylua, & omnis confluit arbutus:*

*Syluestris ilex, glaucaq; populus*

*Succincta tum comas, & altis*

*Verticibus releuata pinus:*

*Fortiq; quercus praedita robore,*

*Ingensq; crassis frondibus aesculus*

*Tum saxa tum rupes vocantur*

*In solidos coitura muros.*

*Sic est Quirites. Regia conuenit*

*Cum sole multum Purpura. Non amat*

*Sol esse parcus; sed globosum*

*Lustrat, adit, speculator orbem:*

*Vultumq; semper munificum vibrat.*

*Nec haec tenacem sustinet indolem:*

*At larga prout cunctis; ita ipsa*

*Munifico videt ore templa.*

ROBER-



**R**Obur est hucusq; anagrammaticè ROBERTVS,  
Quod olim sine literarum inuersione fuit.

E Vladislauensi ad Cracouiensem translatus Cathedram,  
Non absq; admiratione tunc temporis advenam eligi,  
Vbi integra adhuc erat de medio sui Canonicis electio.

*Sed suam habet virtus libertatem.*

*Monasticà Professione in locum non jurat, sed in merita.*

*Vagabundum calculum circumferre non erubescit,*

*Vbi capeffendis fastigijs potior foris indoles, quàm domi.*

In Ecclesiastica disciplina Palinurus, abundè prospexit,  
Ne in remigibus Officialium suorum laboribus aliquid deesset:

*Vbiq;, & Argò & Argus.*

Si quæ tamen, Nauis illius; Nauis institoris de longè portans panē.

Perijssè diem existimauit sacratior TITYS,

Quoties viduis, orphanis non prouidisset.

L

Vltro



Utrò erogans, ne rogaretur:

Æmulo folis beneficio

*Qui sponte suâ se se ac non poscentibus offert;  
Vel fluminis; quod utro erumpit, ut irriget.*

Viderint Euclyones illi,

Quibus difficilius obulum è manibus extorqueas, quàm Herculi clauā.

*Vix pulchrius quisquàm æternitati suum inscribit nomen,*

*Quam profusa in Dei pauperes manus.*

*Manus egem, Abraha sinus est:*

*Vbi quidquid mendicus acquirit, mox reponit.*

*Gazophilacium calitum, precaria inopum dextera:*

*Quod hic suscipiunt, in terra ne pereat, conseruant in calo.*

Nec tamen in pauperes solos, sed in Cathedralem quoq; Ecclesiam

Liberalis Pontifex.

Quam ita excitauit KRIVOSTUS,

Vt & illius libertati suus concederetur locus.

Augustiori spatio captam, perfectamq; dedicauit VENCESLAO Martyri,

Nimirum flammis hætenus exustas sacras ædes, illi Principi,

Cujus ignita pedum vestigia in niuib; aliquando ardebant.

Incendio deuastati parietes non frigidum exambinere Tutelarem,

Sed qui foco assuetus in Regali purpura pistor,

Consecrandas in sacro altari hostias pinferre non erubuit.

Egregius Aquilifer

Magnifico applaudens operi in gyrum hucusq; contorquet vexillum,

Quasi triumphare velit ob præfixa sibi apud Polonos statua.

Plura parabat Venceslao & Ecclesiæ ROBERTUS,

Sed magnas cogitationes mors impedijt A. D. M. C. XLIV.

Cracouiæ in Insula nonnisi II. concessis, VLADISLAVIÆ XVII.

R O B E R T O.

O D E XIV.

*Vix cura sancto Præsule dignior,*

*Vix maior ullus Pontificum labor;*

*Quam velle id unum, liberalis*

*Vt maneat memor. urna cordis.*

Prompt

Promptas nec illuc mittere gratias,  
 Quò pompa ducit, vel male disfluens  
 Quò saepe prouocare luxus  
 Condidit, sed eò sacrata  
 Quò templa poscunt, quò Superùm decor,  
 Et orphanorum vera necessitas:  
 Casq; pauperum mapales,  
 Quò viduæ, tenuesq; quouè  
 Vocant egeni. Promere dexteram  
 Istis benignam, non sterilis satis  
 Sementis est fama, & futura  
 Materies operosa laudis.  
 Nec est timendum, deficere vt penu  
 Quandoq; possit: munificâ manu  
 Hic quidquid offers: penè totum  
 Fructificat meliore censu.  
 Cisterna quæuis rariùs integras  
 Tuetur undas, quod rigido nimis  
 Has seruat in claustro, nec extra  
 Undifluos adhibet meatus.  
 Iam verò Fontes irrigui, vaga  
 Iam verò quantùm Flumina latius  
 Augentur & crescunt, aperte  
 Quæ potius didicere largis  
 Manare riuus: quæ retinent nihil,  
 Capere quidquid: quæ subito fluunt,  
 Postquam tumescentes videntur  
 Deciduis aliundè lymphis.  
 Sic illè nostræ Vistula Lechia,  
 Notus vel ipsi Balti, & in ultimis



Notus Britannis, ampliori  
 Quò virides rizat amne glebas;  
 Quo plena multis uberius vehit  
 Frumenta Regnis; hoc citius statim  
 Confederantur & minores  
 Non in inops Fluvij tributum:  
 Dum Bugus alto defluus alueo,  
 Latoq; spumans Narvia margine,  
 Veprusq; Popradusq; purus,  
 Dum vitreo properus fluento  
 San flexuosis ductibus irruit,  
 Qui de paternis viribus Istulam  
 Dant ditiozem; Ormusianæ  
 Ut tumeant aliquando ripæ,  
 Quas ille portat, mercibus: ut suus  
 Eoa remus verberet æquora,  
 Et de coronatis carinis  
 Vistuleos capiat fauores.  
 Sic Tu futuris fabula sæculis  
 Non vana viues Craciacum decus  
 ROBERTE, cū pecuniarum  
 Auriferum toties dedisse  
 Est visa nimbū dextera, cū pia  
 Vel tecta Diuū, vel populi malè,  
 Per summam egestatem gementes  
 Quod melius valere, debent.  
 Hic nostra nam quod distribuit manus  
 Diuina rursus restituet: manet  
 Haud segne nam cælis metallum;  
 Quod miserum hic inopemue ditat.



Sibi ipsi indignatur hic calamus,  
 Quod Persum agere debeat, qui voluit Claudianum.  
 Nisi quod excusabilis & ille sit, ubi veritatis est confessio.  
*Pasquius enim non encomium fasti immerito homini laudatio.*

*Iniuriat bonos,*

*Si quis ipsi eodem calamo velit, quo & malis.  
 Se infamat stylus, quicumq; infamibus famam appingit.  
 Amare videtur, qui non vituperat vitia.*

Non calamus sed Infula ipsa infamiam suam vindicat,  
 Quam subire debuit immeritum operire coacta.

Rata se nunquam miserius, quam in hoc capite substituisse.  
 Nec enim ad Pontificatus suffragata MATTHÆO Virtus, sed pecunia:  
 Dolente Cracoviensi Collegio, quod taliter corumpi se sineret Honor.  
 Sed siue verens siue reuerens Principem, MATTHÆUM suscepit,  
 Ne illo repulso, crimein læsæ Maiestatis diceretur.



Maximo tam nominantis quam nominati dedecore:

Nam vterq;

Et Apostolicæ Sedis & Regiæ collationis gratiã contaminavit.

*Pulcherrimas Virgines Grattas testatur Pœsis,*

*Iam quicunq; Simoniacus illas aut emit, aut venum exponit;*

*Facit Meretrices.*

*Honestissima sit puella, suspicione non caret, quæcunq; quæstuaris;*

*Mercede prostitui pariter si vult Gratia, eò ipso fit iã prostibulū.*

*Vicunq; dici casta voluerit; passa aut passura nefas creditur.*

Egit postea MATTHÆVS Pontificem

Sed cui maxima laus visa est à Coco.

Oblitus se ad maiora geniū quam vt nanciipiū esset sui ventris.

Legatis Regijs aliò, quàm quò honestas duceret, ductis

Ostendit indiuiduam luxûs comitem, inuerecundiam.

Ac tandem Annis XXII. in Episcopatu exactis vitæ finem iniit

Saluatoris nostri Anno M. C. LXVI.

## M A T T H Æ O.

### O D E XV.

*S* *Euerioris Carmina pectinis*

*Assume Clio: Magnificæ nihil*

*Panegyres dant; à loquaci*

*Degenerant vbi facta laude.*

*Infamis imò pagina, garrulis*

*Quæcunq; tantum ex Elogijs tumet;*

*Si nulla virtus est, fauentem,*

*Quæ potuit meruisse chartam.*

*Hinc*

*Hinc esto vellem religiosum  
Intaminandam nunc seriem tuæ*

87

MATTHÆE concinnare vitæ;  
Et calamum pudet; & sonoram  
Mendace magnum pollice barbiton  
Pulsare probrum est. Aut ego mentiar  
Aut vera si narrem, pudendis  
Non fauceat mea Musa gestus.  
Ipse ipse venter Te gravioribus  
Damnatur querelus, quod nimius Tui  
Amator abdomen, gulosis  
Multa vorans oneras saginis.  
Ipsa ipsa missis Regia Nuntiis  
Hucusq; læsam se queritur; minus  
Quando derecunde expedisti  
Mercurios Lechici Tonantis.  
Pudor sacratæ est & tamen INFVLÆ  
Si quando Præful deuiat à bono:  
Si negligit palmas, honesti  
Quas poterant generare mores.  
Sed inuidendam quò mea Pieri  
Chelyn mouemus? sat bene vindicat  
Camæna MATTHÆVM; relictum  
Si tacito premit ore nomen.



GEDE-





NOuum iterū calamo solatium, nihil habere INFVLÆ offēsiuū.  
 Quæsierit enim id palmarium Euphormio, vt LÆDERET;  
*Amicus modestiæ Stylus*

Conuenientiū putat ad Panegyres conuerti, quàm ad Satyras.  
 Cum humanius sit gratulari dotibus naturæ, quàm citijs irasci.  
 Et plebeium nimis ingenium sapiat in sacram lasciuire purpurā,  
*Quam reuereri satius existimat vera verecundia.*

Ergo qui à sollicitudine hac me absoluat, est G E D E O N.  
 Qui MATTHÆO succedens supposuit humeros sed inuitus:  
 Benè gnarus non in solis fastigiis magnitudinem positam:  
*Verumq; honorem consistere*

*Non in titulorum splendore, sed in iudicijs hominum.*  
 In culmine constitutus, Gryphius cum esset è natalibus ceris,  
 Aure-

Aureis se montibus custodem datum credidit,  
Sed vt Promum potiùs ageret, quàm Condom.

89

MIECHOVIÆ

Custodibus sepulchri CHRISTI attribuit manipulares decimas.

Vt ita noui illi ex terra sancta hospites

*Venientes venirent cum exultatione portantes manipulos suos.*

Verus vel exinde GEDEON,

Quòd necessitati Religiosæ excuteret atq; purgaret frumenta.

KIELCIS Collegiatae Ecclesiæ, Vanchociæ Cisterciensium Fundator

Nihil potiùs habuit, quàm beneficus viuere,

Nihil infelicius, quàm si alicui liberalis esse non potuit.

*Sic Vesuius est in magnis animis, liberalitas:*

*Beneficas flammæ tenere non potest, statim illas eijcit.*

*Seu vehementior Nilus: obstantia perrumpit; vt inundet.*

At GEDEON non esset, si belli & Patriæ non sentiret pericula.

Pulso VLADISLAO II. vxorio nimium Principe

Et thori amantiore, quàm throni

Successit BOLESLAVS Crispus.

Sed cujus cincinnos non ita adamauerat Felicitas,

Vt delicatam comam nutriret.

Duriorem adhibuit pectinem,

Et qui ad dolorem vsq; coronatum caput pecteret.

Non Prussicis tantum aut Russicis, sed & Alemanicis armis petitus,

Exule VLADISLAO incentore.

Qui & sibi, & vxori Imperatoriâ domo ortæ molestū exilium sentiens

Affinis sui, CONRADI, Cæsaris, arma concitauit

*Molestat interdum ambitiosum animum amissæ fortunæ recordatio,*

*Quia paratum statim Martyrium*

*Natalibus Serenissimum esse, & penuriâ miserrimum.*

Nec defuit sanguini suo CONRADVS.

Germanorum, Bohemorum, Morauorum copijs plenus

Poloniæ fines ingreditur.

Sed



Sed terrere potius, quàm terere vires nostras potuit,  
 Sumpto iam per K R I V O V S T V M argumento  
 Quod vna nostra, bicipiti etiam tunc suffecerit Aquilæ.  
 Et ita quidem se gessit CONRADVS, vt æquitas ipsa dictauit.

Non in V L A D I S L A O tantùm,  
 In BOLES LA O etiam & alijs Fratribus suum sanguinem agnoscens,  
 Themidis potio rem respectum habuit, quàm Bellonæ.  
 Venientis ad se vtrò C R I S P I rationibus motus,  
 Et quis fuisset in Purpura VLADISLA VS, edoctus; dimisit Exercitū,  
 Lætis GEDEONE & alijs, quod penes bonū Principem remanserint;

*Malus enim à bellua non differt:*

*Qui dum Regem se agere putat,*

*Monstrum potius existimatur, quod subditi pauent.*

Ita Fortuna post tragicam Scenam, lætius interludit.  
 Crudele infixit vulnus, vt medelam deinde adferret;  
 Achillis adinstar, qui iisdem armis sanat, quibus læsit.

Sed queri nunquam cessat calamitas.

Mortuo CONRADO iterū FRIDERICO BARBAROSSÆ supplex VLADISLA VS  
 Ad pedes etiam cum Filijs procidit, misericordiam petit,  
 Quàm supplicibus taliter, quondam Fratribus testari noluerat.

Superbo nimirum homini suam vicem rependerunt Cæli:

*Nam castigandis hominum peccatis aptissimam penam inuenit DEVS,*

*Vt non ingentior sit nostra malitia ad scelus,*

*Quàm iustitia Diuina ad vindictam.*

*Miseriâ supplicatis motus Fridericus vbi per Legatos Exulē nobis inducere nō potest*

*Pro caduceo adhibet clauam.*

Nec defuit sibi Polonia;

Aperto quidem campo pugnare non ausa,

In suppetias tamen euocauit Vulcanum

Additum semper Marti Numen; vbi de Hoste, non de Venere agitur.

Quā progressurus erat cum exercitibus suis Barbarossa,

Hæc depopulatus omnia igne Crispus;

Vt ita subtracta hostili multitudini annonā, mitionem hostem redderet.

Patuitq;

Patuitq; parum posse sine Cerere Bellonam. 91  
Famelico exercitu prouior ad pacem Cæsar, Vladislai quidē partes egit.

Sed ut in vnica Silesia eidem concessa quicuerit,  
Non ausus inuitis populis exosum Principem imponere,

Qui pro se & rationes & arma opponebant.

Pacatis talitèr rebus felix videbatur Sarmatia,

Vbi pax & tranquillitas illam respexerunt.

Sed ut humanarum rerum inconstantia est, vultum mox subducere;

*Nec enim vlla vnquam sine nube serenitas.*

*Fugata nox, diem statim non adfert, sed crepusculum.*

*Quiescere potest tempestas; non statim tamen tranquillum mare.*  
Defuncto Crispo Polonum thronum noua ascendit bellna,

MIECISLAUS Senex.

Auarus omnino Princeps,

Et qui sanctum imperij nomen in tyrannidem vertit,

Crux potius Ciuium, quàm Dux

Polonos omnes intolerabilibus tributis obruens.

*Quasi non sordide regnet in vacuos Ciues Princeps,*

*Et non turpiter omnino infletur caput,*

*Si ut se augeat, cætera membra deficere facit.*

*Vix speranda Regnis Pax, si quæ Rex adimit Ciuibus, facit sua.*

*Quæ relinquit, adhuc habet cum illis communia.*

Nemo ausus deglubenti Majestati obistere:

Populusq; Polonus

*Crudelem Iouem, nequit cum dicere, sensit.*

Vnicus GEDEON lentâ prius, censurâ vtendum ratus,

MIECISLAUM secretò monet.

*Correctio quippè culpam non exprobrat, cui mederi satagit.*

*Indiscreti censoris increpatio non est, sed conuiuium.*

*Desperatus morbus, cui vltima remedia adhibentur*

*Calcaribus & stimulis non opus, ubi poppy smata sufficiunt.*

*Reprehensioni maximè moderatio adhibenda,*

*Quæ sanabilia ingenia distinguere sciat à deploratis.*



*Blandis dura frangere polities quadam est.*

*Nam ut muralia tormenta, si duris obuiant, frangunt;*

*Mollibus cedunt vtrò;*

*Ita & crudum ingenium duris exasperatur, lenibus mollescit citius.*

Ejus tamen ingenij **MIECISLAUS**

Vt illi non monstrari debuerint remedia, sed inculcari.

Quare secretis admonitionibus postquam nihil proficit Episcopus,

In publico Senatorum congressu Censorem agit.

Nec ibi quidem atrocibus statim remedijs;

Sed Sapienti commento,

Et vbi sub indolentis dilaniato gregi suo mulieris, imagine

Propriam iniuriam deploraret Patria.

Prudenti Pontifici

Tutissimum suauissimumq; monendi genus illud visum,

Quo malus Princeps non ita offendi, ut emendari potuerat.

*Corrigendis hominum moribus cum impar plerumq; natura est;*

*Optimè sapientia ut obuiam.*

*Seueritas si offendit.*

*Benè mutata persona sumitur, quæ sub imagine tangat vitia.*

Abfurde tamen regnantibus nihil acerbius, quam veritas,

Fabulosis etiam velata inuolucris.

Offensus **GEDEONI MIECISLAUS** minitans è Senatu se proripit,

Ut abundè colligi potuerit

Non Poëtarum tantum, Principum etiam genus furore corripi.

*Acrior nihilominus ad occupanda pericula virtus, quam ad irroganda crudelitas*

E votis Senatorum dejecto **MIECISLAO**, **CASIMIRVS** surrogatur iustus.

Sub quo iterum de pauperibus merendi porrecta **GEDEONI** occasio.

Inoleuerat in Polonia priorum Principum conuiuentiâ

Barbarus inter Procures & Equites mos,

Vt quotiescunq; iter facerent, ubicunq; collibitum esset,

Agros atq; prata agrestium & oppidanorum depascerentur.

Quæ sita tanto defectui medela,

*Sed ingentium malorum remedia, raro suis periculis carent.*

*Peruersis multorum opinionibus*

*Peccata illa minuantur, quæ potentibus accessere.*

*Quasi*

*Quasi in hoc felices sint, si impune peccare licitum habeant.*

*Vt cuiq; utilior erat, ei magis licentia illa defendebatur.*

*Pessimo in iudicijs more, ubi sua cuiq; pro decreto utilitas.*

Vocatis tamen Lanciciam G E D E O N E & septem alijs Episcopis

Tam indigna Christianis populis consuetudo abrogata.

Instituta præterea Synodus, in qua graue anathema stetit,

Si quis eiusmodi barbariem ulterius attentâset.

Nimirum

*Benè, si Principes & optimates instar solis micant,*

*Ferunturq; per varias domos equali semper lumine conspicui:*

*Nec in eo dignitatem suam ponunt,*

*Vt fortunis humilioribus non permittant tranquille suam noctem ducere.*

Vix aliquid superstes G E D E O N

Viuere desijt Anno Dñi. M. C. LXXXVI. regiminis sui XX.

## G E D E O N I

### O D E XVI.

**C**orufca quædam fulmina Principes  
Sunt imperantes. Mollibus abstinent

Plerumq; nec lædunt; rebelles

Si inueniant nimiumq; duros

Omniñò frangunt. Cautius obuiat

Hinc quisq; prudens Regibus, & thronos

Audacter haud statim laceffit

Sed potius veneratur illos

Quos esse terræ non dubitat Deos.

Tu verò auitis edite Gryphibus

Qui Censor, ac quantus! Poloni

O! G E D E O N basis una mundi:

Ibas leuatum vulnera, quæ Lecho

Infixit atrox Purpura climati,

*Delicta*



*Delicta curabas furentis*

*Affiduus monitor coronæ*

*At blanda vultu gratia, comitas*

*At pulchra verbus, at nihil asperum;*

*Esto MIECISLAUS tonante*

*Indiguit toties Pericle.*

*Sic quippe verus Censor ab impetu*

*Abhorret omni: parcius horridas*

*Mouere sic nouit procellas,*

*Ac modicos adhibere nimbos;*

*Qui vult mederi. Promptius indeles*

*Humana flecti nouit, atrociter*

*Quam verò confringi. Flagello &*

*Verberibus sonipes repugnat,*

*Poppysma blandum quem magis excitat.*

*Nec virga quidquam proficit, aut graue*

*Calcaruè substrictumue frenum,*

*Sed placidæ monitoris artes.*

*Secus, rigore ac cæde minabitur*

*Si quis furenti, si nisi fulmina*

*Infesta mittet, cuspidatis*

*Pectinibue rotæue damnet,*

*Si vel catastas perpetuò aut Cruces,*

*Si mille semper funera deuio*

*Intentet erroni; tyranni*

*O! facies rediuita monstri,*

*O! cruda rursus barbaries redux:*

*O! vel libussis orta Leonibus*

*Natura, vel crudele scæuis*

*Progenies male nata Pardi.*



CONspiratū est à Minoribus Polonis contra CASIMIRVM Iustū.

Hungaricum bellum prætendebatur;

Reapsè autem erat non contentata quorundam auuiditas:

*Vt potè æstuantium agrorum sitim*

*Non facile quibusvis riuis expleueris.*

*Ingratissimum beneficij genus de vniuersis mereri;*

*Priuata gratia melius rependitur.*

Itaq; morante in Russiâ CASIMIRO, MIECISLAVS reuocatur.

Nec testudinibus ille ad purpuram vectus,

Sed citis itineribus Cracouiam veniens apertas portas inuenit.

Pronis eorum studijs,

Quibus mixtissima fors regnorum videtur *sub rege nouo.*

At F V L C O

Cui semel iurauerat; non ita Majestatis irreuerens,

Cum



Cum NICOLAO Fratre Palatino Cracouiensi, arcem clausit MIECISLAO.  
Benè sciens, quòd truculentum satis ex se hominem,

Magis adhuc purpura efferaret.

Egit utriq; grates superueniens CASIMIRVS,  
Et geminum par Fratrum, Castorem & Pollucem, veneratus,  
Quòd amicis amborum Sideribus

E turbido illo secedentis populi ponto enauigasset feliciter.  
Documentum relinquens, Principibus quantum boni addant Ciues,

*Quòd cum Sole, idem cum Principibus.*

*Hos Ministri; illum destituant Sidera, desiderabitur aliquid:*

*Vt cumq; è suo potissimè Sereno luceant;*

*Phosphori tamen vel Hesperii opportuna habent obsequia.*

Gradum ad futuras præteriti meriti lauream arbitrans FULCO,

Cæpit vterius de CASIMIRO mereri.

Eò fideiori obsequio,

Quòd non corpori tantum, sed & animæ seruerit.

Optimus enim Principum CASIMIRVS.

Ita tamen; vt inter maximas virtutes, vitia admitteret.

In libidinem pronior;

Fugiendam hanc CASIMIRO suadet FULCO, & verecundiam seruandam

*Quia cura pudoris nunquam est nimia,*

*Tam nobilis virtus ingenio debet comparari; si natura desit.*

Iniurium deniq; asserit

*Vt Marti Polono vnus puer Cupido imperet.*

*Honestiora semper connubia dicens Bellonæ, quàm Veneris.*

*Ex meretricio concubitu*

*Non pulchram prolem nasci, malam famam.*

*Illicitarum tædarum fumo Regalem denigrari serenitatem.*

*Vt tot audiat Russis Hercules CASIMIRVS,*

*Sua tamen Iole illum deturpat.*

*Videat,*

*Videat, quantum sociæ legitimi thori Dejaniræ  
eiusmodi offendantur pellicibus.*

97

*Graue nimium erit Orbi Sarmatico cælum,  
Si spuris Sideribus implebitur.*

Non offensus his CASIMIRVS, vtpote ille,  
De quo maioris pudicitiae spes iam haberi potuerit, licet nondum fiducia.

Laborandum igitur consuluit Pontifex,

Donec bona mens esset, quod bona voluntas fuerat.

Fecit CASIMIRVS, ut humanæ vires ferebant.

Et Tutelari Regni FLORIANO deuotior

Sequenti die, dum Proceribus conuiuium instaurat,

Inchoato de immortalitate animi, & cælitum beatitudine, sermone,

Vix mediocre satis poculum euacuat; mortem ebibit.

Magno FVLCONIS dolore;

In tam modico Scypho, tam grande optimi Principis naufragium inueniri.

Neque tamen defuit FVLCONI occasio merendi de CASIMIRO,

Si non in CASIMIRO ipso, at in CASIMIRI Filio,

LESCO ALBO,

Eo maiore grati Senatoris elogio

Quo fidelius posthumo etiam seruierit,

Ab extinctis cineribus præclusam referendam gratiam, spe.

*Plerisque enim beneficia eo usque obligatoria, dum videntur exolui posse;*

*Vbi exoluta, pro gratitudine, odium recipiunt.*

At non ejus ingenij PERKA:

Vacuo Poloniae throno:

Dum hinc MIECISLAVS senex, inde Opoliensium Dux,

Novus uterque; Tantalus aurei pomi siti laborant;

NICOLAVS & FVLCO pro Helena & LESCO steterunt.

Et fuere multi, quibus Sarmatica hæc Tomiris

Cum Filio suo non placuerat:

Indignum rati: puerili manui Sceptrum porrigi,

Cui ferula conuenisset magis.

N

Sed



Sed euicit horum duorum autoritas,  
 Quibus nullum aliud pro L E S C O suffragium,  
 Nisi CASIMIRI Parentis optimè de Republica meriti, memoria.

*Adeo defuncti etiam Principes viuitis in gratis Ciuihus  
 Marmoribus insculptis, quacumq; memoribus inscribitis beneficia.*

Ambo igitur pueri Principis tutores destinantur,  
 Summo, penes HELENAM, Imperio relicto.

Et ecce nouus Paris

MIECISLAVS Senex

Qui non tam in Helenam, quam in subiecta Helenæ Regna ardens  
 Aegre tulit prælatam togæ bullam in purpura capeffenda.

Per cæsa igitur capita thronum ascendere proposuit,

Vbi vota Ciuium non fecerant gradum,

Tanquam miser populus facilius duorum Principum ferro sufficeret,  
 Quam Imperio.

Nec defuere L E S C O multi è Polonis, ductore NICOLAO,  
 Cui à lacte tantum, non item à sanguine abstinere solenne.

Vbi ad pugnam descensum,

Victor primò Lescianis, secundò dubius Mars ad Mosgauam fluuiū.

F V L E O non quidem præfens castris,

In vicinâ tamen villâ anxius de belli euentu.

Dum irritis & infensis tantum armis vtrinq; descensum rescit,

Cracouiam, vbi HELENA cum Filio hæceret,

Reliquas copias deducendas suadet.

Secutus consilium NICOLAVS:

Milesq; didicit, fuisse tunc, & in Pontificiâ togâ,

Quod Martiali etiam fago non inglorium erat sequi.

At tempus erat,

Vt palliatus MIECISLAVS pro galeâ, laruam assumeret.

Vbi Leo nihil egit; vulpem induit.

Regnatrici Fæminæ persuadet.

Sanctiorem esse, & suam & Filij Lesci sortem,

Quam

Quàm vt à seruis suis regatur:

99

*Bracteatum dominum est sub illa FVLCONIS & NICOLAI tutela,*

*Quid cum summo Imperij titulo Helena?*

*Si penes duos subditor potestas.*

*Maiestas nomen tantum est, si illi non datur supremum velle,*

*Sciret se patrum esse destinati sceptris pueri.*

*Amicos vt tacitus testis.*

*Tempore, Fortuna, cupidinibus aliquando aut erroribus*

*Imminui, transferri, desinere;*

*Suum cuiq; sanguinem indiscietum, sed maxime Principibus,*

*Quorum prosperis & alij si uuntur, aduersa adiunctissimos pertinent.*

*Proinde cederet tantisper sibi Purpuram,*

*Lesco ubi adoleuerit, redituram.*

*Persuasas his credula mulier, curatoribus nequidquam aduersantibus,*

*Cessit Purpuram MIECISLAO,*

*Incapax scilicet sceptri, cui natura assignauit colum.*

*Sed Sandomiriam cum Filio deducta*

*Dum MIECISLAI promissa expectat, & repetit,*

*Recipit Magnificum nihil.*

*Ita HELENA aptior inueniendæ Cruci, quàm Sceptro,*

*In LESCO ALBO CONSTANTINVM peperit,*

*Cui statim suus non deesset MAXENTIVS.*

*Ergò doctiorem reddidit calamitas, quæ sub Fortuna sapere non didicit.*

*Quorum prius consilia contempserat,*

*Dimissis circum Proceres literis opem implorat.*

*Adsunt primi NICOLAUS & FVLCO,*

*Euocatæ Sandomiriæ HELENÆ tradunt Cracouiam.*

*At stulta iterum Mulier,*

*Deuolvente in FVLCONEM & NICOLAVM culpam*

*MIECISLAO ob promissa non præstita,*

*Ac manumissionem NICOLAI, suadente,*

*Dû omnia timet, & omnia credit, in MIECISLAI casses incidit.*

*Adhuc miseram prædam liberare voluerat NICOLAUS,*

N 2

Abun-



Abundè ostendens, cujus esset MIECISLAUS fidei.  
Sed cum incapacem sani consilij Fæminam videt.

Ingratam vlturus mulierem,

Posnaniam ad MIECISLAUM contendit, operam pollicetur.

*Ita non ferunt contumeliam magni illustresq; Viri:*

*Quos ubi irritaueris,*

*Impotentia animi ad multa indigna impelluntur.*

Spoliatus omnibus cū Matre Lescus, nec mitiorē expertus MIECISLAU,  
Primò didicit, quàm mendacem monstro Purpuram cesserit.

Ingenti quidem MIECISLAI infantiâ,

*Nam verbis Principis maior debet inesse fides, quàm aliorum iuratis,*  
*Abiectissimi animi est, mentiri & fallere.*

*Regum Maestas quò Diuinitati propior, eò & veritati.*

Tàm diu rerum inops Helena,

Donec mortuo MIECISLAO Polonus iterum thronus vacauit.

Prona in Lescum Polonorum studia.

*Verum in læsis semel animis relictum vulnus,*

*Cicatricis non admonet, sed vindicta.*

Propitijs alijs FVLCO & NICOLAUS aduersati Lescò,

Indignum Purpurâ Helenæ Filium rati,

Qui hætenùs non fuisset Constantinus.

Cessere tandem & ipsi, sed cum ea conditione,

Vt si regnare vellet, relegaret à se Gouoricium.

Is erat Palatinus Sendomiriæ,

Non aliundè NICOLAUS inuisus,

Nisi quod non minori gratiâ apud Lescum polleret.

*Communis hæc in Aulis infirmitas, zelotypiâ quâdam laborantium,*

*Quia quivis Principis sui amorem sibi vni sollicitat impensum;*

*Neq; in alios arctiorem benevolentiam diffundi patitur.*

*Prout quisq; ambitiosior est,*

*Demi sibi existimat, quicquid alte. i. accedere potest.*

*Parata statim iniuria, Regis in aliquem incursatio:*

Et

*Et cum apertius Maestas diligit, odisse amuli incipiunt.* 101  
Non placuit Lescō adiecta de Gouorio conditio,

Ideo Purpurā etiam non indui,  
Quām fido Consiliario exui malens  
Excusauit Diadema;

Quod nobilem gemmam; bonum Ciuem ferre non posset.  
Additum insuper responsum, non tantam sibi dominandi esuriem,

Vt tanquam ad famelicum veniret cibus,  
Regium honorem auidis faucibus expectaret auidè:

Bene se sibi regnare, etiam sine Regis titulis.  
Qui si venirent; nomen tantum accederet, & apicis tituli

*Sine quibus magnus animus esse potest.*

Placuit multis magnanimitas hæc Lesci non itidem NICOLA O:

Et ideo ad Lasconogum deuoluta Purpura,

Sed nec hic in illa diu paludatus,

Eò quòd in homine quieto non is Mars & indoles visa,  
Quæ in Lescō apparebat, fusis recenter Haliciensium Ducis copijs.

Documentum mortalibus:

*Quantumuis egregiam in Rege virtutem posse contemni,*

*Nisi fortitudinis accedat opinio.*

Fortunam suam ex Regnantium successibus populi æstimant,

*Vt quis horum vel conica dote caret;*

*Iam omnia sibi deesse queruntur subditi.*

Eligendo igitur Principi noua Comitia indicta, è quibus Rex Lescus.

Maximè ubi NICOLAVS viuere desijt,

Mitiorè iam vt sanctiorem togam decebat, in Lescum FVLCONE.

Sed hætenus Senatoriâ Purpurâ illustris FVLCO;

Ad Pontificiam quoq; Purpuram non erubescet.

Ab VRBANO III. Veronæ consecratus

Primum sibi & successoribus locum

Post Metropolitanam Gnesnensem impetrauit.

N;

Factu-



Facturus hanc Ecclesiæ suæ gratiam,  
 Quam Archiepiscopali prærogatiuâ exutam non nesciit.  
 Inde *Ordinem Minorum* in Poloniam deduxit,  
 Magnitudinem suam vel exinde probans,  
 Quod sciret *Minores* hos æstimare.  
 Quibus nihil maius Assinas dedit, quàm cùm appellauit *Minores*  
 Gelido Polonorum Septentrioni  
 Commodissimè S. raphico FRANCISCI igne arduentes Fratres aduenère.  
 Insigne præterea pro valetudinarijs hospitale er. ctum, ac prouisum  
 Fratribus S. SPIRITUS de Saxia attribuit Slauconiæ.  
 Pontifex  
 Curâ sibi commissi gregis, in Religiosos Ordines beneficijs  
 Maximus :  
 Et in quo tot Republicæ negotijs occupato  
 Prodigium erat, Pietatem, cum sæcularibus curis conuenisse.  
 Moritur tandem Anno Dni: M. C.C. VII.  
 Vbi Ecclesiæ Cracouiensi vixisset annis XXI.

## F V L C O N I .

### O D E XVII.

*E*st & Polono non humilis mihi  
 Lustrare fastos Sarmatiæ calor,  
 Est & domesticæ Latinæ  
 In Chronicis retinere Musæ  
 Decorus ardor. Sæcula sistite  
 Vexata multis sistite casibus,  
 Quæ vel MIECISLAI superbo  
 Pressa throno, titubante Lesçi

*Vel mæsta sceptro, multoties graues*

*Dedistis annos, aruaq; ciuicum*

*Spumare fecistis cruorem*

*Indigenis pluuiosa bellis.*

*Primus Dlugossus qui historiam mihi*

*Dicet Poloniam, qui mihi callidas*

*Vasrasq; Maiestatis artes*

*Intrepido recitabit ore.*

*Quæ Lerna tantum, quæ dedit Africa*

*Horrenda monstrum? Marmarico læ*

*Quæuè illa de specu, maritis*

*Tigridibus peperit Leonem*

*Plusquàm Lybissum. Prodigialium.*

*-O probrum Parentum; utcuq; Calissij*

*Dicata MIECISLAE Paulo*

*Templa struis posituq; Landæ*

*Et Vangrouoci cænobijs pius*

*Credi laboras? Sceptrum Helenæ tamen*

*Raptumq; Lesconi loquacem*

*Dedecorat diadema famam:*

*Et illa fuso sanguine Ciuium*

*Respersa multum purpura, subditis*

*Raptæq; fortunæ, & tributa*

*In Lechicam grauiora plebem.*

*Nil largiatur, dum nihil auferat*

*Quiscunq; Princeps; non alat, & simul*

*Non strangulet Ciues, subibit*

*Dulcis adhuc noua cura prolis.*



Iam largiatur ; sed simul auferat ;  
 Alat, simulq; occidat aheneis

Armatus ensibus ; profecto

Efficiet, quia pœnitebit

Non posterorum, sed pariter Patris

Matrisq; fratrisq; inuò etiam sui

Quemcunq; Ciuem. Si cruore, &

Cæde velut catuli ferarum

Subiecti alentur ; iam hæc alimonia

Omnino cruda est. Accipientibus

Vix illa gratior facultas,

Quàm illa, cui poteris fateri

Quod rapta sit nulli : Ex proprio dati

Laus pulchra solùm muneris ; alteri

Iam dempta si dantur, rapina est,

Non aliquod vocitanda donum.

*Stetit potentem belluæ in obicem*

*FVLCO rapaci ; sed nimum vafer*

*Dum nil MIECISLAUS Leonem*

*Posse vide, speciem dolosæ*

*Vulpis resumit, sumit imagines*

*Sic mille quisquis pronior in fidem*

*Proteris malignam ; flexuosa*

*Sic variat, quoties Jagaces*

*Fraus sumit artes, Subdola sed quò eat*

*Vult quoduc vulpes, non modico cauet*

*Iam FVLCO iam frater labore :*

*Ast iterum mulier suarum*

*Ignara*

Ignara rerum, credula dum timet  
 Timensq; credit, bis Lechicam gerens  
 Elusa bis cessit Coronam;  
 Nec Domini rediere fasces,  
 Ultore donec vivere desijt  
 Damnata fato bellua, Regijs  
 Superba de sceptris & unum  
 Pro Domino referens tyrannum.  
 Hæc è Dlugosso, hæc è Cromero meis  
 Inscribo chartis, vos memorem Lechi  
 Audite Vatem quæ Dlugosso,  
 Quæ Historiæ adijciam Polonæ.  
 Amica nobis si volumus Lechi  
 Regnisq; Nostris fata; adamantino  
 Quod illa præscribere libro  
 Hoc famulo teneamus usu.  
 Quorsum Coronas, sceptræ volubili  
 Quorsum dicamus Regia femina,  
 Regniq; Maiestate mollem  
 Perferimus radiare sexum;  
 Natura quem fuso, quem & eburneo  
 Dignata tantum pectine, futilem  
 Decurrat rot telam, ac alacri  
 Expediat sua pensa dente.  
 Effætus Orbis Threijcias dabit  
 Vix Tomyres iam: prima Semiramis  
 Speranda vix demum, aut Camilla  
 Et Penthesilea furens abenis



Corusca peltis. Vanda prioribus.  
 Regnavit annis, & validam quidem  
 Testata Reginam virago, at  
 Fæmineis quasi læsa sceptris  
 Fortuna tantam non tulit amplius  
 Regnare Vandam. Rixa nihil reos  
 Quæ tygris in Lechos? & illa  
 Caesaribus nimium superba  
 Tam Patre, quàm Fratre, & proprio simul  
 CHRISTINA fastu. Sceptrum HELENÆ ferum  
 Vocare non possum, ast & ista  
 Quot Lechiæ dedit inquietam  
 Regina monstris! nec monitis vhi  
 Attenta fidis, falsiloquæ neq;  
 Sat gnara linguæ, fraudulentæ  
 Regna dedit, moderanda vulpi.  
 Nunquam Coronas, sceptra volubili  
 Nunquam precemur Regia fæminæ:  
 Vicinq; quam optime volebat;  
 Vix sapuit bene sexus iste.  
 Sed PETRA palmas, sed virides feret  
 FVLCO corymbos, quod fuerit memor  
 Vbiq; Lesci, Lescianam  
 Quod toties turtus Parentem.





**P**rimus hic Historiam Polonam condidit,  
 Quantâ nominis sui laude? iudicent illi,  
 Qui intelligere possunt, quid est primam glaciem frangere.  
 Maioribus nostris non scribebantur Historiæ, sed fiebant,  
 Fæcundiore Gradiui quàm Apollinis sæculo :  
 Et vbi Spartâ ex Polonia faciliùs potuissemus dare, quàm Athenas  
 Nulla nobis chronicorum cura.  
 Non alium calamum adhibentibus, quàm gladium :  
 Qui heroico charactere,  
 Cæsum hostem in arena tantùm notaret, non item in pagina.  
 Quâ id tandem Poloni nominis iacturâ, sensimus posteri,  
 Qui aliorum annales legimus postea :  
 Per nostrorû rude silentiû tantùm extraneis calamis sibi concederibus,  
 Ut victorias nobis, vrbes, prouincias eriperent,



Quas proprio sanguine mercabamur.

Adeòq; nullus hostium in nos iniquior prædo;  
 Quàm hi debitorum Poloniae triumphorum iniqui raptores non scriptores;  
 Qui dum subinde Martiali mucrone non possent,  
 Imbellibus paginis Regna nativa vindicabant.  
 Virtus est suâ tantum iactantes populos VINCENTIVS,  
 Stricto pro gestis Gentis Polonæ calamo;  
 Summis Heroibus par.

Nam

Tam ad hunc Patria, qui scribunt; quam qui pugnant.  
 Nec in ararium famæ opimius gladij spoliū conferunt, quam styli.  
 Equale in Rempubicam patrimonium gloriæ;  
 Sive illam sanguine Vir fortis parat,  
 Sive ingenio & studio Vir doctus tuetur.  
 Non tantum qui scribenda facit, sed & qui facta scribit,  
 Meretur laudem.

Oeconomia quædam hic est; ut in fortunarum ratione labor cuiusq;  
 Non in acquirendo solum, sed & conservando consistit;  
 Ita gessisse pulchra non satis est,  
 Scribere etiam, quæ gesta sunt, & ab interitu vindicare;  
 Ad publicam laudem pertinet.

Ita tamen VINCENTIVS Chronica Polonica scripsit,  
 Ut & se ipse posterioribus aliorum calamis in materiam daret.  
 Nec iustius quisquam fastis inferiur,  
 Quàm qui non scribere magis, quàm vivere nôrit.  
 Ad Cracoviensē Insulam electus literariæ sic inutgilavit pennæ,  
 Ut & œconomicum non negligeret penum  
 Hancq; non splendide, illustriq; opulentia suæ,  
 Sed Ecclesiæ decori accumulans,  
 Aerarium fulmine tactum liberalissimè subleauit.

Illo tamen vix illustrius opus,  
 Quod lucernam noctu diuq; arsuram perpetuâ foundatione prouiderit.  
 Accidentibus panis vestito DEO, Vestalem ignem,

Qui

Qui nunquam extinguendus æternum luceret.

Diurnis nocturnisque; lucubrationibus notissimus Præsul,

Cleantis lucernam credidit; quam Numini accendat.

Oleum certè & operam non perdidit, ubi illud impendit superis.

Agonizaturum aliàs famæ suæ lychnum ratus,

Nisi eum eiusmodi adipe impinguaasset.

Verè sic soli lucem addidit,

Quando æterno soli accendit lampadem.

Aureus Pontifex quod amore in DEUM arsit, his flammis testatus est.

Erigidus in obsequio DEI non erat, si igne tali statim incaluit.

Benè persuasus ad Sponsi nuptias non admitti,

Qui ornatas non habent lanipades;

Suam sine mora parauit;

Ipse tamen VINCENTIUS hæc & mille alijs lampadibus illustrior.

Sed hem! lucerna sub modio.

Cracouiensi Ecclesiæ decennio lucens clarissimus Sol,

In Religiosæ modestiæ occasum declinauit.

Illustri Rosinorum Domus ortus,

Vt magis Deo nosceretur, mundi lucem fugit.

Ac ut in nobiliorem etiam BERNARDI transfret Familiam,

Non dubitauit purpuram cum cucullo commutare.

Hic sanè nouerit orbis;

Quanta Instituti tui reuerètia Sanctissime Cisterciensium Ordo

Coram quo Præsules etiam Mitras deponunt.

Non amat tenebriones vester Claræ Vallis Abbas;

Illustria suis facibus trahit nomina.

Mellissus Doctor auitas nobilium ceras recipit,

Vt tam suauis temperamento conditæ pulchrius ardeant.

Non satis est è vobis ad INEVLAS eligi;

Nisi etiam Insulata capita,

Religiosæ vestræ togæ suas submittant purpuras.



## Talis VINCENTIVS:

Qui post decursum Episcopalis vitæ stadium,  
Ad Religiosam tandem festinauit quietem.  
Ex Episcopo iuratus CHRISTO Pauper  
In Andreouienſi Cœnobio.

Primò tunc datum *vincenti manna absconditum,*  
Dulcioris nimirum in sacra asceſi conuerſationis.

Nec nauseauit anima ejus super hoc cibo,  
Cui ſuauius nunquam conuiuium, quàm DEO obſonari.

A ſanctiore odeo ſæpius abſens,  
Lumine circumſuſus in cellæ angulo,  
Multoties ſpectatrices Abbatis pupillas perſtrinxit.  
Verè aurora dicendus, niſi Episcopale Purpuram exuiſſet.

Immortalis vitæ ſcrutans arcana, igneſcere viſus,  
Vt ardens carbunculus æternitatis annulo infereretur.  
Quatenus canonizationem in terris vinens adhuc meruiſſe videretur.  
Tam promptè à cælo ipſo cum radijs depictus.

Postquàm verò vnum luſtrum Andreouiæ ſanctiſſimè exegit,  
Anno M. CCXXIII. moritur,

Nec viuere tamen nec lucere deſinens.  
Cineres vbi CC. XX. annis humili in loco iacuiſſent;

Per Remigium KONIECPOLSKI  
EPISCOPVM Cheſmenſem Abbatem Andreouienſem  
Authoritate publicâ ſubleuati, & in Marmoreo maſſolæo reconditi ſunt

*Ita tegitur aliquando lapide deſuncti memoria, non obruitur.*

*Nulli virtus aut viuo aut mortuo non retulit gratiam:*  
*Obluiſci ſubinde ſuorum videtur; interim oculatiſſima eſt ſemper*  
*Imò, in mortuis quoq; cineribus, Phœncem agit.*

VIN-

# VINCENTIO KADLVBEK

III

O D E XVIII.

Vix non inerti est proxima; barbaris  
Quæcunq; virtus pressa silentijs:

*Proinde non sinens taceri*

*Sarmaticæ monumenta famæ,*

*Et tot labores in medijs premi*

*Hic Præsul umbris, Pierias gerat*

*Iuste coturnatus corollas,*

*Frondifluas referatq; lauros:*

*Quis Gentis auctor? quivæ & originis*

*Pares Polonæ? quis cuneos Lechus*

*Aduersus hostiles? quibusc*

*Principijs stetit ista nostri*

*Compago Regni? Gnesna Aquilis quibus*

*Submisit omen? primus ad ultimos*

*Cuncta ista KADLVBEK nepotes*

*Historicis retulit papyris:*

*Nec Visimirus fulmineum dedit*

*Solus Graduum, bellaq; Danico*

*Ille unus intulit Siuardo;*

*Quæis tremuli placuere conti,*

*Quæis in marinis fluctibus igneus*

*Tentatus est Mars: armaq; Baltico*

*Tractata ponto: classicisq;*

*Ceruleæ sonuere Nymphæ;*

*Fuere multi: sed memori quia*

*Hos nulla falso pagina posteris*

*Descripsit annis; acta & ipsi*

*Immemori tumulantur ævâ.*

*Quod*



Quod Vanda Craci Filia Regio  
 Coruscet auro; fortibus imperans  
 Tenella quod viris puella  
 Rutigeri fugiat maritas  
 Casta ipsa tædas; quod propriae faber  
 Felicitatis de chalybe auream

Cudat PRÆMISLAUS coronam  
 Et Lechici nimium laborans  
 Ardore pomi, Lesco per asperos  
 Incedat hamos; quod trabeæ appetens  
 Popielus hinc & inde mures  
 Innumeris volitare turmis,

Sibiq; certo funere conspicit  
 Instare pœnam; rustica pauperi  
 Aratra quod Piasto Polonis  
 Magnificè micuere sceptris;  
 Et dictus ipso quærere maximam  
 Macrone famam, pacifico tua

Quod Regna MIECISLAE CHRISTO  
 Subdideris; Chrobrio Ducalis  
 Quod Mitra fulsit nobilioribus  
 Scribenda posthac cum titulis; suo  
 Natuq; quod dispar parenti,

Famineo nimium obsecundans  
 Coniunx furori, Sarmatico grauis  
 Regnavit orbi; Rixaq; desidi  
 Megæra succedens Marito  
 Non dominam, sed atrociorē

*Quâvis Medeâ Principem in omnibus  
Se gessit annis; quod studio Lechis*

*Qua sitis ingenti relictas*

*Rursus init CASIMIRVS oras*

*Ft Matre Princeps & Patre sanctior;  
Quod fata nobis nunc bona, nunc mala,  
Seri reuoluimus nepotes;*

*Cuncta suis manifesta fecit*

*KADIVBK scriptis. Inmemorem secus  
Incognitumq; abduntur in angulum,  
Quæcunque tantum gloriôsè,  
Facta suis caruere fastis.*

*Nil est cruento scribere posthumam  
Mucrone famam; nil Geticis iuuat  
Impressus in campis character,  
Si calamus fileat, futuros  
Loquax in annos. Instabilis nimis  
Membrana; ferrum si nisi bellicæ  
Inscribit annales arenæ,*

*Nec resonis canit eruditus  
Apollo cannis. Sat leue præmium  
Virtutis est; si fama silentium  
Non vltra it armorum; perenne  
Egregij volumus laboris  
Si quando nomen; sint memores libri  
Pro teste tantum; & nulla pericula  
Obluionis à situ vnquam  
Lechiadum patietur orbis.*

P

IOAN.





**N**ON IOANNES sed gratia in Cracouiensi Cathedra IVO.  
 Cænobium erexit sacro Cisterciensium cætui Mogilæ,  
 Ubi VANDÆ Reginæ tumulus, non item IVONIS huius famæ.  
 Canonicis Regularibus Sancti AVGVSTINI Mstouia,  
 Pulcherrimâ loci commendatione,  
 Quod Augustos etiam, dum Augustinos in se reciperet.  
 Cracouiæ Fratribus S. SPIRITVS de Saxia,  
 Ubi pauperes quidem hospitarentur. DEUS tamen esset domesticus.  
 Imbraniouiciæ Præmonstratensibus Virginibus,  
 Episcopali, sed casti illius Norberti Soboli.  
 Basilicæ, Dzierzanensem, Konscensem, Gofaczoniensē, & plures alias.  
 Romam deindè profectus,  
 Vbi Dominicus è Gusmanorum sanguine  
 Notus ille in Matris adhuc vtero orbi canculus,

XZ. Inflammandis hominum animis facem circumferre caput. 119

Exarserant ad tam feruentem ignem multorum pectora,

Sed nec noster Septentrio ita frigidus,

Vt ad sanctiorem torrem non incalesceret.

HYACINTHVS ex Familia Odrowaziorum,

IVONIS ex Fratre nepos, Canonicus Cracouiensis,

Sanctiori militiæ nomen dedit.

Placuerat Patruo tam sanctum nepotis factum:

*Nunquam enim sine illicijs suis est virtus.*

*Non ipsius tantum nequitia subit dulcedo, virtus etiam amatur:*

*Adeoq; rarum seculum, cui illa in delicijs non sit.*

*Vtunq; multorum odijs vapulet,*

*Plures tamen sunt, qui ei faueant.*

*Plebeia fuerit in ignobilibus animis,*

*Bonæ indoli, pro nobili æstimatur.*

Nec satis fuit pio Antistiti, si virtutem laudasset,

In gratiam etiam ejus, aliquid facere voluit,

HYACINTHO, & tribus alijs eiusdem instituti in Poloniam adductis.

Quibus primariam è Cracouiensibus

Sanctissimæ TRINITATIS concessit Basilicam.

Dedit plausum tanto hospiti Cracouia,

Qui Polonæ Aquilæ cum esset pullus,

Candidis alis è Vaticano colle prouolans in Vauelum defluxit.

At non in Religiosos tantum Ordines beneficis hic Pontifex.

Erga alios etiam munifici scenam pulcherrimè egit.

Subsecuta fames, famæ illius optimum sustentamen,

Omnia egeno populo subministrantis.

*Fontem dixisses, qui cunctorum siti quous tempore seruietis.*

*Seu publicum puteum, ex quo omnibus haurire licuerat-*

Stupente Cromero,



116 Quod minoribus longè, quàm nunc Episcopatum prouentibus  
Tàm liberalis O D R O V A S I U S.

*Sed nunquàm in inopiam queri potest, qui piam manum non subtrahit.*

*Facilius exsiccantur cisternæ, quæ aquas tenent:*

*Quàm fontes, qui dimanant.*

*Eleemosynarius animus certamen quoddam cum D E O mouet,*

*In quo disquiritur semper*

*Plusne D E V S dare, an ille reddere possit.*

*Auara quodammodo in pauperes pij hominis munificentia est,*

*Vt auarus, ita & munificus, nunquàm dicit satis.*

*Ex beneficij primi concessione, secundi se debitorem existimat.*

Ita tamen subleuandæ miserorum inopiæ intentus I V O,

Vt maiestati etiam deesse nollet.

Quæ BOLESLAVM Pudicum Principem nacta

Impleuit oraculi illius veritatem,

*Quod nulla Maiestas casibus excipitur.*

*Omnium felicitas ad magnæ fortunæ examinatur libidinem,*

*Dum in thronos etiam ius proprium exercet.*

*Atq; raros in sacrarium suum recipit, nisi quos destinat ad molestias.*

L E S C O sublato

Dum BOLESLAI Pudici uterq; Patruus tutorem agere parat,

Ferro in decisionem vocato, ex populo, pupillum reddunt,

Vt lacerarent maiori rabie Regni purpuram, quàm vindicatam vellent.

*Et hoc erat fatum suum exteris inuidisse.*

Proniora in Barbarum tàm Pudici, quàm Ciuium studia

Sed CONRADVS quò propiorem se sanguine sensit,

Eo etiam viciniôr tutelæ credi volens,

Stricto ense tutus est, quod Ciuibz inuitis tenere se sciuit.

Fauitq; CONRADO fortuna, quia captus HENRICUS,

BOLESLAI tutelâ & Principatûs administratione iureiurâdo se abdicauit

Dolentibus Proceribus, quod noscent CONRADI indolem;

Imprimisq; IVONE, qui à CONRADO alienus semper

Iter suscepit ad G R E G O R I U M IX.

Familiariorem sibi quondam in Parisiensibus studijs Theseum,

Relaxationem exacti per vim iurisiurandi petens.

Non defuit huic nodo Romanus M A C E D O,

Cracomensisq; nobilitas Præsulem secuta, H E N R I C O fauit:

Donc

Donec pubescente tandem BOESLAO, pax inter Duces coaluit, 117  
Hymenæo inter CONRADI Filios & HENRICI neptes

Maritales tædas accendente,

Ne Martiali incendio Bellona Ciuilibus iterum arderet.

Gauisus hæc concordia IVO, simul bellorum ciuiliū requie:

*Nam feralis semper bellua bellum est, sed maxime ciuile.*

*Victoria spem non facit, sed sepulchri,*

*Nec tam vincit, quam obruit.*

*Confligitur hic sæpe, non tam vincendi studio, quam siti sanguinis.*

*Adedq; alia bella minantur exidium, intestina adferunt.*

Sed ah! iterum IVO dum ad GREGORIVM IX. discedit,

Ac prærogatiuis Ecclesiæ Cracouiensi impetratis reditum parat,

Auditâ illâ, tùm in sanctioribus rostris, tùm alibi Suadâ,

In veteri Burgo propè Mutinam obtinuit.

Episcopatus sui anno XII. CHRISTI M. CC. XXIX.

Improuisam mortem cauè dixeris;

Vitam Vir Sanctissimus pridem contempsit.

Optimo Pontifici triumphus potius de mortalitate decretus,

Quem ob eximias virtutes in cælesti Capitolio ageret:

*Nec enim putatur mori, qui bene vixit.*

## IVONI ODRÓVAZIO

O D E XIX.

**A**Dhuc Polonus; Sarmaticis adhuc

*Bellona tantum noxia finibus,*

*Et hæc si ab externo Gradiuo*

*Sed (nimium pudet & fateri)*

*Bellona nostros ausa domesticis*

*Implere campos agminibus. Lechus*

*Fuitq; Mars ille, imperandi*

*Qui nimiam patiens orexim*

*Fraterna secum iusserat impijs*

*Et castra & Arces feruere prælijs,*

CONRADVS HENRICVSq; quando

*Illicitis sua iura bellis*

Promo-



Promouit atro in sanguine Cuium;  
 Dum quicq. stricto quærit acinace,  
 Tutela cui cedat Pudici,  
 Cum Patru fuerint utriq.

CONRADVS uno sanguine proximus,  
 Alter remotus sanguine; sed magis  
 Optatus addicto Nepoti

Et studys populi. Molestus  
 Hinc causa rixus, ulterioribus  
 Hinc ansa pugnæ, hinc tragico vagus  
 Instructus armorum tumultu

Mars solidas rabido catenas  
 Demit Furori: centum tot abeneis  
 Post terga nodis vinctus, amabilem  
 Qui nuper indulset quietem,  
 Iam tumido grauis ore tristes

Eruet ignes: turpia iam gerat  
 Et flenda nobis bella. Nepotibus  
 Semper, sepulchralesq. crebris  
 Funeribus cumulet ruinas.

Et iam his actæ prælio adorem  
 Fortuna Barbato geminam dedit  
 (Si palma nominanda tantum  
 Quam Patria cruor irrigauit)

Cum rursus anceps vertitur alea,  
 Nuperq. victor, iam validas sibi  
 Sentit ministrari catenas,  
 Iam sedet & gemit in profundo

Capti.

Captiuus antro. Donec ab improbis  
 Auersa dudum classibus HEDVIGIS  
 Sancta illa conuolauit uxor,  
 Federibus potiusq; amicis  
 Censens agendum, ponere turbidam  
 Tutelam, & atrii sanguinis effluam  
 Persuasi HENRICO. Pudici  
 Sic audio toties petitam  
 Mucrone curam suscipit inquit  
 CONRADVS, unâ sic Lechici capit  
 Director insolens habenas  
 Imperij. O! nimium secundæ  
 Quam parca sortis fata! Polonicis  
 Quam dura rebus tempora! paruuli  
 Hic ille dum tutor Pudici  
 Sceptra tenet, populus tyrannum  
 Pro Rege sentit, pro Patruo grauem  
 Pupillus hostem. Tum niueis Fides  
 Tum Pax retrocessit quadrigis  
 Tum subitæ coiere turbæ.  
 Te Te ista tangunt pacificis magis  
 Intente curis: Te indubie mouent  
 O! magne ODROVASI. Latinum  
 Vt qui alias Tyberim Liburnis  
 Nunquam solebas uisere nauibus,  
 Nunc vel IACINCTVS Calaguritani  
 Sequax Magistri Te beato  
 Sancti animi recreasset actu.

Noti



Noti vel olim Parisijs adhuc  
 Chariq. Achatis, post trabeâ inclyti, &  
 Throno Vaticano, videndi

Egregius subisset ardor:  
 Nunc pæne lapsæ funera Lechia  
 Per tam tyranni barbaricum videns  
 Tutoris ambitum, ad Quirinas

Pergis iter properanter arces,  
 AVaticano Prasule Lechicis  
 Hæc additurus commoda Ciuibus,


HENRICVS ut quo se ligauit;  
 Hunc MACEDO latius sacratum  
 Mucrone nodum soluat, & illius  
 Iurata rumpat vincula cinguli;

Exacta quæ per vim minax haud  
 Erabuit memorare carcer.

I! perge felix. Me nisi vitrea  
 Dioptra tantum fallit; inutilis  
 Legatus haud venis. Benignis

Iam studiis Vaticanus ultrò  
 Te plusquam amicè comprimit Hercules  
 Polone Thesèu: iam gladio PETRVS  
 Hæc cuncta dissoluit, iubente

Quæis potuit trepidus timore  
 HENRICVS inuolui. Inq. domum, Tui  
 Haud absq. palchio fænore nominis  
 Redihs, hoc tantumq. promptis  
 Obsequium celebrare Lechus.





**M**ortuo in Italia Ivoni, Successorē dedit Roma ANDREĀ GRYPHŪ.  
Legitima Capitularium Electio VISLAVM ZABAVVM;

Beneficā spe utrosq; pavit Fortuna:

Ecce biennio consumpto patuit Fortunæ ingenium, quàm variabile est.

Nam & ANDREÆ GRYPHVS cuolare non permissus,

Et ZABAVVS ethymologiæ nominis monitus,

Expectationi tantùm immoratus, non item INFVLÆ;

Inclinatis ad KOSCIELECIVM studijs.

Nota pridem Fortunæ liberalitas.

*Dextram sic muliebri simulatione porrigit,*

*Vt nescias; dare, an accipere malit.*

*Mirabile Numen; quod & omnium favere velit, & nulli,*

*Omnium virtutes pro libitu suo agit.*

Q

Vultu



*Vultu amica, imò & cultu,*

*Sed ubi tantisper remoueris celum, imposturam inuenies.*

Ita tamen hic egit, vt in KOSCIELECIO non errauerit,  
Quem nominasse summa etiam prudentia non erubesceret.

Qui gloriosos dies quos viuendo fecit, fecit & regendo.  
In villa patrimonij sui Koscielec Diuum ADALBERTUM veneratus,  
Ecclesiam quadro lapide sumptuosè erexit.

*Magnis enim animis, & verè celo deuotis  
Ingloria est, quacumq; modica in Diuos munificentia.  
Sciunt se nihil ex his perdere, quæ offerunt superis;  
Plura recipere, si multa dederint.*

Libertatem Ecclesiasticam tenerius dilexit.

Nimirum: castior hæc Ariadna;

Et cujus amore flagrare Infultos Theseos deceat.

Verùm ubi virtutem magis quàm Fortunam colit,  
Irata Fortuna, & BOLESIAO Pudico insuper offensa,

Quod pudori locum fecerit in Regiâ,

Qui in terris vt plurimum mapalia inhabitat.

Odio igitur virtutis sequacium, pro blanda Virgine Megæram induta,  
Omnem penè Tartarum mouit, dum Tartarorum colluiem.  
Denuastatâ vbiuis Poloniâ Cracouiæ etiam KOSCIELECIUS indoluit

Quæ vt Regni Metropolis, ita maximè petebatur:

Sperâte barbariè, faciliè alias Vrbes defecturas, vbi îma fatisceret

*Frenum capiti si iniicitur, sequuntur membra.*

Sed in Diui ANDREÆ æde apparuit pauperum virtus,

Egenis ac debilibus in eam se recipientibus,

Vbi interfectis, desuper compluribus hostibus Ecclesia defensa.

Vt jam tunc patere potuerit

*Nullibi magis commilitonem DEVM, quàm in pauperum castris.*  
Arsit alibi ferali incendio Cracouia, & simul Cracouientes Basilicæ;  
Sacrificium barbarorum dixisses impietati sacrificantium.

Ecclesiastica supellex ablata,

Quasi

Quasi homines cruciari non satis esset;  
 Nisi iniuria DEO quoq; interretur;  
 Et forderent alia spolia, nisi diriperentur templa.

Triennium Tartaricus hic Orcus sæuijt,  
 Cum tandē lassauit infesta fata omnibus calamitatibus maior, Polonia.  
 Nouo miraculo, à tanto funere illam resurgere potuisse.

Sed & Pudici non minore prodigio,  
 Qui toties profugus, toties ad Sceptra redux,  
 Admirabile humanæ conditionis ex se exemplum dedit.  
 Probare volentibus fatis, an seruaret animum tanto fastigio parem.

Tulit hic Antheus omnem casum fortiter,  
 Princeps verè aureus, nisi chalybeam atatem experiretur.  
 Pulsis tandem è Patriæ sinu Scythis, feralibus non Poloniæ tantum,  
 Sed Hungariæ Rasciæ, Bosnæ, Croatiæ & Bulgariæ incendiarijs  
 Nihil remansit, nisi funus & fumus.

Vnde totus in restaurandis Episcopatus ruderibus Koscielecijs  
 In Patriæ cineribus quædam velut scintilla seruata.  
 Quanquàm & sui sanguinis non oblitum KONTSCIVS perstringit;  
 Sed viderit; ille in simili casu num melior fuisset;  
 Post tantas bellorū clades, quarum & ipse non expers Pontifex,  
 Depauperatis vterinis Fratribus duas villas excitandas concessit,  
 Parandis vitæ subsidijs, non stipandis opibus.

Nam probata in se ipso miseria, promptissimum est misericordiæ promptuarium,  
 Nullibi magis, quàm in impia Schola pietas in altum discitur.

Propria calamitas, compassionis est officina;  
 Vt & laesi ipsi, facilius de alieno iudicamus vulnere;  
 Negligere incipimus, quidquid soli non toleramus.  
 Si molestiam postea Cracou: Ecclesia habuit in Radtouiensibus syluis  
 Pronepotum auiditas causanda.

Auaros enim singularis infirmitas corripit, semper sitire plura,  
 Aquorum ore, vox hæc, satis: par pæne prodigio.  
 Desunt inopibus multa, cupidis omnia:



*Scitq; modum fames, nescit auaritia.*  
 Mortuus bonus Episcopus Anno Dñi. M. CC. XLII.  
 Cum Cathedræ præfuiſſet, & profuiſſet  
 Annis XI. & aliquot menſibus.

## VISLAO KOSCIELECCIO.

### O D E XX.

**M**E iam priores Sarmatiæ piget  
 Lustrare sortes, iam mihi nauseam  
 Et fasti & annales creârunt,  
 Præteritos lego sub Pudico  
 Si quando casus. Bella parùm domi  
 Gessisse Fratres, & Mareoticis  
 Plusquàm laborauisse rixis,  
 Ac Patriam macerâsse magnis  
 Mæſtam ruinis; ni quoq; barbarus  
 Sæuiſſet in nos impetus & graues  
 Sparſiſſet iras, pæne Dite  
 Tartareas ſociante flammis:  
 Quando ille vaſti Tartarus accola  
 Acerbus Hæmi, præter abenei  
 Ferri labores, virulento  
 Tela etiam madidata tabo  
 Vibravit in nos. Vnde voracibû  
 Secuta flammis tæda, volatili  
 Coniuncta cùm ferro per Vrbes,  
 Per tenues dominando villas

*Quæcunq;*

Quaecunq; tantum serperet, illicò  
Satelles ibat Barbariae furor

Immitus, atrocesq; cædes

Et miserae simulacra mortis.

Qui miles olim, vel validus erant

Quæ castra quondam consita copiis,

Captiua iam turba est: Parentes

Inde suos gemuere natos;

Nati Parentes: Quæ Dominos, ea

Caterua seruos strinxit, & aurei

Quæ nuper ornauere torques,

Illa hodie doluere duro

Nodo ligari colla. Nec ullius

Misertus est Mars efferus, ultima

Vt pæne ferretur ruina

Quò Scythicus nisi venit ensis.

Hæc vel legenti mens gelidum mouet

Horrens pauorem, quid Tu ubi tam mali

Spectator aut actor theatri

Lugubribus premerere tristis

VISLAE fati. Mæsta oculis ubi

Imago rerum, nec nisi flebiles

Ferale funus per Penates

Atq; sacris inimicus aris

Grassatus ignis: Sicaq; Lechici

Per colla Cleri, per geminos ist

Mucro cruentatus lacertos

Per mediumq; sagittæ pectus.

Qui



*Quis tunc malorum non subiit timor?*

*Quæ Lechidarum non dedit anxium*

*Ruina sensum; o! KOSCIELECI*

*Digne alio bone Præsul æuo.*

*Sed quò robustæ pingimus hæc mala*

*Acerba menti? vel medio manet*

*Secura mens ponto subinde,*

*Firma tenet cui vela virtus.*

*Quicunq; verè fortis, in omnibus*

*Non ille vitat tela, sed excipit:*

*Pericla nec fugit, sed vltro*

*Magnanimo capit illa corde,*

*Si quando pulsant pectus. In asperis*

*Probata virtus pulchrius emicat*

*Et vita Nostri KOSCIELECII*

*Pulchrior his agitata fatis.*



EVCHA-

SCHOLARVM PIARVM  
 & SVÆ MATRI  
 VIRGINI SANCTISSIMÆ  
 MARIÆ  
 POLONIARVM REGINÆ  
 Pro secunda Antistitum Cracouiensium decade  
 EVCHARISTICVM.

*S*ume lenem Musa buxum  
 Et canoras tange chordas;  
 Prome plectrum, debitosq;  
 Obsequente reddc. neruo  
 Virgini tantæ labores:  
 Virginalis pensa laudis, grata soluet pagina.  
 Magna Virgo quæ Piarum  
 Mater es vulgo Scholarum;  
 Tu meis Thalia sisstru,  
 Tu mouenti Musa dextra.  
 Delphicus quod prompsit ardor  
 Hoc MARIÆ dedicatum, hoc posco magnæ Virgini.  
 Non ego Vates Pelasgus,  
 Hectoris qui pulchra dicam  
 Facta, magnæ vel Camillæ  
 Inclytos pangam triumphos.

*Nobilem*



Nobilem sat reddo Musam,  
 Si MARIAM pectus ornat, si celebrat barbitos.  
 Post Magistrum prima CHRISTVM  
 Tu mihi Virgo Minerva  
 Seu Lechaum tanto Cracum,  
 Seu Mitratae condo laudes,  
 Prima magnae vota Matri  
 Prima tantae velitare metra vellem Principi  
 Casta Mater, casta Virgo  
 Non profani more Vatus  
 Augurantem quaero Phœbum;  
 Tu benignam prome frontem:  
 Et loquaces tango chordas  
 Absq; Phœbo, praeuolantis absq; ductu Pegasi.





PRima ad Cracouiensem Cathedram electo PRANDOTA *cura*  
CONRADI è Principatu exclusio.

*Bonū enim Pastoris est, non oves tantū pascere, sed & lupos arcere.*  
CONRADVS inquietus Princeps laborare iterū cæpit dominādi siti,  
Ambitione perpetuā feбри,

Quæ ipsum Lechici pomū cupediā astuare fecit.

Et arripuerat iam illud famelicis faucibus,  
quo paulisper degustato

Ad populorum etiam fortunas deuorandas appetitum sensit.

*Nimirū, auidus alieni animus Erisichthonem agit.*

*Quō copia maior est data, plura cupit.*

*Cibus omnis in illo, causa cibi est.*

*Sed rayō concoquitur bene eiusmodi ossa,*

*Ad quam Tyrannis habet orexim.*

R

Grauis



Grauis exactionibus & crudeli regimine CONRADVS  
Imperium flagitio quæsitum bonis artibus non exercuit.  
Dum terrore firmandum dominatum sperat, omnium odia incurrit.  
Expertusq; quod malus semper imperij minister, metus.  
*Multis timendi causas attulit, timeri posse.*

P R A N D O T A. secessionis Princeps.  
BOLESLAVM. Pudicum adhuc à metu Tartarorum profugū,  
Euocandum suavit.

Aduenit cum KINGA BOLES LAVS:  
CONRADVS autem vt Purpura se exui vidit,  
Suæ fortunæ cæpit esse faber.

Nec alium malleum adhibuit, quàm gladium,  
Cuium collis vsus, pro incude.

Vocatis in subsidium Lithuanis & Iazygibus in Poloniam irrupit,  
Ratus non vlrà negaturos Coronam Ciues, si semel amisissent caput,  
*Pessimo semper ambientium consilio.*

*Dum quàm regere expetunt, euertunt Patriam:*

*Et vt faciant suam, volunt esse nullam.*

*Cum tamen in Ciuilibus bellis præmium incertum petitur, certum scelus.*

*Nihil turpius eiusmodi armis,  
In quibus siue vincas, siue vincere, non effugis infamiam.*

*Æquè hic inhoneſtus belli exitus, sicut & causa.*

Non defuit primùm Pudico Fortuna,  
Repressus cum barbaris CONRADVS.

*Arb. cuius nimium illa hospes, ubi virtus pedem posuit.*

*Non diu se in ijsdem confinjs serunt, felicitas & janctitas.*

CONRADVS quia vitiorum studiosior,

Ideo propiora Fortunæ studia expertus.

Sic nempe misera virtus mala præntia tulit recti.

Innocentem secuta: factorum iniquitas;

Vitijs potens superauit.

Defecit statim ad CONRADVM Sendomuriensis nobilitas.

Paruani

Paruam admodum in BOLES LAO spem ponens , 131

Cum quo tam nouercalibus modis Fortuna ageret.

*Pleriq; enim tam diu Principem sequuntur , quamdiu fortuna comes.*

*Vbi illa titubat , etiam fides subditorum cadit.*

*Splendor & res integræ affectum conciliant,*

*Caligantibus illis , etiam hic extinguuntur.*

At non ita PRANDOTA in Principem suum ingratus ,

Vt in aduersis eidem auersus esset :

*Documento reliquis , verum amorem nunquam desinere.*

*Bono semine si hic nascitur , æternum uiuit.*

Ideo parci alijs CONRADVS ,

In solius PRANDOTÆ bona vindice flammâ aduerti iussit.

Vt ita bonum Pontificem

Ad longum suo in cinere ieiunium & penitentiam adigeret.

*Plus sapè ira in vindicta exigit , quàm iniuria accepit.*

*Sed præpostera ultio , in vnius vindictam multos ulcisci.*

Non diu tamen passus Ecclesiæ iniuriam PRANDOTA :

Ex exhalationibus illis ignitis conflauit fulmen,

Quo Ecclesiasticus Iupiter in Masoutû Enceladum detonuit.

*Nimirum curandum est , ne impunitate prauitas insolescat ,*

*Principis vitia si fert Episcopus , facit sua.*

Approbavit FVLCO Ghesnensis Archiepiscopus cū vniuersa Synodo,

Et hoc erat in CONRADUM grauius detonuissè.

Nam fulmina , quæ solus Iupiter excurrit , non ita sunt graua ;

Grauiissima ; quæ Deorum concilio aduocato decernuntur.

Nec fulmine tamen ictus , destitit ab ambitu CONRADUS

Donec eo vitâ functo , suo iterum cum pudore thronû inijt BOLES LAVS,

Cum quo toties exulare cogebatur.

*Vtcunq; proscribitur aliquando virtus , suo tamen solio restituitur semper.*

*Exercita prius per omnem semitam , illustrius se postea exivit.*

BIALACZOVIVS autem quietiora tempora nactus,

Quod & suâ , & Regnantis virtute dignum erat,

Inferendo Sanctorum fastis STANISLAO Basilicam operam impendit.

Dubitari non potuit,

R 2

Quin



Quin triumphatori Lechico ipsa Vaticanorum collum supercilia  
In triumphales arcus flecterentur.

At in meridie etiam positus Tiberis,

Suam subinde glaciem habet,

Quia non ad cuiusvis vota liquefcit.

REGINALDVS Cardinalis Ostiensis ostium clauferat,

Negotio huc maximè aduersatus.

Sed à Diuo STANISLAO monitus,

Serius postea pro eodem apud INNOCENTIVM IV. Orator,

Effecit, quia impressi à BOLESŁAO characteres

In Vaticanum album sunt transcripti.

Et STANISLAVS post CL XXV. annos,

Radijs emicare iussus,

Cujus vel digitus, comite olim igne stipabatur.

Resuscitatus ibidem & à mortuis infans,

Nouo miraculo auxit STANISLAI reuerentiam.

Quantum nihil nouum id Diuo Martyri cælis potito,

Quin terris viuens, eius rei experimentum iam dederat in Petrouino.

Facile in miraculis CHRISTVM exprimit,

Quicumq; eum in vita imitatur.

Laudauit è suggestu STANISLAVM ipsemet INNOCENTIVS,

Nec sumptuosius elogium haberi potuit,

Quam dum Romanus Tullius è rostris suam suadam adhibuit.

Assisio vsus pro TVSCVLO.

Lætus his successibus PRANDOTA

Seq̃ tri annis leuatas solènter reliquias hominū uenerationi exposuit.  
Tàm Pridici cum KVNIGVNDE, q̃ am aliorum Principū præsentia nactus.

Sed Cælo tandem maturus visus, in Autumno concidit

Vt ita grandium totā vitā BIAŁACZOVII operum spectator Sol

Morienti in libra adlisteret.

Quasi

Quasi non aliâ lance melius explorari posset grandia opera, quâ caelest.

Explorata Anno Dñi. M. CC. LXVI.

Exactis in Cracouiensi Episcopatu annis XXIV.

Vbi notus à telonio MATTHÆVS

Ab optimo Pontifice mortalitatis naulum repetijt.

## PRANDOTÆ BIALACZOVIO

O D E XXI.

**N**il funus obstat, nobilibus nocent

Nil busta factis; è medijs caput

Attollit & virtus sepulchris,

Inq; suo vigilat veterno

Hæc Diua semper. Iam gemini propè

Finem subibant tempora sæculi,

Ex quo STANISLAI Vaticanum

Emeritos tacuit triumphos.

**PRANDOTA** tandem cum **BIALACZOVIVS**

Honore tanti Præsulis, & suæ

Amore succensus, Tiaræ

Urget opus, radiosq; sancto

Et picta curat fulgetra Martyri.

Nec Vaticanum longius ad preces

Et vota sardescens retardat,

Sarmaticis fauet at petitur.

At ceterò pernix Fama humili ex loco


Leuanda postquam Lipsana rescijt,

R. 3

Tardare



*Tardare respuens, iugales*  
*Iungit equos, lituisq; & amplis*  
*Instructa conchis, quâ medijs fluit*  
*Tibiscus undis, quâ placido ruit*  
*Albis Bobemicus susurro;*  
*Ara sonat, numerosa secum*  
*Tractura plebis millia, Cracicam*  
*Visura pompam. Nec Lechicus thronus*  
*Tardavit aduentum, suorum*  
*Innumera comitatus aula*  
**PRANDOTA** letus, se **SZCZEPANOVIVM**  
*Authore tantis agminibus coli,*  
*Visaq; Maiestate flexus*  
*Suppliciter genibus modestas*  
*Leuare palmas: ista Nepotibus*  
*Legenda nobis, ista sequentibus*  
*Legenda dat sacris. Regentum*  
*Quisquis agis minus apta Sceptris*  
*Submissioris regna modestiæ;*  
*Insanus erras: nil magis aureæ*  
*Conducit ad famam Coronæ,*  
*Quam trabeæ sociata virtus.*  
*Si fulget ex se purpura, pulchrius*  
*Virtute fuiget: non melius pudor*  
*Casas obambulat mapales,*  
*Quam domini tabulata tecti.*





*Quam verè fallitur,  
Quisquis humana gaudia è prima fronte aestimat.  
A tergo circumspicienda sunt,*

*Et aduertentur merorem post se trahere.*

Consecrato in Episcopum PRZEMANCOVIO festis choreis indultū,

Eò magis contra fas & decorum, quòd Quadragesimæ tempore.

Sed lætitix motor, alijs flebilem ex se dedit scenam,

Minus memor postea vocationis suæ Antistes,

Vbi cælo potius debuerat, feris captandis retia posuit,

Excusabili delectatione,

Si saltim HIPPOLYTUS foret, & non Adonis.

Sed debilis hic omnino PAVLVVS contra stimulum carnis.

Admonebatur à Capitularibus, & ab ipso Principe.

Nisi quod destructis hominibus frustra de remedio cogitandum,

*Qui*



*Qui vitia sua virtutum loco numerant.*

*Consummata est infelicitas,*

*Vbi turpia non solum delectant, sed etiam placent.*

*Locuq; curationi esse desinit,*

*Postquam, qui fuerunt defectus, fiunt mores.*

*In monitores quoq; suos contumax,*

*Quod vel initis contra BOLESLAVM Pudicū consilijs patuit:*

*Qui dum Opauix cum OTTOCARO Bohemix Rege transigit,*

*Ad VLADISLAVM Opoliensiu Ducē Principatus transfertur.*

*Nihil horum latuit Pudicum.*

*Sagaces sunt Regnantium curæ, quoties de dominatione agitur.*

*Non magno labore opus est, ut eminentiam alicui persuadeas;*

*Vt quis huc exaitur, ad recuperandam non it, sed euolat.*

*Nec tam soleas adhibet, quam talaria.*

*Quare soluto Opauienti conuentu,*

*Cū aulico suo comitatu ad BOGVICINVM pagū desciscentes aggreditur.*

*Et gladio in iuris sui confirmationem adhibito;*

*Victor BOLESLAVS, monstrauit,*

*Quod quodammodo iustius, quia & felicius arma sumpserit.*

*Mediam victoriam tenet educta in aciem Bona Causa.*

*Hæc imbelles etiam vires redait fortissimas.*

*Post mortem BOLESLAI, eadem PAVLI à LESCO Nigro auersio,*

*Contra quem motus barbaricos ciet.*

*Procliuius scilicet est iniuria, quam beneficio vicem exsoluere:*

*Quia gratitudo oneri, ultio habetur inquestu.*

*Descensum à Barbaris & Nobis in pugnam, sed LESCO palmarem.*

*Nam stetit pro pio Principe MICHAEL*

*Angelicus Ductor,*

*Cum ipse extensionis quantitativæ non fuerit capax,*

*In Polonis etiam requiri non est passus,*

*Quot & quanti fuerint; sed quales.*

Substan-

Substantia illius tota erat operari.

137

Frustra cum gladio pingeretur,

Si Martialem se non probaret Spiritum.

Vt cunq; à Theologis negetur in Angelis appetitus irascibilis,

In acie hac MICHAELIS certè clementia non apparuit.

Iræ, imò & furori in Barbaros indulgere debuit.

PAVLO ybi humana non profuerunt consilia,

Cælitus data admonitio.

Opportuna admodum, si in aliam indolem incidisset.

Sed ad lachrymas tantum commotus, & non duraturum à vitijs requiè.

Nempe:

*Assuetudine peccandi succrescunt ipsis peccatis peccata.*

*Et animus in delicta promptus*

*In expedito consuetudinè habet, velut relinquentis vitæ fomité.*

*Fecunda sunt scelera, citò multiplicantur.*

*Æthiopem facilius laueris, quam vitij obnoxium.*

*Quod de femina subinde, id de vitioso dicendum semper*

*Septem pelles habet.*

*Si unam detraxeris, inuenies adhuc duriolem:*

*Ultima callum erit.*

Secuta tandem vindicis Libitinæ fatelles infirmitas,

Quæ PAVLVM dolori succumbere fecit

Episcopatus sui anno XXVII. Saluatoris verò nostri M. CC. XCH.

PAVLO PRZEMANCOVIO

O D E XXII.

ARcana soli cognita Numini,

*Quæ PAVLE morum præmia sumpseris;*

*Cælumq; scit sublime, quanam*

*Sorte tui cumulantur actus.*

S


Nos



Nos cautiores si sumus; omnibus  
 Curemus annis, vt nihil insolens,  
 Nihil petulcum deuimque  
 Vel minimâ faciamus horâ.  
 Sed proh! pudendum. Vix memores sumus  
 Quandoq; nostri, dum malè desides  
 Torpemus, & nullam salutis  
 Perpetuæ retinere curam.  
 Studemus omnes. Vix aliquid puer  
 Nouit profari; vix rudis exijt  
 A lacte materno puella;  
 Cum subito CRVCIS exhibendæ  
 Ignara mens est, exiguus precum  
 Amor piarum: sed Veneres loqui,  
 Spirare sed cultu Dianam,  
 Sed resonò celebrare cantu  
 Formosum Alexin, pulchram Amaryllida;  
 Sed mille semper promere basia  
 Indigna vel viris adultis,  
 Hoc teneræ docuere cunæ.  
 Robustiores mox ubi venerint  
 Anni; furenti quàm misere dein  
 Turgemus à luxu tumentes,  
 Quando epulis onerare mensas,  
 Et apparatus non nisi regio  
 Certare pulchrum ducimus, integra  
 Vt Regna sæpius bibantur,  
 Quæ petulans Cleopatra nobis  
 Propinat: ingens aut ubi symmatum  
 Arrisit ordo, pompaq; vestium,

Quam

Quam vel Thyesteæ Mycenæ,  
 Vel Tyriæ peperere lana.  
 Et tam superbo si leuior labor  
 Paruaque curæ sufficerent satis  
 Quandoq; luxui sed cheu!  
 Deficiunt etiam Parentum,  
 Quasita multis pascua sæculis,  
 Villag; & vrbes, & numerus ferè  
 Multus colonorum. Macella  
 Totus ubi propè replet àer,  
 Et tota tellus, ac aqua piscium  
 Ferax, vel vnum si nisi prandium  
 Humana molitur libido,  
 Sique petis sua pensa venter.  
 Et panè pagos, non semel integras  
 Et ciuitates pendimus; vt, tenet  
 Quas purpuras Sidon remota,  
 Quòue tumet Tyrus omnis ostro;  
 Hoc delicati corporis induant  
 Segnes lacerti, membrag; molliter  
 Sic tenta virtuti rebellent  
 Ad rigidos minùs apta casus.  
 Sic sola carnis cura; animæ manet  
 Sic nulla nostræ; sic malè spiritus  
 Ieiunat, & languet, polique  
 Vix aliquis super extat ardor.  
 Sed dico cunctis Gentibus, omnibus  
 Sed dico Regnis. Barbaricus nimis  
 Tyrannus est caro: petulcus  
 Quam melius paleis asellus  
 Non verò plenâ fruge fouebitur.  
 Si stultus isti, noster amor fauet,  
 Immane quàm errat: ex amico  
 Non modicum patietur hostem.







**I**N BOLESLAI Pudici aula educatus,  
Serenissimâ LESCONIS Nigri affinitate illustris  
Craconiensem Sedem inijt.

Natalibus an virtute gloriosior, decident Posterì.  
Cracouia certè tam pulchro spectaculo satiari satis non potuit,  
Vbi in quandam scenam descendit nobilitas & probitas.

*Vicunq; pulchrâ ex se virtutem dicimus,  
Pulchrior tamen est, quò nobiliori natali insidet.  
Pretiosa gemma, sed pretiosior auro inclusa  
Illustres ab artifice acu flores;*

*Non ita tamen in vili gausape, ut in Tyri purpura.  
Emicuit in hoc Præsule castitas pulcherrimè,  
Vt scias eum è Pudici venisse disciplina.*

*Suam*

*Suam enim virtus & in Principū domibus palæstrā habet* 141

*Nec tanta difficultas Achillium,*

*Modo Chironem agat, qui sceptrā gerit.*

*Periculosus Oceanus utcūq; dicitur Aula*

*Probitatis tamen Liburnicam Eibestis stipat:*

*At castus ut ipse PROCOPIVS,*

*Ita castitatis & arctioris disciplinæ in Clero suo exactor.*

*Quod nosset vacare vitis ingenia,*

*Quæ non implentur virtutibus:*

*Vt & ager cessante cultu inutilibus herbis sponte se onerat*

*Nec odisse ausus castimoniam Clerus,*

*Quam à Pontifice sciuit adamatam:*

*Quæ hic terit, ea & ille sequitur Vestigia*

*Regius interim Honor Poloniam respicere cepit.*

*Nam à cæso STANISLAO*

*Per annos CC.XV. Duces habuit Polonia non Reges,*

*Sublatis Regnorum titulis in delicti pœnam.*

*Donec PRÆMYSLUS coronari tandem voluit, quia meruit.*

*Ingenti omninò animo.*

*Cum creandi Regis suffragium sola sibi virtus vendicat.*

*Ambitio aliquando ad imperium aspirare potest;*

*Illius tamen obtinendi prærogatiua probis potissime concessa.*

*Nō adfuit basilico Coronationis actui PROCOPIVS infirmitate detentus:*

*Lætus tamen audiit*

*Per IACOBVM SVINCAM Archiepiscopum Gnesnensem,*

*Præmyslo impositam Coronam Gnesnæ,*

*In illo nimirum nido, qui Aquilas nisi recipit.*

*Atq; serenata ita in omnia, ubi AUGUSTUS inbuit PHOSPHORUS*

*Beneficium verò radium, sensit PROCOPIVS*

*Auctis à Principe Episcopatus sui prouentibus.*



Coronato capite vel hinc Maieſtatis memore  
 Quod Regium noſſet dare.  
 Nec pulchrius erat Regalis animi argumentum,  
 Quàm munifica taliter manus.  
*Magnitudine beneficij ſimul amor, ſimul nobilitas animi oſcèditur*  
*Munus Principis, munus eſt Patris;*  
*Tam ſuaue nomen ex ſola largitate noſcitur.*  
*Ara publica eſt omnis Regnans,*  
*Ad quam communia vota beantur.*  
*Imò ſolis æmula quæuis Maieſtas,*  
*Cæteris eminet, ut uniuerſis ſeruiat*  
 Sedit PROCOPIVS annis duobus & aliquot menſibus  
 Anno tandem Domini M. CC. XCV.  
 Sacramentis munitus ad cælos euolauit.  
 Ibi coronandus ipſemet  
 Poſtquàm in terris inaugurationis Præmyſlianae ſpectaculo  
 Non poſſet oblectari.

## PROCOPIO ROXOLANO

### O D E XXIII.

**A**H! quam moleſtum eſt, quòd grauior tuum  
 Corpus PROCOPI corpus in ambulat,  
 Nouaq; quod morbus cohorte  
 Inſideat, maciesq; duro  
 Maligna lecto affigat, & aſpero  
 Dolore torquens ſollicitis dies  
 Noctesq; tædys fatiget;  
 Nec placidam patiatur atrox

Specula-

*Spettare pompam languor; & interim  
Polona tellus gaudet, & interim*

*Instaurat ingentes triumphos*

*Gnesna Aquilæ decorata nido*

*Regale quando cum diademate*

*Præmissus aurum, ac sæcla duo supra*

*Vagam paludatus coronam*

*Cum trabea titulaq; Regni*

*Capit, fluentis non sine maximo*

*Amore cæli quod pariter Lechus*

*Regem salutare, & priora*

*Dant superi retinere sceptrâ*

*Sic Martialis sic rigidus chalybs*

*Prælusit auro; prodroma Regiæ*

*Sic cydari præmissa laurus:*

*Sic Rubicon Tyrij subiuit*

*Vices fluenti non alio madens*

*Ad irrigandas murice purpuras,*

*Cruore quàm hostili vibrato*

*Sic toties operosa ferro*

*Manus capessit ponium: ab ahenis*

*Sic ad thronos ascenditur ensibus:*

*Vertexq; sæpius coruscant*

*Pro galea recipit coronam*

*Immane quantum res ea languidum*

*Et tanta turbat scena PROCOPIVM*

*Dum SVINCA Præmissum coronat*

*Pontifices dum alij ministrant.*



Et ille lecto non secus ac graui  
 Defixum hæret carcere, nec potest  
 Caput coronatum fideli  
 Obsequij celebrare cultu.  
 Sed iam PROCOPI lætior hinc tuos  
 Solare morbos: in solio nouum  
 Quod iste vix Titan refulsit,  
 Cuncta suo recreauit ortu  
 Et te serenat Cracouiensibus  
 Dum de salinis auxit Episcopi  
 Censu, & æternum futuris  
 Præsulibus retinenda ferit  
 Tam liberalis dogmata gratiæ.  
 Sic digna sceptro mens agit hil,  
 Quod non perennatura præstet  
 Munificæ monumenta dextræ.  
 Regnare sic qui promeruit benè  
 Scit esse Regis spargere gratias;  
 Iras Tyranni. Pulcher auro  
 Qui radiat rutilante vertex;  
 Sed esse largus si meminit quoq;  
 Idem ille vertex; nobilius micat:  
 Nec gemma pulchrior coronæ est,  
 Quam meriti meminisse Cleri.



# IOANNES MVSCATA SILESIUS.

143



*A*ffinitas quædam est inter Librum & Tiaram.

*In alijs enim aurum sunt literæ;*

*In Præsulibus pretiosissima gemma,*

*Quibus destitutus Antistes*

*Sub purpurato vellere brutam pecudem agit.*

*Magnum ingenium ubicunq; steterit, paratam scenam habet:*

*Eiusmodi tandem plausus alios decet, Pontifices concernit.*

IDEO MVSCATA

*Præmisit Philosophicam lauream Pontificiæ Mitræ.*

*Pontifex egregius, nisi quia VLADISLAO Loctico non placuit.*

*Vel quod deformis obsequij iter pergere noluit;*

*Vel quia fato & sorte nascendi*

T

Vt

*Vt cætera, ita Principum inclinatio in hos, offensio in illos.*

Bono Pontifici nocuit ortum fuisse è Silesia,  
Quæ VENCESLAI Bohemi imprimis studiosior  
Opoliensium deinde Ducem BOLESЛАV M  
æmulum dedit VLADISLAVO

ALBERTO quodam auctore,  
Qui VLADISLAI pertæsus alium accersivit,  
Pro inconstantis animi ingenio

*Cui noua nescio quo fucō se adornant,  
Ac plerumq; nobis iam rebus beatiora esse videntur.*

Et ut mos populi quia venturus amatur  
Venit citis itineribus Cracouiam VLADISLAVS,  
Et Gigantem ex tanto cursu dices, non Locicum:  
Et Regni inuasorem belli metu terruit.

*Vt potè*

*Altera Proserpina est, Purpura:  
Nunquam sine corruiali ambitur.  
Pro tam venusta Virgine certant  
Mars clypeo melior, Phæbus præstantior in arcu.  
Omnia Regia, Andromeda est;  
Quæ non caret suis prociis:*

*Quorum tamen amor in furorem communiter degenerat.*

Neque ausus ulteriore sceptrorum siti æstuarè  
Opoliensium Dux: Silesiam repetijt.  
Interim in desciscientes partim votis sæuitum, partim patibulis.  
Domestico regnaturis malo

*Vt non euadant ad Purpuram, nisi per sanguinem.  
Plerumq; signatur cruore via, quæ iur ad solium;  
Vt fere fiat cum terrestri, quod cælorum regno:  
Vim patitur & violenti rapiunt illud.*

*Infinu-*



Siue fauerit terrigenæ Principi, siue fauisse tantum creditus.

*Rarò quippè de aliena vita rectè iudicatur;*

*Ferre sapius proprio creditur motui.*

*Et quidem in sinistram partem strenua credibilitas est semper.*

Iussu igitur Principis à Toporiis captiuatus

Carcerem primò, deinde exilium subiit.

Insigni sapientiæ præstito documento

*Nam paupolia non alia melior, quàm patientia*

*Nimium terreus fluuij margo citò atteritur;*

*Firmum scopulum fluctus ostendunt.*

Atquè pulchram satis tolerantiaæ scenam dederat exul Pontifex,

Cum tandem cælum illius partes suscepit

Fame imprimis, & deinde peste in Poloniam inmissâ.

VLADISLAVS verò monitus ob deliriū suū Poloniā tantopere plecti.

Abundè didicit *Principum etiam defectibus non deesse penam.*

*Quacunq; incesserint delinquentes,*

*Viam habent non absq; scrupis.*

Ergo vexato Episcopo reconciliandus, cum ab exilio reuocat,

Damnaque omnia resarciens culpam deprecatur.

Nimirum

*Opprobrium non est & Maiestatem demitti.*

*In aulis etiam habet locum delicti dolor,*

*Non semper assuetudo peccandi.*

Reuocatus MVSCATA,

Sed antequam ad Episcopatus possessionem peruenisset,

Paralyti tactus Cracouiæ obiit:

Aut potius in exilio veram Patriam inuenit.

Anno exulis olim in terris DEI M. CCCXX.

Episcopatus anno XXVI.

## IOANNI MVSCATA

O D E. XXIV.

*A*vdite Reges, imperij quibus  
 Concessa laus est. Suspicio citò,  
 Quod concipit, parit: diu nec  
 Marmarico cum elephante prægnat.  
*In*forme monstrum est; imò veneficam  
*Circen*q; supra: quod sanie statim  
*Atro*q; perfundit veneno,  
 Quod, volucris velut una virgo  
*Harpya*, quidquid tangere cæperit,  
 Omnino fædat. Perdidit integras  
 Hæc saga gentes, putridosq;  
 Cerberei latices auernu  
*Infudit* orbi: quando Tyberius,  
*Nero*q; quando, turbaq; Caesarum  
 Illa illa his sena imperavit  
 Ausoniis moderando sceptris.  
 O! quot Latini non ibi sanguinis  
 Fusum. petita est Roma quot ictibus;  
 Romana dum pubes, & illa  
 Americæ Asiæque vittrix,  
 Quæ Barbarorum fundere nouerat  
 Nuper cruorem; iam misere suo  
 Vrbs stagnat in tabo: atq; Tybris  
 Qui galeas clypeosq; quondam

Peri-

Periclitantū voluerat hostium;  
 Iam priorum corpora Ciuium  
     Immensa voluit, per plateas  
     Sanguineis fluitando riuus.  
 Et id ferendum; si ad minus ultimā  
 De fæce plebis, si populus minor  
     Vilusq; tam crebru dolentem  
     Funeribus laceraret orbem;  
 Sed sæpe primus quò dedit amplior  
 Lucina cunas, quò magis eminet  
     Natalis ingens, clariùsue  
     Quo patriæ micuere ceræ;  
 Hoc maior almus Cæsaribus sitis,  
 Maiorq; orexus: dum Fabius nisi  
     Natosq; de magnis Camillis  
     Continuæ ingulant secures.  
 Nec ulla causa est, suspicio nisi,  
 Ingentiori quando libidine  
     Accensa regnandi cupido,  
     Nulla licet fuerint pericla,  
 Ad cuncta pallet: nec sibi nec suis  
 Credit, sed unus quò timor impulit.  
     Et ille vanus; suspicaci  
     Pergit eò stimulata vento.  
 Et Te Polonis limitibus quoq;  
 Tam dura mouit lex, Craciæ datus  
     MVSCATA Silesi Tiaræ  
     Ni Lechicum monuisset orbem,

Ni



*Ni terruisset sceptrā LOKIETKONIS,*

*Et seuientem plus nimio thronum*

*Vocata de Thracum cauernis*

*Dura fames, sociusq; Pallor.*

*Quæ dum Lechaos vexat atrocibus*

*Ietuna campos, dum comites vocat*

*Pestemq; crudelemq; mortem;*

*Rex monitus veniam precatur*

*Erroris omnem. Et tempore Pontifex*

*Quæcunq; tanto passus es, illicò*

*Refundit, ac ultro laborat*

*Ad patrias reuocare sedes.*

*Sit fulminatrix dextera Principum,*

*Quos terra Reges fuscipit; & DEVS*

*Inermis haud erit. Monarchæ*

*In proprios populos timendi,*

*At in Monarchas ipse DEVS. Nihil*

*Sic sceptrā peccant, vt veniam ferant.*

*Nec plebe per sola flagellum est,*

*Sunt dominis sua flagra sceptris.*





**H**ic demum in Okszarum Familia natus;  
 Cum gentilitia Ascia suæ fortunæ est Faber.  
 Ad prona Capitularium vota, vno contrariante Loctico  
 Eligentium, & suas preces apposuit.  
 Non indecorum existimans vltro etiam Purpuram petere  
 Quod cum optimi Pontificis Cracouiam sciret indigam,  
 Seque eum esse haud dubiè nosceret;  
 Minoris inuidiam suam, quàm Ecclesiæ vtilitatem fecit.  
 Et hoc est *magni animi*,  
 Prensare fastigia, quibus se *suffecturum* sentiat.  
 Dignus laude;  
 Qui ut par negotijs, ita neq; extra illa esse desiderat.  
 Ut honorem non semper respuit is, etiam qui non carat;  
Ita

*Ita non ubiuis ambitio petentis est,*

*Si consciam meritorum indolem pro competitore habet.*

Nec erubuit postea in Insula NANKIERI virtus,  
Nam statim angusto nimium situ laborantem Ecclesiam,

Basilicam eâ, quam nunc videmus, formâ reddidit.  
Æterno beneficentiæ nomine, ut potè in Sponsam

Quam addextrari tantum non itidem ornari

Æuo suo doluit BERNARDVS.

Displicuerant interim VLADISLAO Lothico

Continua inter Polonos & Lithuanos sanguinis diluuiâ:

Ideò sanguinem potius contrahere maluit,

Gedimini Lithuaniae Ducis Filiam

Pro CASIMIRO suo petens.

Optimo consilio,

*Nam affinitates pulcherrimæ censentur,*

*Quaecunq; Regnum stabiliunt.*

*Egregius omnino Hymen,*

*Qui ita nuptiales accendit faces, ut bellicas extinguat.*

Libens annuit Gediminus,

Nisi quod tunc temporis dotem enumerare non potuit:

Sed dotis loco

Poloni Nominis captiuorum XX millia Aldonam secuta

Abundè monstrabant,

Quòd licèt nondum nupta, iam tamen esset Mater,

Tot mancipiorum in libertatem assertrix.

Reductæ in Poloniam Aldonæ pulsabat aures Hymæneus,

Sed obstitit. Lechica pietas,

Quousq; gentilis Dominus Christianis non initiaretur sacris:

Acceptit instruendam NANKIERVS,

Hancq;



Hancq; abundè iam instructam

153

Vbi sanctioribus vndis è gentili puluere ablui expedierat,  
Ad cerimoniam illam catechumenæ Maieſtatis votis electus.

Qui anguſta luſtralia egiffe non contentus,

Nomenclator etiam eſſe voluit,

Pro Aldona impoſito A N N Æ nomine,

Vt oſtenderet comites ſemper Nymphis Gratiàs.

Potuit iam in Loctici affectu triumphare NANKIERVS:

Verùm flammæ inſtar eſt in corde Principum amor.

Eàdem facilitate quâ ſuccenditur, rursus extinguitur.

Penſandis meritis leuior eſt plumâ;

Vbi non ad guſtum aliquid inuenerit, plumbeas iras gerit.

Quòd pro iuribus Eccleſiaſticis acriùs ſe opponeret NANKIERVS,  
Maieſtatem inimicam expertus eſt.

Cubitali Principe tantùm audente,

Quantùm ingens etiam Briareus non præſumeret.

Meritò aliquando diadema deponere coacto,

Poſtquàm Infulam honorare neſciuit.

Tulit nihilominùs patienter omnia Pontifex.

Aliàs peſſimo loco ſumus,

Niſi pati iniurias ita poſſumus, ut videamur non ſenſiſſe  
Proprium magnitudinis æræ eſt, non ſe agnoſcere percuſſum.

Perij\* homo, niſi ad ipſa mala induruit.

Gruiorem caſum facit, ſi ferre non vult.

Sed tamen vbi è Cracouienſi Sede ad Vratiſſlauenſem vocatus,  
Alienaturus ſc à VLADISLAO libens tranſijt.

Nimirùm

Magnum Virum ſi la ſeru, vulnerum retinet cicatrices;

Quas vbi offeſſa animo ſemel impreſſit,

V

Ad

154. *Ad primam quamq; occasionem rursus stillant sanguine.  
Æternus læsæ mentis ictus est; tam facile non sanatur.*

Vratislaviæ iterum pro iuribus Ecclesiasticis  
Aduersus IOANNEM Bohemiæ Regem validus aries.  
Vir videlicet fortis nunquam tardabatur periculis.  
Solis etiam æmulo diademate perstringi non sustinuit,  
Qui verè fuit Aquila.

Veritate armatus, securus erat  
Aduersus ipsos Regum fasces & secures.  
At quantum illud in NANKIERO!  
Quod Vratislaviensis iam Episcopus  
Singulis annis Vratislaviâ Cracoviam veniens  
Sacros Diui STANISLAI venerabatur Cineres.  
Pius Antistes in tanto habuit pretio  
Præfulum germani STANISLAVM,  
Etiam dum in mortalis tumbæ conchâ lateret.  
Omnia relinquens, dummodo sanctioribus gauderet Reliquijs.  
Mortuus demum anno Dni. M. CCC. XLI.  
Ac à deuota DEO famula auditus in cælum recipi  
Inter modulantium Angelorum choros.  
Ad immortalitatis nempe portum  
Appellenti NANKIERO. an verius NAVCLERO  
Celestina festiuum cecinit cælestis musurgia.  
Tendenti ad nuptias Agni coniuæ lætum personuit melos  
Æternitatis circulum ingresso choristatæ  
Supernorum spirituum allusit chorus.  
Vocalis denique sanctimonix illius fama  
Cum silentio in astra non potuit intrare.  
Neq; introductio tanti Præfulis  
In triumphantis Ecclesiæ Cathedra celebrari sine plausu.  
NAN-

# NANKIERO SILESIO

O D E XXV.

355

**Q**uorsum profuso sanguine barbaras  
 Nutrinus iras? arma famelico  
 Quorsum, cruentamus furore?  
 Si melior cynosura pacis  
 Adest futura. Nil tragicis inuac  
 Ardere bellis, nil misero crucis  
 Flagrare Mauortis calore?  
 Quando suos Hymeneus ultro  
 Accendit ignes; proque voracibus  
 Ardere flammis tæda potest noua  
 Spes certa fortune, & tenendi  
 Marte sine, & sine cade, Regni.  
 Vix ista Phæbus dixit; eburneo  
 Cum vectus Hymen protinus effedo  
 Adducit Aldonam, quam alacri  
 Pax sequitur comitata passu:  
 Et turba Lecho nomine mancipem  
 Subire vitam nuper ab hostibus  
 Coacta Lithuanis, Polono  
 Nunc iterum meliore sorte  
 Pro dote sponso tradita. Tum obuij  
 Ad tanta scæna nomina Sarmata  
 Imus, verecundiq; pulchrum  
 Coniugij celebramus actum.  
 At verò fax hæc connubialibus  
 Quod sic refulsit letior ignibus  
 NANKIERVS author est, in vnum  
 Qui geminam coisse nexum  
 Fecit coronam: pulchro ubi fædere  
 Inter frequentum compita plausum  
 Manusq; nexuitq; mentes,  
 Cor socio sociando cordi.  
 Iuit per Orbem Fama loquacibus  
 Instrueta conchis, quod melior data est  
 Affinitas nunquam; quàm amico  
 Quæ stabilit noua Regna vinelo.

IOAN-





**R**ara hæc orbis felicitas, post Neruam Traianus.  
In Sarmatia nostra post mille& amplius annos erexit caput.  
Vbi NANKIERO GROT successit, id est bonus bono :

Aut potius

Nec bonus nec meliori, sed optimus optimo.

Et quidem Maiestatis Vaticanæ suffragio,  
Quæ IOANNEM hujus Nominis XXII. Pontificem nactus  
SLVPECCIO nostro

Non tam fulmina submisit quàm gratias.

Instabat Polonus thronus pro OTHONE Gnesnensi Præposito :

Sed IOANNES contractæ in Bononiensibus adhuc studijs

Cum SLVPECCIO amicitiae memor,

Contra Pvrpuræ etiam Sarmaticæ vota SLVPECCIUM substituit:

*Opi-*

*Optimus ille amor, qui è Musis nascitur.*

*In egregius & verè amantibus viris*

*Vbi semel amicitia sedem fixerit.*

*Tam suaue nomen etiam dignitate non deletur.*

*Ægrè id tulit diu VLADISLAVS Locticus,*

*Sed vbi pareni omni fastigio aduertit,*

*Etiam ille abhinc SLVPECCIO addictior.*

*Vsq; adeo nihil in orbe ferum est, quod virtus non domet.*

*Sola eximia probitas impetrat fortunam sine inuidia.*

*Fugit multorum amicitiam Honor,*

*Vbi tamen dignum animum aduertit,*

*Pene in fœdera ruens diuelli non patitur,*

*GROT verò apud Regnantem amicitiae securior,*

*Cælitum gratiam ambire cepit,*

*Radlouæ Diuum IOANNEM Baptistam*

*Sumptuoso veneratus templo.*

*In Cracouiensi Basilica*

*Altaribus cum VINCENTIO Colnam & Damiannum,*

*Illum; vt palmari in omnibus Episcopo*

*Vel nomine suo victorias accerseret:*

*Hos; vt tutelares medici in quibusvis casibus essent salutare.*

*Sic dum superis inuigilat;*

*Pium Antistitem*

*Terrestris etiam Maiestatis obsequia poposcerunt:*

*Nam VLADISLAI Loctici funebribus peractis*

*Electus Rex CASIMIRVS Filius.*

*Imposita Electo corona.*

*Iustum erat, vt quæ thori iam esset socia,*

*In throno etiam & Corona comes foret?*

Nec

Nec dubitatum quidquam Regni Proceribus.

Vnica HEDVIGIS CASIMIRI Mater

Se superstitē non passa coronari Nurus.

*Domestico ambitionis ingenio,*

*Vt vix tantum regnandi libidinem animo concipiat*

*Cognati etiam sanguinis necessitudinem debilem reputet.*

*Nimis verum est*

*Ipsa naturæ vincula dominandi peruersa cupiditate dissolui.*

Flexa tamen CASIMIRI & aliorum cum SLVPECCIO precibus

Diui FRANCISCI institutum Sandecia amplectitur.

Depositis sceptris, quàm si gessisset, clarior.

Imposito ANNæ diademate secuta cum Crucigeris transactio,

Vbi SLVPECCII dexteritas theatrum suum habuit.

Is enim Princeps CASIMIRVS iunior adhuc existens,

Qui nomen tantum Principis circumferret,

Non item dignum Principe animum.

Et tamen ad seria Principes nasci ita scitur ab omnibus,

*Vt ægrè subditis placeant, si vel pueri pueraſcunt.*

*Cum cæterorum sint capita, plus cæteris sapere debent.*

*Vt enim omnis ab anima in homine motus;*

*Ita omnis in subditis à Principe.*

Crucigeris, subsidiario olim militi.

Sed postea sternaci & nostra rapienti,

Eusem non opposuit.

*Quasi Principis inuidiam non tangat,*

*Si quid subditis defuerit:*

*Populorumq; & vulgi illi animi non sint,*

*Vt Regnantes suos ex eorum successibus æstiment.*



Diu ignauia hæc CASIMIRO inhæsit,

Donec è veterno tandem excitatus agnouit,

*Quod lentius in suo dolore debet esse Princeps,*

*Reipublicæ tamen iniurias donare non potest.*

Ideo arbitris CAROLO Hungariæ, & IOANNE Bohemiæ Regibus

Cum Crucigeris egit.

Fauere videbantur vicini Principes,

Sed in quibus laruata sinceritas erat.

Fraus candoris habitum assumpsit,

Et de sinceritatis armamentario aduersus ipsam pugnabat amicitiam.

*Vt fere falsorum amicorum mos est,*

*Addicunt operam, quam nunquam præstent.*

Facta nihilominus conuentio,

Cui non faceret satis mobilitas Crucigerorum,

Verbis sædera ineuntium, quæ factis postea rumperent.

Proinde ad BENEDICTVM Papam IX.

Legatus GROT destinatur.

Non defuit is suo muneri,

Quam suâ CRUCE Polonos Cyrenæos angariarent Crucigeri, monuit.

Vnde deputati Iudices, qui causam cognoscerent.

Cognouerunt: sed & statim in improbas animas vibratum fulmen,

Vt Romano saltim anathemate terrerentur,

Antequam ad belli feriam Mars Polonus descenderet.

Qui cum postea ingentes animo, dignas se concipit iras,

Ac iniuriam suam armis vindicat;

SLVPECCIUS Diæcesi suæ inuigilat.

Bonus Pontifex

Et sub cuius tempora mirabilis in operibus suis Deus apparere voluit.

Nam improborum quorundam avaritiâ

Veritus accidentibus panis Deus homo cum pyxide surreptus.

Quam vos ad hunc locum adueherunt,

Etiâ

Etiam DEVS in pretio non habitus;

Vnde in cænosa paludem abiicitur.

Sed speciosus formâ præ filiis hominum

Luce inusitatâ se manifestans vliginosa palude inquinari noluit

Speculum DEI Maiestatis sine macula, luto infici

Quia luculentam humani generis massam clarificauit in cælo,

Cæno eandem non permisit deturpari

Semel duntaxat linus Diuinitatem occultarat,

Nunc proditor illius exstitit.

Binam simul eclipsim Diuinissimus Sol pati nequibat,

Et Panis accidentium, & vliginis.

Circularis hostiæ rotam diu in luto hære non sustinuit,

Statim cum ea in altum eluctatus.

Thesaurus hic absconditus in agro,

In lacu iterum abscondi detrectauit:

Nec sanctior Ceres passa sub modio latere.

Nisi forte ideo cæci fures

CHRISTVM in paludem projicere voluissent,

Vt luto eorum liniisset oculos.

Sed verè ante porcos proiecta hæc genima

Crassum aliàs lutum politiem didicit,

Quia tantum hospitem traxauit melius, quàm homines.

Satis naturâ suâ immobilis palus,

Magis adhuc stupore attonita hæsit,

Ad tam enorme facinus.

Excepit hospitem CHRISTVM CASIMIRVS augustâ Basilicâ

GROTVS. verò vbi Ecclesiæ suæ annis IX. præfuiſſet

Anno Dñi. M. CCC. XLVII. die quintâ Augusti

Augustam animam efflauit.

Ejus corpus à SYLVESTRO OZAROWSKI ampliore loco donandū,  
Ab obitu anno C. LXXV. integrum & suauissimè redolens repertum.

Diceres bustum ipsum, mutatum in hortum:

Suauiissimam rosam redoluisse vel sub cinere.

*Sic nempe mira virtutis vis,*

*Quæ vel repugnante naturâ, quod caducum est,*

*Reddit immortaliter gloriosum.*

## IOANNI GROTI

### O D E XXVI.

**E***T Te proteruæ, tarda licet, tamen*  
*Manebit olim pæna licentiæ*

*Destructæ Miles, & tyrannæ*

*Bella gerens potius catastæ;*

*Quàm Christianæ signa sequens Crucis*

*O! Sarmatarum nescie pristinos*

*Prensare Nostrorum fauores,*

*Vel propriæ memor esse sortis.*

*Vt ut Poloni despicias arduus*

*Et iusta Sceptri, & iura, prioribus*

*Superbus è prædis; GROTIUMq;*

*Pro Lechica querulum Corona*

*Fludus effrons; non fugies tamen*

*Et Vaticana fulmina purpuræ,*

*Et arma Nostratis Gradiui.*

*Qui ibit atrox metuendus bastâ.*



*Iam dico Vates, quæ mihi credidit  
Futura Phæbus, quæ mihi Delius  
Dicenda commisit Sacerdos;*

*Theutonicus quia Marte Lecho  
Premêrus Ordo: & qui validus modò  
In nostra pugnas Pergamæ copijs,  
Audace de crista remittes,*

*Deq. supercilio superbo  
Iam dico Vates; multus adest equis  
Et multus armis sudor, ab hostium  
Ceruice fluxurus, priores*

*Quando Lechus renouabit ausus:  
Et tam rapacem non sinet amplius  
In perduellis viscere Prussiæ*

*Regnare culturem, voraci  
Damna dein repetens ab hoste  
Non lite sed ferro. Patientia  
Sic quippè si læsa est, furit: & memor  
Mars noster offensæ paratas  
Tam facilè haud remouebit iras.*





NOvum tibi in DOLIVA rosetum damus,  
 Novum in FALCOVIO Hortensium.  
 Ætas illi cum flore tulit fructum, cum fructu florem,  
 Vt in vere matura virtus

In vitæ etiam Autumno vernare non desierit.  
 Adeo egregia indoles extra iurisdictionem ætatis est.  
 Concitatur ad honesta, etiam supra annos.

Cypridi capitalis hostis,  
 Cuius odio formosissimam Virginem Castitatem secum circumduxit,  
 Quam Sacrosanctam per omnem vitam habuit.  
 E Regni Procancellario Cracouiensis Antistes electus,  
 Auenionem petijt ad CLEMENTEM VI.  
 Non quod per Delegatos electionis suæ confirmationem

X 2

Obti-

Obtinere non potuerit ;

Sed quod Regnantis CASIMIRI ea necessitas fuerat ,

Vt Legatus hic à Principe suo iret.

*Et causæ videlicet primæ per causas secundas agunt.*

*Nullus Iupiter absq; suo Mercurio.*

*In Diuinis etiã reperiã Filium mitti à Patre,*

*Vt Verbum à Mente.*

Fuit FALCOVIVS, suaque facillimè promouit :

In CASIMIRI negotijs nodum & saltum expertus est.

Lignum missum, caue dixeris ;

Mercurius fuit.

*Obsequia ab animo metienda sunt ; non à successu .*

*Conatus inspiciendus ; non euentus :*

*Rarò quippe ijsdem confiniis se tenent velle & posse.*

Ideo facere aliquid felicius potuit FALCOVIVS, nihil exactius.

Illud cum Crucigeris negotium nactus ,

Quòd facilius componeretur conto, quàm Conso.

Fulminis Romani terror nihil mouit insolentes Ægeones :

Quibus in decisionem juris

Ferrum magis placuerat, quàm Vaticana authoritas.

Graue id erat magno Legati animo ,

Militantem pro CASIMIRO habere iustitiam, non item fortunã :

Vnde dolore tabescens anno Dñi. M. CCCXLVIII.

Auentione moritur ac sepelitur.

Documento multis

*Quod Principibus famulari, sacrificium est pa-*

*Imò mortis plerumq; peruigilium,*

*Nimia de domini sui rebus cura.*

PETRO



# PETRO FALCOVIO.

O D E XXVII.

**D**Amnare duræ non sinè lugubri  
 Fletu volebam fata Proserpinæ,  
 Sævamq; vindicare mortem  
 Pierio metuendus arcu.  
 Tam cruda nostro quod fuerit **PETRO**,  
 Ut & fluentis fila recideret  
 Optata vitæ, destinatam  
 Et raperet violenta Mitram:  
 Sed cum supremo sic placitum Ioui,  
 Divisq; cunctis, ut cui contigit  
 Natum esse tantum; speret atræ  
 Iura sibi subeunda fati:  
 Et vita morti nostra vel omnibus  
 Præcludat horis; nil lachrymæ iuvant  
**PETRUM** parentales sepultum,  
**FALCOVIO** nihil addit vdi  
 Procella planctus. Vivimus, & simul  
 Parata morti victima vivimus:  
 Natiq; vix sumus, tenellas  
 Ponè statim manet urna cunas.  
 Iter peregit; quisquis ad ultimam  
 Peruenit horam: non lapis hîc viam,  
 Non saxa distinguunt: ut anni  
 Desierint, sibi quisque certam

X<sub>3</sub>

Venisse

Venisse metum nouerit. Vltimum  
 Spectamus omnes quotidie diem;  
 Sed tempus haud idem: relinquit  
 Hunc medio sua vita cursu,  
 In primo at illum: deferit alterum  
 Virilis ætas, detinet alterum  
 Protracta longius senectus:  
 Siue hodiè tamen ille finem  
 Heriue nactus, iam stetit in loco  
 Vterq; eodem. Tempora funeri  
 Nocere non possunt, suumque  
 Ille tulit tulit iste fatum.  
*Nec est quod obstat conspicuus suis*  
*Honor lupatis: sæpius aureâ*  
*Is esto subuebat curuli,*  
*In medio statuâtq; celsum*  
*Subinde cælo; mors properis venit*  
*Et huc quadrigis, ac tumidâ simul*  
*Deturbat è sella sedentem*  
*Fanebribus tumulatq; bustis.*  
*Hinc sceptrâ multâ non nisi per dies*  
*Gestata paucos, hinc breuibus nisi*  
*Portata mensibus corona,*  
*Et modicos alijs quadrantes*  
*Concessa Regni purpura. Parcere*  
*Mors surda nescit, progeniem Ducum*  
*Regumq; sanguinem, peractis*  
*Magnificos perimit triumphis.*

Vnum

*Vnum est, quod acris damna resarciat  
 Illata mortis; nobilis integrum*

*Si vita decurrit per ævum,*

*Egrègijs celebrisq; factis;*

*Sat longa vita est. Quàm benè vixeris*

*Hoc interest, non quàm diu: inutilis*

*Est cursus annorum, volantes*

*Si vitis temerantur anni.*

*Se quisq; fatis vindicat, indolem*

*Si monstrat actis: Nestoræ quoq;*

*Ætatis & longæ senectæ*

*Sæpè pudet, viduata postquàm*

*Virtute mens est: Non moritur, bona*

*Pro quo perorat fama, nec vltimum*

*Agnoscit occasum, futuris*

*Quem memorant proba gesta fastis:*

*Vinet IOANNES FALLOVIVS novus*

*Non vana quondam fabula sæculis,*

*Esto Tiaratos seueræ*

*Soluit ei Libitina fasces:*

*Sat quot dierum non numero suos*

*Est mensuræ annos, sed meritis; quibus*

*Et fama seruit, & fugaci*

*Perpetuum sine fine Nomen.*





## BODZANTA IANKOWSKI.



Pro more Pontificum Romanorum  
Muneris loco non aliam meliorē ROSAM offerre potuit CLEMENS VI.  
Quam hunc Rosinum.

Dignum sane Pontificiā INFVLĀ,  
Licet non à Capitularibus electum.  
Securus iudicij omnium, qui pro se Vaticanum habet.  
Prima hæc in terris post Deū potestas cūctorū calculos superat:  
Et fatistutē augustalia honoris intrantur,  
Ad quæ PETRI clauibus aditus patet.

Magnis natalibus illustris  
Pietatem etiam cum gentilitio flore  
In Conceptam sine labe Virginem vernare voluit.  
Seu BODZANTÆ fuerit veneratio in tantam Matrem.  
Super

Super draconem & basiliscum ambulanti Dominae 169

Pauimentum se substravit,

Omni reuerentiâ maius existimans.

Vel cum basilisco, dummodo ad MARIÆ pedes abijci :

Seu securus conscientiæ suæ Pontifex

Respicere se voluit in speculo sinè macula,

Virgine inquam conceptâ.

Progressa pietas hæc in alios Diuos,

Post castrorum aciem ordinatam in Marianos nempe Heròes.

Quos partim altaribus, partim decimis veneratus,

Stipendiarios sibi reddidit.

*Nec enim interrestria tantum Numina,*

*In superos etiam viscus quidam est*

*Beneficæ manûs liberalitas.*

*Non perditur quod offertur Cælitibus :*

*Sementis hîc sparsa nimium quantum fructificat.*

Hucusq; tamen Rosinus noster sinè aculeis,

Illum deindè Cupido impunè non accessit.

CASIMIRVS enim in cæteris Magnus, in eo vnico parvus,

Quod Veneris puero mancipari non erubuit.

Ad Russicam expeditionem iuerat inusitato heroibus passu,

Vt securior videretur victoriæ, quàm hostis pugnae.

Dubiumque reliquit,

Victorias faciliusne conceperit an continuauerit.

Breui admodû spatio Leopoli, Præmyslia, Trebovia, Cheshma,

Et pluribus alijs munitionibus potitus, victor redijt.

Excepit reducem Fama & insolens hominum plausus,

Obuia interim Marti Polono Venus lenocinari cepit.

Qui tot victorijs clarus,

Y

Dum

170 Dum pro pudore non excubat, lasciuiæ aditum facit:  
Quasi ad Herculeos quoq; labores pertineat,  
Libidinibus infamari.

Nec in vnus tantum Ioles sinu effænunatus quieuit Alcides,  
Sed Opocini, Cressouiæ, & alibi plures Thespitiades tenuit,  
Legitimâ Deianirâ in Zarnoueccensem arcem relegatâ.

Pertinuerat ad Gnesnensem Solem,  
Vt infaniam hanc Martis nostri cum Venere detegeret.  
Sed siue in Iaroslao è uiuis sublato occidûus ille,  
Siue in Oporomo adhuc non confirmato necdum exoriens,  
Noctes suas agere incontinens par dissimulauit.

Non potuit Cyprum in Polonia pati BODZANTA,  
Hæreditarium Cracouiensi INFLÆ ratus  
Dehortari Maiestatem, ubi deliquit.

Quare ne negligentia puniendi audaciam peccandi pareret,  
CASIMIRVM officij admonet.

Quatenus uiueat,  
*An non pulchrius Marti Polono cohabitaret Bellona.  
Haberet sibi suam Cypridem deformis Vulcanus,  
Serenissimum Iouem propria Iuno decet.  
Tessimè orbi subdito, ubi pellices cælum tenent.*  
Dixit BODZANTA:

Sed hena! apud vitiosum Principem crimen est pro virtute loqui.  
Obcæcatus CASIMIRVS,  
Vt agnosceres Cupidinis discipulum.

Ægre corripì passus,  
Pro pastoralibus monitis odium opposuit.  
Aperit monstrans,

*Quàm periculosa in potentem animaduersio:*

Exulce-



*Exulcerat satius, quàm sanat.*

171

*Delicati sunt Diuitum mores, reprehensionem non ferunt.*

*Quæ vitia sunt; elegantias & decora putant volunt.*

Vnde non in Pontificem tantum, sed & in subditos Pontificis iniurius,  
Vindictam protulit in commune.

*Ac si odia priuatim ardere nescierint,*

*Nisi totam pietatem extinxissent.*

Deposita ab Episcopis omnibus querela Romæ,

Vnde in deuiantem anathema vibrari iussum.

Verùm è tot Polonis Aquilis nulla fuit,

Quæ auderet esse ministra fulminis.

*Regnantium ea apud multos maiestas est cum Appio,*

*Vt non minus timeantur rei, quam sedentes in throno.*

*Vires in alijs non habet accusatum scelus,*

*In Principibus validissimum est semper.*

Detulit tamen fulmen MARTINVS BARISCA,

Quo augustum terreret Gigantem.

Sed anathemate percussus CASIMIRVS non percussus,

Ministrum fulminis Presbyterum fecit Vistulæ inimmergi.

Adco

*Facile rationem opprimit, quando additur iræ potestas.*

*Alia animi mala pessimis quibusc; communia sunt;*

*Excandescencia & furor apud maximos hereditant.*

Merso tamen Bariscâ submergi non potuit innocentia,

Quæ è medijs vorticibus eluctata CASIMIRO bellum mouit.

Fame, morbo, & hostibus, militaribus quodammodo copijs

In Poloniam præmissis.

*Infelicitas hæc populorum, ut regnantium peccata luant.*

*Et maculæ vel eclipses in Serenissimis solibus*

*Subiectis terris potissime sint nociuæ.*

Y 2

At

172 At sæpius salutis exordium sæuitia calamitatis attulit:  
CASIMIRVS vbi aduertit nec Purpuram tegere à vindice DEI manu,  
Romano Pontifici & IANCOVIO supplex veniam petit.

Remissum est de Anathemate.

*Vix enim quietem haberent Regna,  
Si vitij Principum insci liceret semper.*

*Soles sunt coruscantes in throno Reges;*

*Serenissima luminaria non nouum obduci subinde nubibus!*  
Ergo Cupidinis castris abiectis CASIMIRVS de superis mereri cæpit,

Honori eorum grandes basilicas exstruens.

*Errat quisquis vitij non præfixit terminum.*

*Vt cunq; singula vitia suum iter illudq; præceps habeant;*

*Datur tamen illis meta terminalis.*

*A desperatis excluditur errandi finis,*

*In hominibus tamen alicuius spei.*

*Esto peccata quandoq; diuersim cant, tamen sæpius rediguntur in ordinem.*

Imò

*Deliquisse, ulterioris delicti non semper est prophetia;*

*Aliquando etiam cautela.*

Gauisus hâc Principis metamorphosi IANCOVIVS,  
Viuus esse desijt anno à partu Virginis M. CCCLXIV.

Ad domesticam illius ROSAM si respicis

Pone vel in tumulto & clausa quoq; redolebit.

**BODZANTÆ IANKOVIO:**

O D E XXVIII.

**E** Mitte fulmen, rursus idem loquor,

*Emitte fulmen: Præfuleâ nitens*

**BODZANTA IANKOVI** tiarâ,

*Nec solum manet à minaci*

Immune

*Immune nimbo, si vitijs suam  
Fædat coronam: conscia criminis*

*Tam sceptrâ quàm fasces patrati  
In medijs etiam indigebunt*

*Censore regnâ. Non trabeæ tegunt  
Non mitra culpam; purpura murice*

*Non tincta fulgenti: ut quis atræ*

*Vela dedit sinuosa noxæ,*

*Immane quantum prouocat asperam*

*Tonantis iram. Mitte sonabile*

*BODZANTA IANKOVI tonitru;*

*En Lechiæ Phaëton iugales*

*Iungit caballos, en capit insolens*

*Auriga currum, loraq; nescijs*

*Regenda dextris apprehendit,*

*Et celeres male doctus axes.*

*Pro Atibonte verò freniuoras vomens*

*Libido flammâs hinnit; & impetus*

*Quâcunq; tantum egit, Cupido*

*Dat Paphijs sua vela tædis.*

*Nec iam Caicus, vel Babylonio*

*Cum Euphrate Ganges ardet ab ignibus,*

*Non Phasis æstuat vel Ister;*

*Vandâ Lechi Phaëtonis ignes*

*Et Regna flammâ subdita sentiunt,*

*Quando ille turpi frena libidini*

*Concedit impurus, procusq;*

*Illicitos flagrat inter æstus,*

*Dictu pudendum, fædus. Et interim*

*Inflicta plebem vulnera sauciant*



Gentesq; subigētas, dum & hostis  
 Sarmaticos populatur agros,  
 Et dira fasces arripiens fames  
 Ab usq; Thracis littore Caucasi  
 Vocata, lethalisq; morbus  
 Per Lechicum dominatur orbem.  
 Emitte fulmen: quorsum ita Regius  
 Proserpet error, non bene subditi  
 Errata Principum luemus,  
 Quisq; suae faber esto, quisq;  
 Felicitatis sit suus artifex.  
 Si sceptrum peccant, sceptrum satellites  
 Damnentur ad penas: Achivi  
 Pro Dominis male vapulabunt,  
 Peccare si fas his nisi, & ultimam  
 Subire penam illis. Vbi prēditur,  
 Et culpa castigetur illic,  
 Fert propriam sibi quisq; sortem.  
 Fallor? vel en iam IANKOVII manu  
 Fulmen vibratum Regia perculit  
 Tam sceptrum, quam Regale obryzum;  
 En Cypridis CASIMIRVS olim  
 Alumnus ingens, fulminis horrida  
 Fragore tactus, de calidis saris  
 Remittit ignibus, famesq;  
 Ad patrias reuocata sedes  
 Glebam Polonam deserit illic,  
 Morbusq; tandem desinit aridas  
 Vexare venas. O Poloni  
 Grande iubar columenq; Craci  
 BODZANTA noster, morbida corpori  
 Incisa per Te vena, sed à graui  
 Vt sana reddatur dolore.  
 Sæpē iuuat medici molestum  
 Sufferre ferrum, dummodo pristinus  
 Redire possint & vigor & salus:  
 Culterq; non nocet, si ab illo  
 Scissa iterum requiescit arbor.



NOuam tunc ex Cracouia Florentiam diceret;  
 Vbi post innutrita Rosæ capita, in Cathedra euiuit FLORIANVS.  
 Quanquàm non tam Nomine hic vernare voluit, quàm operibus;  
 Pulchriora semper ducens Floralia,

Quæ ex virtutis, & meritorum, cultura procederent.

Dicecesis suæ amantissimus ubiq;

Quam exstructis basilicè templis ornauit,

Argumento alijs;

*Patrimonium Christi melius impendi, arcandis cælitum aris,*

*Quæ ut aliquid usurpet licentia, omnia per insolentiâ profundes:*

Bithomienlibus fulminalis Pericles, ob crudele in Sacerdotes Iudicium,

Quorum sanctior erat character,

Quam ut profanorum Ciuium decreto ad mortē scriberentur.

Vindicauit audaciam Plutus

Ex

176 Ex Bithomiensibus fodinis, cum plumbo & argento se proripiens,

Vt discerent potissimum illi,

Qui scelerum asylum diuitias existimant.

Vtcunq; pene Nominis etiam societas quædam est

Diuitijs & vitijs;

Suæ tamen inimicitiae sæpius inter has res intercedunt:

*Et malum omnino argumentum,*

*Sequacis scelerum animi, opulentia.*

Potuitq; redire interdicti relaxatio, non item metalli prouentus.

*Durum omnino animal est argentum cum opibus:*

*Vbi semel efferatum fuerit, cicurari amplius non patitur.*

Taliter Ecclesiae suæ, dum intendit MOKRSCIVS,

CASIMIRVS Magnus in viuis esse desijt.

Quo fati functo Polona necessitas respicere cepit,

Quorsum cum diademate diuerteret.

Extinctus in CASIMIRO Piaſti sanguis,

Domi non reliquit, qui Purpuram capeſſeret,

Non quod ea in Polonis inopia, vt ſcepſtris impares eſſent,

Sed quia iam ab ipſo Piaſto practitari deſijt,

In Regales trabeas, ex Equeſtribus cunabulis eligi.

Deſtinatus LVDOVICVS HUNGARVS, vltimis CASIMIRI tabulis,

Et in hunc Sarmatiæ vota ibant,

MOKRSCIO Poloniæ vota deferente.

Sed ſtatim excuſare diadema incepit LVDOVICVS,

Satis ponderis exiſtimans Hungariæ Coronam:

*Regnandi onus difficilius,*

*Quam vt illi ferendo vnus humeri ſufficerent:*

*Quid vbi gemini cæli vocarent Athlantiem?*

*Nunquam magna Imperia otioſa:*

*Imò priuati plerumq; ſecuritate gaudent,*

*Prin.*



*Principum capita mille periculis obnoxia.*

177

*Fretum non portus est omnis thronus,*

*Vbi meræ Scyllæ & Charybdes.*

Precibus tamen MOKRSCII victus submisit diademati caput,

Dignus semper Regno, si Regnum dedignatus vltimus fuisset.

Nam breui postea & MOKRSCIO & Polonis ostendit,

*Vt coacta ingenia Purpuræ etiam non bene respondent.*

Deductus solenni pompa Cracouiam,

Simul ista inuenit odium atq; Regnum.

Non tam subditi populi, quàm arrogantia propriæ vitio,

E gemino sceptro fastuosioris.

Quæ dum metum sui faceret, amari non meruit;

Documento Regnantibus,

Quod rarò secum conueniant nimia Maiestas & amor.

*Reuerentiæ minuitur, quidquid accedit superflua gravitati.*

*Federati sunt Principibus Ciuium amores,*

*Vbi & Principum sua in Ciues dignatio;*

*Iam si pedissequis inest his fastioꝝ fastus,*

*Etiam & subditi satellites odium.*

Offensis Maiestate peregrina Polonis

CASIMIRVS Magnus in memoriam redijt;

Cui dum LVDOVICVS funebria solenniter peragit,

Lugubris populus lachrymis parentat.

*Monumenta Principum plerumq; sunt corda subditorum.*

*Nec sumptuosius Imperantium manes quiescunt,*

*Qua ubi non tam strue lapidum, ut pectoribus popularium clauduntur.*

*Frigida ad posteros marmorum oracula,*

*Melius, si memorum populi linguae loquantur.*

Ita gloria CASIMIRI fuit sic placuisse,

*Vt nomen LVDOVICI inuidiosum fecerit.*

L

Qui

Qui dum natalis Hungariæ nimum memor  
 In Polonia quoq; Pannonicus esse desiderat,  
 Hungariam pariter Polonis inuisam fecit.  
 Puduit aduentitij sceptri libertatis suæ memores,  
 Quia non Domino tantum absenti, sed & Genti,  
 In qua Dominus degeret, seruire videbantur.  
 Nec Regiæ Matris præsentia contenta Polonia.  
 Vtunq; illa ELISABETH fuerit, non tamen è Gratiarum numero.

Quarta potius Furiarum, non Charitum tertia:  
 Et Typhisphone magis, quam Euphrosyna.  
 Per Filij absentiam, gubernatrix apud nos Domina  
 Non leuiter offendit,  
 Quod viris imperare præsumeret femina, & adhuc superba.

*Nunquam scilicet insolentius sceptro utuntur,  
 Quam quibus ad fusum & colum nasci contigit.  
 Potestas in manu feminae, Regnorum est laniena:  
 Quo leuius imperat, grauius torquet.*

Primò tunc præstituit MOKRSCIVM, expetiri ad sceptra LVDOVICI,  
 Impatientem omnino ad Gynæcei imperia  
 Sarmaticis Asbactis & verè viris nimum semper exosa.

Inuenit tamen LVDOVICVS,  
 Vnde Tyranno nò absimilis Dominus beneficus esse videretur.  
 Ecclesiasticis agricolis imposuit vectigal,  
 Non parua Antistitum sollicitudine,  
 Quod viderent se à LVDOVICO opprimi,  
 Quos Antecessorum pietas immunes fecisset.

Consilium initum Calissij.  
 Vnde FLORIANVS iterum in Hungariam Legatus,  
 Principem certiorè reddidit. quam grauis est onerū impositio.  
*Immoderata exactio, peculiaris est præda.*

*Sanguis*

*Sanguis ex subditis exsugitur, dum pecunia.* 179  
Et puduit LUDOUICUM, non facere omnia in gratiam MOKRSCII,  
A quò coronam oblatam habuerat.

Tributum omne remisit  
Vt MOKRSCII gaudio, ita excipientium applausu.

Videlicet *beneficij instar est*  
*Ab oneroso Principe deprecata subinde iniuria:*

*Et pro gratia creditur alleviatum saltem onus.*  
Diu inter Principem & Polonos mediator MOKRSCIVS,  
Tandem exactis in Infula Annis XI.  
Negotijs & vitæ finem imposuit  
Anno Dñi, M. CCCLXXVIII.

## FLORIANO MOKRSCIO: O D E XXIX.

*S*ub Rege si quid Pannone Lechicus  
Perpeffus Orbu; MOKRSCIVS omnium  
Inson & immunis, sed astra  
Sarmaticis inimica rebus,  
Sed fata Nostris non bene partibus  
Propensa, quæ Regem Hungariæ throno  
Curisq; distentam Polonis  
Pro Domino posuere Regnis.  
Nil sole cælum clarius; aureo  
Nil æthra Phæbo celsa tenet, tamen  
Vni ille si polo refulget,  
Occidit iam alij serenos  
Occultat ignes. Nec geminis manus  
Est apta sceptris una, bumeri licet



*Atlantis Alcidaeq; portem ,  
 Indubie duplici fatifcent  
 Sub mole pressi. Difficile est onus  
 Grauisq; semper sarcina, purpuram  
 Gestare Regalem; lacertos  
 Regna volunt onerosa fortes.  
 Sat grande manus Pannonicas fuit  
 Rexisse terras; quid Lechiae preces?  
 Quid vota gentis supplicantis?  
 Vt Patrium LUDOVICVS orbem  
 Regnumq; praeter, nostro etiam suos  
 Accommodaret Regno humeros. Dies  
 O inter infaustas notanda!  
 Quam solio fuit expellitur,  
 Pannon vacanti. Non ea MOKRSCII  
 Est culpa, sed fati. Iuit hic à suis  
 Minister haud auctor Polonis,  
 Et Dominum petijt, Polonia  
 Quem iam vna dixit, quem tabula vltima  
 Tam CASIMIRI, quam Patriae minus  
 Fortuna Nostrati fidelis,  
 Quem Lechiae statuere voces.  
 Et Regna magnis casibus obuiant,  
 Nec tam beata est vlla Colonia,  
 Quam fata non vexent iniqua.  
 Nulla dies, variare rerum  
 Quae cruda rectum nesciat ordinem;  
 Thronusq; primò qui tenuit Patrem;  
 Breui Tyrannum vel rapacem  
 Pro domino patitur draconem.*



**N**on naturæ tantum humanæ effætæ sunt, sed & sæcula:  
*Vbi semel ac iterum magna ediderunt nomina;  
 Aut nihil demum patiunt, aut monstra.*

**KVROZVANSCIVS** Episcopus Cracouiensis;  
 In quo pulcherrima illa bonorum Præsulū series nonnihil interrupta.  
 Ad Pontificios fasces

Non aliunde majus suffragium nactus quàm ab Aula,  
 Destruçtore temporis illius schola,  
 Et vbi feliciora erant vitiorum quàm virtutum studia.  
 Profanis negotijs nimio plus intentior  
 Majestati terrenæ placere magis studuit, quàm Divinæ.  
 Domestica Aulicorum infelicitate,  
 Vt humanæ potentiaë studiosi minorē curam Numinis habeāt.

182 Et vbi nimius erga sæculares Dominos amor occupauit corda,  
Timor & reuerentia Numinis sit in contemptu.

Meritus nihilominus de Superis  
Fundato Mansionariorum Collegio:

Et hoc erat parare sibi quodammodo mansionem in cælis.

A Rege LVDOVICO è Comitij Budensibus  
Magistratum Poloniæ distributor factus.

Vt ad quos fortuna tantum vellet respicere,  
Hos Infulatus hic Mystes in felicitatis adduceret sacrarium.  
Castellaniâ nisi & Palatinatu Cracouiensibus  
Regio arbitrio relictis.

Grande id felicitatis argumentum,  
Fortunam dispensandam habere in manu.  
*Emulatio enim quædam Diuinitatis est,  
In terris suas habere creaturas.*

*Plasmare aliquam personam par cum DEO elogium.  
Vt sint felices, multis concessum est;  
Vt felices alios reddant, non nisi Maximis.*

Veneritne aliquis ex eius commendatione in gratiam beneficæ Deæ;  
Nihil de hoc annales Polonici.

*Et tamen indignus Fortunæ beneficio, non munificus in alios:  
Fontis eò maior laus, quò latius in commune deuoluitur:  
Felicium quoque, quò plures beant.*

Hoc certum,  
Quia munifici in se Principis nomen inuidiosum fecit.  
Agente enim apud Hungaros LVDOVICO nulla de nobis cura.  
Pulsa in exilium iustitia:

Qui Polonorum causas cognosceret, nemo fuit.  
Quærebant profugam Poloni, & Budam vsque petebant,  
Verum qui ab hominibus iustitiam expectat,  
Nescit



Nescit à quo tempore Themis ascenderit in calum. 183

In polos abiit, vt in terris coleretur ;

Iam sicut præsens non æstimabatur Numen,

Ita & absentis nulla reuerentia.

Destinatus KVROZVANSCIVS, qui exulantem restitueret :

Sed is assignato iudicijs tempore non comparens,

Lachrymas populis elicit.

Vt omnino patuerit, *bonum Iudicem*

*Sæculorum frequentius votum esse quàm spectaculum.*

Obijt deinde anno Dñi. M. CCC. LXXX. Pontificatus sui II.

Obitum ejus variante Famâ.

Vt pote peccati communiter sequela est, *infamia.*

*Delictorum pedissequa, mala opinio.*

Funus sæculari pompâ à CESLAO Parente deductum.

*At frustra marmoribus fama quæritur,*

*Quam moribus mereri non libuit.*

*In ignominiam vergit extinctorum cinerum solennitas,*

*Qui tenuem boni nominis ignem fouent.*

*Modicus à cupresso plausus,*

*Dum laurum vita non porrexit.*

ZAVISSÆ KVROZVANSCIO.

O D E XXX.

VT sæpe rectum sæcula Iudicem

Vouent & optant ; sic iterum vident

Vel serò vel nunquam. ZAVISSA

*Pro Lechico datus orbe legum*

*Custos, honestam quàm potuit sibi*

*Parare famam : mittere posteros*

*Insigne*

Insigne quàm nomen per annos;  
 Sed populus toties petita  
 Dum iura differt dicere, noscere  
 Causasq; quando negligit; inclyto  
 Secessit à Famæ theatro  
 Ad tacitas remouendus umbras.  
 Sed heu! Quirites. Iustitiam & modo  
 In orbe quousquis quærit; inutili  
 Labore quærit: uniuerso  
 Pæne vale canit illa mundo:  
 Augusta magnis nuper honoribus  
 REGINA fult. dum similis Deæ  
 Vultuq; nobiliq; cultu  
 Mænalias etiam Dianæ,  
 Et visa centum vincere Cyprides.  
 Ut gemma in auro non speciosius,  
 Læui vel inclusum per artem  
 Posset ebur radiare buxo:  
 Hæc & Mycenæ, & Mareotidi  
 Regnavit olim: quò Æthiopum plagæ,  
 Quò diues Afer, vel Britannus,  
 Quò Garamas sua regna & Indus,  
 Pænuq; bellax promouet; ultima  
 Mundi; tandem quò vehit orbita;  
 Ibi illa regnatrîx potenti  
 Imperio tenuit tremendas  
 REGINA gentes Nec populum nisi,  
 Vel vile vulgus; sed medias quoq;  
 Ibat gubernatrix per aulas  
 Maxima Principibus Magistra:

At verò postquam se leuibus tulit  
Respectus alii; multa pecunia

Postquam sacris, arisue ipsæ

Capta coli, quibus est & ampla

Astræa culta; hinc & facies prior

Mutata rerum, & Iustitiæ minor

Secutus est bonos: ut illa

Tot populis dominata quondam,

Tot clara regnis pro solio & throno,

Afflicta segnes incolat angulos,

Fractusq; sceptris fascibusq;

Nullam habeat miseranda pompam:

Et ille candor, qui roseo fuit

Mixtus pudori, præ memori nimis

Dolore pallet, mensq; tristis

Sollicito prope languet ore.

Sed derelictæ se quis adhuc amor

Et cura restat Iustitiæ; precor

Per astra per cælos, salubrem

Vtiterius temerare demum

Nolite Diuam. Vixit ut hætenus

Pudica Virgo; sic manet integra

Hucusq; Virgo. quod Ministri

Prostibulum faciant, eorum

Est error omnis. quod vacuus thronus,

Quod fracta laurus, sceptrâ quod exulent;

Quod lassa torpescat corona;

Culpa scelusq; penes Ministros.





# CHRISTI NVTRITIO SANCTO JOSEPHO

Pro tertia Antistitum Cracouiensium decade  
EVCHARISTICVM.

*E*rgo cum Virgo sibi dedicatam  
Obtinet chartam; sequitur profundo  
Et mea ut cultu veneretur ipsum  
Penna IOSEPHVM.

Sponsus es magnæ sine labe Matris,  
Sponsus es puræ sine nube Lunæ,  
Virginis Sponsus, cui Sol coruscus  
Subiecit ignes.

Tu Calasanti soboli patronas  
Porrigit dextras; etiam Parentis  
Cum sim ego tanti minimus, modestas  
Defero grates.

Tertiæ quod iam decadis quietam  
Anchoram fixi, mihi Tu benignus  
Castor & Pollux, mihi tu ad beatum  
Cynthia portum.

Vive, me magnæ quoties abinde  
Virginis fiet meminisse, viuat  
Et Tui semper memor, & Tuorum  
Præco decorum.

IOAN-



STaturæ vitium erat non animi;  
 Quòd popularibus suis appellatus PARVVS.  
 Membris exiguus, gestis ingens:  
 Et hoc erat Alexandros Magnos æmulari.  
 In modico corpore eam virtutem habuit,  
 Cui Gigantes etiam vel Briarei non sufficerent.  
 Iuuenis missus in Galliam,  
 Vbi Achilles rediturus sperabatur; redijt Chiron.  
 Artis Medicæ peritus adeo,  
 Vt alterum diceres Æsculapium.  
 Ad preces dominantis Poloniæ & Hungariæ LVDOVICI  
 Quæsitus è Galliæ Archiatri perfectissimus in Poloniam;  
 Nullus Francico throno præ RADLICIO visus,  
 Quem nostrati ALEXANDRO mitteret PHILIPPVM  
 A 72 Adiungit

188 Adiuuit is propriâ virtute coronati Capitis calculum,  
Solicitus omninò, ne Regnantis iudicia falleret :  
Et aliam se ostenderet, quàm Majestatis esset suffragio.  
Aliàs errant humana iudicia, dum iurant in aliena verba :  
Nec quid dicatur, æstimant ; sed à quo.  
Vulgaris opinio sæpius à dominantium arbitrio pendet,  
Quia subscribit, non censet : ducitur, non it.  
Quia multis illi perfectissimi videntur,  
Non quod optimi vel perfectissimi sint ;  
Sed quod encomiasten habeant Dominum.

Adeoque paruum putatur,  
*Quidquid commendatur non à Magno.*  
*Commendantur fortunâ plerumq. commendati æstimatur dignitas.*

Non caruerat RADLICIVS artis medicæ laureâ,  
Sed LVDOVICVS ampliorem parans,  
Post creditam corporis sui salutem & Regni legum custodiam,  
Machaonem suum Cracouiensi redinnuit Mitrâ.  
Quali satis adhuc Magnus non fuisset,  
Nisi in Pontificia Purpura.

Quanquam non supra RADLICIVM & hæc felicitas.  
Æsculapium sic coluit, vt & Apollinem exprimeret.

Notum vel ideò Parentem habens,  
Vbi Filio quoque ejus tam familiariter conuixisset.

Ejus doctrinæ Vir,  
Ob quam Insula etiam non erubuit :  
Pietatis tantæ ;

Quanta in multis aliis rarum spectaculum.  
Pontificiam Cathedram ingressus ; medicina fuit ;  
Efecit, quod nocuit.

Mederi non corpori tantum, sed & Reipublicæ gnarus,  
Ubique



Vbique Hippocratem egit.

189

Patriæ infirmitatem toties pellens non pharmaco, sed consilio.

Functo fati LVDOVICO Polonia ægrotare cæperat.

*Regum enim mortes, Regnorum sunt morbi.*

Destinabatur sceptris SIGISMUNDUS cum MARIA LVDOVICI Filia.

Sed ubi ad Polonorum vota nec in pedibus aures habuit,

Indignus Regno est visus.

*Vicunq; Regnantium sit supremum velle;*

*Nihil tamen Maieitati adimitur,*

*Si subditorum votis se accommodent.*

*Pessimè cum subditis agitur.*

*Si eorum desideria Principes pro mancipiis habent.*

*Etiā Sol in alto; omnium tamen necessitatibus seruit.*

Illum in suffragia pro secunda sorore HEDVIGI:

Vt coronandæ huic Pulcheriæ suus quæreretur Honorius;

Et thalami & solj comes.

Personuit statim Aula procis;

Vbi Regia Virgo pro dote numeravit Regna.

Et Vilhelmus quidem

Tum verbi paterni tum Virginalis affectus securus

Austriacus Turnus suam expectabat Lauiniam.

Sed non placuit Minoribus Polonis & RADLICIO affinitas ea,

Quæ nisi vacuum sine pondere nomen ferret.

*Vicunq; cælos tangeret sponsi nobilitas;*

*Et per fasces numeraret Auos;*

*Poloniam tamen soli tituli nihil iuvissent.*

Optima copula, quæ non manus tantum, sed & Provincias ligat.

Ideo alienis à Vilhelmo Polonis

Pro Virgine certat Lithuanus Mars VLADISLAVS Iagelo.

Nec Clypeo tantum is melior, sed & statim donat Rhodopen,

Aa3

Lithua-

190 Lituaniam suam Poloniæ Regno adiungens.  
Despexit HEDVIGIS primò VLADISLAVM,  
Barbarum coniugem refugiens,  
At Goraij & Minorū cum RADLICIO Polonorū consilijs obsecūdās,  
Amorem tandem suum amori Regni subiecit,  
In thalamum consentiens Iagelonis.  
Digna encomio,  
Quod priuatum desiderium submiserit publico.  
*Aliàs sua cuiq; utilitas pessimum boni communis venenum.*  
Addita tamen VLADISLAVO conditio,  
Vt si Formosam nostram habere vellet,  
Lustralibus vndis prius se ablueret.  
Honoratus eo munere RADLICIVS,  
Vt Iagelonem sanctioribus thermis tingeret:  
Et non tam Lernæis quàm salutaribus aquis ablutum,  
Ab omni vulnere redderet securum.  
Verus omnino Medicus laborantem originalis noxæ morbo sanauit.  
Tincto Iagelone  
Beneficum in Cathedram suam imbrem depluit RADLICIVS,  
Còemptis in Cracouiensis Ecclesiæ vsum villis.  
Cantandis diuinis horis intentior  
Vicariorum mensam auxit:  
Quod nosset Diuinam psalmodiam esse Sponsæ consolantis:  
Et à triumphante procedere Ecclesia,  
Quidquid in militantis fit solatium.  
Aduersus IANVSSIVM Ratiboriensē Ducē bonorū Ecclesiæ vastatorē  
Fortis æmulus,  
Non quieuit, donec in omnibus fieret sibi satis.  
Nouo miraculo  
Contra tantum Gigantem, Paruum hunc aliquid potuisse.  
Vir,

Vir, si staturam excipias, in omnibus magnus, 191  
Proficius omnino tum Regno, tum hominibus Galenus,  
Donec experiri voluit malitia humana,  
An ex omni parte verus esset Medicus.  
Diceres examinitoris partes accepisse inuidiam.  
Certaturo enim quasi pro laurea RADLICIO  
In mensa porrectum venenum.  
Nempe in ipsis vitæ præsijs, mortis insidiæ quæsitæ.  
Ergo qui alijs mēdebatur, sibi quoque non defuit.  
Vt quodlibet naturale conseruationem sui desiderans,  
Pedibus fursum ligatus  
Tam diu tenerioribus baccellis verberari voluit,  
Donec omnes cibos euomeret.  
Quos ubi euomuit, in triennium vitam protraxit.  
*Adeo una est catena, quæ nos obligatus tenet, amor vitæ.*  
Mortalitatis deniq; debitum exsoluit anno Dñi M.CCCXCII.

## IOANNI RADLICIO

O D E XXXI.

*VTcunq; Paruum Te popularium  
Appellet error, paruula nomet  
Vtcunq; non magnum statura;  
Fama tamen tetigit Gigantis  
Et magna virtus Nomen, in exteris  
Quæ visa Regnis elogium quoq;  
Adepta Gallicæ Coronæ  
Sarmaticos penetrauit ingens  
Aduq; campos. Nil humilis nocet  
Statura nostri corporis, intima*



Si mens Mimam tantum professa  
 Cum validis etiam Typhæis  
 Certare par est: Encelado licet  
 Æqualis haud sis Craconiensibus  
 Donate. R A D L I C I iuris;  
 Enceladum tamen haud es infra.  
 Ex erudito pectore profluam  
 Si ponderamus gloriam, & indole  
 Sequace Galeni; Mirrati  
 Unde Tibi patuere fascēs,  
 Et unde Craci purpura Præsulem  
 Accepit ult. d. Sarmatici quidem  
 Regnantis à nutu, sed amplo  
 Et proprii merito laboris.  
 Quamquam mederi quam bene corpori;  
 Periclitanti, tam bene Patriæ  
 Polone sciussu Galene,  
 Dum solio Lechia vacante  
 Infirmitus Orbis noster; ab Austria  
 Dum tam VILHELMO, quam exitiabile  
 Ferente vulnus SIGIMUNDO  
 Letiferae miseranda pestis  
 Coorta tabes (nempe suos habent  
 Et Regna morbos, si Dominus thono  
 Vel dextra, quæ sceptrum gubernet,  
 Defuerit: cupidus vel audax  
 Intrare votis ambitio velit.)  
 Hegre valenti. Tu Patriæ salus,  
 Quando V L A D I S L A V S Iagelo  
 Sarmaticum retinere clauum  
 Rex iussus, & per Te genitalibus  
 Ablutus undis, nobilioribus  
 Ingressus in Thronum Polonum  
 Auspiciis, Inimica nostras  
 Si quæ cicatrix presserat ordines,  
 Vulnus q̃ cessit: tum melior suis  
 Ingressi sanitas quadrigis  
 Sollicitas rececavit. Vires.

PETRVS



ACeruum vides ;  
 Vacuus est frugum, non tamen meritorum.  
 Sanctior in illo Triptolemus PETRVS WYSZ.  
 Qui nihil sibi reſeruauit,  
 Vt Eccleſiæ & Patriæ totum impenderet.  
 HEDVIGIS beneficio promotus ad Infulam,  
 Sanctæ quidem Fæminæ,  
 Sed quæ Cracouiensibus Canoniciſ ſenſa,  
 Quod ab iſ ſ fuiſſet excepta non pro Regia dignitate.  
 Rata nullum Pontificali pedo dignum,  
 In cujus domo hospitalitas non daretur.  
 Amant & terreſtria Numina hominum ciuitatem ;  
 Nec quidquam peregrina Litonæ acerbius, quàm popularium inhumanitas.  
 Rapam etiam è paupere manu non acſſicit Maieſtas,  
 Quam ſcit hoſpitali affectu ſibi porrigi.

Non diu tamen plasmatrice sua lætatus WYSZ,  
 Quam sanctè viuentem in sanctitate sua mors interturbauit.  
 Optimam Reginam, & quæ monstrauit luculenter,  
 Quantopere Diuinum amaret cultum,  
 Vltimis tabulis PETRI arbitrio commissis.  
 Accepit is gazas Reginales pro iudicij natiui ductu dispēsandas,  
 Nec alium hæredem agnouit quàm Ecclesiam,  
 Et Academiam Cracouiensem.

Cogitatum CASIMIRO adhuc Magno tam pulchrū facinus,  
 Vt cum Musis Scientias quoq; omnes in Polonia faceret municipes.

*Quorsum enim, inquit ille,*

*Mars tantum Polonis & Bellona domestici essent,*

*Et non itidem cum Apolline Minerua.*

*Eiusdem Parentis hæc proles, eiusdem Iouis soboles.*

*Si de bellis agitur;*

*Non arma tantum sed & literæ trophæa erigunt.*

*Et Gradus vix aliquid subinde potest,*

*Nisi in consortium Pallas veniat.*

*Non excludunt se isdem consinitis Hæmus & Helicon.*

*Potest Mercurio pariter sagum & toga tradi.*

*Iam in aliis Regnis Numina hæc coloniam fixere,*

*Et ad Polonos non respiciant?*

*Bene; si Mars donat Rhodopen;*

*Sed itidem non male; si Phæbus largitur Amyclas*

*Et Delos Clariſſq; lares.*

Hæc mens olim CASIMIRO Magno:

Concepit tamen ille votum non litauit.

HEDVIGIS vltimæ voluntati, VLADISLAI postea munificentia

Et WYSZI curæ palmarium id relinquente Fortuna,

Vt Scholas haberent obæratas.

Euocati Pragâ Magistri.

WYSZ in præsentia omnium

Primam in lure Canonico lectionem prælegit.

Stu-



Ad tam magnifica Cracouiensis Academiae initia.

Vt Episcopos etiam haberet Professores.

*At magnarum rerum magna sunt communiter principia.*

*Ingentibus exercitiis fortissimorum quorumvis velitatio praeludit.*

*Ioue opus est;*

*Vt Mercurij postea nascantur vel Apollines.*

*Formandis pumilionibus pigmæ sufficiunt.*

Viduus inde à mortua HEDVIGE VLADISLAUS

De Regno addubitare cepit.

Sed fluctuantem non tulere & WYSZ & Polonia.

*Maneret penes concessam Imperii gloriam.*

*Si ambigeret de securitate Regni functa herede,*

*Sciret se à Polonis electum, usq; liberis.*

*Non ita lubrica Sarmatarum Fides,*

*Vt meminisse nolint, cui scepra dederint.*

*Polonis quoq; crebra Principum mutationes non salutares.*

*Assuetis bono Principi populi ita corda alliciuntur,*

*Vt successorem timeant, non cogitent.*

*Egregii Imperatores voto expeti debent;*

*Talem ubi Fortuna dederit, mille etiam portis detinendus.*

Ita Iagelonico scirpo potissima tunc temporis statio

WYSZI Aceruus.

Qui ut hic in Principē gratus, ita alibi in Clerū & Religiosos munificus

Vota aliorum implere noluit,

Nisi ipse à felicitate sua pæne recederet.

Manipulares mensæ suæ decimas

Psalteristarum Collegio & plurimis alibi Ecclesijs cedens

Non frustra vacuum manipulis circumtulit Aceruum:

Sibi inops, ut alijs esset diues.

In Senensi & Pisano Concilijs honorem ita tuitus est,

Ut dignitas & virtus in eo contendisse viderentur,

Alias non erubescere in tanto Purpuratorum confessu.

Non cuiusuis est magnitudinis.

E Pisano tamen Concilio redux Fortunam inuenit inimicam.

Nam quasi mentis inops delatus à IASTRZEMBECCIO,

E Cracouiensi ad minorem Posnanix demouetur Insulam.

*Nimirum Sacramento obstricta nemini felicitas.*

*Malacia pericula miscet, fauoribus odia.*

*Liberaliter ad Purpuram promouet,*

*Vt pro inconstantia affectus sensim vel citò deserat.*

*Perfidiam amoris habet, ut potè in suo amore meretrix.*

Erupit primò WYSZ in lachrynas ob tam insolentem mutationem.

Verùm ubi ad se rediit

Firmato tandem ad omnia animo didicit

*Pulchrius exemplo morum eminere quàm fascibus.*

*Ingenti animo esse licet absq; ingentibus fastigiis.*

*Quandoquidem tenere excelsa & vecors potest;*

*Qui illa generosè contemnat, nonnisi magnæ indolis capax.*

Opposuit se pro iniuria WYSZI Concilium Constantiense,

Iniurium iudicans

Tanti nominis Virum ambitioni alienæ victimam immolari:

Et restituisset priori loco iniuriatum Præsulem,

Nisi mors grauius inuidisset,

Posnaniensem etiam eripiendo Insulam.

Veniã precatus ab infirmo adhuc VLADISLAUS, & quidè flexis genibus.

*Nec enim tanta Regnantium serenitas,*

*Vt præfulgore maculas aduertere in se non possint.*

*Malè de summis apicibus creditur,*

*Quasi infra Maiestatem habeant, submitti.*

*Non unum adhuc in his culminibus inuenias Theodosium,*

*Qui ad Ambrosij pedes procidat.*

Et ignouit facile WYSZ,

Dignum ratus veniã Principem, quòd fateretur delictum.

Ad innocentiam pene rediisse, qui paratus esset expiare.

Cum IASTRZEMBECCIO tamen ad altius subfellium prouocauit

Anno Saluatoris nostri M. CCCXIV.

In Cracouiensi Sede exactis annis XX.

Nimi-

Nimirum ubi iniuria dolorem sollicitat,  
Difficile est ingenuitatis etiam bonitatis meminisse.

197

Suas semper cicatrices relinquunt vulnere,  
Et moti per iniuriam illatam fluctus raro aut nunquam quiescunt.

## PETRO WYSZ.

### O D E XXXII.

D<sup>i</sup> te scelestam, D<sup>i</sup> male perfidam  
Et fata duris aspera vindicent  
Fortuna pænis. Per theatra  
Insolitos quid iniqua tantum  
Ordire ludos, & leuibus simul  
Induta vastrum non bene Roscium  
Incedis insolens cothurnis,  
Dans vapidae sua regna fraudi.  
Ac si his aut ter non satis arduam  
Egisse sit scenam, ac iterum suum  
Mutare cum scena furorem,  
Nec dubiam retinere larvam.  
Pudet! scelestæ tam facilis sumus  
Quod meta Diuæ: ut cum velit, alite  
Nos ducat in sublime passa,  
Et medio statuatur heatos  
In Sole Cines: cum velit, infimos  
E Sole rursus trudit ad angulos,  
Et de planetarum sedili  
Ad Stygios trahat et sq. lucos.  
Sic ille quondam, qui Siculæ prius  
Director oræ purpuram & aureum  
Indutus ostium, subditorum  
Magnificâ comitante pompâ

Superbus



Superbus ibat; cū popularium  
Frequens obuius ordo clientium

Ad iussa promptus, & frequentes

Tam populi famuli cateruæ,

Quam seruientis millia militis

Ad uerba proni: seu uoluit truccem

Mouere bellorum procellam,

Seu gladijs inimica iussit

Sæuisq; quæri terga dolonibus:

Seu laureatus uecta curulibus

Trophæa mandauit, grauēsq;

Diuitijs spolijsq; currus.

Mox insolenti cum placuit Deæ

Mouere risum; fit populi iocus,

E Rege paruulis magister:

Quiq; suam grauiore sceptro

Ornare dextram præteritis potens

Solebat horis; nunc ferulam manu

Prehensat infelix, leuiq;

Imperio pueros coercet

Post iura, leges post populis datas,

Et post fluentis firmata purpuræ

Centone tectus: Regijsq;

Qui ante superbierat tributis;

Iam nunc Minerual postulat. Inquies

Sic Diua ludit: sic caput extulit

Sublimè qui cælo, liquatis

Deijcitur miserandus aliis.

Nec una tantum Regna ita flebilem

Egere scenam; sæcula comico

Quàm multa sic inère saltu;  
 Ex quo patuli stetit ista tantum  
 Compago mundi: ludimur, & simul  
 Ignaua sæclis fabula tradimur,  
 Plenumq; reddimus theatrum  
 Præcipitis strepitu ruinae.  
 Et innocentem sors eadem premit  
 Infesta WYSZUM, dum e Cathedra Craci  
 Audet reluctanter, ad minorem  
 Posnaniæ remouere sedem.  
 Dîj Te scelestam Dîj male perfidam  
 Fortuna perdant. Nil Patriæ iuuat  
 Aceruus impensus, PETRIq;  
 Purpureo benè nota Pisis  
 Virtus, & ingens fama Senatui:  
 Nil cura iuncti sanguinis, & sibi  
 Mens rite constans, fletibusq;  
 Se redimens lachrymisq; candor.  
 Quodsq; viam, vindice fulmine  
 Tonabo Vates, & meretricium  
 Damnabo probitis sempiternis  
 Ingenium, nurus impudenti  
 Postquam ore tantum perfidiam refers,  
 Amare Te fingens nec amans: palam  
 Testabor hoc nefas iniquum,  
 Quod Veneris similis nefandæ  
 Fortuna dextram porrigis, & statim  
 Incesta eandem subtrahis, immemor  
 Candoris & pacti da:umq;  
 Nata statim temerare verbum.

ALBER-



PARENTIS VATICINIO PONTIFEX.

SEPTENNIS ADHUC PUER

SIMUL SCHOLASTICÆ FERULÆ. SIMUL PONTIFICALI PEDO PORREXIT MANŪ.

CUM LACTE INFULÆ CANDIDATUS,

ETSI NECDUM CREUIT, JAM EMINUIT.

IN TENERA ADHUC RADICE MERCURIUS,

AB IPSIS STATIM CUNIS NOTUS, QUOD AD FASTIGIA NATUS.

CÆPIT, VBI FINIS ERAT.

ET EA PUER EGIT, QUÆ PAUCI MERUËRE SENES.

A PIO GENITORE DATUS AD BESSOUIENSEM SCHOLAM,

NON IGNORANTE PIETATEM CHRISTIANAM

HAUD POSSE MELIUS INSTILLARI, QUAM CUM MUSARUM LACTE.

ITA VIRTUTI & PALLADI COMPLACUIT,

VT CLIENTEM SUUM YBIQUE SEQUERENTUR.

Infinu-



Insinuauit se in Honoris amicitiam,

201

Cujus fauore Posnaniensibus aris datus Antistes,

Paternæ obligationi fecit satis.

Bessouriæ ligneam Ecclesiam demolitus, exstruxit lateritiam.

Varsoviæ Canonorum Collegium instituit.

Finiebatque pæne tertium lustrum in Posnaniensi Cathedra,

Cum tandem animum illius pertentare cæpit ambitio,

Adeo errant

*Qui inter magnas virtutes vitis negant locum.*

*Adbuc nemo exstitit,*

*Cuius virtutes nullo vitiorum confinio læderentur.*

*Affinitas quædam inter duo hæc intercedit,*

*Et mala bonis communiter agnascuntur.*

*Nullum omnino sine defectibus sæculum,*

*Ac nec illud, quod appellabatur aureum.*

*Larga horum ubiq; & obuia seges.*

Non expectans PETRI WYSZ funus,

Per violentam amotionem Cracouiense soliū ingredi voluit.

Per plana an per obliqua ascenderet, perinde habens.

Nempe calcaribus urgeri non postulat ambitio,

*Sponte suā in cursus soluitur.*

*Theopompum agit non Ephorum, ubi decurrendum ad culmina.*

Perorabat WYSZ pro se lachrymis,

Sed infelix pro domo sua Cicero orationis finē non consecutus.

IASTRZEMBECCIO,

E Regali Jagelonis sceptro, tanquam e venatoria pertica prouolante,

Vt amplioris fortunæ prædam adunco vngue raperet.

Nec mirum; IASTRZEMBECCIVS erat.

Quia tamen accipitri panis solet esse venenum;

Ideo & IASTRZEMBECCIO Christi panis.

Cc

WYSZI

WYSZI vicinorum odijs maſtatus reſciuit tandem,  
Quòd magna eſt honoris & inuidiæ cognatio.

*Monſtroſa omnis dignitas;*

*Illatamen, quàm ambitio peperit, monſtroſiſſima.*

*Rarò vernaculus inimicitis caruit ſaſtigium,*

*Quodcunq; per alterius iniuriam aſcenditur.*

*Vicunq; ubiuis comes ſit inuidia;*

*Ad raptam tamen indebite purpuram maxime ſe inſinuat.*

Cæterum Vir magnus,

Et qui cum Cracouienſi pedo ſimul Regni Aquilas geſſit.

VLADISLAO Iageloni intimus ubiuis conſiliorum arbiter:

Niſe quòd ſemel ſuo ſe non probauerit oraculo.

Malè à Chriſti cruce dicti Crucigeri

Post depreſſas in Gruneualdenſi prælio vires

Dum apèrto Marte non poſſunt,

Profanam auri cupidinem iniurijs promouent.

Quibus ferro componendis

Polona fortitudo ſtatim conflictui canere voluit.

Sed credulus nimium VLADISLAUS,

Dum SIGISMUNDUM Cæſarè inſuriarum arbitrum eligit & exſpectat,

Inanibus tantum promiſſis lætatus diſcere potuit

Paucis valde à ſe ſpatijs abeſſe nimium credere & falli:

*Aliquando ſatius hoſtem pati, quàm amico improbo uti.*

*Cui deeſt inimicus, per amicos opprimitur.*

Malè habitum à Polonis

VLADISLAUM, & cum VLADISLAO ludificari Poloniam,

Ac per tam facilem fidem aditum dari alienæ perfidiæ.

Sed deuoluta à VLADISLAO culpa in IASTRZEMBECCIVM,

Quaſi in illius authorem compromiſſi.

Nimirum

*Prospera sibi Regnantes vendicant, aduersa Ministris imputatur.*

*Et tamen consulere Ministri est, penes Principem arbitrium.*

Instrumentalis causa fuit IASTRZEMBECCIVS,

Nihil agere potuit nisi vi causæ principalis,

Quæ non alia, quàm VLADISLAVS.

Aliud erat,

Quod immeritum Pontificem Ciuum odijs exponebat,

Imo & coegit ad deponendas Regni Aquilas :

ELISABETH nempe, tertia jam VLADISLAI Coniunx.

Opponebat se matrimonio huic IASTRZEMBECCIVS,

Incongruum existimans, vt capularis VLADISLAVS

Cum capulari itidem fæmina copulam cogitaret.

*Turpe nimirum senilis amor :*

*Post duarum Iunonum thalamum malè illius ambiretur thorus,*

*Quæ quod à duobus iam Morauis Paridibus capta,*

*HELENA magis esse capit.*

*Facilius Medea erit, quàm cæce nimis crederet Hippolytam.*

Surdus ad hæc VLADISLAVS, postquam vxori aures dedit.

Noua interim Eudoxia suum Arcadiū in IASTRZEMBECCIVM concitauit.

*Omnis ira mala est, pessima tamen fæminæ.*

*Vbi semel furori calcaria addidit, de freno non cogitat.*

*E mitigatis leonibus citius retuleris palmam,*

*Quàm de offensa muliere.*

*Harpyam inuenies, vbi speraueras columbam.*

*Cum irata Iunone Acheronta mouere mauult,*

*Quàm ad preces descendere.*

Et cessit IASTRZEMBECCIVS sigillaribus ceris ELISABETHÆ odio,

Sed breuè illâ extinctâ Archiepiscopatu Gnesnensi ornatur,

Inuitus omnino & renitens,



204 Tum quòd ob priorem ambitum odiorum satur :

Tum quòd fastidiret ditio rem Fortunam ,

Quam tantoperè olim appetierat.

Vt discerent alij ,

*Nihil in mortalium rebus ad suam pulchritudinem sic exactum,*

*Quod tandem non fatiget contemplantem.*

*Non carent fastidijs suis fastigia :*

*Cum appetitu capiuntur, sed capta & possessa nauseam creant.*

*A principio sapida videntur bellaria ;*

*Vbi tantisper degustaueris , crudum holum senties.*

Vectus tamen per tot honores & odia IASTRZEMBECCIUS,

In Aquilarum demum Gnesnensium nido confedit

Aquilarum & ipse genus.

Volatui tandem finem imposuit Anno Dñi. M. CCCC. XXXVI,

Annis XI. Cracouiæ exactis , XIV. Gnesnæ.

## ALBERTO IASTRZEMBECCIO.

O D E XXXIII.

**A**Vdite, dicam : non adeò manet

Secura virtus, in medio sedens

Regina terrarum theatro ,

Vt vitis sua sceptrum non sint

Concessa. Stricto fœdere gestiunt

Tam praua iungi quàm bona : nec scelus

Iam prorsus exulat nefandum,

Dum probitas retinet decoros

Formosa fasces. Est sua floribus

Vt spina rubris ; est ut inutilis

Vrtica ponè herbas , lupiq;

Vel steriles teneris adhærent

Statim

*Statim stolones stirpibus; ingerunt  
Sic se modesto noxia pectori*

*Peccata, virtutisq; passum*

*Affiduus comitatur error*

*Tam Patre Praesul Vate, quam Episcop  
Auctore seipso regna dum in intimis*

*Concedit ALBERTVS medullis*

*Egregijs satis ampla factis;*

*Famaq; plenus non per inanium  
Gradus honorum cursitat, ambitum*

*Admisit in pectus, tumorisq;*

*Egregius moderator olim,*

*Satisq; Posnae Praesuleis diu*

*Contentus aris; lora dat inuidæ*

*Tandem cupidini regenda;*

*Immeritam statione Craci*

*Mitrâq; PETRVM quatenus impio*

*Deturbet ausu, & protinus ultimas*

*Pudore damnato sub Alpes*

*Det cupidus sua vela votis.*

*Immane quantum dedecus & nefas.*

*Humana quod mens sapius in suis*

*Alternat actus, & vicissim*

*Improbilas modo regnat atrox*

*Nunc pulchra virtus: ac homo nesciat*

*Vitæ tenorem rebus in omnibus*

*Servare, constantemq; morum*

*Nobilium retinere cursum.*

*Pudor! decoram non semel indolem,  
Si quando pulchri nominis integro  
Amore fulsit, & deinde*

*Degeneri temerata fumo  
Et nomen & famam sepelit suam.*

*Non blandiantur primæ homini faces*

*Virtutis vnquam, sub coruscam*

*Non veniant quoad vsq; lucem*

*Plenæ diei, vitæ & ad vltimum*

*Ducantur occasum. Emicat Hesperus*

*Subinde morum, mox opacam*

*Facta hominis subiçre noctem.*

*Vt ignis aurum, Lydius aut lapis;*

*Seuera nostros tempora sic probant*

*Moresq; naturæq; ductus.*

*Magna licet, diuturna non est,*

*Quæ vera virtus non fuit: exuit*

*Tam prona laruam, quàm facile induit:*

*Et pulchra quæ primò virago,*

*Turpe breui tragicumq; monstrum est.*





ZBIGNEVS OLESNICKI  
CARDINALIS.

207



**H**Actenus vnicam veneratus es INFVLAM  
Nunc & MITRAM Ducalem.

Pontificium nisi hucusque Scipionem,

Modò jam & Principis GLADIUM.

*Non parcus scilicet in titulis Honor, ubi digna deprehendit nomina.*

*Æstimare nouit, qui à se magni sunt.*

*Fortunam statim conciliat, dum egregios videt.*

At tantæ felicitatis author, OLESNICIVS est.  
Qui à Thessinenſi Duce VENCESLAO, empto Seuerienſi Ducatu;

Hanc ſucceſſoribus fecit gratiam,

Vt quotquot Cracouienſi Infulæ ſubmittunt caput,

Simul & Ducali MITRÆ.

Raro felicitatis argumento

Heroes

Heròes pariter nasci, pariter Principes.

Nec dedecuit tanta nominum auge **OLESNICIUM**,

Postquam dignus erat :

Piaculumq; dici potuerat, spernere fasces, quos meruit.

Vitam ejus si inspexeris,

Alterum à primo illo Fulgentium dicere possis.

Nescias tamen, an ex fulgure an ex fulgore Fulgentium.

Fulgere cum nunquam desierit, sæpe non desijt fulgurare.

Ea tempora nactus, quæ tonante nisi Pericle indigerent.

Ex illustri **OLESNICIORVM** Familia prodiens,

Martem primò secutus,

Ad Gruneualdensem Ticinum Serenissimo Scipioni suo

Minor & ipse Scipio

Obiectu proprij corporis tutatus lagelonem .

Mansit in grato Principe obsequij recordatio,

Quam vt beneficijs alijs, ita Episcopatu Cracouiensi exsoluit.

Alias

*Offense memoria longè altius manet in læsis Regibus,*

*Quàm gratiæ in adiutus.*

*Multi illorum,*

*Commune nihil debentium argumentum habent, odium.*

**OLESNICIVS** verò ad Pontificiam euectus Cathedram

Generosiratem animi ostendit sub Infula,

Qualem sub galea olim habere potuit.

Fatalis turbidis Principum consilijs,

Et cujus toga plus gessit, quam aliorum sagum.

Vbi raro consulentium exemplo

Majestates etiam adoriri ausus,

Quas adorare securius existimat in obsequium seruire submissa fides.

Cum suspensa alij, & quò ducerentur, incl. natura dicerent ;

Is

Inutile ratus,

Cum fortuna Principis potiùs loqui, quàm cum Principe.

Pugnauit patritius Gigas in Sarmaticos Ioues,

Si quando malè sui cæli desertores

Inter Sidonias iuuenças mugirent.

Nec grandibus armis agendum fuerat;

Vnico verbo detonuit, &amp; jam pæana cecinit Polona necessitas.

Trium Poloniæ Regum censor, dubium reliquit,

Majornè Majestatum laus sub quibus liberum id fuit?

An OLESNICH; qui libertate hâc ausus vti?

*Aliàs suadere Principi, quod oporteat; multi laboris;**Assentatio facillimè peragitur.**In Regnantium mores vitamq; ius sumere;**Non cuiusvis ingenij est virtus.**Quibus præscribere quales esse debeant,**Pulchrum quidem, sed periculosum.*

Ira excurrerent aliquando affectus Regij extra moderationis metas;

OLESNICIVS CRVCEM, in Gaditanum obicem posuit.

Vbiq; lynx, vt notaret; vbiq; Aquila, vt tonaret.

Ostendit etiam suo æuo veritatem dici potuisse,

A qua nemo magis quàm humana sæcula refugiunt.

Nullus tamen in illum potentiùs impegit quàm Vitoudus.

Qui nullam magnitudinem ratus, si cupiditatibus suis esset minor,

Vsurpare voluit Regium nomen.

Ac si indignus sibi videretur Lituano Bucephalo,

Si non coronatus illum insideret ALEXANDER.

Addidit animum ad tantas spes præmissa purpuræ lorica,

Quæ ipsum ab hostium casu in solij erigebat præsagium.

Vnde vel per fraterna odia in trabeas eniti voluit.

D d

Vt



*Strictissima etiā sanguinis vincula dirūpit imperādi cupiditas ;  
Et ubi regnandi libido animum semel inuasit,  
Nihil medium habet inter summa ac præcipitia.*

*Quærebantur Senatorum vota ;*

*Sed metu offendendi Principis ne Accipiter quidem IASTRZEMBECCIVS*

*Gnesnensibus conuiuens Aquilis*

*Serenissimo soli commisit palpebram.*

*Primus OLESNICIVS in Maiestatem contorsit oculos.*

*Ergo, inquit, Ducalem alias Equum regere non potes,*

*Nisi Regni teneas habenas ?*

*VLADISLAV Fratri solidius constringi non licet,*

*Nisi per similes trabeas.*

*Plus apud Te dominandi cupiditas potest, quam ius sanguinis ?*

*Coniunctos paribus suffragiis populos diuellis,*

*Cum tamen consortis non sustinet imperium,*

*Nec secura, quæ diuisa Maiestas.*

*Sui Mariti sponsa aduenam procum nescit.*

*Putas non monstrum esse sub gemino capite unum corpus ?*

*Pigetq; adeo Polonæ Aquilæ,*

*Per quam in tam sublime gloriæ euolasti ?*

*Quasi solium non sit, nisi solus imperes.*

*Tuis viribus tantam sustineri molem existimas ?*

*Qui Aquila es per nostras pennas.*

*Capularis senex senium in purpuram inuebis,*

*Vt Maiestatis honor te citius opprimat, quam efferat.*

*Malè à Regis titulo inclarescere desideras,*

*Vbi imminens vitæ vespere umbrarum viciniam non effugit.*

*Horret senium Purpura,*

*Non amatura in te, quod in Galba quondam odit.*

His & pluribus aliis in OLESNICII CRUCEM acta ambitio. 211  
At mores alterius nemo reprehendit, quem hostem statim non sentiat.

Iratus OLESNICIO Vitoudus minas addidit.

Nihil tamen furor potuit aduersus animi magnitudinem.

Perstrinxisset oculos Vitoudianæ Majestatis fulgor,

Nisi incidisset in Aquilam.

OLESNICIVS aduersus Vitoudum animosior, ostendit;

Bonum Patriæ Ciuem etiam esse supra Principem.

Non plebeio tantum susurro, sed & Magnorum turbinibus non flecti,

Hoc verè Pontificis existimans.

Profecturus postea ad Concilium Constantiense

VLADISLAVM Iagelonem seriò officij sui & vitæ monuit.

Nempe

*Nemo prudens sibi persuadet*

*Vnâ aut alterâ admonitione vitia radicibus extirpari.*

*Profundius hæc radices actæ;*

*Et luxuriosius toties pullulant,*

*Quoties animadversionis non adhibetur scalpellum.*

Suscepit monitorium ictum VLADISLAVS,

Quoddiciret sanare non lædere volentis manu

Incisam sibi ab OLESNICIO venam.

Qui satis postea approximaturus,

Bonum Pontificem sponsalicio HEDVIGIS ornauit annulo.

Nō quod Iagelonicus ALEXANDER Ephestioni suo os obsignaret,

Sed vt probaret Regalis beneuolentiæ argumenta:

Et redderet gratias beneficis monitis,

Quorum maximè inopiâ laborant suprema fastigia.

Et cum omnia possideant;

Illo tamen carent, qui verum dicat.

Stupuit se Polonia in tanto Præsule:

D d 2

Nomi.

Nominis verò fama eousq; in Orbem excurrit,  
Vt Vaticani etiam fastigij referret encomium.

A MARTINO V. honorificentissimis conuentus literis,  
Ab EVGENIO IV, à FELICE itidem V Cardinalitio tractatus murice,

Dum à neutro Purpuram accipit,

A NICOLAO V ambobus his succedente designatus Cardinalis,  
Ad Purpuram non expalluit.

Dignus illà ubiq; indui, cum Virum nullibi exueret.

Ostenditque statim, quàm sciret honorè suo vti,

Cum VINCENTIO COTO, & OPOROVIO Primatibus Regni

Motà de loco quæstione.

Perorabant pro his Gnesnenses Aquilæ,

Quòd in Polonia illis tantùm supra cæteros euolare

Regni statuta concesserint.

Pro OLESNICIO Cardinalitius murex,

Quòd Romanam in se referret Majestatem.

Neutri Patronus è Proceribus deuit;

Donec ad nuptialem CASIMIRI cum ELISABETHA Austriaca pompam,

Qui cerimonie administer esset, iterum controuersia orta.

Sed à Neosponsis Majestatibus IOANNI CAPISTRANO decernitur.

Adhuc nempe ea in Aulis felicitas fuerat,

Vt Religiosam vitam professis suam redderent reuerentiam.

Aliàs destructo sæculo nihil iucundius modernis politicis,

Quàm facetijs lacerare Monasticam patientiam.

Excusauit munus Capistranus ob linguæ imperitiam,

OLESNICIOq; cessit, Cardinalitiam in eo reueritus Purpuram.

Ita augustum par copulauit ZBIGNEVS,

OPOROVIVS sacris operatus nouam Nuptiam diademate cinxit.

Partientibus Fatis,

Vt Cæsarum sanguis ELISABETHA,

Oporo-



OPOROVIO Coronam, OLESNICIO deberet Virum. 213  
Regnantis CASIMIRI denuo serius monitor OLESNICIVS,  
Quod VLADISLAVM & BOLESLAVM Masovia Duces durius tractâset.

Scire nimirum iussit,

Quam malus Imperantium Orator, Furor.

Cum Polonia Regum sanguine melius benevolentia peragitur.

Hoc throni magnificum & ingens,

Prædesse miseris, protegere supplices.

Dominantium nomen tenentibus utilis clementia fama:

Si negligunt illam laudem;

Novērunt afflictorum calamitatem esse vocalem.

Vbi propitios non inuenerit Principes,

DEVM ipsum iniurie vindictam appellat.

Maior Miestas Numinis, quam terra Regum:

Si illi, cur & non his usurpetur mansuetudinis gloria.

Et humanius statim cum supplicibus CASIMIRVS.

OLESNICIVS verò,

Vt huic, ita alijs Principibus dati moniti laude inclytus,

Meritorumq; in Ecclesiam & Patriam plenus,

Peracto KŃNIECPOLII Cancellarij Regni funere

Anno Dñi. M. CCCCLV.

Postridie post Dominicam Palmatum palmarem efflans animam

Fulgurare non fulgere desijt.

Vir AMBROSII æmulus, vbi incidisset in Theodosios.

ZBIGNEO OLESNICIO.

O D E XXXIV.

ÆTerna tanto carmina Nomini,

Æterna magno cantica Præsuli,

Æterna ZBIGNEO trophæa.

Non ego solus, at & Polonus

D d 3

Instauret

*Instauret Orbis. Quid? mihi cantica*

*Indico tantum? per Lechicos nisi*

*Ponenda quid campos trophæa?*

*Non ego, non Lechus, uniuersus*

*Sed ponat Orbis. Sat modicus nimis*

*Ad tanta limes facta, Polonia*

*Tellus; in immensum referri*

*Oceanum decet, aut remotas*

*Adusq; Gades. Aut ubi ferili*

*Superba Nilo per variabiles*

*Prospectat Egyptus meatus,*

*Indiacus fluitatq; fuluo*

*Ganges in auro: fama volucris*

*Se monstret illuc aduena curribus,*

*Dicatq; ZBIGNEVS quæ honesti &*

*Quanta dedit documenta Cuius.*

*Pridem coronæ, sceptrâ ita fortibus*

*Pridem laborant Regia ciuibus,*

*Qui vera dicant; deuiantes*

*Vt quoties videant Monarchas*

*Monere nōrint, nec timeant heros*

*Notare fasces, purpura Principum*

*Si quando contraxit nociuos,*

*Vel dominum diadema, nœuos;*

*Et praua Regum deuiat interim*

*Natura, & ingens corripit interim*

*Caligo Regnantes; superbi*

*Vt propriæ immemores Coronæ*

*Non quod licet, sed quod lubet, omnibus*

*Sequantur annis, & populus mala*

Exempla præscribant, & ipsis,  
 Et famulus nocitura Regnis.  
 Scelus nefandum: si solia & throni  
 Impune peccent, si quibus imperi  
 Fortuna concessit decorem,  
 His rigido liceat carere  
 Censore semper. Libera Patrij  
 Quò vox Senatûs? & decus Insulæ,  
 Togæq; sanctioris illa  
 Quò grauitas, cui se corusci  
 Non erubescant subdere murices,  
 Si quando facti criminis, improba  
 Monentur aut noxæ, obsequentem  
 Aut maculæ inficientis orbem.  
 Æternæ ingens nominis omnibus  
 ZBIGNEVS æuû, quòd tumidos nihil  
 Respexit ad Regum furores,  
 Sed monuit, quoties herile  
 Peccauit ostrum: quòd dominantiam  
 Si quæ notauit crimina fascium,  
 Nunquam pepercit, sed Paternam  
 Eximius monitor medelam  
 Submisit ultro. Si diademata  
 Censore tali, si Patre gaudeant  
 Summæ Potestates monente,  
 O! quæ alijs etiam futura  
 Fortuna Regnis; sed quia viuimus  
 Seruile vulgus, nec Dominos suæ  
 Audemus admonere culpæ,  
 Et Domini mala quæq; tentant.

THOMAS





**J**llustrior STREMPINII electio haberi non potuit;  
 Quàm dum æstuantibus flammis coruscaret.  
 Triumphales ignes diceres,  
 Nisi tam Canonicoꝝ, quàm alioꝝ numerosæ donus absuptæ  
 Loquerentur incendiarior.  
 Accendentibus tempestivè facem Fatis, ut pateret STREMPINIO,  
 Quàm graui oneri, dum Episcopatuꝝ humeros subiecit.  
 Caligat plerumq; ad eiusmodi splendores ambitio humana,  
 Et fastigiari se putat, cum postea fatigari sub mole sequenti discit.  
 Vnde ex flammis prælagis quod cognoscere potuit, ex onere postea fessit,  
 Quod timoribus slipantur Pontificum solia:  
 Quod Infula eadem torquet, quæ cingit caput.  
 Binis cornibus eminet, ut acutius pungat.  
 Pontificia Purpura, nobilis quædam est seuitus:  
 Pedum, vectigale magnis incommodis:  
 Et molestia, stipendia sunt huius potestatis.

Adeo,

*Adeo, ut quod cum Regia, idem cum Prasulea Mitra facere possis.*

217

Tollat te, qui non nouit.

*Aequè in Cathedra ac in throno eminere difficile.*

*Ac in alto pauci, qui non in motu:*

*Vt & calum voluitur, dum voluit.*

Hinc æterna pænitentia STREMPINII,

Fatentis se nihil stultius totâ vitâ egisse,

Quàm dum Episcopatum suscepit.

Vt cum illo scirent omnes Pontifices

Infulam non tam ornamentum esse capitis, quàm onus.

Sed onus hoc pares lacertos in STREMPINIO inuenit,

Et contra Regem etiâ fortes.

Excitandis enim bellatorum aliquando animis,

Parandæ pecuniæ rationē iniit CASIMIRVS, sed Polonis tunc infamē.

Nam sacra Ecclesiarum vasa ac donaria conflari iussa:

Quasi tam inops tunc temporis Polonia,

Vt nisi de manubijs Sanctorû ditesceret, bellare non potuisset.

Et debiles adeo iterò fuissent Lechicæ vires,

Vt sanari nequirent, nisi aureis calicibus.

Non piget tributa pendere,

Vbi illa non ex auaræ mentis imperio,

Sed efflagitantibus Patriæ rebus exposcuntur.

Verùm cupiditatis tunc comitium erat, & auaritiæ febris,

Quæ argenteo nisi phlebotomo sibi mederi vellet.

Permiserunt aliqui Ecclesias in stipendia, non item STREMPINIUS

*Hostem spoliandum innuens non Sanctorum imagines.*

*Timendumq;, ne ultricia sequerentur Tempia,*

*Et victis in acie Prussis domi Duos haberent aduersos.*

*Male aureâ Ecclesiæ suppellectile classica dantur,*

*Ad quæ vindicta potius diuina, quàm militaris fertitudo animos sumeret.*

*Supplicibus tantum benefica ara non raptoribus.*

Sic restituit totum STREMPINII toga,

Ee

Quod

Quod militari destinabatur sago.

Ampliusq; Pontificis zelus potuit, quàm Regia cupiditas,

Non auso sacra vasa tangere CASIMIRO,

Postquam ab Episcopo non obtinuit licentiam.

Porrexit oleam hostis Regali dexteræ,

Vbi Ecclesiæ thesauro contaminatam non vidit.

STREMPINIVS verò hic & alibi Zelatoris pro Ecclesia adeptus nomē,

Ac Cathedræ in omnibus proficius magno eiusdem dolore moritur

Anno Dni. M. CCCCLX. postquam præfedisset annis V.

## THOMÆ STREMPINIO.

O D E XXXV.

*Quisquis Tiaram nescit, & Insulam  
Episcopalem; STREMPINIUM vide;*

*Et disce quàm grandis laborum*

*Materies & onus, mitratos*

*Gestare fasces. Fabula Sisyphum*

*E celsiorum culmine montium*

*Nunc ferre nunc referre saxum;*

*Præcipiti vel in orbe maestum*

*Semper rotari Ixiona: Titius*

*Vel quod voracem sustinet alitem,*

*Vel quod reluctantem tenaces*

*Pirithoum cobibent catenæ.*

*Immane quantum scipio pondere*

*Est major omni Præsuleus, tegit*

*Et sacra quæ caput, Tiara*

*Præ valido grauidat molari.*



*Vt iam nec altus Pelion, arduus*  
*Nec Ossa tantis emineat iugis,*  
*Quantis traratum cacumen*  
*Penè premit medias adusq;*  
*Subinde terras. Congere saxeos*  
*Quos Maurus Atlas sustinet Abylas,*  
*Hispana vel quos terra Calpes:*  
*Aut madido toties sacratos*  
*Baccho Falernos; congere quos habent*  
*Campana montes regna, vel Arcadum,*  
*Collesq; Apenninos, & Agas*  
*Armeniae populis superbos.*  
*Iam quanta possunt pondera colligant*  
*Montes citati; prae grauat Infula,*  
*Pedumq;, quod manu tenetur*  
*Pontificis, reliquiq; fasces.*  
*Scit Adrianus, quas subiit miser*  
*In Vaticana sede molestias:*  
*Scit Noster & THOMAS, suumq;*  
*Deflet & arguit EMINERE.*  
*Fortuna sola hæc Præfulis; in sua*  
*Quod sede primi mancipij instar est:*  
*Sortemq; quod velat molestam*  
*Nobilibus titulis: & interim*  
*Ingens lacertis sarcina baiulos*  
*Fatigat armos, ut miserè gemant,*  
*Seuera quos tantum infulatis*  
*Fata premi voluere vittis.*





**D**ebebatur ob virtutem SIENIENSCIO triumphus,  
Interim minas & carcerem retulit.

A summo Pontifice datus Cracoviæ Episcopus,  
Inuenit, quod etiã è Pij secundi calculo haberet non secundũ.

Quando destinatas Vaticano suffragio Infulas

Sarmatica Regia negavit :

Hoc ipso moram faciens, quod Romam viderit instantem.

Securissima erat honoris via, eiusdem contẽptio :

Verũ naturã comparante,

Vt optimi imò & pessimi quiq; mortalium suprema cupiãt,

Certatũ est acribus vtrinq; studijs :

Pro SIENIENSCIO Roma, pro GRVSCINIO CASIMIRVS.

Nihil CASIMIRO aduersus SIENIENSCIVM,

Nisi quòd graue purpuræ suæ existimauit

Absq; plasmatione sua in Senatu aliquam creaturam pati.

Ac si frustra regalem haberet aquilam;  
Subcussus alarum umbram Polona non confugeret necessitas:

Et inane nomen maiestatis ferret,  
Si non per illam dispensarentur gratiæ.

Accessit GRVSCINIj ambitus,

Qui Regij fauoris securus cupiditati fræna laxauit,  
Per summam etiam SIENIENSCH in iuriâ, Cathedrâ innadere gestiis

*Continere se nescit ambitio,*

*Ubi spes fuerit aliquid adipiscendi.*

Nullibi feruentiora adhibet studia, quàm in honoris stadio.

*Fas & nefas miscet,*

*Nec gradi se secure existimat, nisi per calcatum æmulum.*

Cùm tot SIENIENSCHIO aduersarentur,

Fauit SIENIENSCHIO, qui tunc Orthodoxo orbi præfuit,

ÆNEAS SYLVIVS

Troianum diceret,

Qui ex ardente Regij furoris Illo suum educere vellet Ascaniû.

Is quanti SIENIENSCHIVM fecit, vel hinc collige,

Quod eû triû Regnorû dispêdio non ex æquo æstimari cêsuert.

Sed nihil apud CASIMIRVM & tanta potestas.

*Non libenter sensum suum submittant, imperare alijs assueti:*

*Facere prout libuerit, hoc verè Regnantium putant.*

*Coacta ad aliud, quam velit, voluntas, minuit imperij felicitatē.*

Ergo arroganti inuidiæ cedere coactus IACOBVS,

Abiit iratus honori tanquam infami, quia frustra quæsito.

*Honor enim licet per virtutem quæritur,*

*Per infamiam quæritur, si quæritur nec accidit*

*Honoratior tamen hoc ipso, quia sic inhonoratur.*

*Nam gloriæ subinde auctuarium est honorum sterilitas.*

*Palmarioq; proximum,*

Ecce

Digni-



*Dignitatem potius mereri quam habere.*

*Plerūq; per inuidiam negata dignitas, famam intendit;  
Nec gloriosior ullus, quam qui contempsit & se & gloriam.*

*A Polonia tamen extorris,*

*Benigniores exterū Tiberim nactus, quam domesticū Vistulā.*

*Cum Craci Vauel excluderet, ingressus Vaticanum.*

*Sanctior Prometheus maiorem charitatis flammam habuit*

*Ab extraneo Sole, quam à natiuo.*

*Ibi Tiburtinæ arcis præfectus*

*Exuere jam poterat affectum Patriæ,*

*Postquam apud ignotos Fortunam nactus magis propitiam:*

*Nisi quòd redire tandem visā in gratiam & domestica felicitas,*

*Vbi PAVLI II. mandato Vladislaiensi Ecclesiæ præponitur.*

*Excusauit omnino Cathedram SIENIENSIS.*

*Quòd idem se expertum senserit cum honore, quod cum Sole.*

*Vt in Solem difficulter iterum erigit oculos,*

*Quisquis à luce illius recedens tenebris circumfunditur:*

*Ita & illustrissimum Infulæ jubar*

*Vbi semel contemplantem perstrinxit,*

*Non statim in iteratum sui aspectum allicit.*

*Suscepit tamen impositos fasces Vaticano adactus imperio,*

*Nec posuit ampliùs obicem CASIMIRVS,*

*Vtpote SIENIENSIS IO: jam addictior.*

*Sic Gliscens posteritate odium tempore tandem consenescit.*

*Nemo eatenus virtutem amare cepit, quin desinat;*

*Nemo desijt, quin desisse pæniteat.*

*Suum iter virtus ad felicitatē habet, sed per molestiarū semitas:*

*Vbi ardua & impedita decurrerit; inuenit planam viam.*

*At non semper æqualiter propitia Fortuna*

*Nunc odit, nunc iterum non solū amat sed & deperit.*

SIENIENSCIO cum Cracouienseni antea negauerit, 223

Postea Primatiale etiam purpuram obtulit ;

Pro minori grandius culmen,

Pro Vladislauiensibus aris Gnesnenses Aquilas ;

Filio nempe tonitruum ministras fulminum alites.

Adeo norint omnes,

*Quod spreto in tempore honor, interdum cumulatior redit.*

*Recolligit se frequentius,*

*Et amplioribus trabibus ornat, qui minores negauerat.*

*Descendisse semel de inferiori culmine,*

*Non semper ad infima lapsus est argumentum ;*

*Aliquando ad altiora ascensus occasio.*

*Amat certamen Fortuna,*

*Acrius configit prius, ut citius redeat ad fœdera.*

*Imo ventum imitatur subinde,*

*Quo magis detinetur ac clauditur, eò vehementius postea erūpit.*

## IACOBO SIENIENSCIO

O D E XXXVI.

**E**T tu SIENIENSCI pro Cathedra Craci

*Quantos labores sumpseris, optime*

*Seri recordamur nepotes,*

*Uteriorq; loquetur orbis.*

Sic turbulentus semper Honor fugit

Omni quietem, nec nisi iurgiis

Turbisq; gaudet sempiternis,

Pacificis inimicus horis.

Sic bella semper promouet, & nouos


Ciet tumultus: sic nisi classicis


For.

Fortuna ditior paratur,  
 Per medias columnenq; strages.  
 Delicta nam quot? quot scelera integrum  
 Pressere mundum? dum furialibus  
 Hinc inde certatum cateruis,  
 Dum tonuit miseranda multo  
 Procella Martis turbine, patrijs  
 Ut quuq; rarum sedibus hospitem  
 Haberet, artifex honoram  
 Ipse sibi positurus arcem.  
 Quod crimen, aut quod, per reliquas, nefas  
 Non iuit oras? immoderabili  
 Cupido regnandi furore  
 Dum rabidas recoquebat iras,  
 Tendens Parentis Tullia flebiles  
 Calcare vultus, & gelidum truces  
 Mouere per corpus quadrigas  
 Indomito male sana fastu.  
 Adhucq; metam Cimmeris impiam  
 Et tela damnat, barbara missilem  
 Exsanguie per patris cadauer  
 Progenies ubi misit imbrem.  
 Acsi paterno sanguine pulchrius  
 Tingenda nictet purpura, & effluo  
 Murex colorandus cruore  
 Præ Tyrijs rubeat venenis.  
 Eheu! pudendum: voluimus integras  
 Hucusq; moles corporum, & aggeres  
 Artuq; manesq; insepultos,  
 Ossa suis inhumata glebis,



Quae Roma cecis aëta furoribus,  
 Quae stetit Orbis, signa ut Achaico  
 Ferenda ponto congregavit  
 In proprias ruitura caedes:  
 Et quas Araxes noscere debuit,  
 Quas Parthus asper, quas Babylon suo  
 Superba fastu, quas Pyrene  
 Et proprijs Garamas lacunis:  
 Has Cuius iras sensit, & asperum  
 Accepit ictum; Caesar in ultimum  
 Dum bella Pompeium, grauemq;  
 Sylla grauis mouet hostis hostem  
 Horret dolosis semita sentibus,  
 Et ferro & armis; Sarmaticas ubi  
 LESCO relaturus coronas  
 In medio posuisse cursu  
 Ausus rigentes cuspidibus stylos,  
 Hamisq; durum sternere tramitem;  
 Per saxa, per ferrum, per enses  
 Ut Lechicum peteretur ostrum.  
 Cessat nec atri prodiza sanguinis  
 Feralis atas; imus in improbos  
 Caci mucrones, & cruentis  
 Sanguinibus satiamus ipsum  
 Regni furorem; sceptraq; turbidis  
 Mercamur ansis, eluimus nigro  
 Regum paludamenta rabo,  
 Morte graues emimus tiaras.  
 Nec his fugacem consequimur tamen  
 Curis honorem semper. Abeneo  
 Sape ille quasitus fragore  
 In varias fugitiuus oras  
 Orbisq; fines cedit in ultimos,  
 Et nos futuris fabula seculis  
 Ridenda, venamur superbis  
 Vota nisi intentura votis.





**C**apulo aduersus Crucigeros illustrior in VLADISLAVIÆ Sede  
 Quàm Pontificio pecto, CASIMIRO Regi complacuit  
*Amant militares animæ & in sacra Purpura animorum ierociâ;*  
*Et non indignum existimant,*

*Si sub sanctiore etiam toga aliquis è sago Spiritus inhæret.*  
*Quasi militantis Ecclesiæ su,*

*A subsidiarijs suis profana arma exigere;*  
*Et Episcopalis non differat ordo, à Militari.*

Nec; extinxit bellicum hunc spiritum GRVSCINIUS,  
 Certus Cracouiensis etiam Cathedræ fastigium

Manu forti occupare.  
 Adhuc aduersus Crucigeros feralibus odijs ardere se existimās,  
 Dum aduersus SIENIENSIVM

Cruce

Cruce pro gentilitijs tesseris insignitum.

227

Ferale id spectaculum erat, quod GRVSCINIJ ambitio dedit.  
Detentus in arce SIENIENSCIVS jam tunc viuus testis,  
*Fortunæ non tam dulces epulas esse, ut amarore non condiantur.*

*Non ex omni parte felicitas est, sublimius ascendisse:*  
*Nec enim infimi tantū colles, sed & excelsi mōtes, fulminibus patēt,*  
*Adeoq; ventus arundines agitare contentus,*

*Grandiores quercus frangit.*

Exuti bonis suis SIENIENSCII sectatores.

*Fatalis quippe febris, inuidia:*

*Non caput tantū sed & reliqua membra petit.*

Monitus de iniurijs CASIMIRVS.

Sed hoc in GRVSCINIVM, GRVSCINIO in Luteccium deuolvente

Authorem culpa non habuit.

*Domestica hæc vitij infamia,*

*Vt quantumuis à plurimis ametur, omnes tamen illius pudeat.*

*Praxiteles habet & Lysippos,*

*Sed qui operi suo nomina non inscribunt.*

Patuit tamen audaciæ omnis origo GRVSCINIVS,

Quam acephalam videri voluit.

Auidiori, quam par erat, studio in Cracou: Cathedram irruens,

Honorem est adeptus,

Sed qui GRVSCINIO non vndiq; palmaris esset.

*Nec enim semper argumentum ad famam, honoris possessio:*

*Promiscuus ille omnibus,*

*Et solis instar minimè dignis sapius patet.*

*Malos cōmuniter cū bonis admittit, deterioribus meliores æquat.*

*Vt vel areolam aliquam dicas,*

*In qua vilibus quoq; herbis inter flores superbire licet;*

*Inutili lolio inter vernantes violas.*



Neq; stetit hîc cupiditas.

Altissima semper cupiens

Ad Gnesnenses quoq; Aquilas luctari voluit.

*Auida nempe em non li ore xis, ubi semel interuenit,*

*Pro edulio nihil poscit, nisi summa fastigia:*

*Tragematis loco habet omne subsellium;*

*Vt pene inter miracula numerari possit, Fortuna sobrietas:*

*Ad hauriendam illam vix non quicq; paratus belluo.*

Euocatus à Principe Cracouiam,

Dum feram noctem latior protrahit,

Post viarum pericula superata naufragium facit in cratere.

Funus extra Cracouiam CASIMIRVS profecutus,

Pullatam pompam serenissimis fulgoribus illustrauit.

Feliciores ad Majestatem GRVSCINIO, quam ad Clerum suum.

Nam corpori Gnesnam delato Collegium obuiare noluit.

*Adeo tectis cineribus odia clarius postea scintillant.*

*Pleraq; tempore molliuntur, sola læsæ mentis vulnera sūt æterna.*

*Quantum de affectibus hominum meruimus, mors ostendit:*

*Vel minimus hîc de defuncti cinere pulvis*

*Pupillam viuentium rodit.*

Illud tamen GRVSCINII egregium facinus,

Quod ad maiorem nominis sui faniam

Minorem Afflictis Ordine fundauit in Louiciensibus pratis;

Vt ita IOANNEM se ostenderet deserti amatorem.

Nouū sane instituit paradisum, vbi Seraphinum dedit custodē.

E manuscriptis Conuentus illius colligitur

Spem aliquam melioris vitæ GRVSCINIO assulisse:

Existimandumq; veniam merito Pontifici,

Louiciensia præta celsisse in Elysios campos.

Anno cælestis Agni terræ pascua adamantis CIOCDLXXVIII.

IOAN-

**A**Dbuc in istos Pierio feror  
 Dolore Vates, qui ambitui manus  
 Honoris asseclæ dederunt,  
 Et cupidam dominandi orexis  
 Per cæterorum nonnisi flebilem  
 Tollunt ruinam. Quis propero furor  
 Sic GRVSCINI passu volare!  
 Ut studijs trabecas anbelis  
 Episcopales nescius integri  
 Petas pudoris, nec Latiae memor  
 Saltem potestatu, superbus  
 Ad Cracias properes curules.  
 Iam dico: magnæ quod grauis ambitus  
 Est prædo fime. Quinquis inutilis  
 Venator aucupas honorem;  
 Vel fugiet, cicarem figaci  
 Vel mente finget callidus indolem  
 Vix fidus unquam. Semper hic insolens  
 Comædus extruit theatrum,  
 Ut tragicam nisi turbulenta  
 Persona scenam reddat, inanium  
 Testisq; tantum orchestra sit actuum  
 Et turba spectatrix, cothurno  
 Ad minimum trepidante motum.  
 Nec jam per unam nomina viuimus  
 Tam vana scenam: dum jubet, impio

Seruimus

Seruimus Actores Magistro, &  
 Obsequio famulante nunc hæc,  
 Nunc illa fimus fabula: Principem  
 Nuperq; iussi qui fuimus locum  
 Sperare, vel simplex mapale,  
 Vel tenues retinemus ædes.  
 Non est, probroso cur habeas fidem  
 Vllam latroni: nil nisi lugubres  
 Prædator hic quærit ruinas,  
 Et spolijs tumet inquietus  
 Pirata nostris: nil nisi flebilem  
 Molitur in nos ambitus exitum  
 Iniquus, ac in Te IOANNES;  
 Qui Cracias licet expetendo  
 Adeptus aras, non tamen exitum  
 Es nactus illum, Præsuleas queat  
 Ornare qui vittas; ubi illo  
 Debueras caruisse pane,  
 Quo vita constat. Credite posteris,  
 Rursusq; dicam, credite posteris,  
 Quemcunq; tantum vel cupido,  
 Esuries tumidi vel atrox  
 Honoris vrget, non benè transfugam  
 Affectat offam: si ambitiosior  
 Grassatur in nobis libido,  
 Vix tragicum fugit illa casum:







Capitularium imprimis votis electus;

Sed ob CASIMIRI metum jure suo cessit GRVSCINIO.  
Regalem veritus Aquilam, nè pro gratia sentiret fulmen.

Par tanto fastigio,

Nisi auidior eminendi cupiditas ostenderet minori.

*Plerumq; inferiorem se monstrat,*

*Quicumq; auidius appetit Purpuram.*

*Abnegatio honoru, potissimum magnitudinu argumentum.*

Vladislaviensis muricis post GRVSCINIUM spe accepta  
Cū alijs proceribus non modicus aduersus SIENIENSCIŪ æmulus.

Quò velocius euolant: eò segniùs peruenerunt  
GRVSCINIUS ad Cracouiensē Sedem, ad VLADISLAV: LVTECCIUS.

Scilicet sibi ipsi obsistit sapius ambitio;

Et dum citatiùs ad fastigium properat, quàm tardissima venit.

*Quò*

*Quò altiore cothurno incedere desiderat,  
Eò cum maiore periculo figit pedem.*

*Si respiciam alibi; in obientu honoris  
Sæpe ipsa velocitas maioris interualli est causa.  
Tardioresq; passus superbia habet, quàm virtus.*

GRVSCINIO tandem ad Metropolitanam Sedem translatò,

LUTECCIVS Cracouiensem ingreditur.

Vnius Regis nominatione,

Quòd multorum antea suffragijs consequi non potuerat.  
Immensitate quodāmodò Diuinā iam tūc æmulari, volente CASIMIRO;  
Vt nihil alijs agere possent, nisi ex ipsius omnipotentia.

LUTECCIVS verò Pontifex factus,

Iræ, quā egregiè olim dissimulauerat, in Insula magis obnoxius.  
Seu, quòd ea censurantis vulgi fuerit peruersitas,

Vt quæ in priuato olim neglexerat,

In fortunatiore curiosius notauerit.

Habet hoc primū magna Fortuna, quòd nihil oculū esse sustinet.  
Vix aliquem in conclaue suum admittit,

Statim non domum tantūm recludit, sed & intima cubicula.

Priuatus utcūq; defectum celauerit;

Potentiorum arcana quoq; vitia, omnibus patent.

Vt & Sol, quò altior, eò spectatior.

Popularis auræ appetentior, excusabili studio,

Si non per sumptuosiores mensas eam quæsiuisset.

Omnes quippe eo fato nascimur,

Vt aliquid saltē pennarū à nobis laudationis viscus accipiat.

At malis artibus popularis fauor queritur, si tantum per conuiuia.  
Nō adeò pulchra perēnatur inominis comædia, comessatio superflua

In istis impendijs malè ponitur fundamentum famæ.

Imò ingloria eiusmodi mensa,

*Quæ*

*Quæ ad luxum nisi & pompam fercula tenet :*

233

*Nec ut gustentur, sed ut spectentur,*

*Quasi & oculi ament saginari.*

Atq; ita dum inconsultâ liberalitate LUTECCIUS laborat magis,

Quàm domestica fortuna ferret ;

Effecit, ut inopiam potius caperet, quàm famam,

Maximè, postquam æri alieno obnoxius est factus.

*Nullibi nempè miserius pecunia quæritur,*

*Quàm ubi effusissime solet expendi.*

*Luxu, qui ostentat opes, enervat.*

Hæc si à LVTECCIO excluderis,

Nō indignus omnino quæ sinu suo Pontificius honor exciperet.

Castitate insignis, duplicauit Sacræ Purpuræ pretium,

Dum pudicitia coccinum addidit.

Eò venustior, quod Cypridis depressit Filium,

In rebus agendis prudens, & cunctabundus.

*Nec enim semper cunctatio seruilis ;*

*Magnorum est subindè, non statim exequi.*

Aduersus turbatores Patriæ asperior, quod vel contra Derslaui patuit.

Inquietum is suo sæculo Republica caput.

Non aliunde, nisi quia Patru opibus intumuerat.

Ut fere est ;

*Ignorat scelera egestas, sed ab opibus illa discit.*

*Plerumq; paratum bonæ mentis naufragium,*

*Cum superfluunt, & abundant omnia,*

*Aliquis diuitius inest ardor, quia facile virtutes exurunt.*

Vlus fuerat aduersus iuniorem hunc adhuc Catilinam

Lege togâq; OLESNICIVS.

Et quieuerat tantisper DERSLAUS.

Sed quia nunquam bona fide vitia mansuescunt ;

Si aliquid illis permittitur, in reliqua ius usurpant.



*Redeunt semper cum senore,*

*Et cessare possunt in homine, non desse.*

Ideò mortuo OLESNICIO Derslai malitia reuixit,  
Vel indè major, quòd Palatinis Sèdomiriæ curulibus tumidor.

Sed non defuit turbatori suus Cicerò :

Dum Cracouiensi Comitia turbulentâ sententiâ Derslaus inquietat,

LVTECCIUS patheticus in illum Orator, adeo ;

Vt, nimia irâ & indignatione in apoplexiam incidens,

Vitæ acceperit terminum.

Crederes cōtra nouum ANTONIVM formatâ à LVTECCIO Philippicâ ;

Cui ubi finem imponere debuit, DIXIT & VIXIT

Anno Dñi CIO. CDLXXI.

Episcopatus sui, supra menses aliquot, anno VI.

## IOANNI LVTECCIO.

O D E XXXVIII.

**E**T sic LVTECCI quò magè prodigis

Mensis studemus ; deterius valet

Fortuna nostra : nemo fastu,

Attalico quoq; nemo luxu

Ditatus vnquam. Plus nimio parat

Prandere quisquis ; de numero statim

Se pauperum noscat, creata est

Ex opibus nimij egestas.

*Hæc vero quorsum ? si volumus bene*

*Rem nosse nostram ; culpa LVTECCII*

*Non huius est tantum. Quirites*

*Quotidie similem patramus*

*Fortasse noxam. Non Siculas dapes,*

*Non damno mensas, quas Sybaris vetus,*

*Quas*

*Quas Bactra, vel Campana tellus,*

235

*Quas vel Arabs tenuit, vel Indus;*

*Tenemus. & nos. Ambitiosior*

*Dum ferculorum pompa placet nisi,*

*Et longa vitrorum theatra*

*Egre ij studiosa Bacchi:*

*Dum tota tellus penè famelicæ*

*Et totus ær vix satis est gulæ;*

*Immensa vix quando fluentia*

*Sufficiunt, tumidusq; Balhis.*

*Cenamus aurum, vel pretiosius*

*Est quidquid auro, pendimus integras*

*Subinde fortunas aurore,*

*Quodq; parens genitrixq; nobis*

*Reliquit, omne id noster inutili*

*Absumit impensa tumor; & minus*

*Fortassis hoc esset dolendum,*

*Si dapibus fruere mur istis,*

*Quas apparauit nostra superbia.*

*Sed heu! pudendum, quas epulas coci,*

*Instructa quas aptat culina,*

*His oculos saturamus vnos,*

*Spektando tantum fercula, rarius*

*Gustando vel nunquam: in propria satur*

*Dum quisq; iam domo otiose*

*Ad appositum sedet hospes orbem,*

*Quod verò mansit, destruitur: vel it*

*In vile vulgus, in malè confluam*

*Turbam ministrorum, rapaces*

*In pueros, miserosq; lixas.*

*Eheu! Quirites, sit modus omnibus*

*Quandoq; pompis: ultimus est furor*

*Errorq; mentis, velle multum,*

*Cum modico satiare possis*

*Naturæ orexim. Non homini imperet,*

*Non iura ponat venter: ad ultimas*

*Damnetur at terras cupedo,*

*Vult quæ aliquando supra necesse.*

Gg 2

IOAN-



PROBARE Fortuna voluerat,  
 An etiam Polona fortitudo sciret dura pati.  
 Crudelis Dea horrendum aliquando sonat,  
 Nec in delicijs semper habet, sed ad castra subinde trahit.  
 Præliares poscit animas,  
 Et quibus non alius ad victorias trames, quam molestiæ.  
 Cùm modicum quietis indulserit, statim ad classica vocat,  
 Communiterq, prosperis aduersa interpolat.  
 Ita VLADISLAVM Iagellonidam olim concesserat  
 Breues Polonis delicias:  
 Cui Poloniæ & Hungariæ Regnis potenti, nil ad felicitatē defuisse visū,  
 Nisi ut animum ostenderet tantis fastigijs parem.  
*Cupiditas Nominis & adolescentiæ, commune argumentum ad Famam,*  
*Maximè apud Principes: quibus ad thronum euectis*  
*Extemplo fama incertum bona vel mala, ceterum æterna est.*

Hinc



Hinc dignus Iagelonidâ fomes.

237

Vt grandibus operibus illustriorem purpuram redderet.

Non nescius à Parentibus accepisse paludamentum, felicitatis esse,  
*Aduersariorum & suo sanguine tinxisse; virtutis.*

Amurathi opposuit Martem;

Cui propitia inprimis Fortuna barbarum hostem compulit,  
Vt pacem peteret, dare potius leges, quam accipere doctior.

Et satis fuit VLADISLAVS, vicisse.

Sed spe vltioris victoriæ deceptus, arma resumit in Orientem.

Promittebantur in suppetias auxiliares Sarpedones,

Verum præter subsidiariam Poloniæ Penthesileam nemo adfuit,

Qui de proprio robore adderet ad VLADISLAVI auspicia.

Datus ergo virtuti campus, non Fortuniæ:

Contra Amurathem centum suorum millibus instructum

VLADISLAVS nonnisi viginti millia numerans, egressus.

Imminentibus vndiq; periculis heroicam fortitudinem non abscondit,

Certus in Martiali acie cadendo; si non triumphum ostendi Fortunam;

Excelsam nihilominus cordis commendari virtutem.

Ibi ab Amurathe, non tam victus, quam obrutus,

Cadere maluit, quam cedere.

Egregio virtutis testimonio;

*Quæ multa pericula, quod tendat, non quod passura est, cogitat.*

Nec solus hic VLADISLAVS pro Christiana re Codrus.

Quotquot Imperatorem suum secuti,

Regiæ calamitatis non testes tantum esse voluerunt, sed & hæredes:

Desperato penè in Poloniam cladis nuntio.

Vnicus IOANNES RESSOVIUS cum GREGORIO Sanoccio

In tanta aliorum strage, incolumis.

Qui ubi in Poloniam venit, militari balteo posito,

Ex milite CANONICVS primò factus, deinde Præsul.

Pro sago sanctiorem indutus togam, ab armis ad aras transit:

Non cruore iam hostium, sed diuinioribus hostijs litaturus.

Sic galeam in Infulam,

Gladium & hastilia in Pontificium Scipionem mutauit.

Gg

Qui

Qui non minor in sacra purpura, quàm olim in chlamyde  
Virtuti ubiq; suum theatrum dedit.

Literaturæ eius; quæ non infra tantum esset fastigium.

Et cui non vulgaris rerum usus nomen peperit.

Plerumq; magni viri testimonium est, probata in rebus dexteritas:

Nec enim ad tenuis obsequij operam destinantur grandes animæ,

Postquam negotii maiestate intenditur

Et ministri virtus, & Principis dignitas.

Retulit tamen hanc ab Aulæ obsequijs gratiam,

Quia propter Regias necessitates obæratu vixit.

Nimirum Maiestatibus famulari, sæpius est inopia præludium.

Servi pompa; Domini quidem felicitas,

Sed seruenti verissima ad egestatem prædux.

Per ornamenta frequentius in miseria deuenitur domum.

Famularisq; alacritas, quando sumptuosius agit,

Tanto amplius postea indigentia dat spectaculum.

Quanquam magnificus Ressovijs animus, plus fortasse impendit,

Quàm Principis necessitas exigeret:

Vt alibi postea patuit,

Vbi instruendo neptis suæ nuptiali astui intentus,

Ex nimia sollicitudine finijt vitam.

Pro hymenæis, quas spectare debuerat, tædis,

Bustuarias faces nactus & funalia.

Anno Regis sæculorum in tempore nati M. CDLXXXVIII.

Pontificij statûs Anno XVI.

Documentum Præsulibus,

Mundiales curæ, quàm sacratori Purpura fatales semper.

Aliis suis sanguis excusabilis,

In Antistitibus tamen vix caret vituperio,

Si in maiori respectu affinitas, quàm DEV S.

Ita cognationi indulgendum, ut Dioecesis primas teneat.

Aliàs erubescendum Pontificio Scipioni,

Si domum suam tantum fulcire vult, non item Ecclesiam.

## O D E XXXIX.

ET Te benigno non sine Numine  
 Cracouiensem seruat ad Insulam  
 Fortuna RESSOVI, Gradiui  
 E medio dominantis astu  
 Natale postquam innoxius ad solum  
 Sanusq; venisti. Horror! abeneæ  
 Adhuc recordari procellæ,  
 Threijciam veniens in hostem  
 Mars quando noster, Bulgaricam stetit  
 Ad vsq; Varnam, fræna furoribus  
 Largitus inconsulta cæcis,  
 Et nimium tribuens priori  
 Felicitati, prælia dum feris  
 Indixit armis. Iuimus, iuimus,  
 In arma Lechi, Pannonumq;  
 Belligeras tuitum cohorts  
 Mauorte nostro venimus: & dabat  
 Iam rauca clarum buccina classicum,  
 Conchæq; iam pugnam sonabant,  
 Terrifici lituiq; mæsto  
 Viros ciebant ære: ferocibus  
 Cum Bessus & Seres numerosior  
 Stat inde turmis, inde Panno  
 Exiguis metuendus alis,

Hinc



*Hinc Lechus autem. Pannonicae nihil,  
 Nil & Polonae defuit indoli  
 Ad pulchra de Parthis trophaea  
 Egregiam faciente fortis  
 Virtute scenam pectoris; aeneo  
 Seu flamma plumbo detonuit truces  
 Aduersus hostium phalanges,  
 Seu clypeus clypei retusi,  
 Et tela telus. Unica bellica  
 Fortuna sorti defuit, impigro  
 Quam dum VLADISLAVS labore  
 Pene cupit profugam tenere,  
 Suisq; faustam reddere copias;  
 Irata primò destituit Ducem  
 Et inde militem. Fugatae  
 Hinc equitum peditumq; turmae,  
 Horret! iacentum quanta cadaverum  
 Exinde moles facta! minoribus  
 Saltem doloribus, si aperto  
 Marte grauem subiisse casum  
 Iiceret, aut (prout magnanimum decet  
 Heròæ) pulchro vulnere pallidam  
 Vocare mortem, vel decoro  
 Exitio properare dirum  
 Adusq; fatum: si nisi bellicus  
 Strauisset ensis, funera Thracicus  
 Vel mæsta contulisset ictus,  
 Aut valido periisse ferro*

*Fas esset hostis; sed, pudor! omnibus  
 Et quod dolendum, non nisi sæculis,  
 Plures paludosis lacunis,  
 Vel madido periëre cæno.*

*Pudet: Polonum quanta super Thronum,  
 Et quanta Regnis Sarmaticis fuit  
 Illata tunc strages: Coronam*


*Dum viduam malesana Thracum  
 Libido nobis reddidit, & Lechi*

*Dum flos Senatûs, dum perijt vigor,  
 Enixa quem cum Marte Pallas,*

*Inq; sinu proprio nutriuit  
 Bellona pugnax. Te melioribus  
 Fortuna RESSOVI auspiciis dedit  
 Et sanum & illæsum reuerti,*

*Vt Cracijs renitere Templis  
 Quandoq; posses. Vsq; adeò, volunt  
 Quos fata viuos reddere prouida,*

*Et de profundarum vadosis  
 Vorticibus rapiunt aquarum,  
 Redduntq; tutos. Nil medijs nocet  
 Claudî sepulchris si velit integros  
 Tenere cælum; detinebit  
 In medijs etiam ruinis.*



# FRIDERICVS PRINCEPS CARDINALIS.



**A**B OLESNICIO hæc Cracouiensis Insulæ felicitas,  
 Quòd in ipso sui aditu creet Duces:  
 Principū q̄; nominibus insigniat, quos tantū aris suis admouit.  
 At liberaliùs cum FRIDERICO Fortuna egit,  
 Dū Pontificiæ trabeæ priùs magnū nomen intulit, quā accepit.  
 IAGELONVM & AVSTRIACORVM sanguis,  
 Ad fortunati officij cognomentum naturæ munus contulit.  
 Pulchrum existimans

Si non munere tantū, sed & origine esset Princeps.  
 Affine id cælo decus tot splendorum extitisse Patriam,  
 Et tam grandes titulos à cunis etiam habere,  
 Quos in canis nisi sperare possit emerita virtus.

Habuit



Habuit tanti sanguinis reuerentiam Fortuna, 243  
Quia præter Ducales Seueriæ Mitras submisit Gnesnenses.

Accessit Cardinalitia Purpura:

*Nec enim parcus unquam est honor in magnos natales.*

*Liberalius se ijs propinat,*

*Quos originis claritas fecit amplissimos.*

Vnicum nocuit FRIDERICO,

Quod in tanta sanguinis & dignitatum luce  
Aliquas in eo maculas notauerit Cromerus.

*Nataliumne vitio? qui quò illustriores,*

*Eò magis minorem etiam celare non possunt nubeculam:*

*Seu quod ea sit magni sanguinis calamitas,*

*Vt sæpe filij Heroum sint noxæ:*

*Sæpe maiorum purpura erubescat pro Nepotibus,*

*Parentumq; gloria laboret in posteris.*

IOANNE ALBERTO mortuo.

Musarum potius quàm Polonæ nobilitatis delicio,

Diuisa erant Polonorum studia, cui Coronam destinarent.

Pro VLADISLAO Hungarorum & Bohemorū Rege stabat ratio;

Quèd duobus iā Regnis potēs, aliquid addere potuisset ad Poloniæ vires

SIGISMUNDVS alijs placuerat;

Qui licet Fratribus cæteris minor natu,

Ejus tamen indolis, quæ sufficeret throno.

*Leue enim ad Coronas suffragium ætas; si virtus suffragatur.*

*Prærogatiua Natalis horæ vix aliquid cōfert, ubi eminēt merita*

Et relictus quidem à Polonis VLADISLAVS, nec SIGISMUNDVS admissus:

Parantibus id decus per FRIDERICVM fatis,

Vt ALEXANDRO Lithuanix Duci decerneretur diadema.

Ita vel in tanto Regum numero eminuit ALEXANDER,  
Hæreditariū nomini habens, vt primus decurreret ad Coronas.

Et Germano ALEXANDRO, & MACEDONE illo, vel ideo major,  
 Quòd Regna non quæreret, sed daret,  
 Postquam Cracouiæ imposuit solenniter ALEXANDRO Coronã.  
 Nouũ tunc spectaculum, & quod forsan Antiquitas non vidit,  
 Quatuor Fratrum concordia, cum ageretur de Regno.  
 VLADISLAVS modestè supersedens,  
 SIGISMVNDVS omitti se non offensus,  
 FRIDERICVS vltro etiam diadema offerens,  
 ALEXANDER coronatus supra alios non elatior.

Alia.

*Rara hæc in Corona gemma, Fratrum Unio.*

Coronatus ALEXANDER, sed negatum HELENÆ diadema.  
 Eò, quòd Schismaticis ritibus addictior, abhorreret à Romans.

Indigna sanè coronari, quæ caput Ecclesiæ non agnouit.  
 Acephala cum fuit, coronam non meruit.

Inepta Reginali annulo, quæ Piscatoris non admitteret.  
 Et à Romano Tiberi aliena purpuram tingere non potuit.

Sic norint inaccessas sibi apud Nos fortunatas Insulas,  
 Qui PETRI nauiculam non ascendunt.

ALEXANDER interim in Lituaniam profectus  
 Imperium Poloniæ FRIDERICO credidit.

Meruerat fidem, qui coronam prius vltro dedit.

*Iunctissimo alias sanguini vix fidendum,*

*Postquam occupauit cor ambitio.*

*Sapida nimis offa dominatio,*

*Ad quam excitata orexis Fratres etiam discordes facit.*

Et rexit populos FRIDERICUS præter vnicam mortem,

Quæ Serenissimis quoq; titulis potentem adorta,

Et Regij sanguinis & Maiestatis irréuerens,

Mitram, & Pontificiam Insulam deponere iussit:

Anno Christi M. DIII. FRIDERICI XXXV.

**Q**uis oro Lechi? Quis IAGELONIAE  
Sint quanta, nescit, stemmata gloriae,  
Quis AVSTRIACORVMue Alaudas  
Sub superos volitare caelos

Ignorat infans? non Phaëton eò,  
Non venit audax Dædalus; euolat

Quò fama natalis Domorum  
AVSTRIACÆ IAGELONICÆq;

Quà pronus Othrys, quà gelidæ latus  
Subsedit Ossa, quà viridi stetit

Decorus in thyrso Cytheron,  
Et patulis nemorosus ulmis

Sacerq; Phæbo Pindus, & auj  
Abrupta Cynthi, quà Tagus aureo

Decurrit Hispanus metallo,  
Quà niueus remeat Sicamber:

Vel nota pridem quà Rhodope suris  
Formosa laurus, quà socios ferax

Exundat in campos Galesus;  
Hæc teneram redimita frontem

It fama pernix, & IAGELONIDVM  
Nomen sub ipsum prouehit æthera,

Blandâq; Maiestate turgens  
Magnificas canit ultro ceras.

Credetis? io! Credite posteri,  
Vicina cælo est, quæ IAGELONIIS



*Lucina seruit, vel coronas  
 Vel rutilum diadema primo  
 Depromit ortu, sceptraq; fascijs  
 Inuoluit & fasces puerilibus;  
 Honorq; non vulgaris adstat  
 Vel teneras agitando cunas,  
 Vel dulce ridens. Hinc Litauis equus  
 Notus lupatus; fulminis horridi  
 Minister hinc ales Polonus;  
 Et liquidis famularis undis  
 Bohemus Albus; Pannoq; vitrei  
 Cultor Tibisci, sub IAGELONIA  
 Vixere subditi corona;  
 Nec puduit dominantis aulae  
 Parere iussis; seu ad aeneos  
 Maiores labores duceret, & soror  
 Bellona Martis; seu quietis  
 Pax studijs adhibere vellet.  
 Iam quanta magnæ copia gloriae  
 In AVSTRIORVM sanguine nobiles  
 Lustrare fastos, à RVDOLPHO  
 Dum imperij retinet supremum  
 Augusta clauum Prosapia, & suo  
 Hucusq; tangit sidera vertice  
 Fortuna natalis, renata  
 Nobilitate virens ubiq;, ut  
 Sit Cæsar, aut de Cæsare debeat  
 Omnino nasci prodigialior,  
 Quemcunq; de tanta requires  
 Stirpe virum. Famulante passu*

Honor ministrat, nec dubias vices  
Mutare nouit, sed numerat Patres  
Auosq; per fasces, paremq;  
Continuat trabeis tenorem.

Hæc fama magni conscia Nominis,  
Hæc vtriusq; & conscia stemmatis,  
Fortuna natalis recenset  
Eximiis animata factis.

Me verd magnum quis IAGELONIDVM  
Et AVSTRIORVM dicere sanguinem  
Cœgit ardor? quis Tiaris

Et dominus memoranda Scepbris  
Narrare iussit Nomina, non seni  
Iam nota vulgo, nota puertæ  
Sed vel renellula, sed omni  
Indubie celebrata genti.

Tua laborat pagina gloria,  
Tuo sacratu sepia Nomini

Et AVSTRIORVM & IAGELONIS

Non modicum FRIDERICE pondus.

Et magna moles sanguinis. Ex Aus  
Et e Parentum magnificis Tuam  
Descendit in laudem trophæis

Musa mea, vt pateat Cracæ  
Fortuna Mitæ, scirpum vbi Regium  
Episcopali porrigis Infula  
Regumq; Natalem. serenat

Tam celebris diadema vittæ  
Omnino multos; sed magis emicat  
Quicunq; tantis culminibus suos  
Addit decores, & Paternis

Stemmatibus cumulat sacratæ  
Non vanus actor culmina purpure.  
Vt quisq; præter Præsuleam Mitram  
Natale circumfert obryzum,  
Hic celebris satur esto famæ.



CHRI-

CHRISTIANÆ PALLADI  
Scholasticorum

Maximo, sed simul castissimo delicio

DIVÆ CATHARINÆ

VIRGINI & MARTYRI

Pro quarta Antistitum Cracouiensium Decade  
● EVCHARISTICVM.

*P*Rome laudes penna lenis,  
Gratiarum prome census,  
Et sacrata CATHARINÆ  
Dona defer Martyri;

CHRISTIANÆ quod resumit  
Palladis nomen; Patronam  
Obtulit dextram, & benignis

Læta risit vultibus,  
Hinc Cracæ si quid egi  
Militans Vates Tiaræ;  
Illa Clio est, illa nostram

Quæ iuuabat sepiam,  
Quid Thaliæ, quid nouennem  
Virginum chorum requiro?  
Sanctiorem è CATHARINA

Cum Mineruam nouerim,  
Illa casto lacte, tanquam  
Hippocreneo canali,  
Fertilem non vndequaq;

Irrigabat impetum,



KONAR.





**P**Ar prodigio, probari Aula, & quidem sanctæ.  
 Aliàs sordidissima cauponatio est in quibusdam curijs,  
 Vbi amor non emitur, nisi nequitiam dederis in censum.  
 Rarum spectaculum ibi sanctitas,  
 Sterili ad hanc tam dominantium, quam seruientium ingenio:  
 Quasi eiusmodi hominibus  
 Probitas in arduo monte sit posita; improbitas in imis vallibus.  
 Vnicum theatrum KONARSCII, Aula:  
 Qui CASIMIRO, sancto illi Poloniae Principi ab obsequijs,  
 Et Majestati illius seruiuit & Sanctitati.  
 Æmulari ambos in virtute diceres:  
 Et hoc erat plusquam Macedonici in CASIMIRO animi,  
 Non dedignari cum inferioribus Olympia,  
 Licet Regius fuisset sanguis

Dignus eo ipso laureâ, quod passus æmulum.  
 Vbi tamen post Hungarici diadematis nauscam  
 Ad cælestem inauguratur Coronam CASIMIRVS,  
 In testem inaugurationis tantæ assumitur & KONARSCIVS:  
 Quando in eius manibus Sanctissimus Princeps suum efflauit spiritum.  
 Felix omnino dextera, quæ tantam sustinuit sanctitatem.  
 Fideli seruo cum nihil præstantius legare potuit,  
 Ipse Dominus cedere voluit in munus.  
 Vel hinc grandem testatus affectum,  
 Quod post fata etiam ab illo diuelli non pateretur:  
 Alibi cum morte luctari noluit liliatus hic eques,  
 Nisi in KONARSCII sinu.  
 Vel quod in pij ministri pectore panopliam sperauit,  
 Quâ a mortis iaculis se defenderet;  
 Vel quia palmares KONARSCII manus credidit,  
 Quibus in lucta sua se defendere posset sanctus ATHLETA.  
 Beatæ manus; quibus tantum depositum est creditum.  
 Diuiniior HORTENSIVS; à quo tam candidum lilium tractari voluit.  
 IOANNIS est vt video,  
 Et CHRISTI Matrem, & domesticos ejus accipere in sua.  
 Illato Cælis CASIMIRO superstes KONARSCIVS,  
 Ad FRIDERICI aulam se contulit.  
 Non tam sanctè habita hæc FRIDERICO, vt CASIMIRO.  
 Inuenit tamen KONARSCIVS & ibi sanctitati locum,  
 Vt nouum documentum relinqueret,  
*Suam virtuti ubiq; esse scholam, ubiq; theatrum.*  
*Peruersæq; ætatis nisi iudicium, vt illi in aulis neget locum.*  
 Accessit bonitati tantæ honor,  
 Qui in KONARSCIVM nō Prælaturis tantum, sed & Infulis beneficus,  
 A morte FRIDERICI Cracouiensem cessit Cathedram.

Neq;

Neq; occultuit postea hic sub purpura virtutem, 251  
*Ignavis enim tādū virtus in pretio, quādiu Fortuna nō ad manū:  
Vbi amplior felicitas coruscare cæpit, etiam illa extingui.*

*Quasi opprobrium sit purpuræ virtus admissa;  
Et desperari de honesto debeat, opulentiâ eminente.*  
CHRISTO & VIRGINI sine labe conceptæ mirè deuotus.  
*Pretiosa enim Insulæ gemma, Insulati pietas.*

*Temporis avarus,  
Nullum nisi sacrarum literarum otium adamauit.  
Æterno illorum opprobrio,  
Quibus nihil solennius, quàm dierum perditio.  
Ignorantibus ominino rerum omnium iacturam reparabilem esse,  
Præterquam temporis.*

*Infinita huius velocitas, non attingitur, vbi semel aufugerit.*  
Et quidē CHRYSOSTOMI lectioni addictior, in illius scriptis gustū sēsit  
Qui magnum PAVLVM habuit Dictatorem.

Nininiè mirum, si auidē legeretur sanctissimus Doctor,  
Quando aurei oris erat.

Ad Eudoxias tantum infelix CHRYSOSTOMVS,  
Regnaricis fæminæ si augustal exceperis, omnium est deliciū.  
Ecclesiam amplioribus auxit redditibus:

Optimus nempe suæ Matris filius,  
Quidquid ab illa accepit, totum planè refudit.

Non caruit Nepotibus,  
Sed quos virtutis potius hæredes vellet, quàm fortunæ.  
His onibus eos ditans, quarum pretium à bonis moribus.  
Ægritudine tandē & senio fractus dnm impares muneri humeros sensit,  
Ne hñtisceret fessus Athlas, integrum accersiuit Alcidem.

Auxit gloriam taliter deuoluta in alium moles;  
Dum noi suo tantum, sed & Orbis iudicio, elegit optimum.



252 Sed vbi pedum iterum grauissimo premitur morbo,  
Pro doloris solatio  
Origenis in Iobum commentarios continuò versat.

*Hoc est*

*Alienæ fortitudinis exemplum, ad propriæ incitamentum, assumi:*

*Reliqua decora utcunq; didiceris;*

*Patientia non nisi per exempla instillatur.*

*Excitent hîc Miliadus Trophæa Themistoclem;*

*Spartana virtus aliter non discitur.*

Ætatis demum suæ anno LXXVIII. Christi M. D. XXV.

Ex hac vita ad CASIMIRVM suum festinauit,

Stupente Orbe

Quod infirmis adeò pedibus tã vegetus tamē ad cælū peruenit.


## IOANNI KONARSCIO.


O D E XLI.

**M**aiornè Famæ materies dari  
Et scena posset? quàm exilio suum  
Damnâsse sanguinem, ac ab extrâ  
Ad Graciam petiisse sedem  
Alcidem Atblanti. Viuere posteris  
Hæc digna sanè gloria sæculus,  
Et digna, quàm totus Coronis  
Depositus veneretur Orbis.  
Sic sancta censet scilicet indoles,  
Sic vera nouit ducere sanctitas;  
Affinitas ut nulla regnet,  
Sed potiùs generosa virtus:

Sacra-

Sacrationes ut trabeas gerant  
 Recti sequaces, & grauioribus  
 Mens literis instructa bellè,  
 Vita probos referensq; mores.  
 Hinc si quid olim nominis arbitra  
 Tibi dat ætas; in solido Tibi  
 Hinc si quid est laudis metallo  
 Pontificum pretiosa gemma  
 Magne ò KONARSCI, quòd teneros adhuc  
 In sanctitatis transferis schola  
 Annos, quòd integram modestà  
 Condieris pietate vitam:  
 Quòd pulchra Craci ne minimo Mitra  
 Infecta nauo, Prasulis optimè  
 Quòd munus est vere peractum,  
 Tenta quòd in studiis iuuentus;  
 Et prima semper commoda Lechicis  
 Quasita Regnis; hoc quoq; non minus  
 Erit perennantis theatrum  
 Sarmatico super orbe famæ:  
 Quòd visa virtus est potior Tibi  
 Externa quamuis, quam ulla propinquitas:  
 Quòd & Nepotismus coactus  
 Post Tyias procul ire Gades.





QVàm fatius hæc referuisses Plini;  
 Si in KONARSCIVM & TOMICCIVM incidisses.  
*Nulla adoptati cum eo, qui adoptabat, cognatio; nulla necessitudo.*

*Nisi quòd uterq; optimus erat,  
 Dignuq; alter eligi, alter eligere.*  
 Didicerat ex morbo & senio suo KONARSCIVS,  
 Quàm imparibus esset Pontificio muneri lacertis,  
 Ideò tanquam minùs suffecturos, censuit subducendos.  
 Perorabat domesticus apud illum sanguis;  
 Sed egregius Præsul ibi latitauit deposuit,  
 Vbi virtus optimè habitaret.

*Ratus solidiorem omnino & potentiorè nexum,  
 Qui virtute nectitur, non sanguinis vinculis.*

Coacta



Coacta ergo exulare affinitas,  
TOMICCIO Posnaniensi tunc Anrisciti Cracouiensem cessit Purpurā : 255  
Non sine Diuinitatis arbitrio, nanq PETRO.

Optimè Ecclesiæ gubernaturo nauiculam,  
Qui ex gentilitia nauī jam sciret, quid sit Palinurum agere.  
Nec absq; præludio virtutis, in tanti honoris theatrum venit.  
In FRIDERICI Cardinalis aula Cancellarij munere functus,  
Quas postea gessit, signatorijs Regni ceris præhūsit.  
Quo fatis absumpto ad LVBRANSCIVM se contulit,  
Non accessā ALEXANDRI Regiā.  
Seu quod Macedonis in eo nomen veritus, illam Aulā refugit,  
Vbi non cuilibet liceret esse Ephessionem :  
Seu quod halcyonia tunc non vidit,  
Vt aulico freto nauim suam committeret.

Nimirum ;  
*Vt Maiestatum non semper ad Ciues est amor,  
Arcanusq; affectus in hos, odium in illos ;  
Ita & in Ciuibus subinde reperias,  
Quia obuiantem etiam Principum gratiam fugiunt.  
Tamq; caro aliquando constat Ministri obsequium ;  
Quam Domini fauor.*

In SIGISMUNDI tamen I. manus vbi Polonia sceptrā detinuerunt,  
Etiam TOMICCIUS Serenissimum Solem secutus Hesperus.  
Nec leuibus ministerijs adhibitus.

*Non amant nisi grandibus exerceri ingentes animæ ;  
Statimq; ad magna nititur, cui Herculem nasci contigit.*  
In Valachiam primò, in Hungariam deinde Legatus,  
Vt cuius imaginem referret, SIGISMUNDI meminuit TOMICCIUS ;  
Ita quem mitteret, non oblitus TOMICCI SIGISMVNDVS.  
Cui absenti

Intra quindécim dies, tres insigniores Prælaturas contulit

Festino

*Sed decorũ erat accelerari præmia, ubi non tardabantur merita.*

*Iniuriam fecisset Regalis beneficentia,*

*Si fortunam distulisset, cuius capacem indolem habuit.*

*Pede pæna clauda a Pœtis fingitur, non item Principũ gratia,*

*Eò illustrior est, quò citiùs illuxerit.*

*Serpat ad indignos, ad emeritas animas assumere alas debet.*

*Tertiò iterùm in Hungariam à suo Ioue Mercurius,*

*Vt ad merendum de Principe induit talaria,*

*Ita & Princeps ad gratificandum exiit testudinem :*

*Vbi vacantem oportunè Præmysiæ Iusulam*

*Multis ad curiam præsentibus ambitam,*

*Absenti TOMICCIO in Hungariam misit.*

*Serenissimi Solis cò maiore elogio,*

*Quò longiùs beneficos radios protenderet.*

*Nec respiceret, quid curialis adulatio peteret,*

*Sed quod boni Ministri merebatur dexteritas.*

*Sic non sterilis sementis est, de Maiestatis mereri.*

*Quidquid obsequiorum in hanc glebam spargitur ;*

*Amplissimo redit fenore.*

*Nec secutus tantam TOMICCII fortunam liuor.*

*Paratus hic turbo,*

*Quoties fortuna plùs contulit, quàm capacitas meretur.*

*At ubi par felicitati indoles fastigium prensat,*

*Etiam ille mitescit.*

*Senatorio inscriptus albo respicere cæpit,*

*Quantum & Patriæ deberet, & cuius esset plasmatio.*

*Aliàs*

*Non unius ingratitude Principes suos ad pænitudinem adigit,*

*Vt nihil magis doleant, quàm creasse hominem,*

*vbi*

*Vbi non aliter exsoluitur debitum,*

257

*Quàm per subitam ab obsequijs remissionem.*

Sed memor TOMICCIVS se SIGISMVNDI creaturam,

Ad creatorem suum relationem habere voluit,

Serenissimo ALEXANDRO suo vbq; Ephesio.

Obtigerat semel illi sæculo noua felicitas,

Quia SIGISMVNDVS cum VLADISLAO Fratre Hungariæ Rege,  
Ad Maximilianum Cæsarem Auunculum inuisuri Viennâ conuenerat.

Quantum spectaculum!

Tot Monarchiarum dominos in vnum coisse.

Aliàs non extra periculum nimia Maiestatum ciuitas.

*Vix absq; motu est,*

*Quoties Mars in Saturni, vel Saturnus in Martis hospitatur domo.*

*Etiam nubes quoties concurrunt, colliduntur.*

*Et Luna coniunctissima licet Fratri,*

*Simul tamen cum Sole non emicat.*

Adornare quibus Principum suam volebat scerani,

Vt in tanta Maiestatum concurrentia ornatissimè consisterent:

Et cum omnes Serenissimi fuissent Soles,

Satagebant, quàm maximis syderibus stipari.

Non defuere alijs Regnantibus illustria ad latus phænomena,

Non defuere & nostro SIGISMVNDI.

E quorum præcipuis TOMICCIVS Domini sui reuerentiam auxit.

Placuit ibi humanissimo Cæsari de nostratibus mereri,

Indignum arbitranti, Maiestates tantum honorari.

Non item satellitia Maiestatum lumina.

Proinde prout conditio cuiusque ferebat,

Hos Principum, illos Comitum titulis honestare dignatus est.

Nisi nostrorum libertas his omnibus præposuisset,

Nobilitatem suam.



Actæ optimo Imperatori gratiæ,  
 Principatuum & Comitatum insignia non accepta.  
*Quod crediderint magnifica hæc alijs non sibi nomina.*  
*Satis sibi gloriæ, Poloniæ vivere Nobiles ;*  
*Qui pares Septem-viris Augustalibus eligere regnatos possint ,*  
*Aut, si patria libertas voluerit, etiam eligi.*  
*Non egere , ut alius euolent, quàm Poloniæ Aquilæ ferant.*  
*Patritiis & Equestribus Sarmatarum cunabulis nasci,*  
*Satis clara ad orbis notitiam genesis.*  
*Absq; tam magnificis nominum pompis buculq; se vixisse.*  
*Optima titulorum series ,*  
*Si bonorum Patriæ suæ Ciuum nomen meruerint.*  
 Ita tunc cum alijs TOMICCIVS,  
 Maximilianus animi magnitudinem miratus,  
 Ab illinc jam colligere cæpit , quid sit Polona Nobilitas.  
 Indè reducem TOMICCIUM Posnaniæ Infula ornauit,  
 Minor hostia ,  
 Antequam ad grandiozem à KONARSCIO vocaretur.  
 Ad quam adnotus, officij sui meminisse iterum cæpit.  
*Multis, quò maior honor lacertos insedit ,*  
*Eò grauior humeris impendere videtur moles.*  
*Quasi culminus collatio non ferat columinis vices.*  
*Sed veris Præsulibus*  
*Pedo etiam non grauatur manus in auxilia gregis.*  
*Cū desidia sustinere Cathedrâ, paratū putant ignauici argumētū.*  
 Nihil deniquè non admirandum in TOMICCIO.  
 Cum summius fuisset, nec minimis defuit.  
 In magnitudine vultûs & fortunæ,ingentem seruauit comitatē.  
*Quod nosset asperitate verborum & supercilio*

*Inspientis est, non putare se magnum, nisi multos despiciat.  
Stultos tantum delectat superbiæ suæ longum spectaculum,  
Quorum in aspectu toruitas fastidium sui potius docet, quàm cultū,  
Reuerentiam veriùs conciliat còmitas.  
Sic siquidem stellæ lucent, sic ipse Sol,  
Magnitudinem suam commendat sereno.  
Ecclesiasticis prouentibus ita usus,  
Vt minister potius videretur, quàm dominus.  
Nihil sibi, nihil consanguineis accumulans,  
Vt totum cederet Ecclesiæ.  
In qua ornanda cùm fuisset totus,  
Ad ornamentum quoquè sponsæ pertinere credidit,  
Iuuentutem institui.  
Quam in tres classes diuisam proprio sumptu in studijs aluit,  
Quod nosset furculos hos  
Magna quandoq; Patriæ fore robora.  
Patuitq;, quàm validæ postea classes illæ,  
Aduersus hostium naumachiam.  
Quarum remos & carbasa sequi  
Non inglorium habuit Polona felicitas.  
Deniq; TOMICCI curiam literatorum Academiam diceres.  
Ita Mecænas hic Maronum excitauit ingenia,  
Vt non feliciùs vnquàm eruditio subliteret,  
Quàm in illius domo.  
Quatenus ostenderet cæteris maximisq; virtutibus suis,  
Eruditionis amorem non defuisse.  
Nec pulchrius aliud impendium quàm in literarū adminicula.  
Ab harum amore, literati æstimantur:  
In quos quidquid infumitur, lucrum est.*

Et parentavit postea TOMICCIO Minerua,  
 Vt magnificentiora parentalia Heroes nostri non habuerint.  
 Anno Dni. M. D. XXXV. suæ ætatis LXXI.  
 Vbi tantum amantissimi literarum Præsulis mors increbuit;  
 Extraneis statim calamis parentalis indictus honor.  
 Secutaq; eruditorum comploratio cum lachrymis panegyres miscentiū.

Nempe

*Simul ac aliquis literatis commendavit ingenium,  
 Protinus & famæ nomen suum deit.  
 Paratum gloriæ fructum percipit,  
 Quisquis scholasticorum labores non sinit exarescere.*

## PETRO TOMICCIO

O D E XLII.

*V* Nam, TOMICCI, cætera distuli,  
 Laudabo factum. Sumptibus ad scholas  
 Promota non parvis iuventus,  
 A tenerisq; statim probatos  
 Adducta mores discere, maximi  
 Ingens theatrum nominis, & super  
 Altos volaturæ coluros  
 Ampla satis monumenta famæ.  
 Sic quippe dignas qui cupit indoles  
 Habere rerum prouidus, Hercules  
 Efformat à cunis; ab ipso  
 Vngue statim Lybicus paratur  
 Leo; manebit truncus inutilis  
 Et vile lignum; à principio nisi  
 Tenella procuretur arbor.  
 Quoddam, homo quilibet, est metallum;

Quod



Quod scalptra tantum, quod nisi malleos

261

Poscit, domari si velit, & nouas

In laminas duci, suisque;

Vult si aliquem generare fructum.

Secus, iuuentæ non habitus labor

Et cura primæ; posterioribus

Immensa quam clades in annis,

Quamvis lues nocitura toti

Omnino vitæ. Vix animal potest

Diuinis vel viuere rectius,

Quam rectè homo formatus, absit

Alterius nisi disciplina

Cultusque; prudens; idem homo bellua est,

Quæ crudiores non parit Africa

Getula vel tellus leones,

Non Sybaris temulenta pardos.

Hinc grandis error, culpaque non leuis

Crescit Parentum, si nimio sua

Amore prolis occupati

In propriis domibus sedere

Ferunt socordem: si nisi basiant

Et somnolentam desidiam fouent,

Vel turpiter mulcent. Nutricum

E gremio fugiat, deserto

Et se docendum tradat Apollini

Musisque doctus Sarmaticus puer.

Hic veid formatus vel aulam,

Vel Themidis subeat palastram;

Deinde Martis classica; nobiles

Bellona vel quod prouocat indoles,

Et se pyram vel grandem iniquo

Interitum minitetur hosti.

Sic Sparta quondam, sic Lechica prius

Petere Matres. Non sterilis domi

Seruata pubes, at futuros

Docta satis rigide est in annos.



IOAN-



**T**Estitudinem hîc nec ego agam ;  
 Vbi **L A T A L S C I I** nomenclatura volatum insinuat.  
 Pedestre is vel ideo exosus ethymum ;  
 Vt ostenderet cum magni nominis fama volare se, non serpere.  
 Euolaturus ad maxima quæq; , primam stationem voluit,  
**SIGISMVNDI** I aulam .  
 Nec mirum ; **I O A N N E S** erat.  
 Non plebeium hoc nomen , Aulis pridem innotuit.  
 Et quidem tanto Principi à secretis literis ;  
 Ita tamē, vt nota majoribus indoles occultā famā nō pateretur.  
*Publicam quippè lucem amant, quæ latere nesciunt.*  
*Et intra sola teneri cubicula , piaculum putant,*  
*Vbi orbi integro innotescere possunt.*

E con-

E conclauī SIGISMVNDI, Senatoriæ Purpuræ spem concepit. 263

Sed quia promptior ad gratias Iupiter, Iunonis exoratus precibus,  
Ideò LATALSCIVS SIGISMVNDI consortem Bonā demerendā sibi accepit.

Ab huius Reginali arbitrio tunc in Polonia pendebat Fortuna :

Nullusq; in beneficiæ Cereris gratiam venit,

Qui Proserpinam illam non haberet propitiam.

Feliciore SIGISMVND O

Ad Poloniæ scepra, quàm ad priuatæ Domûs regimen.

Vt qui legionibus imperaret alibi,

Domū haberet dominam, cui seruire cogebatur.

*Adeò excellentibus ingenijs citius defuerit ars;*

*Quā uxorem regant, quàm quā regna gubernent.*

*Augusti quodammodo esse non possunt,*

*Nisi illis suæ imperent Liuiæ.*

Accepit in curam LATALSCIVM BONA,

Et apud Maritum Iouem effecit, vt Posnaniæ ornaretur pedo.

Qui apparuit statim non impar tanto muneri,

Per decennium Posnaniæ cognitus.

Dignus per omnia maioribus Infulis,

Si ad illas merita haberent aditum, & non pecunia.

Sed Danaën induerat Poloniæ felicitas ;

Obtineri non poterat, præterquàm aureo imbre.

Volatilis nimium ales Honor,

Capi non est passus, nisi pecuniario visco,

Difficilem adeò ad se aditum præbuit ;

Vt multis priùs pulsadæ fores fuerint, antequàm intromitteret.

Nec tamen intromissus quisquam,

Nisi aureum adhiberet pessulum.

Surdaster cùm fuisset,

Pretioso solùm metalli tinnitu excitari potuit.

Seu



264 Seu superbiæ indulgit tantum; ut descendere nollet;  
Nisi Competitorum cupiditas sterneret auro gradus.  
Ergo à morte TOMICCI vacante Cracoviæ Cathedrâ  
Comitum avaritia instituit.

Ab auro petitem LATALSCIO suffragium:  
Cum merita licet fuissent, tamen non habebant vocem.

Infelicitate illius temporis tantâ;

Ut si non emisset hic, emisset alter:

Quia venales non gratiæ erant dignitates.

Nimirum

*Frustra in his aliquando aucupantur merita,*

*Vbi de præda gustare non cuiusvis est aucupis.*

*Nemo lautius subinde ferinam comedit, quàm qui è foro emit.*  
Et vindicavit LATALSCIVS æptæ Purpuræ infamiâ egregiis facinoribus:

Talem se in Præsuleo munere præstans,

Qualem ultro etiam veniens Purpura accerferet.

Cum tamen perstrinxit invidios aliorum oculos,

LATALSCHII emptus splendor.

ANDREAS CRITIVS erat, Vir aliàs magnus,

Et in quo eruditio suum habuit principatum.

Sed is offensus LATALSCIO,

Quod adhuc in Polnaniensis Insulæ obtentu vinceretur;

Carptorij epigrammatis LATALSCIVM laceravit.

Nempè,

*Vitium, parvis magnisq; nominibus commune, lior.*

*Multi magnitudinem aliorum invidiosâ speculatione damnant,*

*Irati non iudem artibus sibi quoq; ad fortunam patuisse iter.*

*Et tamen pessimus hic ambitioni litantium error,*

*Damnare in aliis, quod ipsimet non abnuant.*

Verum magnanimi erat contemnere Scyllas

Polita

Polita LATALSCII virtus censorio dente, 265  
Quam leuigari ita expediêrat; vt cultior euaderet.  
Rarò quippe virtutis semina perueniunt ad frugem  
Nisi per iniurias aëris, & hominum inuidiam.

Æmulatio hîc dat intellectum,  
Semperq; ad virtutem profuit, vexari.

Erigit aliquando liuor, non deprimit.

Aliàs non vexata virtus, putatur incognita:

Vt, & quidquid inter quæquiliâs iacet, non attingitur.

Sed Persium dum inuidia agit, LATALSCIVS Præfulem

Comem, affabilem, liberalem.

Qui sui cognominis memior,

Ad Gnesnenses quoq; Aquilas nisus est euolare.

Nec parcus in eum Honor, cuius liberalitatē semper nouerat.

Nidum illum LATALSCIO contulit,

In quo dum sola nidificare videtur felicitas,

Nidificari cæpit & mors,

Ex tam honorario nido relinquens bustuarium

Anno Christi M. D. XXXVII ætatis suæ anno LXXVII.

IOANNI LATALSCIO.

O D E XLII.

Ferale monstrum & prædo veneficis

Mors seuæ telis sæpius homicam

Exercet iram, spesq; nostras

E propria statione pellens

Et vota, nobis non nisi flebilem

Intentat ictum; præda ubi viuimus

LI

Parata

*Parata crudeli Tyrannæ**Cum proprijs peritura rebus.*

*Quot iam superbæ non fuimus Deæ  
Explosa tandem fabula, vitæ ubi  
Spe longioris sæpè capti*

*Erigimus monumenta, & ipsi  
Cælo propinquas extruimus domos:  
Sed quas Nepotes, vel malè prodigus  
Accedat hæres, nos ab ipsis  
Ad gelidas remouemur umbras.*

*Quot iam probrosæ non dedimus spei  
Plenum theatrum, quando superbia  
Fastus nosterq; , vel potentem  
Marmoreis Babylona muris*

*Æquare nîsu, ferre vel ultima  
Quid hora possit, nescius aureas  
Neronis æmulatus arces*

*Et rutilo tabulata texit  
Inflatus auro; pensilibus suam  
Vel scripsit hortis planitiem; potens  
Quos iam Semiramis futuræ*


*Extulerat documenta famæ:  
Vel fune tantum longa patentibus  
Dimensus aulis atria, plurium  
Promptasq; collegit secures*

*Artificum, vacuo frequentes  
Daturus ades è spatio. Interim  
Aduersa nostris Parca superuenit  
Cum morte votis, & superbus  
Quas animi tumor erigebat,*



*Has illa moles destruit, ædium*  
*Ridetq; vastam flectere machinam*  
*In casum & ingentem ruinam*  
*Hostis atrox: leuiore saltim*  
*Dolore, si istas quas tumor extruit*  
*Fastuq; noster, dirueret domos;*  
*Sed sæpè vel cælo, vel ipsis*  
*Erigimus monumenta Diuis.*  
*Nec destinatas mors finit ædium*  
*Finire moles: in medio quoq;*  
*Subinde cessamus labore,*  
*Mors hominum quia dura rebus*  
*Votiq; nostris hostis iniquior*  
*Decreta turbat: tectaq; quæ polo*  
*Vicina debebant stetisse,*  
*Sub mediam trahit usq; terram.*  
*Hem! quanta Gnesæ quanta Craco Tum*  
*Parabat ardor, Præsuleo pedo*  
*Illustrus & Mitra LATALSCI;*  
*Egregijs minùs æqua ceptis*  
*Sed Parca pulchræ stammina præscidit*  
*Caduca vitæ: nec tulit, ut Tuis*  
*Fortuna responderet ausis,*  
*Vota suum gererentq; cursum.*





*V*enenum est, pusillus animantibus datum, *Li*uor.  
Mirum tamen,

Quod & Serenissimos animos inuasit.  
Poloniarum Regina *BONA*

Tam ignobili vitio in Regia sua concessit locum.

*Quod ut plebeium est,*

*Ita è vili angulo prospicere nisi concessum habet.*

*CHOINIO* Præsulum gemmæ offensa, non aliunde,

Nisi quod de virtute potius quàm de regnatrice fæmina mereri mallet.

Non quod ea bono Senatori superbia,

Vt Reginalem maiestatem venerari nolle;

Sed quia adulatione & fædo obsequio in Regiam eluctari oportebat,

Sui memor, mulieris mancipium esse non sustinuit.

Haud ignarus potentis fæminæ amicum à seruo non differre,

Nisi quod seruire debeat gratuito.

*A morte*

A morte TOMIC CII & SZYDLOVECCII 279  
Tàm major quàm minor vacabant signatorix Regni Aquilæ.

In SIGISMVNDI arbitrio fuit,

Dare non tam fulminis vt gratiæ ministras alites.

Prout quisq; ambitionior erat, ad illas luctari non omisit.

Destinabat SIGISMVNDVS CHOINIVM,

Eò quod oculato Principi nota fuisset sufficientia tanti Viri,

In Lituania pro TOMICCIO vices suppletis.

Vt ferè est,

*Nil magis prodest candidato ad sequentes honores,*

*Quàm peractus optime Magistratus.*

*Honor honore petitur:*

*Vnius bene administrata ratio, alterius occupandi est argumentum.*

Sed CHRYSOSTOMVM verita Eudoxia nostra,

CHOINIO aduersari cæpit,

ANDREAM KRITIVM & PETRVM KMITAM ministros naçta,

Summa Reipublicæ nonina,

Sed & inuidiæ non infima subiecta.

Pungebat illustres Viros

CHOINII fortuna & apud SIGISMVNDVM opinio

Vt potè

*Magna subinde infelicitas est, magna aliorum fortuna:*

*Statim in se inuidiam irritat,*

*Vix aliquis in pulchri nominis venit gloriam.*

*Beatitudinis iter non initur absq; comitatu lioris.*

Adeoq;

*Nemo eorum qui in Republica versantur,*

*Quos vincit, sed à quibus vincatur, aspicit.*

*Et multum non tam iucundum est alios post se videre,*

*Quàm graue aliquem ante se pati.*



*Decedere sibi existimant,  
 Si quis non infra illos de Regia abit:  
 Iniuriarūq; suam putant,  
 Quidquid alius habet, & ipsi habere potuissent.  
 Ergo CHOINI locò GAMRATVS substituitur:  
 Non natalibus, non aliquā virtute illustris,  
 Nisi, quia Bonæ placuit.*

*Nimirum,  
 Sit vilis; sit inops; sit agresti agresior curso;  
 Si Regum accedet gratia, syderis erit.  
 Plerumq; videas arbores felicius alijs maturescere,  
 Non quod melioris stirpis sint;  
 Sed quia in montibus vel in declivi positæ,  
 Pro constitutione loci propitiū vel non propitiū solem habent.  
 Nō placuerat SIGISMUNDO GAMRATVS quod sciret tāto muneri imparē.*

*Viux vocis suæ oraculo asserens,  
 Rerum usum habeat necesse,  
 Quicumq; Regni sigillum administrare voluerit.  
 Tam molles non sunt hæc ceræ, ut à quous tractari possint.  
 Nō sapiat, qui in Republica versatur,  
 Alijs inutilis est, sibi oneri: tanquam sine pondere ingens moles.  
 Vicinūq; & è domesticus nō desint GAMRATO, tantæ functioni apti,  
 Ipsius tamen GAMRATI incapacitas, maximus obex.*

*Frustra deliguntur Consiliarij idonei,  
 Si ipse Præfectus inidoneus est.  
 Perit omnis salubriorum consiliorum liquor,  
 Nisi aptum velut vas sit, in quod instillet.*

*Assuta aliorum sapientia,  
 Et quā ipsius Domini mens non digessit in suam,  
 Parum ab inconsulta stultitia differt.*

*Cancellarij dignitas eximium virum exigit,* 271  
*Non quem una aut altera commendet virtus, sed quem omnes.*  
Taliter pro CHOINIO contra GAMRATVM SIGISMVNDVS,  
Aliter BONA.

*Quæ non contenta priores iam dedisse æmulos,*  
*E terrestribus quoq; ad Comitia Nuncijs*  
*Turbulentiores quos habere potuit, furoris quæsiuit satellites.*  
*Nec defuere, qui in gratiam Reginalis Maiestatis*  
*Rempublicam etiam turbare auderent:*  
*Et quidem boni communis prætextu.*  
*Pessimio omnino exemplo.*

*Nam periculosius malus est, quisquis bonitatis deprauatur species:*  
*Iniquius scuit, qui iniquitatis mittit fulmina,*  
*Et ex arce iustitiæ se tonare profiterar.*

*Nemo sceleratior,*  
*Quàm qui vitia collocat sub earum virtutum bractea,*  
*A quibus potissime illa diuertunt:*  
*Et ubi sub probitatis nomine rem agit improbitas.*  
*Nihil certiùs CHOINIO fuit, quàm fasces contempnisset.*  
*Honorem enim mereri summus honor est,*  
*Sed qui generosius non accipitur, quàm petitur.*  
*Absq; fastigij colosso in famæ cælum subsilire licet,*  
*Modo virtus scabellum porrigat.*

*Verùm flecti difficilis SIGISMVNDVS,*  
*Non BONÆ precibus, non aliorum instantijs motus,*  
*CHOINIVM delegit, quem sciuit optimum.*  
*Et quidem egregio æmuli ludibrio:*  
*Qui dum spei tumidæ plenus, nominati assurgit Mareschalco,*  
*Deuoluta in alterum nominatione risum omnibus mouit.*  
*Ita nihil facilius quàm magnæ spes decoquantur.*

Exerrat

*Exerrat sepius in voti ludibrium;*

*Quisquis non virtute, sed tumore honorem querit.  
Facile eueritur curvus, quem intempestivus ambitus dirigit.*

*Quotidiana superbi cuiuslibet pœna;  
Ut ignis fatuus monstretur, qui se solem arroganter putat:  
Et cœ terra vix caput videatur attollere;*

*Qui se in cœlis positum tumide credit.  
Non licuit Principis gratiam excusare CHOINIO, non ignaro  
Abiecti animi esse Fortunam projicere, invidiæ metu.*

*Parum profecto in sapientiæ profici studiis,  
Nisi maledicorum improbitas discatur contemni.  
Pulcherrimumq; scire invidias, & posse spernere:  
Publicâ igitur oratione Regalis beneficentiæ magnitudinē auxit.  
Nec gratiarum acceptius genus testari potuit,*

*Quam in illo statim momento,  
Vbi adulandi nec tempus erat, nec præparatio.  
Aucta hinc BONÆ & aliorum majora odia.  
Verum plerumq; signum est magni Viri, aut ad magna nati,  
Pati invidentium linguas.*

*Non provocat innocentia aduersantium iras, sed nec valde timet,  
Quas prudenter negligit, quia vulnere cassas.  
Scopulus excipit tempestatem, nec cedit;  
Odia ingens animus, nec vincitur.*

*Ad invidiæ flatum titubant arundines, non ingentia robora.  
Solem interdum nebula tegunt, non tamen obnubilant.  
A muscis & culicibus vexatur subinde equus,  
Gressus tamen hic alacrius glomerat,  
Quia incisorum nisi videt proboscides.*

*Sic stimulos quoq; addit,  
Quidquid in remoram se facere putat humana malignitas.  
Super-*



Superfedit nihilominus & æmulorum deinde inuidia, 273

Postquam caput altiùs virtus erigere capit.

Communi hâc bonorum felicitate,

*Quia inimicitijs in eos licet aliquid, sed satis modicum.*

*Halcyonia tandem sua inueniunt,*

*Postquam aliquantisper iactabantur procellis.*

*Vt venti, sic & invidentium iræ lassæ mitigantur.*

Vnde, qui priùs in CHOINIVM fuerant Zoili,

Postea facti præcones:

Deuolutâ in Bonam & alios populi inuidiâ.

*Adeò nòrunt omnes, quid sit in suo amore vulgus.*

*Ad cuius ventis afflatum mutatur:*

*Vt non immeritò appelles mare,*

*Quod ventorum patitur imperia.*

*Ludit cum Zephyro, tumultuatur cum Africo.*

*Nihil in illo medium,*

*Aut nimum amat, aut nimum odit.*

Addidit stimulum SIGISMVND0 hic populi fauor,

Quia è Plocensi ad Cracou: Cathedram promouit CHOINIVM,

Qui dum paucis admodum mensibus suo superstes honori

Vitam cum morte mutat,

Ingentem nominis sui reliquit dolorem,

Horatijq; oraculo addidit fidem:

*Virtutem incolumem odimus;*

*Sublatam ex oculis quærimus inuidi.*

Viuerè verò non laudari desijt magnus Pontifex

Anno Dñi. M. D. XXXVIII. ætatis suæ LI.

*S*ic est Poloni: non caret æmulo  
 Robusta virtus. Inuidiæ malum  
 Hinc inde decurrit, feroxq;  
 Per patulas dominatur urbes,  
 Et pestis instar sæpius indoles  
 Sensuq; nostros inficit impio  
 Instructa prædatrix veneno,  
 Et nocuo temulenta tabo.  
 Nec id dolendum; tam tragicus furor  
 Si de minori serperet angulo  
 Domoq;, quam vel vile vulgus  
 Vel tennes habitant coloni.  
 Sed sæpè sceptris & diademate  
 Illustre nomen, sæpè palatia  
 Magnæq; mentes hoc laborant  
 Flagitio, dominasq; liuor  
 Inuist ædes. Quid potuit suo  
 Fortuna Bonæ promere de penu,  
 Quam dum coronati Mariti  
 Coniugio decorauit, ut sic  
 Consors Coronæ viueret, & suo  
 Augusta Iuno cum Ioue Lechicum  
 Felix gubernaret Trionem,  
 Cum socio mediamq; Rege  
 Teneret aulā. Quid CRICIO & KMITÆ  
 Ad tanta famæ defuit atria,

Quam

Quàm dum hic Mareschalcali auitas  
 Fulcit opes baculo ; ille Gnesnæ  
 Illustrus in nido sedet : & tamen  
 Hos liuor omnes quàm tenuit miser ,  
 Quando CHOINII videre  
 Egregiam nequière famam.  
 Vix vlla virtus, gloria nobilis  
 Vix vlla facti est ; æmula quam statim  
 Censura non vexet , suoq;  
 Non comedat fremebunda dente  
 Semperq; mordens inuidia. Omnibus  
 Hæc lœna regnat, sed tamen his magis,  
 Qui multa possedère : non quòd  
 Desit eis aliquid , sed ægrè  
 Quòd ferre possint, si quid in altero  
 Vident abundi. Qui tamen è viris  
 Est, vt CHOINIUS, maligna  
 Et. minimum nocitura tela  
 Contemnit audax. Vt neq; prouocat  
 Liuoris iram ; sic trepidat neq; ,  
 Quicunq; vult virtute tantum  
 Magnificum retinere nomen.







DE vtraq; fama meritis,  
 Tantùm adeptus est bonæ, quantùm malæ:  
 Nisi quod deterioris major perennitas,  
 Vbi procis nomen suum reliquit.  
 Vt pote *Admissâ turpitudine, restat flagitij imago;*  
*Quia marmorea est, multumq; durat.*  
*Virtutis non item, ut omnino fictilem dicas.*  
*Rectè factorum vix aliqua memoria;*  
*Iam prauè si aliquid egeris, æterna.*  
 Minor tamen iactura humanæ famæ, quàm cæli.  
 Vbi Superis redditus hic Mulciber,  
 Excusabile, si aliquando in terris claudicauit.  
 Rectum iter si non tenuit à principio, in fine conatus est.  
*Idq; laudi tribuendum, scopulos & vada euitasse.*

*Non damnatur in milite cicatrix, postquam vulnus est sanatum.*

277

Multis plebeiâ domo prodijisse creditus,

Nobilitatem si non inuenit, fecit.

*Absq; vetustis imaginibus, illa esse potest.*

*In Diuinis summa hæc Patris laus,*

*Quod ab alio non procedat, sed tantum est à se.*

*Alias cum Icaro volat, qui solus ceris nititur.*

*Phosphorus licet solem præcedat, non tamen ornæ.*

*Absq; prædūce tali illustris est S. l.*

*Frigidum encomium quod ab unicus marmoribus petitur,*

*Si sepulchra Maiorum scrutamur, nihil præter cinerem asserent.*

Sic maiores GAMRATO nulli, posteritas maxima,

Tot nempe honorum series,

Ad quos summa etiam nobilitas euadere aliquando non potest.

Muliebri suffragio Reginæ BONÆ,

Chelmenis primò, Præmysliensis deinde Episcopus,

Ignis instar simul natus, simul lucere cæpit.

Sed dum ad signatorias Regni Aquilas ambiciosius festinat,

Et spe & votis eluditur.

*Iouis enim armigeræ Aquilæ,*

*Quas è Iuuenis manu, male aucupetur ambitio.*

*Ariadnæ est, filium tractare, non virorum munera;*

*Et pulchrum, si cum Stolonis uxore,*

*Ad quosuis fasces omnis famina pauet.*

Euicit tamen apud suum Augustum fortiana Liuiæ,

Quia paulò post Plocensis, tum Cracouiensis Purpura.

Oblata GAMRATO.

Aded; Oceani est filia, Fortuna,

Parentis ingenio nunc leniter fluit, nunc fluctuat.

Non cecam penitus dixeris, sed monoculam;

*Uno oculo cæcutit, altero respicit.*

*Aliquando arcana cordis negat, aliquando se eniscerat.*

Eluctatus in tantum Fortunæ fastigium nouus hic Fortunæ pullus,

Non quieuit nisi & in Gnesnensi nido consisteret.

M m 3

Qui

## Qui Regni Primas,

ELISABETAM FERDINANDI Romanorum Regis Filiam,  
 SIGISMUNDO AVGVSTO copulauit, & diademate cinxit;  
 Rarâ felicitate, vtraq; hæc solennia in vnum deuolui,  
 Cum in simili olim CASIMIRI cum altera ELISABETHA pompa,  
 Inter OLESNICIÛ & OPOROVIÛ lis mora, quiescere aliter nō potuit,  
 Nisi AVGVSTVM par vnus iungeret, alter vngeret.

*Ita liberaliter confert fauores suos Fortuna,  
 Vbi aliquem semel cæco amore deperire cepit.*

Expectabatur responsura tantæ beatitudini virtus,  
 At muliebri suffragio euecta indoles, mascula esse nescijt.

Bacchi & Veneris studiosior,  
 Ex insolentiû Numinû suasu, ludiones nisi, & fycophâtas tenuit.

Secutusq; hinc statim multorum sensus,  
 Exulasse iam à GAMRATO virtutem,

Vbi vitij's regnare concessum:  
 Et negatum modestiæ locum, insolentiâ fasces tenente.

*Alterum nempe virtutis patrimonium est Honestus Rumor.*

*Difficili reparatu, vbi semel amittitur.*

*Sed tamen non semper clausa est & virtutibus Domus;*

*Quoties vitij's patet.*

*In medio etiam defectuum theatro, suam subinde habet scenam.*

Nam vt prodigus in luxum GAMRATVS,

Ita in egenos liberalis,

Singulis diebus centum pauperes apud se lautius habuit.

Domestici hi cælestis Principis fuerant,

Quos paulatim demeritus,

Per eosdem ad illam Regiam sibi aditum parauit.

Nullius quippè apud DEVM maior familiaritas, quàm pauperum.

Securissimus Cæli gratia pollet, qui hos sibi deuincit.

*Per istorum Placentiam*

*Ad superius illud Beneuentum pergitur.*

Ergo



Ergo Eleemosynariū Præsulē iter facere quoties contigit, 279  
Discedentē duo currus sequebantur onusti lineis & lanceis :  
Aut si bruma rigeret, ex ouina pelle confutis vestibus.

Et hoc erat armare Milites,

Qui arietibus illis non tam hyemem,  
Quam Cælum in GAMRATI nomen expugnarent.

Mendicos istius sæculi militiam Christi ratus,  
Sub papilionibus hujusmodi eos seruauit.

In Cæleste Capitolium aliquando ingressurus,  
Illos currus aptabat in triumphales.

Insulatus Phæton cum vitæ curriculum insolenter aliàs ageret,

Hic meliorem parabat tramitem.

Nec fefellit cælorum gratia per pauperes quæsitā.

Quid familiares illi potuere, apparuit.

Cum enim fatisceret jam annis GAMRATVS,

Vitia tamen ubi manumittere deberet, tenuit.

Vt potē

*Profundior horum radix, quam ut statim euellantur.*

*Virtus suffocatur adhuc in cunis,*

*Vitium ubi semel natum est, ut plurimum ad cānitē peruenit.*

Quare à familiariore olim sibi CVROSSIO

Diuinitus admonitus, resipuit.

Qui CVROSSIVS,

Dum in vitiorum schola GAMRATVS Theopompū ageret,

Non Ephorus & ipse :

Quia semel MARIÆ miles fuerat,

A palmari Camilla stipendium accepit, animæ suæ salutem.

Concessa & GAMRATO sex mensium spatia,

Magno beneficentiæ Diuinæ in homines testimonio,

Quod saluare velit, quos perimere possit :

Et

280 Et ex dispendio naturæ, paret compendium gratiæ.  
Et impendit GAMRATVS residuū vitæ tempus, pænitentia,

Quā iratiores sibi cælos molliret;

Crebroq; genitu velut ariete perrumperet.

Priores noxas continuò defleuit, nempe PETRVS.

Vnde quidquid ex lethali cæno contraxit maculæ,

Fusis tam vbertim lachrymis diluit.

Quas naufragium esse culparum voluit, non balneum.

Inter crebros planctus cum optima salutis spe moriens,

Arcano illi fecit fidem;

*Quod naturale lachrymarum est in penitente miraculum.*

*In terram cadere videntur, relabuntur interea in cælum.*

*Vt Sol terræ vapores suo calore tepesactos sursum euehit,*

*Sic contritorum lachrymas DEVS ad se eleuat.*

Plausit interim GAMRATVS monitorem CVROSSIVM secutus,

Quod nouus Theseus à Pirithoo suo

Non amplius ad orcum duceretur, sed ad Cælum;

Anno Saluatoris Nostri CIO. IO. XLV.

## PETRO GAMRAT.

### O D E XLV.

**N**il est; honestæ, si immemores viæ

Quandoq; recto à tramite deuij

Vagamur, abreptiq; longo

Per dubios trahimur recessus

Errore. Nil; si perdimus aleam

Subinde belli; lassaq; Martiam

Fortuna subducit coronam;


Nil quod & ipsa aliquando virtus

Diuer-

Ciuertit à se, si reparat viam  
 Deceptus erro; dimicat acrius  
 Post victa si miles duellu;  
 De vitis quoq; si triumphat  
 Erecta virtus; hæc reparabilis  
 Lactura adhuc est. Si cecidit semel  
 Entellus eludente gressu; at  
 Arma breui, rabidumq; sæuus  
 Instaurat iram: nec, Phrygiæ videns  
 Ex se cachinnos, sustinet arduum  
 Instare cum ictibus Dærea,  
 Sed validis tumidum lacertis  
 Maiore castu dericit amulum.  
 Errando plures discimus; & magis  
 Intensa virtus, ad priores  
 Quæ potuit rediisse vires.  
 GAMRATE scimus quàm tibi sat diu  
 Neglecta virtus; sumus ut Insula  
 Non magna cura munerisq;  
 Præiulei; sed & ista scimus  
 Serui nepotes; quod tamen ultima  
 Transacta vitæ relictus alteram  
 Egere scenam; quod priorum  
 Vberibus lachrymis fugasti  
 Absurda morum; nataq; non leuis  
 De penitenti pectore fletuum  
 Procella tandem extinxit omnem.  
 Qui è vitis fuit ortus, ignem.  
 Nos verò quantum decipimur modò,  
 Sub penitentium nomine dum graues  
 Deslere credimur reatus;  
 Interea malè penitentes  
 Nunquam dolemus serio, & ex vagis  
 Quæcunq; manat lachryma palpebris;  
 Dicenda balneare nostras,  
 Non penitus tumulare culpas.







A Deo absque prodigio non est;  
 Quoties SAMVELEM nasci contigit.  
 Necdum in lucem effuso MACIEIOVIO Parenti in somnis monitus,  
 Ut nasciturum filium SAMVELIS insigniret nomine:  
 Prouidentibus tempestiuè fati,  
 Ut nato ad Insulā, notum quoq; ab Insula imponeretur nomē.  
*Inest magnis nominibus quædam hæreditas omnium,  
 Quia ex appellatione statim patet, quorsum cum iis Fortuna tendat.  
 Non hominibus tantum, sed & nominibus fata militant.  
 Adeoque quod pulchriora sunt hæc,  
 Et magis adimplendis officijs uectigalia.  
 Iniuriam faciunt, si plus significant, quam testentur facta.  
 Extinguuntur, nisi illustrium operum subiciant materiam.*  
 Quod ergo SAMVELIS erat, ad templum & aras se contulit.  
 Culmensis primò,  
 Inde Cancellarius Regni & Cracouiensis Antistes

Ita calamus tenuit, ut vanitatis non raperetur turbine. 283

Tam dextrè Sigillum Regni paginæ appressit,  
Ut ex signatoria cerâ miseris miella exprimeret.  
Cum ubiq; vocalē virtutem haberet, meritò factus os Poloniæ.  
Ad Regni Aquilas, gentilitium adducens Bouem,  
Ezechieli spectaculi approbavit veritatem,  
Vbi facies Bouis & facies Aquilæ pariter apparuerunt.  
Secreti, & eorum quæ in Repub: agerentur, tenacissimus.  
Quod nōset bono Senatori, ad consilium cum ingreditur,  
Induendum esse Mercurium,

Cum egreditur, Harpocratem.

Eloquentiæ prodigium, audientium spectaculum,  
Ut nec illa nisi MACIEIOVII ore loqui vellet, ita nec hi aliū audire.  
Hoc effecit eloquio suo,

Ut peregrinæ alibi, apud ipsum domesticæ viderentur Musæ.  
Non ad Principes tantum Orator, sed etiam & pro Principibus,  
Ab obitu namq; SIGISMUNDI I mæsta inceserat Polonia,  
Lugubribus induta, ubi extinctam haberet Serenitatem.

Occupauerat subditorum corda dolor,  
Sed maximsè superstitis BONÆ & Filiarum;

Quæ Domini olim sui pæne Domina,

Iam defuncto Marito, per quem imperaret, non habuit.

*Non exempta est malis humanis & Purpura,  
Indem, quibus & nos, vicissitudinibus subiacer,*

Sæuit in illam non natura tantum, sed subinde & Fortuna,  
Quasi repetere statim velit, quidquid concesserat aliquando.

Tragicum id omnino BONÆ.

*Nihil enim grauius, quam nupera sortis recordatio,  
Satus Fortunam nunquam nōsse, quam illius postea sinu excuti.*

Restabat AVGVSTVS Filius,

Sed & hic timebatur, ne eum Majestas mutaret:

Quid ergo?

N n 2

Pupillo

Pupillo sic Regio sanguini nihil promptius,  
Quàm stupor & silentium.

*Idioma hoc norunt dolentes animi,  
Quibus non aliud eloquium, quàm suspiria.  
Vocalius non loquuntur, nisi dum silent.*

Acceptit viduæ Maiestatis curam MACIEIOVIVS,  
Pro Bona & omni Regio sanguine locutus ad AVGVSTVM.  
Non communi felicitate, quod equestris sanguinis homo,  
Serenissimis etiam posset opitulari.

Qui dum ita disertè pro desertis perorat,  
Sibi ad AVGVSTI Filij cor fecit aditum.  
*Adco Fortune in censum datur, quidquid in Regi sanguinis sit gratiam.  
Serenissimus non est, nisi etiam in fortuna obscuro luceat.*

Acta deinde funebria SIGISMVND0,  
In quibus SIGISMVNDI laudator MACIEIOVIVS,  
Sarmatici Traiani sacratior Plinius.

*Et busta Principum clartora sunt, ubi illustrem habent Oratorem.  
Augustisq; animis cum nihil in vita defuerit,  
Multum interest, post mortem etiam habere, vnde effulgeant.  
Ceteribus suis imagines hic indigent,  
Accedit non leue ad famam momentum,  
Si non ab aliquo Tiresia, sed ab Apelle adumbrantur.*

Nec pulchrius vnquam in throno illuxit SIGISMVNDVS,  
Quàm dum in tumulto præconē nactus MACIEIOVIVM.  
Iusta tunc optimè sibi peracta existimans,  
Vbi tanti Præfulis habuit Elogia.

Non cuiusuis aliàs Regnantis est, laudatorē habere SAMVELEM.  
Timendum hoc Regibus nomen,

Et à quo Philippicas citius habuit Saul, quàm Panegyres.

Parentalibus peractis, ortæ in Augustum querelæ,  
Aliter sedari non potuerunt, nisi MACIEIOVII ope.  
Deligerat enim in thori sociam Augustus BARBARAM RADZIVILIAM  
Magni



Qui tamen infra tantum connubii æqualitatem Poloni videbatur.

Non placuit Civibus, quæ Principi præcipue placuit.

Maximè, quod tacite nimis accensæ illæ rædæ,

Et hæc Alcmæna timebatur, ne grauior existeret Poloni,

Vix popularem sortem egressa, penes suum sedisset Iouem.

Vsu enim cognitum est,

*Altius quàm par, euestim felicitatem, ut plurimum reddi fastuosam.*

Atque acrior in matrimonium hoc cum Dirigouio KMITA:

Vnicus MACIEIOVIVS non tam BARBARÆ; quàm Augusti studio,  
Sacramenti maiorem memoriam haberi suasit, quàm Maiestatis.

*Laudari quidem factum non posse dicens ferendum tamen.*

Maximè, quia vix aliqua Civibus à dominante speranda fides,

*Quàm uxori etiam frangere liceret.*

Principis est affectus quoque suos Reipublicæ dare,

Sed tamen & Reipublicæ, in gratiam Principis aliquid cedere.

*In libero Regno dominantibus absurdum est,*

*Et omnia licita habere, & nihil.*

Flexit paulatim Poloniorum animos MACIEIOVIVS,

Coronata BARBARA,

Sed suæ felicitati non diu superuiuens, è throno tumultu subiit.

Documentum posteris

*Fortune bona euinescere, cum maximè densari putantur.*

Nullus in cothurnata potestatis culmine diu stare permissus:

*Aut nutat, aut cadit in apicis lubrico.*

Omnia celsa procliuta sunt ad lapsum, ardua ad ascensum;

*Humilia minus periclitantur.*

Integrus Olympiæ quæritur felicitas, quæ momento pereat.

Mota tandem in ipsum MACIEIOVIVM procella,

Ægre ferentibus Civibus,

Ab vno Cracouienses Aras, & Regni ceras teneri;

Quasi plus nimio saginaretur hic Vitellius.

Par utriusque muneri SAMVEL,

Sed SAMVEL non fuisset, nisi populi querelas subiisset.

Domesticus Taurus cuius suffecisset muneri,

At cum major inuidiæ accederet sarcina,  
 Non tam oneris, quàm lioris mole grauatus,  
 In Petricouiensibus Comitibus Cancellariatu se exauctorans,  
 Sigillum restituit non honorem.

*Capax cuiusvis officii animus etiam sine Magistratu illustris est.  
 Indoles monstrat Virum, non Fasces.*

Satis clarus MACIEIOVIVS à Cracouiensis Infula,  
 Licet signatorijs ceris amplius emicare non permissus.

Vbi mors cum rigidioribus mandatis venit,

Etiam Infulam bonus Pontifex deposuit

Anno in mortali Carne positi DEI. M. D. L. ætatis suæ LII.

## SAMVELI MACIEIOVIO. O D E XLVI.

**A**Ntiqua quorsum somnia posteris  
 Narramus annis, quod faciles statim  
 Venere Musæ, & delicate

*Semper ius habuere cunas,*

*Per literarum crescere gloriam  
 Si quos volebant; quod volucres apes  
 In ore Platonis stetere, ac*

*Eloquij posuere mella:*

*Te MACIEIOVI veriùs osculo*

*Dignata Pallas, Te potiùs suo*

*Dignata complexu Minerua,*

*Ad lachrymas tibi vagientis*

*Attenta semper iunxit amoribus*

*Pudica castis basia, debitum &*

*Subinde persuasura somnum*

*Dulcicano recreavit ore.*

*Addictiorum Castalidum chorus*

*Adbuc puellum Te melioribus*

Incendit ausis. dum Thalia  
 Purpureo verecunda vultu,  
 Dum docta Clio prima sodalium  
 Non tarda sacram se comitem Tibi  
 Indulsit, infantisq; paruos  
 Obsequijs cumulare magnis  
 Ambiuit artus. Castaliae lauans  
 Crinem fluentis atq; humeros, Tuos  
 Descendit ad sinus Apollo,  
 Inq; suum voluisse Cynthum  
 Subinde tecum visus, & aureae  
 Dedisse labris vincula tæniæ,  
 Et de peroranti labello  
 Coccineam posuisse vittam.  
 Ibit futuris gloria seculis,  
 Orbisq; tradet, quæ MACIEIOVII  
 Est suada dicentis, Senatus  
 Dum Lechici toties Pericles  
 Nunquam es locutus, ni Tibi sterneret  
 Se fama pronam, ni populus nouam  
 Stuperet ad formam loquentis  
 Attonitusq; paueret hostis.  
 Iam verò norint, quid valeat boni  
 Loquela Ciuu. Sæpius aspero  
 Præstat Graduo, qui erudito  
 Ore tonat, docilemq; linguam  
 In verba promit tanquam in aheneam  
 Ferri procellam. Non acies tenet  
 Ex hoste palmam sola, sæpè &  
 Rostra suam merguere palmam.

ANDRE





**Z** Bignei pæne æmulus delictis parcere ne ciuit,  
 Vt Raduanum statim colligeres,  
 Cui gentilitium vexillum palmare labarum contra vitia.  
*Est & cum his militare negotium;*  
*Quia non tam tenuis ceruicis sunt; ut uno ictu præcidantur.*  
*Fatigetur utcunq; ingenium humanum;*  
*Vix ferre impetum poterit tam magno furore venientium.*  
 STANISLAUS ORICHOVIUS  
 Nō Polonis tantum sed & exteris illustre ab eruditione nomē,  
 Prima bellorum occasio.  
 Qui quantū doctrinā eminuit, tantū & audaciā excellere volēs,  
 Sacerdos jam, vxorem duxit:  
 Quasi Apollo esse non potuisset absq; Daphnide.

Et

Et satis non habuerit Palladium possedisse;

289

Nisi in Troiam adhuc arsisset & Helenen.

Animaduersum est in tantum nefas à IOANNE DZIADVSCIO  
Præmysliensi Antistite,

Sed cùm reo homini excessisse modum medicina videretur,

Et plùs remedio laboratum, quàm vulneribus,

Excussâ Pontificum autoritate, Ciuum auxilia implorauit.

*Nullus scelestus patronum non habet.*

*Imò vitij constructæ sunt aræ.*

*Non deest peioribus Mænas, cùm melioribus desit sepius.*

Magna nomina opposuere se pro ORICHOVIO,

Et cum illis Equester Ordo.

Sed extulit signum ZEBRZYDOVIVS,

Boniq; exempli ac doctrinæ armis pugnavit.

Illud tamen inprimis tentandum monendi genus ratus,

Quo reus non ita lædi posset, vt emendari.

Clementius cum ORICHOVIO agendum suavit,

Quòd nosset *artem corrigendi non semper seueritatem esse,*

*Aliquando & beneuolentiam.*

*Domatur equus subinde poppysmo, qui flagellus insultaret.*

*Boni iudicis est malorum pœnitentiam malle, quàm pœnam.*

*Res optima non scelestos extirpare, sed scelera.*

*Nec enim à laniena differt nimium antidotum.*

Agente tam clementer ZEBRZYDOVIO,

Data ORICHOVIO venia,

Qui anathemate solutus, boni Pontificis adorauit clementiâ.

Verùm breuì mota aliundè castra,

Aduersus quæ primipilus iterum ZEBRZYDOVIVS,

ANDREAS non esset, nisi viriliter ageret.

NICOLAUS OLESNICIVS

O O

Tacite

Et

Tacitè primò Zuinglianas secutus partes,  
Pulsis deinde Presbyteris Catholicis, quis esset, ostendit.

*Furtiva non sunt delicta, præ oculis eunt.*

*Vicunq; cineribus sopiantur; facillimè tamen scintillant.*

Mouit hæc iniquitas Episcopos,

Quia publicè confurrectum in tantam insolentiam.

*Alias, qui malos sustinet, non clemens est, sed ignauus.*

*Nimia Iudicum clementia, dementia est reorum.*

Dara ZEBRZYDOVIO prouincia, vt omnium nomine diceret,

Qui aduersus nouum ANTONIVM paratus Cicero,

Acrius, vt par erat, detonuit :

Majestatem etiam tantæ licentiæ, quam impunè mitteret,

Ream publicè condemnauit.

*Regnantium culpam asserens, si, cum punire possunt, negligunt.*

*Bonus cupit nocere, qui parcit malis.*

*Vox Principis si non armatur pro virtute,*

*Iam virtutum suscepit patrociniū.*

*Scepbris imputandum, si subditorum malitia assumit vires.*

Taliter dicentem ZEBRZYDOVIVM secuti alij,

Et ex sæculari ordine TARNOVIVS,

Qui scelera tam diu regnatura existimans,

Quam diu scelesti non extinguerentur,

Rigidiùs in sectarium decreuit.

At exorari in virtutis perniciem quam facilis est bonitas.

Suscepit OLESNICII partes DEMBINIVS,

Nec, quid in illo excusaret, habuit; nisi nataliū splendorem :

*Ac si magnus sanguis debuerit esse scelerum baptismus,*

*Et reatum ablutio;*

*Peccantiumq; claritate excusentur omnino culpæ.*

Cum tamen perierunt omnia,



*Vbi quidquid insolentia suadet, excusat nobilitas.*  
*Quò magis plebeia vitiositas est, eò minus claram stirpem decet.*  
 Stetit nihilominus AVGVSTVS inter clementiã & rigore mediis,

Sacris peregrinis abstinere & STANCARVM ablegare

OLESNICIVM iussit.

Sed ah! nunquam bona fide vitia mansuescunt,

Rarò illa manumittimus,

Et scelera sceleribus commutantur frequentius,

Remoto STANCARO successit CROVICIVS

Zuinglianarum itidem partium,

Quo authore in multas alias Familias præcepit hæc enormitas,

Cum magno nempe favore redeunt vitia:

Cessare aliquando possunt, nunquam deesse.

In bæreseos maxime cursu;

bi parvus in principio error ad singula momēta maior excrescit.

Non obtinebis ut desinat, si illum incipere permiseris:

Tam in scintillâ, quàm in incendio ignis est.

Spreta potestas Pontificum,

Ipæuci admodum fuerint, qui Areopago illi submitti vellent.

Iterum ergò fulminator ZEBRZYDOVIVS,

Nimirum Pontifex, qui verè Pontifex est,

Scit esse acerrimus; quoties monendum:

Benignissimus, quoties parcendum.

Et id perpetuum optimi Antistitis testimonium.

Qui cum sic tonaret, attonitum reddidit Augustum,

Numinis enim iniuriam ostendit,

Dum per Regem insolentiæ liceret tam multum.

Pessimè agi cum Polonia, dum tanta credentium varietas,

Nec enim non parata paralysis Regnorū, diuersitas sectarum.

Meretrix non est Religio, & ideo nec omnibus prostibulum.

*Contemptu huius, contemnitur & DEVS,*  
*Quo non propitio, perit Regnorum felicitas.*  
 Addidit ad hæc ZEBRZYDOVIVS & se & Pontifice digna,  
*Alieno facere Religio à Principibus,*  
*Principes à Religione seruantur.*  
*Ignavia Monarcha arguitur,*  
*Si uni fortune Regnorum militat, non itidem DEO.*  
*Gloriosus nihil est Principibus,*  
*Quàm si simul se Principes meminerint, simul Apostolos.*  
*Profuit sic tonuisse.*  
*Fulmen cecidit vnus periculo,*  
*Plurimorum metu.*  
 Confirmata legibus ab Augusto Præsulum potestas:  
 ZEBRZYDOVIVS interim tot palmarijs illustris,  
*Brauium expectauit,*  
 Quod anno Dñi M.D.LX. adeptus XXIII. Maij.  
*Ipso ascendentis Christi die,*  
 Honorem hunc parantibus ZEBRZYDOVIO fatis  
 Vt notus in Infula heros nonnisi cum triumphante Christ  
*Cælum pro Capitolio ascenderet:*  
 Triumphus sui vix solenniorem habiturus pompani,  
 Quam, vno eodemq; quo & DEVS HOMO apparatu.

## ANDREÆ ZEBRZYDOVIO.

O D E XLVII.

**P**Rob! quando tandem bellua tam feras  
 Componet iras & quando nefarijs  
 Bellus vacabit, ac in unum  
 Membra sinet male vulsa demum

Coire corpus? *Sæcula tristibus*  
*Signamus annis pænè, nec unicum*  
*Est forte tempus, quo feroces*  
*Non crepitent noua bella conchæ;*  
*Et tela frendens non vibret Hæresis.*  
*Dum non Arij sat fuit impias*  
*Arsisse flammæ, non minaces*  
*Pelagij tonuisse nimbos;*  
*Non illa demum monstra venefici*  
*Prodisse vasto littore Tænari*  
*Et bella circumquaq; sparso*  
*Ac acies maduisse ferro:*  
*Hos æmulari ni quoq; Zuinglius*  
*Auderet effrons, & Phætontei*  
*Adinstar ignis uniuerso*  
*Exitium properaret Orbi.*  
*O! quot petita est, nec cecidit tamen*  
*Tot seculorum, Lerna securibus,*  
*Audaxq; quot lassauit Hydra*  
*Herculeus validos lacertis,*  
*Dum semper ictus, semper abeneos*  
*Ceruice tractus excipit; & tamen*  
*Semper renascitur, suuq;*  
*Tota vorat prope Regna technis.*  
*Sed tanta tandem tristibus ingemet*  
*Leæna nimis: Iam video impiger*  
*Vt miles excurrit, grauiq;*  
*Egregium gerit ore Martem.*



*Si signa profert, si rabidas ferox*

*Attollit iras hæresis, obuiam*

*It ZEBRZYDOVIVS nouiq;*

*Opponit & hic sua signa signis.*

*Auditis? ut iam classica bellica*

*Vtrinq; surgunt; armaq; feruidis*

*Non vana discursant duellis,*

*Et valido satia hinc & inde*

*Pugnatur æstu. Sed ZEBRYDOVIVS*

*Palmare signum vix dedit, illico*

*Minor supercilij recedit,*

*Et tumidas premit Hydra cristas:*

*Minorq; turba est, quæ malè Zuinglij*

*Secuta partes; Præsuleis ubi*

*Coacta legibus subesse*

*Composuit malesana nuper*

*Quas orsa rixas. Sic validi vices*

*Plerumq; supplet scipio fulminis;*

*Sic sæpe Præfulum Tiara*


*Bella gerit, quotiesq; tantum*

*In perduelles detonat indoles*

*Censore lingua; pro galea Infulam*

*Agnoscit Hæresis, suumq;*

*Semper ab hac habet illa fatum.*





Dignus Cracouiensis Cathedræ fastigio,  
Nisi quia censorio aliquorum calculo ad fastum pronior.  
Quasi pro magnitudine Fortunæ male respondeat magnificētia.

Et superbix notetur pompa,  
Cui auctior suffragatur felicitas.

Sed infirmi animi est pati non posse diuitias.  
Si magnus, qui fictilibus sic utitur, quemadmodum argento;  
Sane non minor.

Qui sic argento utitur, quemadmodum fictilibus.

Nec enim semper tumoris argumentum est,

Quæ sita in externo apparatu maiestas.

Plerumq; supellex est superba;

Cam domino illius nihil sit humilior.

In vili etiam gaufape tantum tumet paupertas,

Quam.

296 *Quantum in purpura non præsūmit vera generositas.*

Adeoq; scelus non est superbire Senatori,

Dum copiam suppeditat Polonia.

In sole non damnatur vnquam splendor, nec in Seueriæ Duce.

Ecclesiæ potuit pompam hanc facere PADNIEVIVS,

Non suo fastui :

Destructo præsertim sæculo,

Vbi Apostolica paupertas non in tanto, in quanto olim pretio;

Et PETRI lacinia vilesceret,

Si Purpuram non superindueret.

Quis scit, an non Hæresi altius tunc cristas erigenti

Majestas hæc opposita?

Desperatâ aliâs & sui & Ecclesiæ reuerentiâ,

Nisi per eiusmodi quæreretur pompam.

*Non nocet apparentia, ubi æternum splendorem pietas superat.*

Mors tamen ostendit,

Quis in viuis fuisset PADNIEVIVS.

Vbi extincto, lachrymis nō nisi parentare voluit multorū dolor.

Et præfica fama

Non tã sepultis cineribus, quàm posterorū inscripsit memoriæ.

PADNIEVI vrna Tuo satis hæc pro corpore magna,

Virtus Mausolea supra est omnesq; colossos.

Tumulatus verò. Anno Dñi. M. D. LXXII.

**PHILIPPO PADNIEVIO:**

O D E XLVIII.

*V*T cunq; fastūs insoliti, nouæ

Pompæq; scribat Te calamitæ reum

**PHILIPPE PADNIEVI:** *superbi*

*Non subito tamen argueris*

*A me*



A me furorū. Non ego diuitum  
 Accuso pompam, sufficiens quibus  
 Fortuna pro pompa est; at illos  
 Perpetuis agitabo telis,  
 Qui plus videri quotidie ambiunt,  
 Quam vel supellex, ferre domestica  
 Fortuna vel possit, relictæ  
 Aut ab Aus Abauq; gaza.  
 O! quotus & nunc quūq; tumens suas  
 Non iactat arcas, quotus in effluo  
 Splendore non I braso superbit,  
 Vectus equo, cui vel tapetes  
 Picti, vel ostrum magnificè tegunt  
 Sublime corpus, pectore splendide  
 Pendeiq; demissum monile,  
 Frenivoroq; rotatur aurum  
 Sub dente flauum. Quotus inutilem  
 Post se cateruam non trahit arrogans  
 Stultè ministrorum, grauiq;  
 Sæpe supercilio seuera  
 Ad iussa cogit. Turpiter interim  
 Se scena pandit, dum negat obsequi  
 Collecta seruorum caterua,  
 Vt pte per varias molestias  
 Quæsitæ curæ hîc & ibi domos.  
 Et ille tanto qui tumuit modò  
 Pomposus auro, scenicum se  
 Pænè videt dominum, stupetq;

Ex se dolendum crescere fabulam

Hic dum caballum commemorat suo

Fulgere non auro, quadrigas

Estabulus aliunde dicit

Hic mutuatas: alterius canit

Is esse vestes, exprobrat ad latus

Ille ille crudelis mucronem,

Hic phaleras, pharetram ille & arcū.

Corniculam ut non turpius aduenæ

Nudent volucres, dum repetit suum

Quævis ab hac ales colorem,

Dum proprias recipitq; plumas.

Et illa demum reddere quod suum est

Coacta cuius, se videt omnium

Pauperrimam, dolensq; damnat

Hanc se aliquando petisse pompam.

Nec tollit unquam scena superbiam

Tam dura grandem; quærit iniquius

Non unus uxorem frequenter,

Quando alibi misere petito

Cultu tumescens, nescio quas procus

Non spondet arces; mox ubi credula

Consentit in nexum virago,

Seq. suo sociat Marito,

Tunc seua primo pauperies patet,

Tunc picta demum copia noscitur,

Tunc nupta pro arcibus mapales

Ingreditur miseranda caulas.

Tam grandis error quintumida quoq;  
 Est saepe Matris, quæ Generum sibi  
     Si quando destinat, procantem ad  
     Innumeros onerare sumptus  
 Crudelis audet, quando chorostates  
 Et quando seruos plus nimio exigit,  
     Si Filia velit probari  
     Deq; noua meruisse sponsa.  
 Et Mater haud scit, quod luuenis miser  
 Dotis futura spe nisi percitus  
     Oppignorat villas paternas,  
     Seq; nouo insinuando fastu  
 Sic pene perdit; dum ad miseram domum,  
 Ad orba primis horrea frugibus  
     Ducenda sponsa, proq; dote  
     Assiduam paritura litem est.  
 Eheu! monebo, propria quemlibet  
 Fortuna ducat. Diuitias malè,  
     Quas non habes, iactas: timere,  
     Quàm proprium patiatur aurum,  
 Immanis error. Quilibet, vt sua  
 Suadet supellex, se gerat; & nihil  
     Attendet vltra, quàm paterni  
     Quod faciunt perhibentq; census.







CONspirasse videtur in KRASINIVM natalis felicitas,  
 Postquam & in gentilitis decoribus nihil tenet,  
 Vnde ad maxima quæq; viam non habeat.

Coruum & Soleam;

Quatenus ad æplioris fortis auctuaria excurrere vel uolare possit.

ANNVLVM & CRUCEM,

Vt ille Regni annulo, hæc Pontificio statui præludat.

*Sic semel propitia alicui Fortuna,*

*Vel incunis adhuc fastigio iniiat,*

*Cui quærendo ætatem consumunt alij.*

Quanquam meritis hæc omnia consecutus KRASINIVS,

Non sanguinis privilegio.

Sciens adscititia esse, quæ ab Auis petuntur,

Et

Et corniculam alienis plumis superbire, non Coruum. 301

*Minimum ad fastigia suffragium,*

*Quod ab Aurum claritate manat;*

*Maximum, quod à virtutum splendore.*

Reipublicæ negotijs admotus allaborauit,

Vt non tantum bonus Vir esset, sed & bonus Ciuis.

*Solitaria namq; vix iuuat bonitas, nisi in publicum prodeat:*

*Multum interest, de Patria Consul mereare, vel Ciuis;*

*Dux vel gregarius miles.*

Regni Procancellarius

SIGISMUNDO AVGVSTO non os tantum,

Sed & dextra fuit.

Vt in multis alijs, ita in Lituaniæ cum Polonia vnione.

Diu gemma hæc desiderabatur Coronæ Nostræ.

Et VLADISLAO quidem Iageloni Sceptrum dedimus,

Quatenus vno nexu & VLADISLAVS cum HEDVIGE,

Et Polonia cum Lituania coisissent.

Sed tamen affinia potius videbantur dominia,

Quam vnum corpus.

Mentore nimium nominis sui Lituaniâ,

Ne strictius nobis fæderata abiret tota in Poloniam.

Adeo originis suæ amor quemus tenet.

Non tantum qui, sed & unde simus,

Libenter nemit ambitio nostra.

Ideo suos hæc Principes habuit, Iagelonico sanguini hæreditaria.

Qui dum in Augusto extingui videtur,

Ne morte hæredis relinqueretur pupilla,

Serò nobiscum voluit vniri.

Totus in vnione hac AVGVSTVS,

Non nescius terribiliorem magis hostibus,

Et Moschæ maxime Lituaniam,  
 Vbi Polonæ Aquilæ armaretur fulminibus.  
 Neq; indecorum Poloniæ, tanto Ducatui coniungi,  
 Cujus auitus Eques elatâ in ictum manu  
 Tempestiuè ostenderet, quantum sit ad bella momentum:  
 Kijonia, Voshynia, Podlachia, solum obstabant,  
 Quas amplissimas Prouincias, vt olim suas,  
 Ingenti contentione dum Polonia repetit,  
 Lituania ne earum possessione detrudatur,  
 Non minore obstat studio.

Inter tot discordantiû sententias difficilis coalitura vnio credebatur  
 Vnde magnis Viris opera hæc indiguit.  
 Quorum Princeps KRASINIVS vt publicus Regni Officialis  
 Inter vtrasq; gentes ita transegit,  
 Vt Polonia Prouincias suas reciperet.  
 Inter Lituanos & Polonos conuentum,  
 Vt regnaturû concordibus nobiscum suffragijs abhinc eligeret.  
 Secutus Pæan perfecti tam basilicæ negotij,  
 Quod multorum capita exercuit.  
 Et penes KRASINIVM mansit gloria,  
 Quod illius præcipuè ingenio  
 Confectus tandem duorum sæculorum labor.  
 Discere tunc temporis potuerunt omnes  
*Multa quæ naturâ impedita sunt, consilium expedire.*  
*In prudentiq; Viro*  
*Togam plus efficere, quam in alijs sagum.*  
*Absq; Macedonio ferro maximos etiam nodos enodari posse,*  
*Si ingenij accesserit acumen.*  
 Non potuit tanta virtus esse absq; præmio,  
 Apud illum præsertim Principem



Qui ignominiam suam credidit, si quid ministris defuisset. 303

Et frigescere omne merendi studium ratus,  
Si emerita indoles ad Regalem non incalesceret benevolentiam.

Ideo languentis iam pene Augusti fauore  
Defuncto PADNIEVIO ad Cracou. Cathedram substituitur.

Eò majore Principis elogio,

Quòd tunc temporis Regalem exhiberet munificentiam,

Quando fato suo approximans maiestas

Regratificantis ministri obsequio amplius non indiguit.

Aliàs in multis, benefactoribus sub donarum larualiter fenerator animus

Dum beneficium vocant, quod intentione est usura.

Dum largientium donationem appellant,

Quæ frequentius vendentium est quæstiuatio,

Quantum & KRASINIVS non in eo tantum reddidit beneficium,

Quia libenter debuit.

Sed æternitati approximantem Augustum sanctiore refecit obsequio

Tam nobili edulto panem omnem reddidit, quem à Rege habuerat.

Si quas ex lagelónico manipulo gratiarum collegit spicas;

Meliore Christi frumento rependit.

Et expeditus quidem Augustus in Cælum,

KRASINIVS vero Cracouientibus Infulis auctior,

Vbi Augustum non potuit, Patriam demerendam accepit.

Perichitata est hæc defuncto Augusto

Nam præterquam quod mascula Regum stirps defecerit,

Ordines etiam per varias à Religione sectas diuisi ac discordes,

Ad extremum Præuialis authoritas conuulsa.

Quasi dedecus aliquod fuisset Poloniæ,

Vacante Coronâ Infulæ subiei:

Et in pedo etiam inueniri non potuisset, quod sceptrum saperet.

Sed

Qui

Sed stetit pro Troia hac KRASINIVS,

*Stabilimentum pacis afferens unionem.*

*Cum rebus publicis idem fieri, quod cum ingentibus arboribus;  
Felicius se alunt, si succum eundem pars parti communicet.*

*Non manente hac concordia, exsiccantur infelicitet.*

Taliter compositis Civibus in electionem descensum,

In qua dum suus pro quouis perorat ambitus,

HENRICVS Valesius è melioribus electus.

Cui deducto postea in Poloniam

Dum obuia procedit electoris populi pompa,

Etiam KRASINIVS obuiat cum ducentis Equitibus;

Qui torquibus aureis præincti Pontificiæ militarunt Famæ.

Manhos diceres Torquatos,

Nisi quod Gallo potius triumpharunt, quàm de Gallo.

At faceffijt iterum negotium VALESIVS,

Vbi accepto fraterni lethi nuncio profugus,

Poloniæ & folium & solum deferuit.

Perierat pænè Lechia,

Nisi KRASINII & aliorum niteretur consilijs.

Dum pars MAXIMILIANO, pars STEPHANO BATOREO studet:

Effectum, quia diuisis vtrinq. studijs Polonia scindebatur.

Sed patuit ibi *puluus esse ponderosa sapientum Civium consilia,*

*Quibus Respublica suauius incubat.*

*Nam KRASINII & aliorum Civium studiis effectum,*

*Quia ad Bathoreum Regni Fortuna respexit.*

Qui vix inauguratus, Gedanenses statim expertus rebelles,

Coronæ galeam substituit,

Balthi opponens balteum.

Non defuere ALEXANDRO nostro sui Epheftiones,

KRASINIVS quia phtysi pænè confectus sequi non potuit,

Ducen-

Ducentos Pedites, & grauioris armaturæ L. Equites 305  
Principi suo subministrauit.

Egregius nempe Præful

Licet morbo languidus, curandæ tamen intentus Patriæ,

Illius magis quam suæ studuit saluti:

Verè sic & infirmus accinctus robore,

Vt FRANCISCVM agnosceres,

Cui nunquam debiles sunt lacerti;

Vbi vel Ecclesia, vel Patria occurrit sustentanda.

Meditabatur hic Pontifex adhuc plura,

Sed mors annos LII natum adorsa

Anno Christi M. D. LXXVII magnas cogitationes impediit.

Secuta tamen ad posteros Fama,

Quòd quinquennio nisi in Episcopatu exacto,

Tantillo tempore KRASINIVS tantum fecit!

FRANCISCO KRASINIO.

O D E XLIX.

*Q*uis ille verò per Lechicæ volans  
Sublime terræ non tenui polo

Propinquat alâ Corvus? Et quò

Vix Aquilæ liceat sequaces

Duxisse tractus nubiuagus, io!

Passu ille prompto deuolat, alitem

Profertq; cursum, nec vacantes

Remigio sinit esse pennas.

Sublimioris nî statio capit

Euecta Corui, SLEPOVRONI nigram

Qq

Agno-



Agnosco stemmatis volucrem,  
 Cui agiles sonat inter alas  
 Nomen KRASINI, quod grauidum suis  
 Pridem triumphis nescit in abditis  
 Lippire caulis, sed sub ipsos  
 Facta uebit celebranda cælos.  
 Tu tu ille tantæ vectus ab alitis  
 FRANCISCE pennis æthereos super  
 Erumpis illustris coluros  
 Parrhasius metuendus umbris.  
 Tu tu illa magni sanguinis indoles  
 KRASINIANI gloria stemmatis  
 Pennâ triumphaturâ auitæ  
 Vectus Aus super ipsa famam  
 Educit ingens sydera. Lechicis  
 Parumq; credens marginibus tuam  
 Cinxisse laudem per remotas  
 Progredieris volitando gentes.  
 At verò prædux Plausus in æthera  
 Fragore surgit, teq; vel ultimis  
 Clangore raucarum tubarum  
 Grandisono manifestat oris,  
 Tuis quod olim se studiis Eques  
 Iunxit Polono Littauus Aliti,  
 Tuo triumphales in conum  
 Quod populi coiere quondam  
 Labore nexum. Nobilior datus  
 Nec unquam in Indo chrysolithus mari  
 Vel gemma, præsentì VNIONE,  
 Quæ geminos ita vincit orbes,

Quò tantum ut hostis nos trahat, illicò  
In bella iunctis viribus impigri

Famus, & tremenda regnis  
Nostra alijs faciamus arma.

Hinc quòd Leones Vandalici suas  
Pressere cristas, quòd draco Moschicus

Nil sciuit aduersus Polonas

Sæpe Aquilas, quòd & Hydra nobis  
Quondam rebellis de stupido dein  
Remisit æstu: pene quod integer

In nostra conspirator Orbis

Pergama nil potuit; Polona &  
Lituanæ virtus est. simul ut fuit

Quæ iuncta secum, sic nisi laureus  
Parit, triumphalesq; palmas,

Sic virides nisi fert coronas.

Et Tu KRASINI posterioribus

Ob tam potentum fœdera Gentium

Obscurus haud viues in annis,

Sed Lechicus quoties auitam,

Lituanus ardor, sed quoties suam

Ostendet armis non piger indolem

Feretq; famam, pars perennis

Tu quoq; eris manifesta fama.



PETRVS



**C**onclavi Principis debuerat secretum, non propriæ virtuti,  
Et ideo vulgatore sui ipsius calamo in fastigia erupit.  
*Nescit enim secreti silentium, pro quo virtus perorat.*

SIGISMVNDI AVGVSTI literis scribendis adhibitus,  
Basilicâ omninò ad Aulam felicitate,

Quòd primo ad eam ingressu,

Concredita reperit Regiæ mentis arcana :

Cùmq; alii vix atrium, ille mentem Principis habuerit in aperto.

Dubitauitq; illa ætas,

Augustus, illustriornè Regio throno? an MISCOVII stylo?

Cùm nihil is scripsit, quod orbis admirandus non legeret:

Maiestatem scriptioni intendente non solâ Principis auctoritate,

At & scriptoris ingenio.

*Sed amplior magnorum virorum fama,*

*Quàm*



*Quam ut unius Regij cubiculi teneatur limitibus.* 309

*Ignis instar, ut semel concepit flammam; ita ulterius exæstuat.*

MYSZKOVIVS à literis ad legum custodiam ab Augusto promotus,  
Quotiescunq; locutus est, in sapientiæ scholis crederes aduultum:

Quoties iudicauit, in Astreæ.

Eruditionis penè miraculum,

Et qui doctrinæ non laudem tantum adeptus, sed & palmam.

Ambiuit tam doctum hominem Plocensis Tiara

Cum non laureæ magis capax esset, quam Infulæ.

Qui vnâ manu pedum, alterâ calamum stringens,

Perinde sacros, ac doctos impressit characteres.

Cracouiensis Antistes creatus à BATOREO,

Dicere cum PETRO poterat, sed vnicâ demptâ voculâ,

*Argentum & aurum est mihi.*

Nisi quod è Magistratibus gestis, quò ditior,

Eò ad aliquid Ecclesiæ faciendum, impeditior,

Necessitates sponsæ umbrâ tantum sanare voluit, non auro,

Nullam sui relinquens memoriam.

Meruit tamen æternam

ZAMOSCIO, KOCHANOVIO, promotis & pluribus alijs,

Quos commendauerat eruditio.

Eruditioni nimirum honorem habuit, ipse eruditus.

*Infelicitas hæc aliàs literarum, ut ditioribus vilescant,*

*Quasi eruditionis splendor Pluti cæcitati illucescere non possit.*

Sed destructi sæculi hoc aliquando vitium, nec id perpetuum.

Nulla natio tam barbara erit aut inhumana,

Cujus Principes eruditionem non ament, aut quærant.

*Parata siquidem regnantibus ignominia,*

*Si quod Tiberij in Hortalos odium, id illorum in eruditos.*

Meritus de literatis MYSZKOVIVS,

Coni-

310 Commune amantium literas præmium retulit, FAMAM.  
*Sacrofancta enim memoria eius, qui de eruditis meruit:*  
*Literæ rependunt, quidquid his datur.*  
*Suum commendat, qui aliorum colit ingenia:*  
*Sibi fructificat, quisquis illis seminat.*  
Mercedem tamen aliam è cælo recepturus  
Posuit cum vitta vitam anno Pontificis veri M. D. XC.I.

## PETRO MYSZKOVIO.

### O D E L.

**N**Ec me Pœta, inuida Cecropis  
Fortuna nec me vatibus eximit,  
Et Tu perennatura magnæ  
PETRE feres monumenta laudis,  
Si sistra tangam. Parcere laudibus  
Apollo nescit, si videt indolem  
Libræq; literæq; natam:  
Et Latias cui cura prima  
Fouere Musas. Nobilius canet  
Nil fama de Te, quam KOCHANOVIVM  
Quando ZAMOSCIVMq; dicet  
MISCOVIO placuisse PETRO,  
Auctore & illo Principum in intimos  
Venisse amores. Damna sequentibus  
Iam vero quam tremenda sæclis,  
Dum modicos nimium Patronos  
Præsens dat ætas: qui foveant eos  
Quos erudui gloria Nominis

Iam

Immensa cingit, è scholiūq;  
Egregium retulere nomen.  
Quot vel Marones, quot vel Horatij  
Et his in annis, quot KOCHANOVII  
SARBIEVIIq; adesse possent,  
Si ingenis suus æstimator  
VRBANVS & nunc curaret, è manu  
Qui liberali porrigeret simul  
Et laurum & aurum, literatæ  
Dum recipit monumenta pennæ.  
Qui vellet altas erigere indoles  
Et excitandis ingenys suos,  
Subinde testari fauores:  
Sed tumidi quia plena fastūs  
Fortuna doctos nauseat, & suæ  
Superba multum mole pecuniæ,  
Musasq; Musarumq; mystas  
Plus nimio remulenta temnit.  
Hinc literarum non hic amor modo  
Qui mansit olim; hinc vilior aspici  
Doctrina cepit, hinc Latinae  
Exilium subire Musæ.  
Vt iam scholarum quærere posthumam  
Labore famam vile quid æstimet  
Destructus Orbis, diuitumq;  
Non aliud magis audientes  
Offendat aures ac oculos; data  
Quàm ab erudita pagina dextera;



Et prompta de penu scholarum  
 Materies, neq; viliores  
 Creduntur aulis; quam quibus unica  
 Est cura chartæ cum calamo, & quibus  
 Accensa scribendi cupido  
 De populari aliquando fama  
 Vellet mereri. Quotidie interim  
 Decrescit ampli gloria Nominis,  
 Dum bella quantumpis Gradius  
 Noster agit, reliquiq; Cives  
 Famæ laborant Sarmaticæ; tamen  
 Per literarum sceptræ & Apollinis  
 Iam pene cepta nauseari,  
 Et Patriæ minus innotescit  
 In orbe virtus. Nostraq; posteris  
 Quæ posset olim viuere sæculis,  
 Sopitur indoles, tacenturq;  
 Haud modicæ documenta famæ.  
 Te pulchra cingit gloria MISCOVI,  
 Quod quos Apollo, quos proprio sinu  
 Minerva nutrit, viriq;  
 Sarmatico potuere magni  
 Mundo parari; Principum amoribus  
 Hi Te Patrono perfructi satis,  
 Aulæq; subnixi fauore  
 Post Patriæ innotuere toti.



## Cracouiensis Infulæ

Pretiosissimæ Gemmæ

## DIVO STANISLAO

EPISCOPO &amp; MARTYRI.

Pro quinta Antistitum Cracouiensium decade  
EVCHARISTICVM.

**E***T* me verus amor trahit  
       *STANISLAE* tuam dicere gloriam,  
**E***t* me corripit entheus  
       *Præsul* sancte tuo plaudere nomini.  
*Splendor* quantus inest tibi  
       *Clararum* referens lumina lampadum,  
*Quos* celi retinent, æmulus ignium,  
       *Stellato* similis tholo.  
*Dum* sacrum caput Infula  
       *Ornat*, *Martyrium* cum dat adoream.  
*O!* ingens *Superum* decus,  
       *O!* magnum *Patriæ* *Sarmaticæ* iubar:  
*Tu* *Phæbus* fueras mihi,  
       *Duxisti* tremulam tu mihi dexteram;  
*Ex* se sat calamum rudem  
       *Aptasti*, ut *Craciam* scriberet *Infulam*,  
*Laudes* redderet & suas  
       *Dignus* tam celebri *Præsulibus* *Mitrâ*.  
*Quinta* hæc tota tua est *Decas*,  
       *Pro* qua me assiduum *mancipium* cano.

Rr

GEOR

# GEORGIUS RADZIWIL

## CARDINALIS.



**V**el tubas has vel ipsam Famam audi;  
 Quam sonorum ad posteritatem nomen,  
**GEORGIUS RADZIWIL.**  
 Ducum in Nieswicz & Olyka sanguis.  
 Patre **NICOLAO** Palatino Vilnensi, Matre Szydłowieccia  
 Hæreticâ labe infectis.

Sed nunquam puduit rosam inter spinas nasci,  
 Quoties in spinas non degenerat.  
 Parantibus in eo fatis **AMBROSIANI** aliquid;  
 Ad cunas examen apum conuolauit:  
 Vt ita tempestiuè mellificaret eloquij suada,  
 Serenissimis postea depromenda Principibus.

Seu



Seu illustrium cerarum erat suauitas,

Quâ excitatæ apes confluerunt :

Vel vt deinceps colligerent alij

Apes vtrò mel GEORGIO porrigere ;

Ne venenum ab hæreticis Parentibus haurire cogeretur.

Adeo magnorum natales, secum præsagia ferunt :

Nec in lucem ita prodeunt,

Vt ominum satellitia simul non sequantur.

In crepusculo primo statim Sol prodit, quid ipsa dies adferet.

Quæ vir patrabit, infans indicat.

Leo ex ungue adhuc cognoscitur.

Inscripti teneriori tiliæ characteres etiam in arbore leguntur.

Ad hæreticas scholas missus paruus Annibal,

Pro Roma sacramento se obstrinxit, non contra Roman.

Vbi succreuit ætas,

Apud MAXIMILIANŪ II. Romanorū Imperatorē aulæ rudimenta posuit

Nempe

Magnis statim passibus incedunt, quicunq; ad magna nati.

Pigmeos saltus non amant veri Gigantes.

Per non humilia formari volunt, qui ad summa destinantur.

Neq; caruit admiratione virtus.

GREGORIO XIII ab Imperatore postea commendatus,

Et Imperatorium amorem meruit & Vaticanum.

Nec desiderauit multorum suffragia ;

Satis multis placuit, dum duobus his fastigijs.

Inde VALERIANO Vlnensī Antistiti, grandæuo Athlanti,

Substituitur Coadiutor Alcides.

Iuuenis admodum ;

Sed Herculis est in cunis etiam ea gerere ;

Quæ alij vel viri non possunt.

*In honoris suffragium male postulat ætas,  
Cum animum Infula munerat, non pilum.*

Factus Vlnensis Antistes peregrinationē Cōpostellanā suscepit,  
Non tamen Hispaniæ admiranda quàm IACOBVM veneraturus :

Natalem Ducatûs sui Purpuram

Substernere certus piscatoriæ ejus lacinia ;

Cui Hispanicæ etiam portæ postes suos submisere :

AGREGORIO XIII Cardinalitio bireto ornatus ,

Magnâ RADIVILIANÆ virtutis veneratione ,

Quod simul cum BOLOGNETO Nuncio Apostolico.

Majore plausu ,

Quod ambo de sua promotione ignorassent :

*Pulcher semper honor est, quoties pro voto accedit.*

*Pulchrior tamen ,*

*Quoties ut extra votum, ita & extra scitum :*

*Nec enim tam humilis est dignitas, ut se obuito cuius sternat.*

*Iam si in mancipium abit,*

*Egregia omnino indoles esse debuit, cui se ille mancipat.*

Ergo quâ integritate promeruit dignitatem non quæsitam ,

Eâdem non reiectam administravit.

Splendorem omnium in viuendi agendiq; modestiâ ponens :

Quod alij ad pompam gerunt , gessit ad virtutem.

Magnus vndiq; , & tamen ubiq; facilis :

Sublimis, & tamen affabilis.

Amari ab omnibus & honorari

Hoc suum, hoc RADIVILIANVM existimans.

A STEPHANO BATTOREO Liunioniæ cum summo imperio præpositus.

Opprobrium quippe non erat Coronæ,

Si Insulam sui loco substituit.

*Benè sceptri vices supplere potest Præsulis Scipio :*

*Et si paludamento non vacat;*

317

*Optimè in Pontificiam Purpuram deuoluuntur Regnorum curæ.*

A SIGISMUNDO tandem III Cracouiensibus aris cumulatus,  
Honorem admisit.

*Recusare omnes honores non semper humilitatis est,*

*Aliquando & ambitionis;*

*Moderationis vero, accipere;*

*Quos Principum gratia dedit, & meruit virtus.*

Ita fascēs omnes suscepit, vt dubium reliquerit,

RADIVILIVS nè honori, an RADIVILIO honor plus debuit.

Ad SIGISMUNDI nuptias cū ANNA Austriaca à CLEMENTE VIII Legatus

Et Vaticanæ Purpuræ reuerentiā auxit & suæ.

Galero minus dignus sibi creditus, nisi se Mercuriū ostenderet.

Nata postea è tanto connubio Augusta proles,

ANNA MARIA primò, & deinde VLADISLAUS.

Tam basilici partus qui nomen ad posteros transmitteret,

RADIVILIVS delectus.

Qui ritu sacratiore Regiā Sobolem in lustralibus aquis tingens,

Cælis inaugurauit animas,

Iam natalium nobilitate in spem regnorum effusas.

Nec lustralia hæc clariora reddi poterant,

Quam à nomenclatoris tubis:

Qui gentilitiam quoque Aquilam intulit,

Ne quid auspicijs defuisset.

Atque satis id ad nominis memoriam;

Nisi ampliùs de RADIVILIO mereri voluisset Fama:

Quod Polonorum nulli contigit,

Duobus conclauius INNOCENTII IX & CLEMENTIS VIII

Cardinalis hic interfuit.

Rr3

Ingens



*Electore calculo eum decernere, cui caput inclinet orbis,*

*Et eiusdem voti esse, cuius & Diuinitas.*

Auita deinde RADIVILII cornua cornucopias diceret,

*Quæ tam beneficè in omnes defluerunt.*

Vnde puduit terram tanta non rependere merita:

*Quà in Rempublicam; quà in omnes egenos;*

*Quà in Sacerdotû & Religiosorû Collegia munificû dū videt;*

*Etiam illa nouos metalli thesauros Kielcijs aperuit.*

Documento omnibus,

*Quod & ipsa tellus liberalibus velit esse vestigalis;*

*Munifico Præfuli quid cæli daturi non erant?*

*Si ipsa terra largitatem tantoperè rependit.*

*Expedierat sanè æternùm viuere tanto nomini,*

*Sed dum Romam Iubilei gratiâ venit;*

*Dum in se vno ostendit, quid magnificentia Polona sciat,*

*Cum auitis tubis in tunibam descendit.*

Infirmantem inuisit CLEMENS VIII.

*Et hoc erat Vaticanam grauitatem clementiâ temperâsse,*

*Vbi non magis de uia, quàm de Maiestate deflexit.*

Nec visitasse contentus,

Post præmissa præconia, lachrymis & Applicâ absolutione prosecutus est.

Funus delatum Romæ ad basilicam Nominis IESV

Romanâ Curiâ honoris causa deducente.

*Adeo magnis viris vel post funera seruit honor,*

*Nec tam parentat, quàm paret.*

*In fatis etiam obnubilari nesciunt illustres animæ,*

*Diemq; ferunt inter noctes.*

Elatus verò RADZIWILIVS A: D. M DCC. ætatis suæ XI IV.

GEOR-

## O D E L I.

Quo molle plectrum? quò tenues nisi  
 Thalia buxi, grandibus hinc sonat  
 Fama ipsa cum tubis, grauiq;  
 Ere RADIVILIVM remoto

Proclamat orbi. Sarmatiae suas  
 Hinc totus aures arrigat ambitus,  
 Et spectet, ut pulchram GEORGI  
 Vita refert speciosa laudem.

Sic vera virtus semper in inclytos  
 Crescit triumphos, sic in adreas  
 Et longa palmarum theatra  
 Surgit ouans, per honesta quisquis  
 Se facta prodit. Mittere, desides  
 Eant ut anni, grande nefas: bene,  
 Si à f. sejs ipsis studemus

Magnanimos perhibere nifus.  
 Adbuc GEORGI tu fueras puer;  
 Et iam valenti non minor Hercule  
 Vbiq; surgentem domabas

Hæreseos grauis hostu hydram  
 Et ferro & igni. mox ubi fortior  
 Succreuit atas; arma stygi integræ  
 Et bella mouisti, superbo  
 Non leuiter metuendus Orco:

Hinc

*Hinc grande nomen post Mareoticas*

*Exiit oras, nominis integra*

*Hinc fama se fudit Latinum*

*Post Tyberim, liquidumq; Scaldim:*

*Hinc Cardinalis Purpura nobiles*

*Texit lacertos, hinc dedit alteris*

*Dicenda sæculis decora*

*Blanus Honor, posuitq; summos*

*In dona fasces, & qui alias fugax*

*Quæ sita multo sanguine culmina*

*Concedit ægre, nec cruentis*

*Muricibus nisi purpuratum*

*Submittit ostrum; se facilis tuis*

*Subscripsit ausis, iunxit amabilem*

*Fortuna dextram, Lechiciq;*

*Io! statim cecinere campi*

*Et grandis io! Fama, vel olimis*

*Noscenda terris, vel Garamantibus*

*Spectanda in immensum remotis,*

*Vel Tyriis memoranda Thebis.*





BERNARDVS MACIEIOWSKI 321

CARDINALIS.



Hic demum orbis documentum capiat,  
Quod aula non semper est virtutum nouerca.

Non prohibet honesti exercitium,

Modo sequaces illius indoles habeat.

A quibusdam metropolis vitiorum dicta,

Sed ibi, ubi nec minima probitatis est sedes.

BERNARDVS MACIEIOVIVS

Sub STEPHANO Rege aulicæ cohortis vexillifer,

Non omnino scelerum collegia inuenit.

Socolouio, Rescio, Skarga, Dobrociescio, in Regia existēibus,

Viris illis,

Quibus pares non quævis Christiana schola numeret.

Ss.

Tam

Tam regnantium elogio,  
 Quod non protinus virtutem à satellitio suo excluderent;  
 Quàm illorum laude,  
 Qui hanc inter aulicum quoq; comitatum paterentur.  
 Familiarior his assidue MACIEIOVIVS,  
 Abiecto militari balteo nomen dedit CHRISTO.  
 Romæ Sacerdotio initiatus victima DEO stetit,  
 Ut non frustra Vitellium diceret:  
 Quem tamen non ad forum boarium exposuit Roma,  
 Sed ad sanctiores aras.  
 Dignum Pontificiâ togâ indicavit Vaticana Purpura,  
 Regius SIGISMUNDI III calculus nominavit.  
 Nec obscura Infula cinxit emeritum caput,  
 Sed illustrissima, quia Luceorientis.  
*Amant impendit lucis, magnæ animæ,  
 Nec umbratiles esse sustinent, quibus ad splendorem latum est nasci.*  
 Atque ostendit hæc lux, quis esset MACIEIOVIVS,  
 Quando dignus visus, qui Viliensem Cathedram capefieret,  
 Nisi Lituanorum obtulissent suffragia.  
 Non quod è iudicio illorum indignus tantò fastigiò,  
 Sed quia non Lituanus.  
*Non amat exteros vernaculus honor,  
 Egè semper candidatum eum ornat, qui non sit indigena.  
 Aduentitia ingenta offendunt communiter populum,  
 Quia Patriam tantum æstimare didicit, non animum.*  
 Tulit repulsam modeste MACIEIOVIVS.  
*Aliàs dulcis esca est dignitas:  
 Ambientium studia velut muscas fame sui inuitat.  
 Non statim extinguitur, ubi semel sitim accendit ambitio:  
 Orexis huius semper est famelica.*  
 Sed gloriam auxit negatum per inuidiam fastigium.  
 Vbi RADIVILIJ primò præfago animo, suis deinde meritis  
 Craco

Magnæ mentis testimoniū reliquit de se præfagijs locū fecisse.

*Nihil enim pulchrius, quam omnibus non obfistere indolem.*

*A casarum serie communiter proueniunt vatutia;*

*Illustris tamen ut plurimum animi est, illis non intercedere.*

Vocatus interea ad Sceptra Moschouitica cognatus sanguis,

Marina nimirum MACIEIOVIO affinis,

GEORGII MNISZEK, Palatini Sandomiriensis Filia.

Moschorum Duci Demetrio desponsata.

Gratulabatur Polonia

De tanta apud se vel è patritio sanguine, nuru;

Ut ad imperium mereretur vocari:

MACIEIOVIVSQUE gauisus consanguinitatem suam

Regnatrici coniungi Prosapiæ.

Qui Majestatum Polonarum præsentiam nactus,

Marinam solenni-ritu despondit.

Iunonem copulari ratus,

Quæ Moschico Ioui, Martes Filios ex se relinqueret:

Seu Thetidem, quæ Achilles.

*At nunquam ad portum peruenit felicitas,*

*Quæ ambitiosæ spei nimium vela dedit.*

*Desinit sapius in Aquilonibus. postquam à Fauoniis incepisset.*

*Utcumque pelagi fides suscepta sit, etiam malacia fallit.*

*Cessant venti, ut rursus seuiant.*

*Serenatur calum, quod nubibus postea obducitur.*

Dum abutitur imperio Demeirius; à Moschis occiditur:

Marina infauti imperij,

Et veluti in scena ad aliquot horas gesti Principatûs.

Perennaturum exemplum.

Dum pudicitia satius, quam imperij iacturam patitur;

MACIEIOVIVM mærori, Poloniam bello inuoluit.



*Infelix ambitio nihil humile moliri potest.  
Ed liberrimè ascendit, undè certissimus est lapsus.  
Si in altum, lentè non it, omni patet præcipitio.*

Mæstum ob inuolutam bellis Poloniam MACIEIOVIVM  
Honor solari cepit.

Præter Cardinalitium muricem Primatiales etiâ fascēs offerēs.  
Sublime id quod capeffijt sed non suprâ meritorû culmen.

*Gratiam siquidem non facit honor, sed debitum exsoluit.  
Quoties emeritam coronat indolem.*

*Stipendiarium est semper virtutibus culmen;  
Et Purpura egregius factus veltigalis*

Auctus honore honor,

Dum ad solennem SIGISMVNDI cum CONSTANTIA desponsationis actû,  
PAVLI V. Pontificis Maximi Legatus MACIEIOVIVS,

Muneri tanto parem magnificentiam iunxit.

Nisi quod SIGISMVNDI oculos offendit conopeum.

Nec abstinuit à contumelia Princeps,

*Quasi throno quoq; decorum non sit, si ratione iam suppressit:  
Et non ignobilium potius animarum a maturam spiret, Furere.  
Sceptra tenentibus potissimum regnandi arcanum, si dissimulant.*

Mouit, vt par erat confusio hæc MACIEIOVIVM,

Vt ex Ecclesia se proriperet.

Daturus facilè veniam,

Si sua & non potius Apostolicæ Sedis iniuria foret,

Et mitigatus ille quidem,

Odia tamen Ciuium non tam facilè sepulta.

Documento Regnantibus,

Quod nimius Maiestatis suæ amor

Vbi per contemptum aliorum sperat gloriam, opprobrium legit:

Indignum Scepbris vitium, regere non posse impetum.

Male imperat, qui ad mensuram potentie voluntatem suam extendit.

Pulcherrima regendi ratio,

Si quibus multa impune licent, libent quàm paucissima:

Regius animus non est irâ vitæ velut Duce, non milite:

Meliùs

*Meliùs, si illa ministrae loco habetur, non domina.*

325

Nactus à Republica otium MACIEIOVIVS  
Synodum Prouincialeni indixit.

*Digna quippe Præsule cogitatio*

*Non tantum à se, sed ab aliis etiam exigere,*

*Qui sint & quales esse debeant.*

*Meretur insculpi marmoribus labor,*

*Qui moribus Cleri reformandis insudat.*

*Modicè alias opera hic impensa ignominiam non effugit.*

Secutusq; pulchram intentionem egregius finis.

Absoluta per MACIEIOVIVM Synodus.

Nobili boni Pontificis encomio:

*Nam nulla opera laudari verè potest, nisi peracta.*

*Ridenda Pontificum sollicitudo,*

*Quæ ultra pia desideria non procedit.*

*Voluntas hic efficax elogium meretur, non velleitas.*

*Bene velle, quivis potest, facere nonnisi egregius novit.*

Non potuit tanta merita coronare tellus,

Ideo præmiauit cælum MACIEIOVIO ad se vocato.

Anno Dni M DCVIII superis illatus, vitæ suæ LX.

Non enia Poëti tantum Tauri, sed & MACIEIOVIANI Bovis est,

In Sydera referri.

**BERNARDO MACIEIOVIO.**

**O D E LII.**

**F**ORTUNA quamvis se mihi subtrahet,

Non temno Diuani quærere transfugam;

Redibit & semel negatus

Rursus honor numerosiore

Censu locuples. Sic Tibi Littaua

**BERNARDE** quondam Terra negauerat


SS3

Vilna

*Vilna tiaram, cum ampliore*  
*Sarmaticus Cratus ornat ostro,*  
*Cum Cardinali murice non leues*  
*Donantur armi, Gnesnaq; propriam*  
*Admisit in sedem, suumq;*  
*Primæ aquilæ tribuere nidum,*  
*Vix nempe duos ducere spiritus*  
*Fortuna nouit, dum uidet indolem*  
*Virtutis hæredem; probatq;*  
*Eximias si aliquando mentes*  
*Suspendit aut spes; protinus erigit*  
*In amplioris culmina gratiæ*  
*Dignamq; celsiore sede*  
*Frontem ubi habet, diuturna nunquã*  
*Per uota torquet. Criminibus nocet*  
*Quæ sita tantum purpura, nec bene*  
*Per illa speratur, modestus*  
*Quæ potius solidatur actus.*  
*Tu sed Coronæ, tu sed adores*  
*BERNARDE frontem porrige, dum è domo*  
*Non mittis ullum, qui leuatiæ*  
*Non capiat monumenta per Te*  
*Aperta sortis. Qui MACIEIOVII*  
*Non noscat illam sæpius indolem,*  
*Vt vel sibi deesse malit,*  
*Quam miseræ haud meminisse plebis.*  
*Sic liberalis qui proprie & pie*  
*Est liberalis spiritus; & modum*  
*Non nouit, & non feruat artem,*  
*Sed tribuit quoties egenæ*



Tantum precatur pauperies; suæ  
 Demitq; pompæ, dummodo .. alterum  
 Profundat; & carere prompto  
 Nunquam inopes patiatur auro  
 Secus dolendum, si nisi commodis  
 Nostris studemus, si his opibur, **DEVS**  
 Quas credidit nobis, abusi  
 Vt stomachum satiemus ipsum  
 Immensa mensis fercula ponimus  
 Et plena Baccho pocula iam satur  
 Quæ nauseet venter. vel ipse  
 Quem toties tumor imperavit  
 Furorq; noster, si nisi inutili  
 Turgemus in luxu, & veluti noui  
 Rursus resurgimus Thraſones,  
 Vel tumidos adhibendo currus,  
 Soluta multus vel nisi millibus  
 Carpenta, largo queis micet aureus  
 Et axu & temo metallo,  
 Quæue trabant tumidi caballi.  
 Et nescientes viuimus interim  
 Fortuna tempus quod satus ad breue  
 Concessa non donata nobis,  
 Nostri adeo nequit esse iuru.  
 Quidquid profusè pendimus, omnium  
 Reddenda nobis est ratio: malè  
 Si pendimus, cuncta ista magnus  
 Creditor ille **DEVS** requirere.



## PETRVS TILICKI.



PETRO TILICCIO nō processerat vltra natalis felicitas,

Nisi quod non è plebeio sanguine in lucem prodijt.

Nullis Majorum honoribus clarus

Fortunam non debuit, nisi sibi.

At superat omnem natalium splendorem,

Qui cum aliena merita numerare non potest, facit sua.

Absq; Minoribus vera est nobilitas.

Maximos dare potest & humana genesis.

Sine Ioue Parente Achilles erunt.

Qui enim imagines tantum exponunt in atrio,

Noti magis sunt, quam nobiles.

Inquinatur facile gloria, qua in solo haeret fumo.

Magnificientia omnis à virtute non ab origine.

Rerum inopiâ pressus Cracouiæ in pauperum contubernio

Literis operam dedit

Alle-

Alleuiatâ per eruditionem molestiâ inopiæ sarcinâ, 329  
Ad MyscoviVM primò, deinde ad ZAMOYSCIVM se contulit.

Ibi juris ostendit peritiâ,  
Cujus studia ne primis labris in scholis attigerat.  
Philosophus & Theologus maximus visus,  
Estò Aristotelem vel THOMAM è pulpito non audisset,  
Cuncta hæc priuato assecutus labore.

*Per alias prodigia absq̃ ductore eruditio;  
Non ita propitiae sunt scientiae, ut ultro se insinuent.  
In sublimi habitant, ad illas est nitendum.*

*Per abrupta montium luctari debet,  
Quisquis ad veræ doctrinae culmen peruenire desiderat.  
Per discrimina rerum tenditur in Latium.*

Inter Canonicos Cracouienses adnumeratus,  
Nomen priusquam quæsiuit, inuenit.

Descendit ad Aulam Fama,  
Et quantus è TILICCIO Ciuis parabatur Patriæ,  
STEPHANO BATTOREO nunciauit.  
Nec semper leuis rumor illa est, aliquando & oraculum:  
Probata STEPHANO primò, & deinde SIGISMÛDO TILICCIJ indoles  
De Regiâ plenior abiit.

Regni Procancellarius, & Culmensis Episcopus simul,  
Dubium reliquit,

Maiornè fuerit fascium splendore, an Regnantis iudicio.

Si illius virtutes ante Infulam hanc inspexisses,

Nomine duntaxat ornatus est.

Senator erat, cum non erat;

Hoc ipso purpuram jam indutus quod illâ dignus viueret.

E Culmeni Varmienfis Antistes

Tt

Regni



Regni nihilominus Sigillum retinuit.

Præter instituta id Maiorū quidē, sed tamē de Ordinū cōsensu.

*Lex enim tam strictus carcer non est, ut egredi ex illo nunquam liceat.*

*Nec tam fortis catena, ut rumpi non possit.*

*Maxime ubi ipsi dispensant, qui condidit.*

*Nec id pro libitu suo, vel insolentia.*

*Sed pro rei exigentia, quæ est supra omnes leges.*

*DEI tantum decreta immutabilia, non hominum.*

*Non eadem semper temporum est ratio.*

*Necessitas subinde his indiget, quæ ante excludi expedierat.*

Ita dispensante lege TILICCIUS p̄ nes Varmien: Insulā Regni Minister

Dum diceret; ipsa p̄nē Musa dixisse visa:

Dum iudicaret, iudicasse ipsa Themis.

Et miraculum sanē fuit

In hoc munere invidiam non incurrisse.

Sæpius apud alios Signatorix Aquilæ pennis pro trochilo,

Adhæsit odiū.

Nec tam duræ sunt sigilli hujus ceræ,

Vt in illis maleuolentiæ vestigia nequeant imprimi.

Retulit tamen hanc palmam TILICCIUS,

Quia in pleno inuidiæ officio hominibus non displicuit.

Et quod magis portentis annumerandum,

Placuit DEO.

*Dilemma hoc raro admodum humani fasces effugiunt:*

*In Magistratu aut hominibus places, aut DEO;*

*Si hominibus, non iam DEO;*

*Si DEO, non amplius hominibus.*

*Vtrūq; tamen placere, p̄nē supra humanas est vires,*

*Quia ut unūq; non minus gloriosum, quàm difficile.*

Secundæ SIGISMUNDI Consorti CONSTANTIÆ imposuit Coronā.

PETRI enim est regnaturis diademata dare.

Gracouensibus inde Insulis auctus,

Pares

Pares Pontificio muneri & tantæ Purpuræ mores induit. 331

Aras & templa aut instaurauit, aut noua instituit.

Nosocomia ubique prouidit,

Et hoc erat cum Apostolo dicere,

*Fratres debitores sumus.*

Cùm alibi liberalis fuerit,

In re quoque literaria esse non desijt.

In Academia Cracou: publicū Oratorē largo stipendio instituit.

Nempe de iuuentute nemo meretur melius,

*Quam qui doctori subministrat vires.*

*Ab arbore fructum qui exigit, radicem fouet.*

*Quanti aestimantur literæ, stipendium Professoris indicat.*

In castigandis delinquentibus

Iudici Patrem, Patri Iudicem miscuit;

Vt discerent alij,

*Ignoscere homini qui peccauit, ne peccet, pulcherrimum esse.*

*Nemo verò melius ignoscit,*

*Quam qui seueritatem moderatione temperat.*

*Clementiæ rigori mixta laudem omnis antiquitas extulit.*

*Omnes posteritas efferebat*

*Sole nihil illustrius:*

*Ille idem tamen, aut tam vehemens iubar est, ut oculos perstringat & hebescet,*

*Aut tam suaue lumen, ut trahit ac recreet,*

Mortalitatis ad extremum non immemor,

Nec viuere recusans, nec mori timens:

Viuus adhuc monumentum sibi extruxit.

*Percipit sapientiam, si quis tam securè moritur, quam nascitur.*

Nec alium ex hac vita ductorem nactus

Quàm CHRISTVM Crucifixum:

In cuius pijs osculis totus

Ipso Diuæ MARGARITÆ exspirauit Præsulum gemma.

Et quidem in ipso solis exortu.

Illustrē nempe virtutibus animā illustris quoq; comitari voluit Planeta.

*Cum in tenebris ille nisi desinit, qui lucem in vita non nouit.*

*Conspicua virtutibus mens, ignium lucisq; domum desiderat.*

Deductus verò in cælum TILICCIUS

Anno solis æterni in carne humana conspicui M. DC. XVI.

Ætatis suæ LXXIII.

## PETRO TILICCIO.

O D E LIII.

**A**ccuso Matres, imò & eos quoq;  
Accuso Patres, qui propriā nimis  
E prole sæpius superbi

Decipiunt sua vota vanis  
Subinde spebus: dum quoties no-vus  
Est natus infans, protinus augures  
Vouere nonerunt Parentes,

Hic quòd Auos, Abauos quòd amplis  
Ostendet actus ille: quod unicus  
Hic natus hæres, qui similis Patri  
Ad pulchra maiorum trophæa  
Ipse suos quoq; finget annos.

Quòd post iuuentam non minor Hercule  
Labore famam quærèt, & ausibus  
Se tollet in cælum, suaq;

Pulchra dabit documenta dextræ  
Bellator olim: quando vel hostium  
Per terga strictum ducet acinacem,

Timen-



*Timendus aut hastâ sub ipsum  
Cor, tragicam dabit ire mortem.*

*O! quota non est & modò Nereus,  
Quæ enixa prolem, protinus impigrum  
Supponit imprudens Achillem,  
Qui proprios, vel in hoste fuso*

*Consumat annos: funera Dardaniæ  
Vel mæsta Troiæ de teneris adhuc  
Cunis minatur, & superbo  
Palladio paret impotentes*

*Acerbus iras, nec nisi se pyram  
Ostendat aut ignem. Interea puer  
Lactatur in sinu nutricum,  
Et studio minus expedito,*

*Curâq; Matris deperientibus  
Fouetur vulnis; mox ubi creuerit,  
Immane monstrum est, aut paternis  
Progenies inimica votis,*

*Et qui Tyranni fundere sanguinem  
Debebat hostis; fundit, at aureis  
Falerna de scyphis, nec unquam  
Bella gerit melius, bibacis*

*Quàm ad vitra mense. Qui validis erat  
Timendus hastis, in manibus gerit  
Vix ferrum; hic unquam quicq; summas  
Innumerus Patriæ incurules*

*Matruq; votis ibat; in abditis*  
*Dehiscit antru, ac opibus malè*  
*Abusus belluo paratus*  
*Sæpe suum in cyathis Parentem*  
*Matremq; sorbet, sorbet & inclitas*  
*Honoru arces, nec nisi funera*  
*Propinat afflicto Parenti,*  
*Matri & Aus sceleratus hæres.*  
*Iam verò quanto pulchrius indoles*  
*Illæ relucet, quæ nimium Patris*  
*Matruq; non norunt amorem,*  
*Quæ nimis carere curis.*  
*Quantum nepotes hi melius micant*  
*Plerumq;, quorum rebus in arduis*  
*Lucina cunas deprehendit,*  
*Nec per Aus Proauosq; gaza*  
*Relicta multum fidere pertulit*  
*In congregatæ mole pecuniæ,*  
*Amica sed virtus virilem*  
*Pauperiem docuit subire.*  
*Et Tu TILICCI quàm tenui satius*  
*Sis Patre scimus; sed quia nobilis*  
*Mens facta virtutis satelles,*  
*Te facile insinuavit aulæ*  
*Cordi; Regum, Nec nocuit Tibi*  
*De Matre nasci paupere, cùm statim*  
*Ditescit adstringens egestas,*  
*Oeconomiæ si agit ipsa virtus,*

*Ihas per ampli compita Nominis,  
Regniq; Ceras nescius Icarî  
Lapsus in excelsum volabas,  
Quo reliqui nequiere, quamuis*

*Hinc inde magni copia sanguinis  
Et pleni multi gaza peculij  
Relicta per Matrem Patremq;  
Sæpe darent animos, suuq;*

*Turgere vellent vota Fauonijs.  
Nec ista famæ meta; sed ad Cracum  
Vsq; & si venisti Tiarâ, &  
Præsuleo redimitus ostro!*

*Sic semper errant, diuite qui nisi  
Fidunt in ortu: & pauperibus licet  
Ad magna subuolare cunis;  
Cum nitido neq; turpe soli est  
Si quando prodit de tenebris: nocet  
Nil concha geminæ; nec modicus quoq;  
Natalis obstat: absque magno  
Magnus homo sciet esse Patre!*







PER Diuos ad cælum, per Proceres itur ad Regiam.

Astris inferi vix aliquis potest,

Qui propitium non habeat Numen.

Et Ariadna per Bacchum, & Bacchus per Iouem

In polo habent locum:

Vix amplius est Hercules, qui sibi ipsi viam faciat.

Vt aurum splendeat, die & sole est opus:

Vt egregia indoles, ditiorum patrocínio.

MARTINVS SZYSZKOVIVS

Fauore SIGISMVNDI MYSZKOVII ad Luccoriensẽ eluctatus Insulã,

Orbi Polono illuxit.

*Magis semper apparet virtus, quoties est in publico,*

*Vt cumq; per se illustris, in theatro tamen illustrior.*

*Vt*

*Vt & margarita extra concham pulchrius nitet.*

337

*Segnescunt magna indoles, si scenam non habent;*

*Parumq; sepultæ inertia distat, celata virtus.*

Nactus ita theatrum, animum ostendit negotijs parem.

Alcidæ an sint; officiorum moles probat.

Cùm multi Athlantes crediti,

Nisi rerum usus pumiliones ostendisset.

Adduci interea debuerat Austriaca Iuno, Polono Ioui,

CONSTANTIA nimirum SIGISMVND O III.

Qui sponsam deduceret,

Paranymphus delectus SIGISMVNDVS MYSZKOWSKI.

Sed nec hic Hercules absque suo Theseo.

SZYSZKOVIO in Legationis Secretarium adscito,

E voto Principis omnia confecit.

Fuit, quod obstupesceret in SZYSZKOVIO Austria;

Et ut Legati pompam, ita illius ingenium admirata;

Non absq; hæsitatione, quem prius suspiceret.

*Plerumq; enim maiorem admirationem habet indoles, quàm aureus apparatus.*

*Et comitantium splendor non ita ornat, ut ingenij dotes.*

Vtriusq; tamē persuasissima tã dictio quã actio mouit Auditorē

Vt in Poloniæ limites

Non sponsa tantum sed & sponsæ Mater aduenerint.

Rarâ hâc felicitate,

Et nō ampliùs nisi semel per magnū illū ANDREAM OLSZOVIVM repetita,

Augustissimas etiam in Polonia hospitari.

Ncq; distulit postea præmia SIGISMVNDVS,

Pfocensem primò, Cracou: deinde Cathedram obtulit SZYSZKOVIO.

Qui ut in alios munificus semper, ita & in viros militares.

Non nescius quod ut herba nutriuntur imbre, alimento humana corpora,

*Sic Martiales animi Magnatum fauoribus.*

*Parata Regno felicitas, dum prompta bellatoribus præmia.*

*Nam audent omnes strenuè jacere, quando nemo frustra.*

V u

Ad

*Ad ignobile metallum languet bellica virtus ;  
 Si aurum obijcias, excitatur statim.*  
 In Cracouiensi tamen Infula ostendit maximè,  
 Quod esset MARTINVS  
 Populo verè necessarius.

Basilicæ chorū symphonîa, Diui Tutelarîs cineres mausolæo,  
 Canonîcorum Collegium auctioribus prouentibus,  
 Omnes beneficijs ditauit.

*Libera nimirum liberalitas est, & aliquid regum ;  
 Munifici famam meretur magis,  
 Qui pluribus, quàm qui plura largiuntur.  
 Congiarium nisi ad omnes deueniat ;  
 Largientis minuit famam.*

*Iniuria multorum est coactus in unum fauor.  
 Omnibus fuisse propitium, nullius est damnum.*

Nec in sterilem glebam benefica sementis incidit.  
 Mortui enim tã liberalis Pontificis imaginè, elogio adornatâ,  
 Conclauî suo Collegium intulit.

Ne obliuioni dari posset munificentia,  
 Munificus Præful præ oculis posuit.  
 Adeo non omnino sæculorum phænix est, gratitudo.

*Egregij animi  
 Reddunt prope beneficium, dum libenter debent.*  
 Viuus verò esse desijt anno à suo natali LXXVI  
 Post Christum natum M. DCXXX.

## MARTINO SZYSZKOVIO:

### O D E LIV.

**E***st cui vel unâ quærere nobilem  
 Virtute laudem sufficit ; est cui  
 Millena non quæruntur acta  
 Ad memoris noua regna famæ ;*

*Florere*



*Florere paucis si licet; est nimis.*

*Te maior urget spiritus ad novas*

*MARTINE SZYSZKOWI coronas,*

*Quando parum retulisse paucas*

*Virtute palmas; omnibus omnibus*

*Mens magna cingi gestit adorea,*

*Momenta dum quævis honestis*

*Instituis numerare gestis.*

*Ne cuncta dicam; malleus efferas*

*Tu versus iras, dum capitis minor*

*Furor triumphatus, Tuasq;*

*Edomitus stetit ante plantas.*

*Credetne quisquam? iam video novos*

*Nasci tumultus, castra domestico*

*Iam specto misceri furore,*

*Et tragicus dare vela rixis,*

*O! quos Erinnys non ibi contulit*

*Fatalis ignes? quæ nova Lechicum*

*Non movit Eumenis Gradium?*

*Dum dominæ refragatus aulæ*

*Confederatus miles in improbos*

*Exarsit æstus, & melioribus*

*Suasus reluctatus, Polonis*

*Ibat atrox populator agris.*

*Quis hic ferocis militis arduas*

*Pressisset iras? quis premeret Notos*

*Te præter? o! SZYSZKOVIANÆ*

*Gemma Domus, melior Tuorum*

*Scopusq; vatium, metaq;. Feruidam*

*Tu victor iram, Tu male concitas*

Mentes triumphator, calentes  
 Tu poteris domuisse biles.  
 Te militaris compositus minus  
 Auctore cessit feruor, ab astibus  
 Tibi ira cessit atq; victas  
 Turbo ferox dedit ille dextras.  
 Iam quæ ministri propria publici  
 Trophæa surgunt! Sarmatici fides  
 Quæ ac quanta Cuius. Te fatetur  
 Sollicitum Tua cura Patrem.  
 Vbi Senator Lechicus impigrum  
 Monstras Ailantem, Præsul ubi Tuos  
 Addis labores, tristiores  
 A patria remouendo casus.  
 Hanc inquieti si iubar æquoris  
 Parat marinus frangere fluctibus;  
 Subinde Tu periclitantem  
 Non pateris titubare puppim:  
 Sæu in voraci condita gurgite  
 Malea crudos excitet impetus;  
 Tu Castor eluctantem in ipsis  
 Hanc retines rediuius umbris.  
 Scit ipse Lechus, scit bene naufragam  
 Fuisse cymbam, quam tamen horridas  
 Inter laborantem charybdes  
 Magnanimo moderatus ausu  
 Es, unde magnos nectit adorea  
 Fortuna fasces, & Tibi nobilem  
 Reddit coronam, quâ triumphes  
 Perpetuos redimitus annos.



**L**IPSCIVM siue Lipsium dixeris; parùm differt:  
Par virisq; eruditio;

Nisi quod in ANDREA nostro illustriùs habita;  
Vbi in Purpura.

*Addit splendorem literis literatorum dignitas:*

*Nec illustriùs se collocari putant,*

*Quàm in natis ad fastigia capitibus.*

Hæretici Parentes hunc genuerunt;

Sed lactârunt Gratia, educârunt in sinu suo Musæ.

Adeò è nocte dies, è rudibus aurum,

E conchis margaritæ prodeunt.

Nil nocet soli, è tenebris prorupisse,

Postquam luci suæ restituitur.



Secutæ clientem suum Musæ, in ipsam vsq; Aulam.

Et hic erat primus ad Fortunam gradus.

Nouo prodigio; per literas insinuari Fortunæ,

Quas potissime illa nauscat.

*In iugurijs eruditionem citius inuenias,*

*Quàm in diuitum palatij.*

*Despicatui haberi cepit omnis literatura,*

*Postquam diuitiæ placuerunt.*

Reginæ inprimis CONSTANTIÆ Cancellarius,

SIGISMUNDI postea III Secretarius,

Gentilitium suum Rastrum Regali adhibuit Manipulo.

Nec timeri debuit obsequiorum sterilitas,

Vbi is ipse Grabita fuit diligens operarius.

Patuitq; statim exulta indoles;

Dùm digna visa, quæ ad MATHIAM Imperatorem,

Et Imperij Comitia, legatione fungeretur.

*Prodest externis inuotescere, vbi verior censura.*

*Non difficilis in patria fauor, extra acrius iudicium;*

*Vbi non metus, vel gratia, obnoxium facit.*

*Imò censeri domi superbia nostra non sustinat;*

*Ab extraneis etiamsi noluerit, debebit.*

Exercuit tribunal de LIPSCIO Imperiale Comitium;

Nec tam iudicio sensum suum absoluit, quàm elogio.

SIGISMUNDVS verò lauream reduci dedit,

Dum Luceoriensem Mitram.

*Et famam, & rebus suis incrementum addit Princeps;*

*Si tantum desert, quantum boni Cuius merentur obsequia;*

*Egregij Regis gloria est, non neglectus fidus Minister.*

Festâ interim Polonis armis Moschua,

VLADISLAVM SIGISMUNDI III Filium in Ducem suum expetijt.

Sed tamdiu electo Principi fida, quamdiu strepebant arma.

Vbi tantisper quieuit Mars, etiam illa ad genium redijt.

Quare

Quarè per cæsa rebellium capita ascendi debuerat : 343  
Non quòd VLADISLAV ea Moschici sanguinis cupiditas ;

Sed quòd ludificans toties populus  
Aliter in obsequium redigi non potuit.

*Vbi nihil proficit ratio ,*

*Vtiliter in illius subsidium pena venit :*

*Et in isto quòq; negotio sapissimè initium sapientie, si nor.*

Visumq; è re VLADISLAV, si Moschicæ ipse immineret.

Arcanum optimum comprimendi seditiosos , præsentis Principis.

Cum sole multum habet Mæstas quævis :

Vix se ostenderit, fugiunt nubes.

Reuerentiam sui præsens imperat ;

Quam absens non tam facile impetrat.

Datus itineris comes LIPSCIVS ;

Ornari celum natura interest non solo sole, sed & Sydeibus ;

Regna, & Prouincias.

Non maiestate tantum Principis, sed & minorum assistentia :

Ibi vehementior, quam sanctiorem togam deceret.

AKOBIERZYCCIO notatus :

Sed exandescentiam hanc excussit negotiorum varietas.

*In grandium rerum negotijs*

*Plerisq; mortalibus vultus, veluti quidam venti sunt.*

*Subitas nubes facile coeunt, & tempestatem minantur.*

*Ex sulphure creatas animas tunc dixeris,*

*Quia facile accendantur.*

Idque Magnatum maximè infortunium,

Vt multis curis obrui debeant.

Iam ; si vehementius aliquid agunt, etiam furoris notari.

Cum tamen promiscua sit omnibus impatientia :

Nisi quòd in maioribus fastigijs magis censura patet.

Vile virum ostenderet in plebeis etiam rabiem suam ;

Si maiorem haberet potentiam.

Sed debilitas armorum ibi communiter modestiam docet.

Non maiora semper palatiorum sunt crimina, quam in palatium.

Nihilominus tacentur hæc ; quia in obscuro posita :

Ille

*Illā notantur; quia in conspicuo.*

Melior æstimator SIGISMUNDVS;

Qui præter Regni ceras Vladislauienſe quoq; Infulā, contulit;

Illuſtris hæc LIPSCIVS;

Sed paulò poſt guſtatum honorem nauſeavit:

Certus deponere dignitatis ſarcinam,

Quæ tantoperè lacertos premeret.

Nimirum:

*Licet dulce; arduum tamen eſt; eminendi onus.*

*Nullus in Infula inueſtitur vnio, qui ſudor non ſit.*

*Oſio priuatus vritur;*

*Mille negotia vrgent Præſulibus caput.*

*Vt calum ſuas nubes habet; ita & Pontificum felicitas:*

*Montes excelsi eò magis fulminibus patent, quò propius accedunt.*

*Creditur in faſtigiis his communiter beatitudo;*

*Interim, ubi ſinceſus laruam deponis, inſignis eſt miſeria:*

*Sol cum maximè ſerenus eſt; vrit.*

*Habet ſuum fumum & flamma.*

*Non hyems tantum; ſed & æſtas tempeſtates ſentit.*

Obſtitit tamen Vaticanus apex LIPSCIO:

Dum aſſumptam ſemel vineam excolere iuſſit.

*Inutile ratus, in ſolitaria ſanctitate ſeneſcere,*

*Vbi melius ſecunda exemplorum virtus ad bonum ducit.*

*Nec ſemper cedit in laudem, ſi priuatim bene viuitt;*

*Pulchrius aliquando ſe commendat faſtis,*

*Qui in eo gloriam ponit, vt bene præſit*

Ita firmatus LIPSCIVS.

Suſtinuit Pontificiā ſolicitudinē, qui ſolitudinē Suleuouiſe appetierat

Cracouiſi poſtea ornatus pedo,

Cum auito Raſtro non terram coluit, ſed DEVM.

Quotidie flexo poplite debitum eidem cenſum perſoluens,

Numinis reuerentiam non verbo ſuaſit, ſed exemplo.

Virum ſe præterea, quia ANDREAM eſſe ſciens,

Dum



Dum ferro non potuit, pugnavit auro;

345

Decem millia florenorum locans:

E quorū censu aliquot captivi à servitute Tartarica redimerētur

Bonus Pontifex curavit sic salutem animarum;

Vt non negligeret corporum.

Solicite annitens,

Ne post Paulinum Nolanum desideraret in eo aliquid Ecclesia.

In suos parcus, liberalis tamen in Cælites,

Postquam Vladislavie Cænobium & Chotecenſe Præpositurā crexit,

Apertè monstrans se plura Cælitibus debere, quàm suis.

Nec tutelaris ANDRÆÆ immemor,

Quem argenteâ statuâ veneratus, honoravit nomen, quod portavit.

Id in LIPSCIO illustrissimum:

Quod quis esset, ostendit scriptis.

Parum siquidem est præstanti ingenio nasci;

Si nihil est aliud; quàm aptum habere ingenium,

Nec illud testari literis.

Ignavia rerum facit negligentia calami.

Pulcherrimum est impendere operam scriptioni,

Quæ auctorem suum nunquàm non loquetur.

Nam tantum quisq; post fata eminet,

Quantum pro ipso proprii ingenij perorat labor.

Tacent de mortuo homines, vocem inveniunt libri.

Vnde

Vt fileantur SIGISMUNDI gesta à LIPSCIO scripta,

Quæstionū Decas & Iuris Civilis Centuriæ virū testantur.

Hoc erat

Post tot tandem sæcula Astræam cælo deducere,

Et profligare dominantem nimium litem:

Herculemq; se ostendere aduersus illa monstra,

Quibus iudicia nostra passim laborant;

In discordiam vsurpatis legibus.

Simulq; monstrare;

Xx

Malg

*Malè iisdem altariis coli pecuniam, quibus & Themidem.*

Honoratus postea à SIGISMUNDO Gnesnensibus Aquilis;

Sed optimi Principis iudicio contentus,

Cùm tanta meruerit, mereri elegit, quàm accipere.

Primas esse poterat;

Nisi, non ambire, maluisset, quàm destinari.

Dignus tanto subsellio, quia recusauit.

*Nec enim semper gloria est, premiaturum esse, sed & premiabilem.*

*Et ille maxime meretur fastigium,*

*Qui dignus decernitur, nec accipit.*

Sic, quòd ad Primatiale apicem vocaretur, Præsulibus alijs maior fuit.

Quòd eandem reiecerit; se ipso.

Vocauit eum tamen cælum ad suam Tiaram,

Cujus maiore quàm Gnesnensis desiderio feruens,

Cracouiensem etiam deposuit

Anno natì in carne humana DEI. M DCXXXI. vitæ suæ LIX.

## ANDRÆ LIPSCIO.

### O D E IV.

*Quàm sæpè noster non benè iudicat*

*Affectus eheu! quàm populi malè*

*Vulgiq; sensus augurantur,*

*Dum tam avidis oculis videre,*

*Quæ recta nolunt: quæ mala; perspicax*

*Omnino lynx est quilibet, & statim*

*Censor paratus. LIPSCIANÆ*

*Non deerant aliquando famæ*

*Momenta magni Nominis; & tamen*

*Quàm sæpè multis hic furiosior*

*Quàm*

*Asperq; dictus, sanctiorem*

*Quam trabeam atq; pedum deceret.*

*Quam multa vulgi vulnera nobilem*

*Scidere mentem! quam calamis quoq;*

*Censura concessit maligna,*

*Et pupugit grauiora torui*

*Ostenta vultus; cum tamen hunc sibi*

*Fortuna vultum fortè poposcerat;*

*Nec toruitas fuit, sed amplæ*

*Pondus erat grauitasq; sortis.*

*Qui nouit illum; rectius intima*

*Vidisset eius, quam pietas huic*

*Vbiq; adhæserat satellites,*

*Quam dederat sua pensa semper*

*Exacta virtus, quam procul ambitus*

*Exesse visus! cedere purpura*

*Quando ultro Vladislauensi*

*Proposuit, nisi Vaticana*

*Iussa obstitissent. Iamq;, vices boni,*

*Quæ fama, Cuius reddere, & omnibus*

*Præstare se dignum ministrum*

*Officijs, quoties vel aulæ*

*Vel magna poscunt munera Patriæ.*

*Dum per superbæ littora Moscua*

*Non sat VLADISLAO adfuisse.*

*Consilijs quoq; ni iuuaret*

*Magnumq; bellis adderet horridis*

*Momentum, & ipsa proderet indole,*

*Quod & togæ possint quietæ*

*Belligeras animare turmas.*



Iam quanta laudis pars, calamo quoq;  
 Orbi præbari, ac ingenij nouas  
 Labore demonstrare merces,  
 Dum quis erat, satis eruditis  
 Scriptis probauit, quæ manibus terit  
 Hucusq; mundus Sarmaticus, scholæ  
 Gaudentq; LIPSCIVM Grabitam  
 Egregios generasse partus.  
 Erit futuris materies erit  
 Immensa scôlus, tam bene LIPSCIVS  
 Ciuisq; scriptorisq; partes  
 Implet ubi, Lechiaq; monstrat,  
 Quis sit senator. Non gladij stylus  
 Solus triumphos auget, & ingenij  
 Conceptus est, & pennæ acumen,  
 Quæ tumidos aliquando vindex  
 Profligat hostes. Vulnera, quæ mucro  
 Fert; alleuantur: jam calamus suum  
 Infigat ictum; quàm cicatrix  
 Nulla dari poterit, cruentum  
 Quæ vulnus obducat. Bene; paginæ  
 Si tela sumunt; Lechia si virus  
 Elucet illis, quos atrox haud  
 Continuo trahit inquieta  
 In bella Mauors; sed quoq; sepia;  
 Sed eruditæ scriptio dexteræ  
 Arridet, ac ultrice penna  
 In medios iubet ire campos.



IOANNES ALBERTVS  
PRINCEPS & CARDINALIS.

342



**E** Serenissimæ consanguinitatis arbore furculus hic prodijt,  
Quia & Gustauorum insertus Manipulo,  
Et Austriacorum innexus Fasci.  
Pulchra sanguinis linea ab vtrisq; his augustalibus :  
Cum Phœnicis altera raritas sit, inter regales nidulari Purpuras:  
Et non quemuis illustrent ejusmodi ceræ,  
Vt à gemina serenitatis maiestate accendantur.  
Indoles ALBERTO, quæ tantas deceret Prosapias:  
Hæres ac æmulus virtutis Maiorum  
Solus illustrem Domum fecisset, si accepisset gloriæ sterilem.  
At Gustauorum, Iagelōnum, & Austriacorum sanguis;  
Quo nihil in orbe sublimius.

X x i

A SIGL

A SIGISMUNDO Patre, Varmienſi ;

A VLADISLAWO Fratre Cracouiienſi ;

Ab VRBANO VIII Cardinalitiâ Purpurâ donatus ;

Dum viſitato Præſulibus ritu Cathedram ſuam ingreditur,

Intra paucos poſt dies pompam aliam duxit,

Per VLADISLAWM IV. impoſito capiti bireto.

*Ita ſolitaria non eſt felicitas in Principum atrijs :*

*Pompam ex pompa trahit, ubi ſemel intrauit Regiam.*

Quaſi ſereniſſimo ſanguini

Non prius ad ſolem,quàm ad purpuras naſci expediat ;

Nec ſciat alia honoris feſta,quàm primæ claſſis.

At ſuperbè nimis de Principibus ſentiunt,

Qui fata quoq; nihil in eos poſſe exiſtimant.

*Humanarum rerum ſtylus eſt, læta triſtibus finire :*

Maximè inter Principes

Cum quibus quantò Fortuna indulgentiùs agit ;

Tantò grauioreſ poſtea indulgentiæ ſuæ pœnas repetit.

Dum orbem exterum luſtrat ALBERTVS ;

In latrocinia mortis incidit,

Ne ſanitatſ quidem fede, Patauio, vitam iuuante ;

Documento poſteris ;

*Quid non omnibus, & maximè Regum Filius neceſſariâ peregrinatio.*

*Principum ſcholam quiquiſ illam dixit ; malè dixit :*

*Calamitas eſt ; & malorum pberima ſeges.*

Quorſum enim foris exercentur indoles,

Si domi quoq; theatrum eſſe poteſt.

Scaldiſ & Tiberiſ fruſtra enauigantur,

Cum patrius Iſtula pari quoq; gloriæ ductu fluere ſufficit.

Patrimonium ita domeſticum decoquitur,

Quod meliùs domi ſeruari potuiſſet.

Minuit Regiæ famam, extra quærere inſtrui ;

Cum ipſa, ſibi orbis eſſe debet.

Penu-



Penuriæ argumentum, si doceri non possumus nisi alibi. 351

At peregrinationum eiusmodi vitium est,

Quod & damnabimus semper, & semper seruabimus.

Funus ALBERTI per ANDREAM SZOLDRSCIVM deportatū Crac:

Cineres Regum sepulchro illati,

Anno Regis Regum M.DCXXXIV IOANNIS nonnisi XXII.

Citiùs si cursum hunc finiuit,

Quid nisi miseriæ humanæ fecit compendium?

*Anima corpus sarcina est; sumitur, ut ponatur.*

*Idq; domi vel peregrè contingat, nihil attinet.*

*Alienū est as vivere, quod putamus nostrum.*

*Quod debemus; solvimus.*

*Fanerator ubi deprehendit, ibi apellat:*

*Nascentium ordinem Parca non attendit.*

## IOANNI ALBERTO

### O D E LVI.

**V**El tango cælos, vel medias vagus

*Hucusq; mundi circumæa plagas,*

ALBERTE dum ceras IOANNES

Tango Tuas, Lechicisq; campis,

Sis unde, narro. Serpere debeat

Regumne sanguis per tacitas humi

Obscurus umbras, quem Coronæ,

Adbuc ab Aus Abauisq; gesta

Quem sceptrā stipant. Quantus hic orbis est,

Et Christiani quanta poli plaga,

Quantumq; non Europa tantum, at

Americæ Asæq; Regna,

Et ampla quantum extenditur Africa;

Tantum IOANNIS sanguis in obusos

Excurrit

*Excurrit Orbes, & Coronis*

*Et dominis memoranda sceptris  
Trophæa profert. Austriacos vide;*

*Hi magna demùm nomina quò ferunt?*

*Leoq; Suecorum, vetuq;*

*Vandalicus Gothicusq; sanguis*

*Quondam triumphis totius inclutus*

*Orbis, Latinus cùm Tiberis quoq;*

*Se stravit, & Romam sub ipsas*

*Flens gemuit cecidisse plantas.*

*Et illa Lechis per duo sæcula*

*Propago regnatix Iagelonidum:*

*Natalis hùc simul IOANNIS*

*Fama venit, trabeuq; solùm*

*Thronisq; fulgens non popularibus*

*Incedit ausis. Diuite quò Tagus*

*Excurrit Hispanus metallo,*

*Quò meat Oceanus profundis*

*Immensus undis; hìc Abauos habet*

*Auosq; magnæ Matris: & algidis*

*Quò Rhenus exundat fluentis;*

*Hìc Genitrix, Amitæ, & Sorores,*

*Affinitas hic tota; nec ultimæ*

*De fece plebis, sed diademate*

*Thoruq; Cæsarum corusca,*

*Et varijs dominata Regnis.*

*In orbe nil est, quod simul in Tuum*

*Non intret ortum magne Craci decor*

*ALBERTE, Principumq; proles,*

*Magna Patris soboles SIMVNDI*

IACO.



**I**Vuenis adhuc, & iam maximis quibusque pars  
 Honores ante adiit, quam ætas illa sperare posset.  
 Promotione Bobolæ Regni Succamerarij,  
 Supremus Secretarius,

Ostendit;

*Quod merita ad fasces viam præscribunt, non anni.  
 Nisi horum manuductio adfuerit; ipsa etiam aberrat canities.*

*Inturiam non facit senectuti negatus honor,*

*Si capeffendo illi potior est iuuentus.*

*Vt cunctis deliberet diu Fortuna;*

*Deliberantis pigritiam non patitur virtus.*

*In sene siue in iuvene fuerit; semper illa fastigiis par,*

Episcopus Culmenis & Regni Cancellarius,

Grauiissimis statim Reipublicæ admotus negotijs.

*Nati enim ad magnas res animi, nauibus sunt similes;*

Y i

Nov



*Non feruntur liberè, nisi è portu in altum veniant.*

*Amplius vela explicant;*

*Quò profuniores & feruentiores sunt curæ.*

Porro bellatum est Polono cum Succis.  
Armorum non alia causa, nisi regnandi ambitio.

CAROLVS Sudermaniæ Princeps,  
Dum vicariam SIGISMUNDI III in Suecia iurisdictionē exercet,  
Dominandi accensus libidine Regno SIGISMUNDVM spoliatur.  
Debebat in iuris subsidium vocari ensis:

*Innato Purpuris malo, ut sanguine magis rubeant, quam murice.*

*Vbi victor SIGISMUNDVS noster:*

*Sed dum in Leone nihil vulpinum existimat;*

CAROLO reconciliatus suo malo.

*Frustra mulcetur anctus naturā suā lubricus:*

*Sibilabit semper; quousq; caput non obtinueris.*

*Plures reconciliatio, quam professu nō diu perdidit.*

Resumptā dominandi cupidine CAROLVS arma repetijt.

Aucta Suecorum conspiratio, Polonia bellis inuoluta.

Adeo pessimum semper incendium, quod è cineribus recrudescit:

*Quod ut vides sumat; residet.*

Satisque diu Regna hæc Mars miscuit,

Donec utrisq; angusta mens subiit, ut arma poneret.

*Gloria hæc Principum, si ferrum tractant ut hiænes:*

*Paludamenti minuit semper, si vnicam chlamydem spirat:*

*Malè splendet Purpura; si solo sagò tegitur.*

Et tanto tamē bellorum æstu tam facilis quies sperari non potuit;

Ut & è collis missisque nimium inter se nubibus

Non statim serenitas.

Donec ZADZICII Delegatorum Principis operâ

Pulcherrima tandem bellorum filia nata est, Pax.

Si alicubi; tunc temporis gentilitium suum Korab,

Ostendit fæderis arcam.

Verè filius tonitruui, dum bella comescuit.

Præmi.

Præmiata tanta dexteritas Cracouiensibus Infulis: 355

Sed galeam ille sumpsisse se ratus, non Infulam,

Arianis Racouiæ Scholis indixit bellum.

Nec animosior vllus Hercules aduersus hanc Hydram,

Quod nequierant alij, ille fecit.

In tanto labyrintho nouus Theseus,

Minotaurum vicit,

Authoritate Pontificiâ vsus; pro Ariadna.

Scholas clausit, quas Ariana aperuerat impietas.

Illis deinde intendere voluit operibus;

Quæ aut Cælitum decori, aut pauperum prouiderent inopiæ.

Seminarium Hierosolymitanum collapsum prouentibus auxit,

Non ignarus ex eiusmodi semine pulcherrimos prouenire fructus.

Tantumq; famæ suæ addidit, quantum in hos liberalitati indulsit.

Augendo CANTij honori triginta florenorum consecrauit millia;

Et hoc erat sanctitati CANTij subscribere.

Propinquis æquè ac alienis mirum in modum additus,

Multos in exteris nationibus, proprijs fœvit sumptibus.

Nunquam magis eisdem præsens, quam dùm sic abesset.

Curias complures & Palatia in prædijs Episcopalibus extruxit,

Et quidem Varsoviæ basilica duo opera.

Nimirum:

*Pulchrum, si ex testis subindè & palatio agnoscitur,*

*Quàm distat à Principe Cuius, à Clerico Pontifex.*

*Etiâ fortune est, benè habitare.*

Multa præterea præclara egit:

Non paginis digna sed voluminibus.

Tot ac tantarû impensarû tamen fructû habere noluit in terris,

Ceniorè in cælis contentus,

Gentilitiam nauim ad portum æternitatis appellens

Præfse & esse desijt.

Anno ætatis suæ LX. Christi MDCXLII.

Y 12

IACOBO

## IACOBO ZADZIK.

O D E LVII.

Ignosce, si non dixero pro Tuo  
 Sensu Piaſecchi. Nil iuueni nocet  
 Honoris ingressus IACOBO,  
 Nec Bobolæ est manifestus error;  
 Quod flexit Aulam, promeret ut suos  
 In hunc fauores. sæcula non opus  
 Et longa temporum theatra  
 Ut nunteret, petit ampliores  
 Quicunq; fasces: Proferat indolem,  
 Quæ sit decorus digna curulibus,  
 Et sat senex est, fascibusq;  
 Ille pares numerabit annos.  
 Tam vilis haud est pulcher honor; suos  
 Ad vota tardi temporis ut nisi  
 Dispenset e manu fauores,  
 Auxilium valeatq; solum.  
 Quod dat senectus, vel numerosior  
 Aetatis ordo. Pro arbitrio magis  
 Virtutis est honor, nec ullus  
 Pulchrior e trabes, labore  
 Quàm partus ipso; quàm meritis nisi  
 Culmen prehensum. Si unica temporis  
 Hic urna disponit; Coronas  
 Tam vetulæ retinere quercus,  
 Quàm sceptrâ possunt & diademata  
 Gestare cornu: secula siquidem  
 Pro his tota, quæ viuunt, percrant,  
 Et series numerosa vitæ,

Negata



*Negata nobis. Nil trabeæ interest,  
 Quot cinctus annis veneris ; at magis  
 Hos quomodo egisti : morari  
 Nempè solet misere, per omnes  
 Qui viuit annos fegnis, & indolem  
 Non monstrat actis : viuit ; in omnibus  
 Qui, quod viri est, agit ; nec vnquam  
 Vel minimâ sterilefcit horâ.*

*Vtquq; primâ ZADZICIVS tum adbac  
 Florens iuuentâ venit in intimos*

*Illustris Aularum fauores,*

*Et retulit, monumenta magnæ  
 Virtutis, amplum munus ; inutilis  
 Nil est quod ingens inuidiæ dolor  
 Accuset aut lior : quod ætas*


*Non habuit, dedit ipsa virtus  
 Probata posthac : Regni Aquilas ubi  
 Culmæq; mitram gesserat haud leuis  
 Honoris actor, & Cracæam*

*Indueret quoq; qui Tiaram,  
 Cunctis probatus. Cui Lechicus simul  
 Debebat Orbis, pax quod abeneis*

*Soluta bellorum procellis  
 Facta redux, postq; ferro  
 Tam noster Ales, quàm Leo Sueticus  
 Extinxit iram : nec sonuit tuba*

*Immane classicum, vel ultra  
 Signa suis coire signis.*





**G**EMBICCI dotes nisi æstimes;  
 In virtutem peccas, in Gratias, in Fortunam.  
 Patre IOANNE ID GEMBICE, Matre CATHARINA CIELECKA,  
 Magnorum Parentum maximum decus.  
 E Patruī disciplina in eum formatus Virum,  
 Qualem omnia sæcula optare possunt, pauca habere.  
 Apud SIGISMUNDVM III Aulæ rudimenta nactus,  
 Non tam gentilitiâ Fasciâ, quàm obsequijs Principē deuinxit.  
 Quo mortuo in VLADISLAVM deuoluta est Purpura;  
 Coronationis actus indictus Cracouiam,  
 Vbi inter Ciuium vota Capitulum quoq; non defuit,  
 GEMBICCIO VLADISLAVM salutante.  
 Placuit bellicoso Principi Orator,

Testi-

Testimonium multis

359

*Quia & Martem illicia Minervæ capiunt:*

*Qui & suada etiam habet aliquid, quod in ea bellatores adment.*

Adeoquē: profuit sic GEMBICCIO perorasse,

Nam statim in Supremum Regni Secretarium adlectus,  
Vt æternâ VLADISLAI laude, ita perenni multorū opprobrio;

*Qui tantum admirari, tantum laudare disertos;*

*Vt pueri Iunonis auem, norunt.*

*Vt promoveant vel munerent; procul habent.*

Nec tamen stetit hic GEMBICCII eloquentia.

Alibi quoq; Tullius ille, imò & Mercurius.

Ardebat mutuis bellis Germania,

Domesticâ hâc Christianis infelicitate,

Vt domi Martē foueant, qui extra pulchriores laureas neciteret.

*Quasi piaculum non sit,*

*Si innocens sanguis sititur, & parcitur nocenti:*

*Principumq; inuidiam non tangat,*

*Cometarum adinstar puras spargere*

*Regnis & populis fatales.*

Mouit zelus VLADISLAVM, quia pacem suasit,

Non quod Gradiui pullo otia saperent,

Sed quia in Bospororū potiùs aut Byzantiū arma vertēda cōsultuit

Quàm ut Rhenus aut Albis inter se miscerentur.

Destinatus mentis Regiæ interpres GEMBICCIUS,

Qui ad FERDINANDVM II. legatione functus,

Rediit plenus nominis & famæ.

*Commune magnis vñis, fatum est,*

*Alio seculo vivere, alio estimari.*

Nisi quod cum GEMBICCIO liberaliùs egit fama,

Vt simul eum experiretur, si nul orbi ostenderet Virum.

Sed qui togam aljs suasit VLADISLAVS; ipse sagum induit,

Patientiam irritante Moscho,

Qui



Qui tam diu fidei tenax, quam diu miser,

A morte SIGISMVNDI Smolenscum oppugnare cepit.  
Iuit in Draconem hunc cum Aquilis suis VLADISLAVS;  
Armatum fulminibus Iouem comitatus GEMBICCIVS.

*Phosphoros, nempe se, vel Hesperos existimant,*

*Quicunq; Regi seruiunt.*

*Non, procedit unquam Serenissimum iubar,*

*Nisi statim & Sydera hæc comitentur.*

Reducẽ inde VLADISLAVM triumphalis Poloniae plausus excepit,  
Procancellariatũs dignitas GEMBICCIVM.

Vt potẽ non diu debitorem vult agere Honor, meritis se protinus exsoluit.

*Parata sunt egregijs viis premia:*

*Virtutemq; vix aliquis possideat, statim Fortunam in censum habet.*

Austus deinde Præmissis, & post maiorem Regni gemã,  
Cracouiensibus Infulis.

In animo nihil mutauit, licet creuit dignitas.

Cæpit honores; nec intumuit.

Tanquam priuatus adhuc viueret; modestiam coluit.

Patriæ seruire pulcherrimum ratus est;

Vtquẽ seruiret, dedit operam.

Amiserat hæc jubar suum in VLADISLAO:

Ferale incendium passa, quod nurere, in Flauis Vndis.

Vbi tanquam & aquæ sitirent sanguinem,

Ad tragicas aquas pugnatum est.

Porrexit laboranti Regno brachia

IOANNES CASIMIRVS.

Qui dum ad Beresteciam Achillem agit,

Noua interea Hydra nascitur, Napierscius;

Timendum Reipublicæ monstrum!

Nisi tempestiuẽ in GEMBICCIO inuenisset Herculem.

Is venienti malo occurrendum existimans,

Missis

Missis cohortibus suis cæpit illam belluam.

361

Aliàs

*Incendium facile oriri potest, si in tempore non exstinguitur fomes.*

*Cum rebellibus procedendum velut cum validis morbis ;*

*Augentur, ni tempestiuè incideris venam.*

Ergò infixus palo Napierscius :

G E M B I C C I O verò actæ gratiæ,

Quòd exhibuisset ea in Insula ; quæ alibi non dedisset cassides :

In Pontificio pedo ;

Quod cum hasta etiam nesciret alterius manus.

Qui ulterius Patriæ suæ amorem testaturus,

Subsidio ejus Hastatorum exhibuit cohortem :

Quòd nosset Præfulum etiam Insulas huic vestigales ;

Et non indecorum sanctiori purpuræ,

Si in Regni periculis militares Ordines confert.

Eiusmodi Ordines in Patriam collati, verè sacri, id est sancti.

Consecratio similis Pontifices omnes decet.

Verùm quantus in Patria Cuius G E M B I C C I V S,

Tantus & in Ecclesia Episcopus.

In Prouinciali Synodo

M A T H I Æ L V B I N I O

Graui annis Athlanti validior Alcides.

Sexagenario maior Apostolorum visitauit limina ;

Certus omnino his se demittere,

Quibus sapius Regiæ etiam lunantur Maiestates.

Habuit reuerentiam virtutis tantæ, INNOCENTIUS X.

Nisi quòd dubium fuerit :

Magnificentiamnè magis Sarmatici Senatoris,

An pietatem probauerit veri Pontificis.

Omni vitâ pauperum penus, miserabilium thesaurus.

Z z

STA-

362 STANISLAŭ Martyrē statuis argenteis & sepulchro veneratus  
Basilico omnino opere & ad mille argenti libras valente.  
Restaurandis sacris ædificijs, Carmelitano Diui MICHAELIS cæui,

Canonicorum Cracouiensium Collegio,

Capellæ G E M B I C C I A N Æ,

Canonizationi CANTII, Confessariorum augmento;

Ecclesiastico thesauro; rectis olim à se Ecclesijs,

Redimēdis captiuis nobilibus, dotandis pauperibus Virginibus,

Aliquot centena millia impendit.

Eucharistico pani adamantinam C R V C E M

Quadraginta nullibus æstimatam.

Cathedrali templo

Peristromata, argenteā supellectilem liberalissimè obtulit.

*Nesciunt quippè contractam manum;*

*Qui dilatata habent spatia charitatis.*

*Obstacula non nouit liberalitas;*

*Benefici Nil amula*

*Etiamsi uolueris compescere; magis exultat.*

*Innata beneficentiæ aliqua quodammodo famula est,*

*Expressa imperia non expectat; nutum adhuc præuertit.*

At quantum est illud!

Pro anima V L A D I S L A I I V

Decem nullia in perpetuum censum dedisse.

Nimirum memor plasmatōis sui Pontifex,

Vel mortuo Principi gratitudinem testari voluit.

*Rarum aliàs in hominibus miraculum, beneficij memoria;*

*Argumentum nihil debentium communiter odio queritur.*

*Habent aliquid cum fluuio ingrati omnes,*

*Qui quàm primum aliquid accipit, statim cum aquis abire patitur.*

Hinc no potuit dissolui in altera quoq; vita VLADISLAI manipulus.

Quem sic GEMBICCII Fascia pio legato strinxit.

Alter hic cæli clauiger,

Enior



Emortuo Principi aureâ clauî aperuit astra: 363  
Ne diutiùs detineretur in piacularibus flâmis VLADISLAVS,  
Tâ pretioso imbre easdem restinguere ausus GEMBICCIUS

Ad cæleste Capitolium euehendo,

Triumphalem instruxit currum,

Vbi tot argenteas circularis metalli rotas adaptauit.

Facile ad Elysios campos euehi potuit vitâ functus Monarcha;

Pro quo sufficiens naulum prouisum Cælesti Portitori.

Arctâ licet obsidione cinctus,

Expugnare citò potuit supernam illam Olynthum,

Cui præstò in suppetias aureus à memori Pontifice asellus:

Absq; argento PETRVS Apostolus olim

Sanâsse claudicantem contentus;

Liberalior in VLADISLAVM PETRVS noster,

Cui aureum porrexit fulcrum;

Ne ad speciosam cæli portam cespitaret.

*Adeo morint beneficiarj omnes,*

*Et ad sepulchralem arenam pullulare posse gratitudinis herbam.*

Mori demùm noluit tam bonus Antistes,

Nisi priùs captiuam in triumpho mortem duceret,

Vbi vivus adhuc monumentum sibi posuit,

Anno Dñi MDCLIV. IV Idus Octobris

Ipso natali die, Ætatis verò suæ LXX.

Vltimas eius tabulas scire desideras;

In pectore inuenies.

Vt viuens enim Catholicæ fidei studiosissimus;

Ita moriturus professionem eius in argenteis tabellis exaratam

Suo pectori appensam in tumbam deponi voluit.

Sanè præstitit CHRISTO, quod erat FELRI,

*Etiam si oportuerit me mori, non Te negabo.*

Fides ex auditu cum sit;  
 Pro pectorali horologio post fata etiam G E M B I C C I O sonuit.  
 Siue aliud pectorale dixeris;  
 Quod in algida nimium mortalitatis hyeme  
 Egregiè lethali gelu congelatum Pontificis pectus calefaceret;  
 Vel quod Fidei fax hæc erat in proprijs asseruata cineribus;  
 Ut duraret diutius.  
 Vel aduersus animi hostē; tot argentei umboes, quot paginae.  
 Denique in illam patriam deuenturus;  
 Ne aliquod haberet impedimentum,  
 Pro longa æternitatis via  
 Liberi passus accepit quodammodo literas:  
 At vt felici ad cælestem gloriam viatori maior haberetur fides,  
 Fidei patentes ex congregatione Fidelum præsentauit.  
 Gloriosius certè ex vita hac proscribi non potuit;  
 Quàm tam triumphali caractere.

## PETRO GEMBICCIO.

O D E LVIII.

NOn semper Aulis, non populo fuit  
 Accepta virtus semper: ab vltima  
 Sæpè illa reprobata plebe,  
 Quæ dominæ placuit Coronæ.  
 Te PETRE solum gloria posthumo  
 Commendat æuo, quod poteras Tua  
 Ambobus his probasse facta,  
 Tam populoq; placere, magnum

Quàm

Quàm præsentem quærere Principum

Felix fauorem. Regni Aquilas geri

Hem! quantus est fomes malignæ

Inuidiæ, miseriq; quantus

Liuoris ignis! Mille tonitrua

Penes ministras fulminis alites

Sentire dum debes, aperto

Si Dominis famularis ore,

Vulgumq; transis: vel popularium

Si quando rerum plus nimio es sequax,

Omnino lædis Imperantem

Sceptra miser, grauidæq; Regum

Te subdis iræ: vel properis honor

Si quando magnas excitat indoles

Inuectus alis, ac cupido

Cum studitis venit ambientis

Suprema voti. Quantus hic est labor!

Dum feruet huius, feruet & illius

Immanis ardor assequendi,

Vt teneas utriusq; læsum

Nequaquam amorem. Splendet hic heu honor!

Sed una & urit: ceram ubi si apprimis

Vnius ad votum, paratam

Alterius patieris iram.

Te PETRE tantum liuor inertibus

Non cribrat alis. Te inuidiæ furor

Ignisq; non absomit ipsum,

Dum populi studia & Thronorum

Felix



*Felix tenebas, dum Tibi lubricæ  
 Horrendus Aulæ non tonuit fragor,  
 Favorq; Maiestatis ille  
 Nec modicâ titubavit horâ.  
 Immane mirum est, prodigialius  
 Et pænè monstrum, si trahitur diu  
 Et viuit Aularum senectus,  
 Cum vel amor domini fauentis  
 Hic sæpè languet; deiscit æmulus  
 Vel de Patronæ culmine gloriæ  
 Plerumq; delator, dolentis  
 Non moriens odij minister.  
 Quàm vero mirum hic viuere longius,  
 Nec posse ladi; tam speciosior  
 Sementis est omnino famæ,  
 Si quis iter vacuum pericli  
 Absoluit istud. De patrio Tibi  
 Vi ut stat ingens gloria stemmate  
 O! magne G E M B I C C I, canoræ  
 Prima tamen Tibi pompa laudis,  
 Prohari & Aulæ, & placido frui  
 Amore vulgi. Cracus eburneis  
 Hinc vectus axibus fauenter  
 Præsuleam Tibi dat Tiaram;  
 Fortuna ad imas hinc Tibi sternitur  
 Submissa plantas, famaq; non pigram  
 Professæ seruam, Te Tuasq;  
 Grandiloquo canit ore dotes.*





MATHIÆ LVBIENII plasmatio

Eo genere enititur, quod *Auunculus excitat Hector.*  
 Romæ diuiniõibus excultus scientijs Professores illos habuit,  
 Quibus Cardinalitiæ postea purpuræ submittere se nõ dubitârunt.  
 Ploçensi Scholasteriâ ornatus ab VRBANO VIII.  
 Dum adhuc Scholasticæ Theologiæ daret operam;  
 In medio studij cursu honoris ingressus Olympia.  
 Grande id ad famam momentum,  
 Iuuentutem adhuc à Supremo in terris ornari Vicario;  
 Cuius suffragium non quæuis habet canities.  
 Firmo & TRZEBICCIANÆ dignitatis fundamento,  
 Quod PETRÆ illi insisteret;  
 Et gentilitij Oloris famâ,

Quod

368 Quod pro veneratione eius Capitolinus quoq; excubaret Anser.

Cum è suo calamo haberet, quod orbi ostenderet,

Alienæ tamen gloriæ plus velitare voluit,

STANISLAI LVBIENII scriptis in lucem editis.

Vindicaturus ab obliuione Antistites Plociæ, LVBIENIVS

Cum pridem factis expresserit, etiam verbo expressit:

Sapienter existimans non amplius habituros lucem,

Nisi illos eruditior prodidisset stylus.

*Non enim magis ab anima viuitur, quam à calamo.*

*Qui perpetuus Orator etiam dum tacet, loquitur.*

*Qui dum Epitomen gestorum concinnat,*

*Reconditos etiam mares ab obliuione vindicat.*

At dubium est,

Prædecessoribus suis plusnè tribuerit LVBIENIVS,

An LVBIENIO TRZEBICIVS:

Vbi priuatam LVBIENII operam publicam reddidit.

*Tam meretur laudem, qui scribit;*

*Quam qui scripta sepelire non sustinet:*

*Præsumq; non scribentis tantum famam loquitur,*

*Sed & prælo committentis.*

Aliquantisper Capitolinis Anseribus conuixit hic Olor:

Donec ad Polonas Aquilas redijt:

Vbi in Primatiali Curia Cæcellarius, signaturæ Regni præludit.

Ad Imperiale Comitium Ratisbonâ Extraordinarius Legatus,

Leopoldum & eligendum suavit, & electum vidit.

Libenter auditus; quia omnis in ipso locuta suada:

Libenter visus; quia ipsa spectata virtus.

Vultu ostendit maiestatem, animo indolem.

A morte VLADISLAI Poloniarum Rex factus

IOANNES CASIMIRVS.

Qui ita suscepit sceptrum, vt clauam non poneret:

Purpu-



Purpuram induens non absquè sago:

369

Et cassidi potiùs Augustum caput parans, quàm Coronæ.

Vnde Maiestatis negotia poscebant viros,

Qui nutantem CASIMIRI Fortunam fulcire nossent.

TRZEBICCIUS è primis Ministris,

Qui turbulentissimo tempore

Regni Procancellarius & Præmysliæ Antistes,

Aducrsis magis Principis sui vsus, quàm prosperis.

At in turbidis quoq; CASIMIRO testatus,

Quòd esset ANDREAS.

Non abscondit virtutem nec allisit, pulchrius existimans;

In castris Fortunæ vitam agere, quàm in delicijs.

Quanquam nec hæc sub dio semper seruauit.

*Non continuò horrendum sonat Fortuna;*

*Remittit aliquando de crudeli classico.*

*Post expedita pericula arripit iter, quod citrà lassitudinem conficias,*

*Et ubi satis errauit, prosperè tandem nauigat.*

Vnde quietioribus CASIMIRI rebus

TRZEBICCIUM etiam Cracouiensis Insulæ excepit felicitas.

Qui honorem tantum adeptus, virtutem illustriùs habuit.

In summo fastigio par omnibus,

Et hòc tantum cæteris maior, quò melior.

A Clero omnis virtutis exactor, timeri meruit, & amari.

Cathedrali Basilicâ non solùm amplissimè ornatâ,

Sed etiam excitatâ ibidem sumptuosissimè turri

Ostendit in pinnaculo templi,

Non ciconijs tantùm esse locum, sed & Oloribus.

In senatu eius sententiæ semper, quæ virum ostenderet.

Vbi neruum in hostem Patriæ exigeret necessitas,

Classica non ore tantùm, sed & ære sonuit.

A a a

Abdi

370 Abdicanti diadema CASIMIRO lachrymis panē obstitit,  
Quibus vbi nihil profecit,

Immoti in suo proposito Principis votis  
Indulſit magis, quàm conſenſit.

Quòd aduerteret cum alijs oculationibus Argis  
*Malè cum è ſinu Patriæ dimitti,*

*Qui omnium ſuffragiis fuiſſet ſemel aſſumptus ad Purpuram,  
Magna Regnorum felicitas eſt, bonum Principem reperiffe.  
ſeculorum ſunt opera, quicunq; verè & bene regunt.*

Quem tamen retinere non potuit viuum;

Retinuit mortuum TRZEBICCIUS;

Cum Regios CASIMIRI cineres è Gallia in Poloniam  
Proprio ſumptu deduci curauit.

Teſtimonium relicturus Orbi,

Poloniorū in Reges ſuos amorem non ſolā contineri Poloniā.

Ampliores hic aqua nos habet limites;

Nam vitæ tantum ſubduci poſſunt Dynaſtæ Sarmatici,

Non Ciuium amplexibus;

Terræ ſubtrahi, non ſubditorum gratitudinē.

Vt cunq; naturæ concedant;

In memoriam tamen pectoribus æternant ſemper.

Sub MICHAELE I

Diuiſis Regni Comitib; maximus concordia author.

Ne vileſceret Corona, curauit vnionem.

Non ſatis felicem ratus Patriam abſquē hāc gemmā.

IOANNEM III in Regem nominauit,

Et hoc erat ingentis fortunæ ſuo cum ore protuliſſe,

Quem coronandum omnes Cæli tonitruere.

Suauius non potuit ceciniffe hic olor,

Quā dum ſic cecinit.

Nihil

Nihil dixit, nisi Gratias, dum IOANNEM.

371

Cataphracto vexillo Patriæ militiam auxit.

Nouit nempe cygnus

Non Apollinem tantum sed & Martem vehere.

Alibi cantator funeris ipse sui, hic etiam hostium.

In Dicecesi denique sua non Cyclops sed Argus,

Si quid deesse vidit, prouidit.

Vir maximis Episcopis par,

Et in quo prisci illius sæculi Pontificum

Quædam Maiestas resurrexit & dignitas.

Mortuus tandem anno Domini MDCLXXX

Ætatis suæ LXXII.

Et ad SS. PETRVM & PAVLVM

In Cracouiensi Societatis IESV Basilica sepultus.

Seu fraternus erat in PETRVM amor, quia illuc festinauit :

Seu quòd vel post fata adhuc à IESV,

Cui Societas illa militat, hic ANDREAS dici sibi crederet

*Veni, sequere me.*

## ANDREÆ TRZEBICCIO.

### O D E LIX.

**C**Antator olim Cygnus erat sui

Hucusq; busti & funeris ; at modò

Et me parentalis requirit

Obsequij noua cura, pulchra

Quod reddo vel nunc pensa TREBICCII

Honori, & aliæ sat memor indolis

Aaa 2

Vel



Vel posthumas decanto laudes  
 Ad Lechicas celebrator oras.  
 Frustra studemus quærere nobilem  
 Virtute famam, si nisi quàm diù  
 Hæc vita durat, fama nostris  
 Velificat speciosa factis;  
 Nec fas, ut ultra possit ad ultimos  
 Ferri nepotes: Sat modicus nimis  
 Est terminus limesq; vite,  
 Quem breuibus peragramus annis;  
 Plures requirit gloria limites  
 Et fama plures, si cui debitas  
 Panegyres textit, sub ipsos  
 Gesta vibrans manifesta calos.  
 Nec est quòd ingens se comuem ferat  
 Fortuna nobis; quòd manibus mitræ  
 Vel sceptrâ se demum superba  
 Insinuent, opulensq; nostros  
 Quòd vel lacerios purpura cœstiat,  
 Vel multa fundat se famulanium  
 Caterua seruorum, supellex  
 Diuite quòd comitetur ostro:  
 Quòd mensa pleno quotidie affluat  
 Offusa Baccho: luxus in aureis  
 Quòd regnet insolens patenis;  
 Si egregium paritura nomen  
 Non est superstes fama; nec amplior  
 Fortuna prodest. Hic stimulus graues

*Persuadet omnino labores;*

373

*Sanguineo quoq; quod frequenter  
Sudore manat frons, ut in unicum  
Venire laudem possit; & in suo*

*Æstu fatigata uniuersi*

*Notitiam mereatur orbis*

*Acerba vel post funera. Nec piget  
Spreuisse vitam, si memor hanc dein*

*Laus pensat, & fasti sequentes*

*Continuos recitant ad annos.*

*Nec Te IREBICCI pro Patria Tua*

*Et CASIMIRI Principis integra*

*Sudasse pœnitet Corona;*

*Ac Aquilas tenuisse Regni*

*Tunc, nostra cum Mars iret atrocior*

*In Regna & urbes. undiq; defluens*

*Cum tristis armorum procella*

*Pæne ibonum pepulisset, ac trux*

*Instaret hostis. Nam Patriæ dabas*

*Nam quidquid Aulæ consilij, memor*

*Æternitas id totum, & ipsa*

*Fata suo inseruere libro.*



IOAN.



Operi impositum finem credebam ; principium est.  
 IOANNES MALACHOVIVS  
 Grandis rerum syllabus.

In cuius laudem quidquid dicitur, parum dicitur,  
 Quò magis argumento rerum augetur stylus,  
 Eò magis rerum obruitur pondere.  
 Vnus collecta tenet, quæ diuisa beatos fecissent multos ;  
 Virtutibus suis & felicitate id meritis ,  
 Vt quo natus est & viuit ; eodem celebretur æuo.  
 Siue prudentiam examines , siue facundiam ,  
 Formatus in sæculi ornamentum.

Sanguine Illustrissimus,  
 Nisi quia præpostera hæc laus, iactare sanguinem ,  
 Quando maior è virtutibus splendor.



*Al natalem gloriam pertinet,  
 Ut non solus ex prima nobilitate, sed etiam Vir sis.*  
**Penes Principes prima politioris vitæ principia habuit.**

*Pulchrum enim,  
 Si in Principum aulis, tanquam in vera & liberali schola  
 Tyrocinium ponitur publica lucis.  
 Ibi noscuntur noctuæ;  
 Vel quos in Aquilas generosior educavit indoles.*

**IOANNIS CA:IMIRI Manipulo Fasciarum suam adhibuit.**  
 Nec tantum culmos nexuit, quam dominantis cor.  
 Gedanensium, Elbingensium, Mariæburgensium  
 Homagij recipiendis Commissarius,  
 Ad Principes externos Legatus  
 Statim, quis esset Regio iudicio, patuit.  
 Plerumq; peruersam rationem fortuna instituit,  
**Ut in multorum opinionibus prope sit ad egregij animi iudiciū.**  
 Arceri à Regijs, aut in illis iacere.

*At miserè nimis sentit,  
 Qui grandes animas hic non suadet cognosci.*

*Illustrare libenter non est, quam in Principum negotijs.  
 Serenissimis nominibus probari;  
 Non umbratilis animi est argumentum.  
 Nec Hercules absq; Nemea, nec Cuius bonus absq; rerum usu.  
 Qui melius non discitur, quam in Maiestatum obsequijs.*

**Mogilnicensi Peditum & Referendariatu Regni ornatus;**  
 In tantis honoribus plurius amorem sui, quam cultum fecit.  
 Dignus utroque, quia neminem despexit.  
 Ab aula tumultibus sanctæ secessionis studiosior,  
 Allaboravit omnino,

**Nè plus iuris ac spatij humanis curis daret, quam æternis.**  
*Nec nempè vera virtus in negotiorum etiam arduis  
 Invenire tempus pietatis:  
 Solitudinibus sæculi nihil amplius concedere.*

*Nisi quod prima statim recollectio recipere possit.*

Quantum venerationi cælitum tribuerit,

**BIELSCII** erecta sumptuosè basilica testatur.

*Adeo in Superos etiam extendi didicit munificentia,*

*Quæ hominibus non contraxit manum :*

*Gentilitia quoq; Fascia conuolui non sustinet,*

*Quam innata liberalitas explicatam semper habet.*

**CASIMIRI, LVDOVICÆ MICHAELIS**

Coronatorum Capitum testamenti executor,

Testatum reliquit, qui de eo Principum sensus,

Vbi supremum etiam, trium Maiestatum, **VELLE**

A dispensatrice ipsius pendere voluit manu.

Non cuiusuis aliàs aquilæ est, eiusmodi probari solibus.

Priuata nimis numina, Maiestates, non omnibus se pandunt,

Vel in ipso occasu sui adhuc iuris esse desiderant.

*Adeoq; vltimas post vitæ naufragiū tabulas*

**MAŁACHOVIO** credidere Regij manes,

*Vt illas cælesti inueheret Eridano.*

Certi iam posito Poloniæ diademate æternæ se candidatos coronæ,

Si Agnum sequerentur, quem indicaret **IOANNES :**

Nec à superno excludendos choro,

Si iubilum æmulerentur, quod vox clamantis intonuiſſet.

Nulli certè iustius aureum Regij pectoris vellus tradi debuit,

Quàm illi, cui velleris portitor Agnus præstò semper.

Si lucem ex sui sequacibus metimur tenebris,

Sanè **MAŁACHOVIVS** par Serenissimis,

Quem Regales vltro ambiunt **VMBRÆ.**

Sceptra interim obtinuit **IOANNES**, quo nemo maior.

In Polonia Tertius, in Orbe Christiano Primus.

Et qui è Ciue, Patriæ Pater, Famæ Classicum dedit

Non voce clamantis, sed Martialibus tubis.

Optabat Polonia coronatum spectare,

Quem ad Coronas elegit,

Sed purpuram is omnem excusans,

377

Mereri maluit, quàm coronari.

Dilato ad biennium diademate assumpsit galeam,

Clauum Regni postponens Ducali Clauæ.

Secutus est Augustum Martem MALACHOVIVS,

Monstraturus Principi,

Quod non ad Regiam tantum, sed ad campum sciret sequi.

Vbique expeditionum indiuiduus Comes,

Lenes credidit tanto sub Rege labores.

IOANNIS nimirum est mollibus non præcingi.

Eò deinde deuentum, quererentur vt omnes

Electo ad Purpuram Principi paludamentum serò dari.

Indicta Cracouiam comitia coronando Capiti,

Sed & MALACHOVIO simul Pontificijs Infulis ornando,

Qui iisdem Comitijs, quibus inauguratus Rex,

Ad Culmensem Nominatus Mitram.

Verecundante quodammodo Principe Sceptra capere,

Nisi simul & emeritus Ciuis Pontificium pedum.

Magnum id fastigium, nisi MALACHOVIO esset primò gradus.

Nam cōuenientibus postea Grodnā saluti Patræ Polonis & Lithuanis,

Sigillarem Regni gemmam accepit.

Mel alias syluestre olim IOANNI in obsonium datum,

IOANNI MALACHOVIO signatoriae ceræ in virtutis præmium,

Nouo, sed fortunatiori Pericli,

Quia non in imo Oceani fundo, sed Iordanis sui fluento

Regni annulum expiscatus.

Enimuerò æmula est Diuini Verbi Sarmatica facundia,

Vt illud, ita & hæc fascijs constringi gestijt.

Tenerius certè locuta nunquam,

Quàm cum his se inuolui passa lænjs.

Gratulata sibi suada, quod hoc ore percraturam se sciret,

Serenissimusq; IOANNES gauisus,

Quod IOANNES ipsemet per IOANNEM etiam dicere posset:

Bbb

Gratia

Sed



Gratia nempe per Gratiā.

Et hoc erat bonitatis in Regum maximo;

Quòd cum alibi hostium sit fulmen;

Ciuiibus suis Gratia voluerit esse: nec loqui, nisi per Gratiā.

Documento alijs Principibus,

Quòd *Maieſtas niſi Gratiarum nutriatur lacte, Maieſtas non eſt.*

*Thronus eſſe deſinit, qui fauores non diſpenſat.*

*Beneficiorum parſimoniā deturpantur Sceptra.*

At ampliùs aliquid in MALACHOVII fauorem molita Fortuna.

Ad Cracouiēſes Infulas

Ius à meritis, ſuffragium accepit à Principe.

*Felicitas hæc Regnorum,*

*Vbi benefactis non ex conſcientia tantum merces,*

*ſed etiam parata ſunt præmia.*

*Et vbi teſtudinibus non vehitur Fo. tuna, quando virtus talaria adhibet.*

In tanta Cathedra vt ſe IOANNEM oftenderet verè miſſum à DEO,

Miſſionarios vt antea Culmæ, ita iterum fundauit Cracouiā,

A notabili inſtituti Cleri fructu

Sanctiores potiùs Miſſionarios, quàm Miſſionarios.

Et certè in beatoris vitæ ſtadio

Bene progredi poſſunt ſpirituales Stadiodromi.

Vbi MALACHOVIANA ſuccincti Fascia expeditionis ad curſum rediunt.

Tenētibz lucernas ardētes ad illuminationē ingenij cinctorū defuit,

Ac proinde illud ex tam nobili vitta prouiſum.

Verè Fundatorem piæ huius Congregationis PETRVM,

Qui in Miſſionibus irrequietis ambulabat, vbi volebat,

Alius præcinxit, nempe MALACHOVIVS.

Nec ſatis eſt per hos de Superis meruiſſe,

Cracouiēſi quoque Vauelo Lilia prouiſa:

Religioſa magni illius Saleſij ſoboles

Viſitanti MARIE militans.

MARIE nimirum eſt,

Aut MARIE ſeruientium ad IOANNEM inuiſere.

Et hoc baſilicum omninò virtutis opus

Colo.

Coloniã ijs erigere, quas DEV S elegit.

379

Ne vnica Vanda gloriaretur Cracus,

Plures easq; castiores prouidere Viragines.

Adeoq; non cælestem tantum, sed & IOANNIS Agnum

Sequuntur Virgines, quocunq; ierit.

Baptista olim IOANNES visitaturum nos Orientẽ ex alto prædixit,

IOANNES MAŁACHOVIVS visitantem induxit Auroram.

Quæ aliàs abiit in montana cum festinatione,

Penes Cracouiensem stetit Vauelum.

Et ne sola fulminum administra ales

In gentilitijs Cracouiæ daretur turribus,

Mitiores quoque introductæ columbæ.

Pulchrè omninò religiosis Sanctimonialium velis

Circularis Fasciæ quadrat peripheria :

Quæ deuotas Numini famulas nunquam non tenebit,

Tanquam perpetuum Pontifici affectus vinculum.

Tám sanctæ liberalitati intentum MAŁACHOVIVM

Patria etiam requisijt.

*Veſtigij huius est, quisquis verus Ciuis.*

Exarserat fatale gentibus Sydus, Othomanica Luna,

Paratum Viennæ incendium, sed quod & Polonia non effugeret,

*Bedum quippe Bissurmanicum flammæ instar est :*

*Quæ vno excitata in loco ;*

*Mox alia & vicinas saepe domos corripit.*

Expedit erat atterere cristas erecto nimium in cornua Planetæ :

Sed plenu timore M. hometi nomen Christianã morabatur fortitudinẽ

Iuit tamen IOANNES III. & cum hoc Polonæ Aquilæ :

Spartana. V.rrus aduersus barbarum Xerxem.

IOANNES MAŁACHOVIVS

Præter peſtſres copias Cracouiensi præsidio,

Hastatorum nobilissimam cohortem exercitui submisit,

Ductore STANISLAO MAŁACHOWSKI Opocnensi Præfecto.

Egit ibi STANISLAVS omnia, vt tanti Patruſ Nepos,

Non ignarus, quod natalium vulgator est campus  
Quod illustrem originem nemo magis probat,

Quam qui non tam Maiorum cineres, ut Martialem monstrat puluerem.  
In gentili verò illius Fascia fatalem nodum reperit

Othomanica Luna:

Nunquā MAŁACHOVIANIS splendoribus ē diametro opposita  
Quin statim inglorium lucis suæ pateretur deliquium.

Frigidam sanè in hac zonam experta sunt Thracum pectora,  
Postquam uel in medio æstuantis Gradiui feruore,

Panico gelu rigebant.

Nec magnanimis ausibus defuit vquam Fortuna:

Vt cunq; hæc angustis alibi se coarctet limitibus;

Hic nec metas rerum, nec tempora posuit,

Quia in natiuo circulo nec principium habet, nec finem.

Pugnante verò ad Viennam Christiano Marte

Calum etiam precibus expugnabat Cracouia.

Vigilantissimi Pastoris ductu,

Qui solennibus supplicationibus indicis monstrare voluit,

Quantum ad bella momentum, pietas:

Et abiit in templum Regia, in solitudinem Aula:

CASIMIRA MARIA fundente lachrymas,

Vt Augustus Maritus hostes funderet.

Solicitatus DEVS pecunia, vt in victoriam concederet.

Serenissimæ Principi flexa genua,

Ut Othomanicus etiam lunaretur Planeta:

Gauisus verò MAŁACHOVII Zelus,

Quod vt tantum deuotioni classicum dedit,

Statim Regnatric Camilla stetit in campo pietatis.

Certus meriturum stipendia reliquum populum,

Postquam tanta Herois dedisset nomen prior:

Secutura reliqua Castra, vbi augusta Tomyris præcessisset.

Hucusque tamen de Te, nihil ad Te,

PRINCEPS CELSISSIME.

Alloqui verècundiam tuam timueram,

Nè adulationem diceres, quæ veritatis est confessio.

Quamquam procul id ab ingenuo calamo, bene gnaro,

Quod adulatio Sæpè peior,



*Summis & nobilissimis hominibus dum abblandiri intendit,*

381

*Plerumq; illudit.*

*Despicitur omnis scriptio, si commendationem  
Non tam à veritate, quam ab assentatione expectat.*

*Nihil ego amplius in laudem Tui;*

*Cuius fauores potius scriber calamus, quam panegyres.*

*Vbiq; tu scholis pijs IOANNES es, id est gratia.*

*Effecisti vt Cracouiæ sciremur esse:*

*Vbi capella nouissimè de tuo consensu aperta*

*Tui in Nas aff. Aus templum testatur.*

*Et campana publice sonare permissa, benivolentiam aeternum tonat.*

*Non rependemus aliter tantum beneficium;*

*Nisi quia libenter debebimus.*

*Et annalibus id nostris inscribentis,*

*Quod per quem vere Cracouiā venimus,*

*MAŁACHOVIVS fuit, cui nomen IOANNES.*

*Ita tamen beneficentiam hinc testatus es,*

*Vt eam vltiorum fauorum gradum velles, non terminum.*

*Adhuc tu vltius pandes beneficium sinum:*

*Admites in Fasciæ peripheriam, nec illam contrahes,*

*Donec rotum impleat orbem.*

*Semper enim noster es,*

*Cum fortuna amorem vt crescere haecenus fecisti, ita & facies,*

*Quo fastigijs maior, eo in nos inclinatio.*

*Relinques nobis hanc beatitudinem, quia tui erimus.*

*Augebis Cracouiæ, fouebis Radomiæ,*

*Palmarium id destinantibus Tibi fatis, quod alijs negatum est.*

*Tenebis in pectoris domicilio Pauperes Matris DEI,*

*Quia IOANNES es*

*Nos vero Illustrissimo Tuo obligati Nemini*

*Testabimur calamis, quantum de gratitudine nostra es meritis.*

*Consecrabimus ingenia, cui affectus iam mancipauimus:*

*Erimus Plinij benefico nostro Traiano.*

*Quod si & hæc exsolutio non sufficiet,*

*Permites ista facim, quia, quod omnem vincit gratiam*

*Aeternum & coram DEO, & coram hominibus*

**BENEFICIUM ÆSTIMABIMVS.**

**IOANNI**

## IOANNI MALACHOVIO.

## O D E LX.

*SI* quid probato pollice compiùs  
 Attacta nosti dicere barbitos,  
 Híc prome, MALACHOVIANÆ  
 Servit tibi mea Musa scenæ.  
 Egonè tantæ non memor indolis  
 Tacebo Vates? spectat ad integros  
 Quæ scire cælorum Triones,  
 Quæ innumeris manifesta mundis.  
 (Plures, nec unus si dabiles forent)  
 Reddi deceret. Non humili venis  
 Magne o! MALACHOVI coturno;  
 Fama Tibi comes ex auitis  
 Immensa ceris; non ab inanibus  
 Et pulchra factis gloria nobilem  
 Hinc inde reddentes fragorem  
 Perpetuis famulantur horis.  
 At verò mecum nescio quid novi  
 Molitur ales Pegasus, ut supra  
 Obliquos volaturum coluros,  
 Et gelidas Aquilonis oltra  
 Me ducat oras: ut Zephyros super,  
 Super minacis fulmina Penci  
 Nimbosq; inaccessosq; tractus  
 Et gravidæ simulacra nubis  
 Impunè magnis passibus euebat:  
 Nec inquieti murmura Nerei  
 Austrumq; bellacemq; Caorum  
 Æolias timeat phalanges.

Ibo, citatus quo uehit aliger  
 Caballus alis: ad inga Caucaſi,  
 Ad canum Alantem; vel coruſcis  
 Quâ reſonat Iouis Aula nimbiſ.  
 Tu MALACHOVI mecum in eburneo  
 Vehere curru. Scit vel in hoſpitis  
 Patere teſtis, quem beatum  
 In gremium generoſa virtus  
 Admiſit vltro: ſcit Latias uehi  
 Uſq; uſq; in Alpes, ſama volucribus  
 Addicta quem portat quadriga;  
 Nec tacitas hiat inter umbras,  
 Qui magna factis nomina promouet.  
 Et Tu remotis Æthiopum plagis,  
 Vel ſi quid vltra eſt, MALACHOVI  
 Ex proprijs recinere factus.  
 Dicetq; virtus ipſa, quid omnibus  
 Egisti in annis: quæ placidos fuit  
 Fortuna tot Regum fauores  
 Fermo vbiuſ tenuiſſe nexu:  
 Dum CASIMIRO, dum KORIBVTIDI  
 Lunæ probari, dum quoq; Tertio  
 Quo maior eſt nemo, IOANNI, ob  
 Eximias placuiſſe dotes  
 Par pæne magno prodigio. Integro  
 Nil quippe mundo rariuſ, aulicæ  
 Senecta quàm vitæ. timendis  
 Oceanus patet hic procellis.  
 Hinc quod Tiaram Culma, Cracus Pedum  
 Gemmamq; Regnum quod Lechicum dedit



*Tibi sigillarem, probata*

*Clara satis documenta sunt hæc  
Virtutis in te. Scimus enim, throni  
Et sceptræ Regum quomodo, quomodo  
Scrutantur Aulæ, scimus, isti  
Ut penitus penetrare totum  
Novère soles. ut sua quemlibet  
Regum favori promouet indoles;  
Augusta sic dignos adornat,  
Immeritos reicit Corona.*

*Quàm verò pulchrum Sarmatico throno  
Rignuq; nostris sic MALACHOVIAM  
Ornasse Fasciam, trecentis*

*Quæ obsequijs eouq; mundum  
Stringit Polonum. Mars Othomanicus  
Horrenda nobis prælia barbaro  
Indixit ausu: Christianæ  
Intererat pariter saluti*

*A se ferocem pellere belluam,  
Nec ferre Thræcis fulmina, quæ furor,  
Ingensq; Regnorum libido,  
Quæ ferrox pariebat ira.*

*Iuit IOANNES Tertius, & cum eo  
Is MALACHOVI, subsidiariam  
Submittis huic postquam cohortem,  
Threijciq; probavit hosti,*

*Quid noster Ajax cum Clyreo suo,  
Polona puer quid sciat; & Tuæ  
Quid ferre quid non ferre possent,  
Haud modicè patuit, phalanges,*

Hinc Austriam quod barbarus bellus  
 Non hausit urbem, toti Alemaniae  
 Nobisq; vicinisq; regnis,  
 Quod populis populator ingens  
 Cristas remisit, quod capitis minor  
 Remansit Haemus, quodq; Othomania  
 Edocta tandem est posse vinci,  
 Ad Lechicas trepidatq; vires;  
 Vt prima nostri gloria Principis,  
 Secunda sic laus est Procerum, & Tua,  
 Quem Episcopalis Ordo quamuis  
 Et sacer eximeret character  
 A mole belli; non Patriae tamen  
 Extincta cura est, non reuerentia  
 Magni IOANNIS, militares  
 Vt proprio statuisse sumptu  
 Neruoq; nolles promere copias.  
 Sic quidquid actum est militibus, Tuo  
 E Fratre sic quidquid Nepoti;  
 Tu merita quoq; pars corona,  
 I MALACHOVI magne, vel exteris  
 Noscendus Afris. Si quid ego, mea  
 Si penna quid potest; Homero  
 Tu mihi eris celebrandus ingens  
 Abhinc Achilles; Alter Honorius  
 Tu Claudiano. Si quid ego, mea  
 Vel Musa si quid; uniuersi  
 Te chronico insinuabo mundi,



PATRIARCHÆ SVO  
& PRIMO PATRI  
*Venerabili D E I Seruo*  
JOSEPHO CALASANTIO  
SCHOLARVM PIARVM  
FVNDA TORI

Pro sexta Antistitum Craconiensium Decade  
EVCHARISTICVM.

**T**Anti Patris enim vix ero Filius,  
Ni promptam referat dextera paginam,  
Solennesq; rependat  
Supplex se pia gratias.

Pauper miles ego; Dux CALASANTIVS;  
Quidquid de meritis extat adoreis,  
Omnem Dux cape palmam,  
Actum est auspicijs Tuis.

Tu Nauarchus eras, si vada transij,  
Si Scyllam rapidam, si Acroceraunia;  
Nauarchi decus omne est  
Et non remigis infimi.

Concinnavi operam, filaq; texui  
Ast is Tu Phrygio, qui gereres manum:  
Non ergo mihi quidquam,  
Sed totum CALASANTIO.

Sic post quidquid agam, non mihi sed Tibi  
Cedet magne Pater. Tu calami, meæ  
Tu director opellæ,  
Tu scripti dominus mei.



*PRILLVSTR. & REVERENDISSIMIS DD.* 387  
**PRÆLATIS ac CANONICIS**

Ecclesiæ Cathedralis Cracouiensis

**PANEGYRIS LYRICA.**

**E**Rgo Insulatos dum cano vertices,  
Craciq; dignas non sinè debito  
Cultu recenseo tiaras,  
Pierix perhibere Musæ  
Et me tributum non piget: inclyti  
Censumq; vobis pendere nominis  
O magna PRÆLATI, & decora  
Craciaco super orbe fulera.  
Credetis? io! credite, Lechicum  
Ascendi Vauelum, cū Nomius suos  
Submittit & Cynthos Apollo,  
Non aliumq; petit Latina  
Camæna Parnassum. Hic ego grandibus  
Inscribo saxi nomina; posthumus  
Quæ voluat orbis, quæ diserta  
Grandiloquo canat ore Fama.  
**DECANE CIENSKI** primus vt ordine  
Sic prima duces signa. **TREBICCHII**  
Vtuncq; Te sanguis propinquus,  
Ac ab Anis Abauisq; ducta  
Propago monstret non tenuem Virum;  
Vix æstimabas hanc genesim tamen,  
Ni propria virtute magnas  
Adjiceres cumulare ceras.  
Is iam per amplæ compita gloriæ,  
Feresq; magnis nomen honoribus  
**FRANCISCE PRAZMOVI** paternæ  
Hos soleæ Tibi, nostra signant  
Hos vota passus: hoc iter arripi  
Astrea mandat, quam diu in integro  
Mundo vagabundam ad Polonas  
Das toties remeare terras.

Nec tu PEGOVI non caput euehes  
 In celsiorum culmina fascium;  
 Quos facta, natalisq; splendor,  
 Quos probitas tua pollicetur.  
 Te verò quonam nomine prædicem  
 O! magne OBORSCI, cū propriam dabat  
 Mitram Leopolis, Crucemq;,  
 Nā potius generosus omnes  
 Spreuisse malles, quā capere arrogans  
 Honoris arces. Tu Lechicis novum  
 Virtutis es tertis theatrum,  
 Scena probæ noua tuq; vitæ.  
 At Gryphe vectus per medios vola  
 Cælos BYKOVI non amat infimos  
 Gryphs iste colles, eminentes  
 Sed properis subit vltro montes;  
 Natiua virtus quò trahit, indoles  
 Quò ducit alti conscia sanguinis,  
 Exempla quò vocant Auerum,  
 Quò eximii præcunt Parentes.  
 Nec ROZRAZEVI promeritos Tibi  
 Negat triumphos Fama, domestici  
 Cudere quos pridem labores,  
 Quos patriæ peperere ceræ,  
 Tuq; OSSOLINI non vacuas habes  
 Magni secures stemmatis. At Tibi  
 Pulchras Scientiæ coronas,  
 Et meritam parat ipse laurum  
 VAXMANE Phœbus: qui proprio in sinu  
 Te fouit olim: Nunc lituis sonat  
 Tubisq; Plausus, & Polono  
 Grandæ vehens super orbe nomen  
 Vbiq; monstrat. BRVDZINIO polus  
 Laudat decoræ regna modestiæ  
 Mentisq; candorem. IOANNEM  
 MARKIEVIVM negat cruditiæ  
 Quicunq; pullum Palladis, inuider  
 Omnino palmam; Roma Virum probum

Agnovit, & non passa doctam

Vlterius perimi senectam.

389

MAGNVSCIUM tam Cracus aménior,

Quàm Gnesna nouit, cū sapientia

Rerumq; prudens vsus, arctè

In socium coiere nexum.

Et SZCZVKA dignum nomen, in æthera

Vel si quid ultra est, Fama quod impigris

Vocalis euehat quadrigis,

Et resono canat ære curam

Zelumq; Cleri; vel pietas quia

Hic pulchra mansit, vel quia Comitatus

Candorq; Puritasq; mentis

Hic placidam posuere sedem.

Palmare signum nec ZEBRIDOVII

Fortuna remittit, postquam ibi militat

Formosa virtus, & ligantur

Innumera sine fine dores.

Regni Tribunal PIENCOVIVM bene

Te nouit ANDREAM, & Themis integra

Seruata quod Tibi virago,

Fama tua est. NICOLAE FIERLEF

Dignam Leonum te sobolem probas,

Illisq; dignam, quæis aquilas suas

Commisit olim Gnesna, summi

Quæis toties patuere fascès

STARCZEWI in ipso pondere grandium

Stas actionum. PETRVS in amulos

Illustris it IORDAN decores,

Nec vacuo fluit amne laudum.

Nec Fratre Frater tumidor altero

STANSLAE CIENSCI: Te quoq; Lilia

Gnesnensis exornant Cathedræ,

Vlteriorq; parat decoros

Fortuna fascès. LVBIENIVM sacra

(Non vana scribo, credite Sarmatæ)

Et rostra norunt, & disertam

Orbis amat celebratq; suadant

Nec



Nec IANVSEVI te fugit Insula

Vrbisq; notus circulus, impigræ

Nam sæpe conflunt fiaræ,

Dum meritam reperere mentem.

Fert alta pennis Fama ZŁOWODZCIVM

Profert & orbi, Grandem, eques elenat

Manum paternus CZARTORYSCI

Et Lehico super orbe, quis sis,

Clamat: Ducalis sanguis vt inclytos

Ornavit ortus. Irruit in tuum

Auita STANISLAE SZEMBEK

Nobilitas pietasq; pectus.

Et hoc theatrum est nobile; sanguine

Auisq; magnum viuere, viuere

Virtute maiorem: Paternos

Magnificant decora ista fasces.

In MARTIALI nomine Martio

Pallas triumphat docta ZALESCII:

Et Tu ZABOKLICCI TOBIA

Pro socio RAPHAELE pulchros

Mores, amicos in comites habes.

Vt & KOMECCI non vacuum geris

Nomen IOANNIS, Gratiarum

Quod solidam patet esse scenam.

Tu KVRDVANOVI grandem operum Tibi

Desculpe molem: sic iubet indoles

Augusta RVSZKOVI virentes

Necte tibi CASIMIRE lauros

Et necte palmas, porrigit obuiam

Fortuna dextram: fidus honor suos

Spondet fauores, & mirati

Aduenient aliquando fasces.

At TARANOVI non WIEŁOPOLSCIO

Tantum, sed Orbi digne per omnia

Placere, laudari, probari,

Ista mea cape pensa Musæ:


Te quod superstes Mater adhuc suum

Latona Phæbum, Te Tethys alceia

Quod spectat exultans Achillem,  
 Nec dubiis sua vota pascit  
 Iam spebus, at re. BALTASAROVII  
 Illustre nomen pridem Academicus  
 Testatur orbis, vita præsens  
 A tacitis prociis arcet umbris.  
 Quis verò grandem PETRI Aquilam videt  
 Sequiue tentat? Non humili o PETRE  
 Incedis ORLOVI cothurno.  
 Ipsa aquilæ celerante cursu  
 Sublimè portant, & MAŁACHOVIVS  
 Sat testis ingens, magnificæ sum  
 Virtuti vbi præstat fauorem,  
 Nec vacuos patitur labores.  
 I WIELOPOLSCI, quò patrius vocat  
 Caballus, & quò magnus agit Pater,  
 Quò KOMOROVII decores,  
 Quonè tuus iubet ire sanguis.  
 Tuo ZAŁVSCI Lechica nunc Themis  
 Vt gaudet Agno, sic validum timet  
 Respectus arictem: inuenta  
 Leuicili bene nota nobis,  
 Et ista mentis pulchra capacitas  
 Nunc aula scrutans perspicit indolem,  
 Placere quâ possis vel orbi,  
 Dum Lechicis LVDOVICE sceptris,  
 Tu verò FVRMANCOVI in eburneis  
 Vehende Famæ curribus inclytum  
 Attolle verticem, erudita  
 Mens viridem tibi dat coronam.  
 Ego ista Vates de medio loquor  
 Spectans Vauelo, cum subito induunt  
 Fata ipsa præscias Sybillas,  
 Hæcque canunt meliore vobis  
 Addicta voto. o! maxima Craciæ  
 Decora Sedis, non sterilis vocat  
 Vos Fama PRÆLATI. Licebit  
 Emeritis subiisse cælum

Hono.

Honoris olim. Præsuleæ Mitæ,  
 Episcopales vos trabeæ manent,  
 Vos & sigillarem potestis  
 Regni aliquando tenere gemmam.  
 Sic vestra virtus, sic probitas iubet,  
 Sic ipsa magni gloria sanguinis,  
 Sic pompa natalis, suoq;  
 Sic superi infernere libro.  
 Hucusq; dicunt Fata: ego prævidis  
 Applaudo Fatis. Moxq; remugit  
 Sublimis æther, io! prata,  
 Ac teneri cecinere flores,  
 Et io! rupes. io! vel arbores  
 Dixere grandes. ad numeros io!  
 Sylva iugosa, io! io! lati  
 Ad numeros saliere montes.



*Errata sic corrige*

Pag. 65 lin. 9 nuba leg. *nuba* bal pag. lin. 10 non leg. *non* p. 71 l. 2 vota leg.  
 tota p. 77 l. 18 & leg. *exp* p. 78 lin. 8 vo uis leg. *uoluit* p. 79 l. 13 nam leg. *tum* p.  
 91 l. 8 subducere leg. *subduxere* p. 94 lin. 17 fremum leg. *frenum* p. 104 lin. 20 vide  
 leg. *vide* p. 108 lin. 27 pennu leg. *pennu* p. 109 lin. 10 statuo leg. *statim* p. 101 lin.  
 12 pares leg. *pares* p. 112 l. 7 Premyslaus leg. *Premyslaus* p. eadem lin. 27 Me-  
 gara leg. *Medea* p. 113 lin. 1 Medea leg. *Megara* p. 116 l. 22 populo leg. *pupulo* p.  
 133 l. 18 Bialacouius propter verbum leg. *Bialacouius* p. 134 l. 18 agis leg. *au* p. 137  
 l. 14 relinquentis leg. *delinquentis* p. 142 l. 21 corpus leg. *febris* p. 146 lin. 10 no-  
 bis leg. *nous* p. ead. lin. 25 votis leg. *rotis* p. 147 lin. 8 sapientiæ leg. *patientiæ* p.  
 149 l. 9 primus leg. *primas* p. 150 l. 14 suscipit leg. *suspicit* p. ead. lin. 19 per leg.  
 p. 152 l. 28 Dominis leg. *Domina* p. 156 lin. 8 nactus leg. *nactus* p. 166 l. 1 me-  
 tum leg. *metam* p. 253 l. 24 Tyias leg. *Tyrias* p. 265 l. 25 beatitudinis leg. *beati-  
 tudinis* p. 325 l. 23 suscepta lege *suspecta* p. 329 lin. molestia leg. *molestia*.







leg:  
p.  
vide  
lin:  
Me-  
o p.  
137  
no-  
æ p.  
leg.  
me-  
eati-











